

隋書

唐 魏 徴 等撰

中 華 書 局

卷二二至卷三一(志)册

隋書卷二十二

志第十七

五行上

之鳥 况於 時有 氣應 可得 災 則辭眚呈形,于何 一样驗行事,則仲尼所以垂法也。天道以星象示廢興,則甘、石所以先知也。是以祥符之兆 日月星辰乎。況於水火金木土乎。若梁武之降號伽藍,齊文宣之盤遊市里,陳則蔣山 伏生、董仲舒、京房、劉向之倫,能言災異,顧盼六經,有足觀者。 易以八卦定吉凶,則庖犧所以稱聖也。 ·呼曰「奈何」,周則陽武之魚乘空而鬭,隋則鵲巢黼帳,火炎門闕,豈唯天道,亦曰人妖, 而言,妖訛之占所以徵驗。夫神則陰陽不測,天則欲人遷善。 ,休徴生。 君道違則乖氣應,咎徵發。」夫天有七曜,地有五行。 不至。亦有脫略政教,張羅樽糈,崇信巫史,重增愆罰。 書以九疇論休咎,則大禹所以爲明也。 均乎影響,殊致同歸。漢 五事愆違則天地見異, 劉向曰「君道得則和 昔懷王事 ·神而秦 春秋

志第十七

五行上

尦 = -|-

來。

成 乳於空城之側,鷸飛于鼎耳 兵逾進,萇弘 倚 伏。 則以爲殃釁,一 尙 鬼而諸侯不 則以爲休徵。 之上。 性者,生之靜也,欲者,心之使也。 短長之制,旣日由 故曰、德勝不祥而義厭不惠。 人,黔隧崇山,同車 置情攸往,引 共 是以聖王常由德義 軫。必有 類 神 歸。雀 道 一,裁

消

伏災咎

容貌 有鸞 不顧禮制,縱欲恣睢,出入無度,多繇役以奪人時,增賦稅以奪人財,則木不曲直。」 動作之得節,所以順木氣也。 和之節,降車則 洪 範五行傳曰:「木者東方,威儀容貌也。古者聖王垂則,天子穆穆,諸侯皇皇。登輿則 有佩玉之度,田狩則有三驅之制,飲食則有享獻之礼。 如人君違時令,失威儀,田獵馳騁,不反宮室,飲食沉湎 無事不出境。此

歲而亡。木不曲直之効也。 生 人狀。」是時後主怠於國政,耽荒酒色,威儀不肅,馳騁無度,大發繇役,盛修宮室,後二 齊後主武平五年,鄴城東靑桐樹,有如人狀。京房易傳曰「王德衰,下人將起,則有木

年,宮中有樹,大數圍,夜半無故自拔。齊以木德王,無故自拔,亡國之應也。 其年,

開皇八年四月,幽州人家以白楊木懸竈上,積十餘年,忽生三條,皆長三尺餘,甚鮮茂。

nj

仁壽二年春,盩厔人以楊木爲屋梁,生三條,長二尺。京房易傳曰:「妃后有顓,木仆反立,

斷枯復生。」獨孤后專恣之應也。

天戒若日,皇太子不勝任,永久之業,將致危亡。帝不悟。 危脆之木,此永久之業,將集危亡之地也。」 是時帝惑讒言, 仁壽 元年十月,蘭州楊樹上松生,高三尺,六節十二枝。宋志曰:「松不改柯易葉,楊者 及帝崩,太子立,是爲煬帝,竟以 幽廢冢嫡,初立晉王爲皇太子。

仁壽四年八月,河間柳樹無故枯落,旣而花葉復生。 京房易飛候日:「木再榮,國有大

喪。」是歲,宮車晏駕。

以 以誅殘賊,禁暴虐,安天下,殺伐必應義,以順金氣。 (輕百姓之命,人皆不安,外內騷動,則金不從革。) 洪範五行傳曰:「金者西方,萬物旣成,殺氣之始也。古之王者,興師 如人君樂侵陵,好攻戰,貪城邑之賂, 動衆, 建立旗鼓,

散,燒人家。 人鑄兵之所。 陳禛明二年五月,東冶鐵鑄,有物赤色,大如斗,自天墜鎔所,隆隆有聲,鐵飛破屋而 時後主與隋雖結和好,遣兵度江,掩襲城鎮,將士勞敝,府藏空竭。 鐵飛爲變者,金不從革之應。天戒若日,陳國小而兵弱,當以和好爲固,無鑄 東治者,陳 四

志

書 卷 _ -|-=

兵而 及隋師渡江,而二將降欵,卒以滅亡。 黷武,以害百姓。 後主不悟,又遺爲將陳紀、任蠻奴、蕭摩訶數寇江北,百姓不堪其役。

通 法律,間骨肉,殺太子,逐功臣,以孽代宗,則火失其性。」 攝袂,南面 壅塞,以順 洪範五行傳曰:「火者南方、陽光爲明也。人君向南,蓋取象也。 而聽斷天下。攬海內之雄俊,積之於朝,以續聰明,推邪佞之僞臣,投之于野,以 火氣。 夫不明之君、惑於讒口、白黑雜揉、代相是非、衆邪並進、人君疑惑。 昔者聖帝明王, 負扆

之甚也。旣而太子薨,皇孫不得立。及帝暮年,惑於朱异之口,果有侯景之亂,宮室多被焚 梁天監元年五月,有盜入南、北掖,燒神武門總章觀。 時帝初卽位,而火燒觀 闕, 不祥

燒。天誠所以先見也。

見變,而帝不悟,後竟以亡。及江陵之敗,闔城爲賤隷焉,卽捨身爲奴之應也。 誠若日,梁武爲國主,不遵先王之法,而淫於佛道,橫多糜費,將使其社稷不得血食也。天數 萬乘之重,數詣同泰寺,捨身爲奴,令王公已下贖之。初陽爲不許,後爲默許,方始還宮。天 泰寺災。大同三年,朱雀門災。水沴火也。是時帝崇尙佛道,宗廟牲牷,皆以麪代之。又委 普通二年五月,琬琰殿火,延燒後宮三千餘間。 中大通元年,朱雀航華表災。明年,同

陳永定三年、重雲殿災。

東 魏天平二年十一月,閶闔門災。 是時齊神武作宰,而大野拔斬樊子鵠,以州來降,神

武聽 讒 而殺之。 司空元暉免。日逐功臣大臣之罰也。

武定五年八月,廣宗郡火,燒數千家

是時 讒言任用,正士道消,祖孝徵作歌謠,斛律明月以誅死。 後 齊後主天統三年,九龍殿災,延燒西廊。 四年, 昭陽、宣光、瑤華三殿災,延燒龍舟。 讒夫昌,邪勝正之**應也**。

易 傳 曰:「君不思道,厥妖火燒宮。

時帝 後 太子勇竟被廢戮。 頗信 開 皇 讒言,猜阻 十四年,將祠 骨 肉,滕王瓚失志而死,創業功臣,多被夷滅,故天見變,而帝 泰山,令使者致石像神祠之所。未至數里,野火欻起,燒像碎如 不悟,其 小塊。

帝 者 咸被誅戮。 不 大業 遵法度,驕奢荒怠,裴蘊、虞世基之徒,阿諛順旨,掩 十二年,顯陽門災,舊名廣陽,則帝之姓名也。 天戒若曰、信讒害忠,則除「廣陽」也。 塞聰明,宇文述以讒邪 國門之崇顯,號令之所由出 顯 進, 也。 忠 諫

時

洪範 五 行傳曰:「水者,北方之臟,氣至陰也。 宗廟者,祭祀之象也。 故天子親耕以供

芯

粢盛,王后 親蠶以供祭服,敬之至也。 發號施令,十二月咸得其氣,則水氣順。 如 人君簡宗

廟,不禱祀,逆天時,則水不潤下。」

出 [11] 決。是時江州刺史陳伯之、益州刺史劉季連舉兵反叛,師旅數興,百姓愁怨,臣逆人悲 天 監二年六月,太末、信安、豐安三縣大水。三春秋考異郵曰:「陰盛臣逆人悲,則 水

之應

也

軍 十二年四 六年八月,建康大水,壽上御道七尺。 坤 大 通 五 年五 月,建康 月,建康 大水。是時大發卒築浮山堰,以遏淮水,勞役連年,百姓悲怨之應也。 大水,御道通船。 七年五月,建康又大水。 京房易飛候曰:「大水至國,賤 是時數興師旅,以拒 人將貴。」蕭 魏

侯景僭稱尊號之應也。

之精。 後 陰氣 齊 河 洋溢 清二年十二月,兗、趙、魏三州大水。 者,小人專制。」是時 和 士開、元文遙、趙彦深專任之應也 天統三年,并州汾水溢。 讖 日「水者純陰

涌 水出。」是 武 平 時 年 羣 八 月, 小 用 Щ 事 東 邪 諸 州 佞 滿 大 朝。 水。 閹豎嬖倖,伶人封王。 京房易飛候日:「 小人 踊躍,無 此 其 所 以 所畏忌,陰不 應 也 制於陽,則

專。 水陰氣,臣妾盛强之應也 開 皇 1 八 年 河河 南 八 州 大 水。 是時獨孤皇后干預政事, 濫殺宮人, 放黜宰相。 楊素頗

仁壽二年,河南、河北諸州大水。 京房易傳曰:「顓事有智、誅罰絕理、則厥災水。」亦由

帝 用刑嚴急, 臣下有小過, 帝或親臨斬決, 又先是柱國史萬歲以忤旨被戮, 誅罰絕理之

應也。

大業三年,河南大水,漂沒三十餘郡。 帝嗣位已來,未親郊廟之禮,簡宗廟,廢祭祀之

應也。

恩,敬父兄之禮,則中氣和。 室寢居,大小有差,高卑異等,骨肉有恩。 洪範五行傳曰:「土者中央、爲內事。 人君肆心縱意,大爲宮室,高爲臺榭,雕文刻鏤,以疲人力,淫 故明王賢君,修宮室之制,謹夫婦之別,加親戚之 宮室臺榭,夫婦親屬也。 古者,自天子至于士,宫

泆無別,妻妾過度,犯親戚,侮父兄,中氣亂,則稼穡不成。」

後宮侍御千餘人,皆寶衣玉食。 齊後主武平四年,山東饑。 是時,大興土木之功於仙都苑。 逆中氣之咎也。 又起宮於邯鄲,窮侈極麗

煬帝大業五年,燕、代、齊、魯諸郡饑。先是建立東都,制度崇侈。 又宗室諸王,多遠徙

邊郡。

洪範 時則有服妖,時則有龜孽,有雞禍,有下體生上體之痾,有青售青祥。 五 行傳曰:「貌之不恭、是謂不肅、則下不敬。 陰氣勝,故厥咎狂 惟金沴木。」 厥 罰 常雨,厥極

貌不恭

侯景僭卽尊號,升圓丘,行不能正履,有識者知其不免。 景尋敗。

梁元帝旣平侯景,破蕭紀,而有驕矜之色。 性又沉猜,由是臣下離貳。 即位三年两為

西魏所陷,帝竟不得其死。

百姓 甚。 昏之鬼。 明 爲 非 求 娛,不恤國政。 祗 流 未幾 ,衣,日旰忘食,是以澤被區宇,慶流子孫。陛下頃來,酒色過度,不虔郊廟大神,專媚淫 肅之道。」後主怒而斬之。又引江總、孔範等內宴,無復尊卑之序,號爲狎客,專以詩酒 陳後主每祀郊廟,必稱疾不行。建寧令章華上奏諫曰:「拜三妃以臨軒,祀宗廟而稱疾, 離 小人在側,宦竪擅權,惡誠直如仇讎,視時人如草芥。 而 ,轉屍蔽野。 或 滅 秘書監傅縡上書諫曰:「人君者,恭事上帝,子愛下人,省嗜慾,遠邪佞,未 神怒人怨,衆叛親離。 臣 一恐東南王氣,自斯而盡。」後主不聽,驕恣日 後宮曳羅綺,廐馬餘菽粟,

何 如作臨川王時。又借華林園水殿,與妻妾賓客,置酒於其上,帝甚惡之。 陳 空侯安都,自 以有安社稷之功,驕矜日甚,每侍宴酒酣,輙箕踞而 坐。嘗謂 後竟誅死。 文帝曰:

之,文襄起儛。 東魏 神武 武定五年,後齊文襄帝時爲世子,屬神武帝崩,秘不發喪,朝魏帝於鄴。 時,司徒高昂嘗詣相府,將直入門,門者止之。 及嗣位,又朝魏帝於鄴,侍宴而惰。 有識者知文襄之不免。 昂怒,引弓射門者,神武不之罪。 後果為 盜 魏帝宴 所害。

尋爲西魏所殺。

人當 身尙 自奮。 後 齊後主爲周師所迫,至鄴集兵。 如此,吾輩何急!」由是皆無戰心,俄爲周 孝卿授之以辭,後主然之。 斛律孝卿勸後主親勞將士,宜流涕慷慨,以感激之, 及對衆,默無所言,因赧然大笑,左右皆哂。 師所虜。 將士怒

自矜 令股 類 也 己以 與 煬 帝 士 大夫 自 輕天下,能不亡乎。帝又言習吳音,其後竟終於江都,此亦魯襄公終於楚宮之 負 (才學, 高 選, 亦當爲天子矣。」謂當世之賢,皆所不逮。 每驕天下之士。 嘗謂侍臣曰:「天下當謂朕承藉餘緒而有四海 書云:「謂人莫己若者亡。」帝 耶?

常雨水

武流 頻年 梁天監七年七月,雨,至十月乃霽。 興師,是歲又大舉北伐,諸軍頗捷,而士卒罷敝,百姓怨望,陰氣畜積之應也 洪範五行傳曰:「陰氣强積,然後 生水雨之災。」時

陳太建十二年八月,大雨霪霖。時始興王叔陵驕恣,陰氣盛强之應也。明年,宣帝崩,

15

'nĵ,

- | -

Ŀ

h

íi L

後主立。 叔陵刺後主於喪次。宮人教之、僅而獲免。 叔陵出閣,就東府作亂 後主令蕭摩

訶破之,死者千數。

東魏武定五年秋,大雨七十餘日,元瑾、劉思逸謀殺後齊文襄之應也。

後齊河清三年六月庚子,大雨,晝夜不息,至甲辰。 山東大水,人多餓死。是歲,突厥寇

| 幷州,陰戎作梗,此其應也。

天統三年十月、積陰大雨。胡太后淫亂之所感也。

武平七年七月,大霖雨,水澇,人戶流亡。 是時駱提婆、韓長鸞等用 事,小人專政之

罰也。

後 周 建德三年七月,霖雨三旬。 時衛刺王直潛謀逆亂。 屬帝幸雲陽宮,以其徒襲肅章

門,尉遲運逆拒破之。其日雨霧。

大雨雪

也,雪,又陰畜積甚盛也。 梁普通二年三月,大雪,平地三尺。 皆妾不妾、臣不臣之應。」時義州刺史文僧朗以州叛於魏,臣不臣 洪範五行傳曰:「庶徵之常、雨也,然尤甚焉。雨、陰

之應也。

大同三年七月,青州雪,害苗稼。 是時交州刺史李賁舉兵反,僭尊號,置百官,擊之不

能克。

驕恣,皇太子甚惡之,帝不能抑損。 十年十二月,大雪,平地三尺。 是時邵陵王綸、湘東王繹、武陵王紀並權侔人主,頗 上天見變,帝又不悟。及侯景之亂,諸王各擁强兵,外 爲

有赴援之名,內無勤王之實,委棄君父,自相屠滅,國竟以亡。

東魏興和二年五月,大雪。 時後齊神武作宰,發卒十餘萬築鄴城,百姓怨思之徵也。

武定四年二月,大雪,人畜凍死,道路相望。 時後齊霸政,而步落稽舉兵反,寇亂數州,

人多死亡。

後齊河清二年二月,大雪連雨,南北千餘里,平地數尺,繁霜畫下。 是時突厥木杆可汗

與周師入幷州、殺掠吏人、不可勝紀。

淑妃、陸令萱內制朝政,陰氣盛積,故天變屢見,雷雨不時。 天統二年十一月,大雪,三年正月,又大雪,平地二尺,武平三年正月,又大雪。 是時馮

京房易飛候曰「雷雨霹靂丘陵者,逆先人令;爲火殺人者,人君用讒言殺正人。」時蔡景歷 陳太建元年七月,大雨,震萬安陵 華表,又震慧日寺刹,瓦官寺重閤門下一 女子震死

以奸邪任用,右僕射陸繕以讒毀獲譴,發病而死。

志第十七

住住

十年三月,震武庫。 時帝好兵,頻年北伐,內外虛竭,將士勞敝。 旣克淮南,又進圖彭、

之,天戒若日,宜 **汴**,毛喜切 不恤國政,耽酒色,棄禮法,不修鄰好,以取敗亡。 禮儀之所在,而同歲震者,天戒若曰,國威已喪,不務修德,後必有恃佛道,耽宴樂, 丽 露槃、重陽閣 亡國者。 諫 陳之君臣竟不悟。 東樓、鴻臚府門。 不 納 一戢兵以安百姓。 由是吳明徹諸軍皆沒,遂失淮南之地。 至後主之代,災異屢起,懼而於太皇寺捨身爲奴,以祈冥助, 太皇、莊嚴二寺,陳國奉佛之所,重陽閣每所遊宴,鴻臚 帝不悟,又大興軍旅。 其年六月,又震太皇寺 武庫者, 兵器之所 刹、 聚也,而震 棄禮儀 莊 賓客 嚴寺

佞臣被誅。」後歲,和士開被戮。 齊武平元年夏,震丞相段孝先南門柱。 京房易傳曰:「震擊貴臣門及屋者,不 出三年,

木氷

廣 制 將 五. 州 河 有害,則陰氣脅木,木先寒,故得雨而氷襲之。木氷一名介,介者兵之象也。」時司徒侯景 南 刺 東魏武定四年冬,天雨木氷。洪範五行傳曰:「陰之盛而凝滯也。木者少陽,貴臣象也。 史暴 ,及神武不豫,文襄懼其爲亂而徵之,景因 顯並爲景所執辱,貴臣有害之應也。 舉兵反。豫州刺史高元成、襄州刺 其後左僕射慕容紹宗與景戰於渦陽,俘斬 史李密

後齊天保二年,雨木氷三日。 初,清河王岳爲高歸彥所譖,是歲以憂死。

武平元年冬,雨 木冰,明年二月,又木冰。 時錄尚書事和士開專政。 其年七月, 太保、

琅邪 王嚴矯詔殺之。 領軍 大將軍 庫狄伏連、尚書右 僕射馮子琮, 並 坐嚴 賜 死。 九月, 嚴亦

遇害。

六年、七年,頻歲春冬木氷。 其年周師入晉陽,因平鄴都。 後主走青州, 貴臣死散,州

郡被兵者不可勝數。

大雨雹

梁中大通 元年四月,大雨雹。 洪範五行傳曰三雹,陰脅陽之象也。」時帝數拾 身爲

拘信佛法,爲沙門所制。

陳太建二年六月,大雨雹,十年四月,又大雨雹,十三年九月,又雨雹。 時始興王叔陵

驕恣,陰結死士,圖爲不逞,帝又寵遇之,故天三見變。帝不悟。 及帝崩,叔陵果爲亂逆。

服妖

後齊婁后臥疾、寢衣無故自舉。俄而后崩。

文宣帝末年,衣錦綺,傳粉黛,數爲胡服,微行市里。 粉黛者,婦人之飾,陽爲陰事,君

變爲 錦 綵 臣之象也。 非帝王之法服,微服者布衣之事,齊亡之効也。 及帝崩,太子嗣位,被廢爲濟南王。又齊氏出自陰山,胡服者,將反初服也。

志第十七 五行上

六三〇

後主好令宮人以白越布折額,狀如髽幗; 又爲白蓋。 此二者, 喪禍之服也。 後主果爲

周武帝所滅,父子同時被害。

以 相執縛。 武 平時,後主於苑內作貧兒村,親衣繼縷之服而行乞其間,以爲笑樂。 後主果爲周所敗,被虜於長安而死,妃后窮困,至以 賣燭爲業 多令人服鳥衣,

以紅紫。 隋,周之法度,皆悉改易。 右 終之具,令五皇后各居其一,實宗廟祭器於前,帝 1步從。 後周 令天下車以大木爲輪,不施輻。 大象元年,服冕二十有四旒,車服旗鼓,皆以二十四爲節。 又倒懸鷄及碎瓦於車上,觀其作聲, 朝士不 以爲笑樂。 親讀版 得佩綬,婦 而 皆服妖也。 祭之。 人墨粧黃眉。 叉將五 侍衞之官,服五 帝尋暴崩, 輅載婦 叉造下 而政由於 帳 身率 色, 如送 雜 左

陰,臣象也,而服兵幟,臣有兵禍之應矣。 開皇中,房陵王勇之在東宮,及宜陽 勇竟而遇害,世積坐伏誅。 公王世積家,婦人所服領巾製同架幡軍幟。婦

雞禍

諸王廢黜,太子幽廢

臣,當爲變矣。 開皇中,有人上書,言頻歲已來,雞鳴不鼓翅, 書奏不省。 京房易飛候日「雞鳴不鼓翅, 類腋下有物而妨之, 國有大害。」其後大臣多被夷滅, 翮不得舉, 肘腋之

宰,百姓不聊生矣,各起而爲盜,戰爭不息,屍骸被野。 定鳴,多戰;夜半鳴,流血漫漫。」及中年已後,軍國多務,用度不足,於是急令暴賦,責成守 大業初,天下雞多夜鳴。 京房易飛候日:「雞夜鳴,急令。」又云:昏而鳴,百姓有事

龜壁

骨。 妖 殺之,遂絕。 精 開皇· 其物落牀而走,宮人逐之,因入池而沒。明日,帝令涸池,得一龜,徑尺餘,其上有刀迹。 耳。」因戒宮人曰:「若逢,但斫之。」其後有物如人,夜來登牀,宮人抽刀斫之, 中,掖庭宫每夜有人來挑宫人。 龜者水居而靈,陰謀之象,晉王諂媚宮掖求嗣之應云 宮司以聞。 帝曰:「門衞甚嚴,人何從而 入。 若 當是 中枯

青眚青祥

青祥也。 陳禎明二年四月,羣鼠無數,自蔡洲岸入石頭淮,至青塘兩岸。 京房易飛候曰:「鼠無故羣居不穴衆聚者,其君死。」未幾而國亡。 數日死,隨流出江。 近

金沴木

侈,不能用賢使能,何用虛名也。 爲壯麗,百姓失業,故木失其性也。 陳天嘉六年秋七月,儀賢堂無故自壓,近金沴木也。 帝不悟,明年竟崩。 儀賢堂者,禮賢尙齒之謂,無故自壓,天戒若日,帝好奢 時帝盛修宮室,起顯德等五殿,稱

醎 明元年六月,宮內水殿若有刀鋸斫伐之聲,其殿因無故而倒。 七月,朱雀航又無故

自沉。 時後主盛修園囿,不虔宗廟。 水殿者,遊宴之所,朱雀航者,國門之大路,而無故自

天戒若曰,宮室毁,津路絕。後主不悟,竟爲隋所滅,宮廟爲墟

後齊孝昭帝將誅楊愔,乘車向省,入東門,幰竿無故自折。 帝甚惡之,歲餘而崩。

河清三年,長廣郡廳事 ·梁忽剝若人狀,太守惡而削去之,明日復然。 長廣, 帝本封

木爲變,不祥之兆。其年帝崩。

武 平七年秋,穆后將 如晉陽,向北宮辭胡太后。 至宮內門,所乘七寶車無故陷入於地,

牛沒四足。是歲齊滅,后被虜於長安。

青城 門 後 無故 周 建德六年,青城門無故自崩。 自崩者, 皇太子不勝任之應。 青者東方色, 帝不悟。 明年太子嗣位, 春宮之象也。 果爲無道。 時皇太子無威儀 周室危亡, 禮節,

實自此始。

立,公卿屬望。 大業 1-1 -, 齊 王 陳遂 陳於東都起第,新構寢堂,其狀無故而 屬恣,呼術者令相,又爲厭勝之事。 堂栿無故自折,木失其性,奸謀之 扩。 時上無太子,天下皆以 陳次當

天見變以戒之,陳不悟,後竟得罪於帝。

應也。

洪 範五行傳曰:「言之不從,是謂不义。 厥咎僭,厥罰 常陽、厥極憂。 時 則有詩妖。時則

有 毛蟲之掌,時則有犬禍。 故有口舌之痾,有白眚白祥。 惟木沴金。

言不從

而

敗。

識 者以爲『二月了』,而玄之敗,實在仲春。 梁武陵王紀僭卽帝位,建元日天正。 永豐侯蕭撝曰:「王不克矣。 今日天正,正之爲文『一止』,其能久乎!果一年 昔桓玄年號大亨,有

lj. 也。及帝崩,太子嗣位,常山果廢之而自立。殷尋見害。 吾兒其替乎。」子才請改,帝不許,曰:「天也。」因顧謂常山王演曰:「奪時任汝,慎 後齊文宣帝時,太子殷當冠,詔令邢子才爲制字。 子才字之曰正道。 帝 目;正,一 無殺 iE

帝以非道,身又擅權,竟爲御史中丞所殺。 下宜及少壯,恣意歡樂,一日可以當千年,無爲自勤約也。」帝悅其言,彌加淫侈。 武成帝時,左僕射和土開言於帝曰:「自古帝王,盡爲灰土,堯舜、桀紂,竟亦何異。陛 士開旣導

淮南今沒,何足多慮。人生幾何時,但爲樂,不須憂也。」帝甚悅,遂耽荒酒色,不以天下爲 武平中,陳人寇彭城,後主發言憂懼,侍中韓長鸞進曰:「縱失河南,猶得爲龜茲國子。

虞。未幾,爲周所滅。

忠

武平七年,後主爲周師所敗,走至鄴,自稱太上皇,傳位於太子恒,改元隆化。時人離合

其字曰「降死」。竟降周而死。

周武 帝改元爲宣政,梁主蕭歸離合其字爲「宇文亡日」。其年六月,帝崩。

宣帝在東宮時,不修法度,武帝數撻之。及嗣位,摸其痕而大駡曰:「死晚也。」年又改

元 爲 大象 ,蕭歸又離合其字曰「天子冢」。明年而帝崩。

開 皇 初,梁王蕭琮改元爲廣運。 江陵父老相謂曰:「運之爲字,軍走也。 吾君當爲軍所

走乎。」其後琮朝京師而被拘留不反,其叔父巖掠居人以叛,梁國遂廢。

之用 人呼楊 文帝名皇太子曰勇,晉王曰英,秦王曰俊,蜀王曰秀。 叉千人之秀爲英,萬人之秀爲俊。 姓多 爲 嬴者。 或言於上曰:「楊英反爲嬴殃。」帝聞而不懌,遽改之。 斯乃布衣 ,之美稱,非帝王之嘉名也。」帝不省。 開皇初,有人上書曰:「勇者一 其後勇、俊、秀 夫 時

皆被廢黜,煬帝嗣位,終失天下,卒爲楊氏之殃。

煬 帝 即位 ,號年日大業。 識者惡之,曰:「於字離合爲『大苦未』也。」尋而天下喪亂, 率

上遭荼炭之酷焉。

名者 煬帝常從容謂 彌所不耐。 至於卑賤之士,雖少寬假,然卒不置之於地。 秘書鄓虞世南曰:「我性不欲 人諫。 若位望通顯而來 汝其知之一」時議者以為古 諫我,以求 當 世 之

不至。 先哲王之馭天下也,明四目,達四聰,懸敢諫之鼓,立書謗之木,以開言者之路,猶恐忠言之 由是澤敷四海,慶流子孫。而帝惡直言,讎諫士,其能久乎! 竟逢殺逆。

早

敝,及卽位後,復與魏交兵不止之應也。 附。陽氣盛,旱災應也。」初帝起兵襄陽,破張沖,敗陳伯之,及平建康,前後連 勞人過度,以起城邑,不顧百姓,臣下悲怨。 梁天監元年,大旱,米斗五千,人多餓死。 然而心不能從,故陽氣盛而失度, 洪範五行傳曰:「君持亢陽之節,興師動衆, 戦,百 陰氣沉而不 姓勞

陳太建十二年春,不雨至四月。 先是周師掠淮北,始興王叔陵等諸軍敗績,淮北之地

"沒於周,蓋其應也。

東魏天平四年,幷、肆、汾、建、晉、絳、秦、陝等諸州大旱,人多流散。 是歲,齊神武與西

魏戰於沙苑,敗績,死者數萬。

東魏武定二年冬春旱。先是西魏師入洛陽,神武親帥軍大戰於芒山,死者數萬。

後齊天保九年夏,大旱。先是大發卒築長城四百餘里,勞役之應也。

乾明元年春,旱。 先是發卒數十萬築金鳳、聖應、崇光三臺,窮極侈麗,不恤百姓,亢陽

之態也。

河淸 二年四月,拜、晉已西五州旱。 是歲,發卒築軹關。突厥二十萬衆毀長城,寇恒州

後主天統二年春,旱。是時大發卒,起大明宮。

開皇 四年已後,京師頻旱。 時遷都龍首,建立宮室,百姓勞敝,亢陽之應也。

業 四年,燕、代緣邊諸郡旱。 時發卒百餘萬築長城,帝親巡塞表,百姓失業,道殖

相望。

八年,天下旱,百姓流亡。 時發四海兵,帝親征高麗,六軍凍餒,死者十八九。

十三年,天下大旱。 時郡縣鄉邑,悉遣築城,發男女,無少長,皆就役。

詩妖

不信 詩 帝憂 事。 懸 瓠 日 崩 來降,在丹陽之北,子地。 至太清二年,臺城陷,帝享國 吾語,龍時侯賊起。 :「樂哉三十餘,悲哉五十裏! 梁天監三年六月八日,武帝講於重雲殿,沙門誌公忽然起儛歌樂,須臾悲泣,因賦五言 年 四月八日,誌公於大會中又作詩曰:「兀尾狗子始著 且至馬中間,銜悲不見喜。」梁自天監至于大同,三十餘年,江表 帝惑朱异之言以納景。 四十八年,所言五十裏也。 但看八十三,子地妖災起。 景之作亂,始自戊辰之歲。 太清元年八月十三,而侯景自 佞臣作欺妄,賊臣滅君子。若 狂, 欲死不死齧 人傷,須 至午年, 無

與之間自滅亡。

息在汝陰死三湘,横尸一旦無人藏。」侯景小字狗子。

初自懸瓠來降,懸瓠

則古之汝南也。巴陵南有地名三湘,即景奔敗之所。

于宮。」及大同之季,公卿唯以談玄爲務。 天監 中,茅山隱士陶弘景爲五言詩曰:「夷甫任散誕,平叔坐談空。不意昭陽殿,忽作單中,茅山隱士陶弘景爲五言詩曰:「夷甫任散誕,平叔坐談空。不意昭陽殿,忽作單 夷甫、平叔、朝賢也。 侯景作亂,遂居昭陽殿。

大同 中,童謠曰:「靑絲白馬壽陽來。」其後侯景破丹陽,乘白馬,以靑絲爲覊勒。

韓擒所敗。 陳 初,有童謠曰:「黃班青驄馬,發自壽陽涘。來時冬氣末,去日春風始。」其後陳主果爲 擒本名擒獸,自黃班之謂也。破建康之始,復乘青驄馬,往反時節皆相 應

汝。」 晉王伐陳之始,置營桃葉山下,及韓擒渡江,大將任蠻奴至新林以導北軍之應。 陳 時,江南盛歌王獻之桃葉之詞曰:「桃葉復桃葉,渡江不用楫,但度無所苦,我自迎 接

陳 後主 一造齊雲觀,國人歌之曰: 齊雲觀,寇來無際畔。」功未畢,而爲隋 師 所 虜。

禎 明 初 ,後主作新 歌 詞 甚哀怨,令後宮美人習而歌之。 其辭 曰:「玉樹後庭花,花開不

復久。」時人以歌讖,此其不久兆也。

備,即 里。 在,故言寄書於 寄書 齊 逢 神 禪 與婦 武 代,作窠未 始移 母,好看新 婦 都 母。 于鄴 成之効 新 , 時有 婦子。」 婦子,斥后也。 也 童謠 魏孝 孝靜尋崩 云:「可憐青雀子,飛入 靜帝者,淸河王之子也。 ,文宣以后爲太原長公主,降於楊愔。 鄴城裏。 后則 神 作窠猶未成, 武 之女。 鄴都 時婁后尚 舉 宮室 頭 失鄉 未

大豆。

武定中,有童謠云:「百尺高竿摧折,水底燃燈澄滅。」高者,齊姓也。 澄,文襄名。五

神武崩,摧折之應。 七年,文襄遇盜所害,澄滅之徵也。

坐。 和 士開,事露,返爲士開所譖 一時文宣帝享國十年而崩,廢帝嗣立百餘日,用替厥位,孝昭卽位一年 武平元年,童謠 天保中,陸法和入國,書其屋壁曰:「十年天子爲尚可,百日天子急如火,周年天子迭伐 曰:「狐截尾, 死。 你欲除我我除你。」其年四月,隴東王胡長仁謀遣刺客殺 而 崩。 此其効也。

害,十一月趙彥深出爲西兗州刺 禾傷早,九月喫餻正好。 七月二十五日,御史中丞、琅邪王儼執士開,送於南臺而斬之。 二年,童謠曰:「和士開,七月三十日,將你向南臺。」小兒唱訖,一時拍手云:「殺却。」至 。十月洗蕩飯甕,十一月出却趙老。」七月士開被誅, 史。 是歲,又有童謠曰:「七月刈 九月琅邪王遇

武平末,童謠曰:「黃花勢欲落,清樽但滿酌。」時穆后母子淫僻,干預朝政,時人患之。

穆后小字黃花,尋逢齊亡,欲落之應也。

周 初 有童謠曰:「白楊樹頭金雞鳴,祗有阿舅無外甥。」靜帝隋氏之甥,旣遜位而崩,諸

周宣帝與宮人夜中連臂踢蹀而歌曰:「自知身命促,把燭夜行遊。」帝卽位三年而崩

開皇十年,高祖幸幷州、 ,宴秦孝王及王子相。 帝爲四言詩曰:「紅顏距幾,玉貌須

朝花落, 白髮難除。 明 年後歲,誰有誰 無。」明年而子相卒,十八年而秦孝王薨

未若 之應 五言 歸 飛 |乘船 也 詩 心,無復因風力。」令美 大業十一年,煬帝自京 日 渡江 是年 「求歸不得去,真成遭 水。」由是築宮丹陽,將居焉。 盜 賊 蜂起,道路隔絕,帝懼,遂無還心 師 人再三吟詠,帝泣下霑襟,侍御者莫不欷歔。 如 簡春。 東都,至長樂宮,飲酒大醉,因賦五言詩。 鳥聲爭勸酒, 功未 就 。帝復夢二竪子歌曰:「住亦死,去亦死 而 梅花笑殺人。」帝以三月被弑, 帝被殺 帝因幸江都,復作 其卒章曰:「徒有 卽 遭春

玄威 浪語、密也。 之逆,爲 大業 中 一,童謠 吏所 宇文化及自號許國,尋亦破滅。 拘,在路逃叛。 曰:「桃李子,鴻鵠遶陽 潛結 **奉** Щ ,自陽城 , 宛轉花 誰道許者,蓋驚疑之辭也。 林裏。 Щ 而 來,襲破洛 莫浪 語,誰道許。」其後李密坐楊 口 倉,後復屯兵苑內。莫

毛蟲之孽

遇侯景之亂 僧辯所敗,亡至南陽,爲西魏所殺。 梁武帝中大同元年,邵陵王綸在南徐州臥內,方晝,有狸鬭於櫚上,墮而 ,將兵援臺城。 至鍾山, 有蟄熊無何至,齧綸所乘馬。 毛蟲之孽也。 獲之。太淸 編尋爲王

志第十七 五行上

中大同 中,每夜狐鳴闕下,數年乃止。 京房易飛候曰:「野獸羣鳴,邑中且空 虚。」俄而

國 亂 丹陽死喪略盡。

陳禎 明初,狐入牀下,捕之不獲。 京房易飛候曰「狐入君室、室不居。」未幾而國滅。

東魏武定三年九月,豹入鄴城南門,格殺之。五年八月,豹又上銅爵臺。

野獸入邑,及至朝廷若道,上官府門,有大害,君亡。」是歲,東魏師敗於玉壁,神武遇疾 京房易飛候

崩。

之神室也。 後齊武平二年,有兎出廟社之中。 後五 歲,周師入鄴,後主東 奔。 京房易飛候曰:「兎入王室,其君亡。」案廟者,祖宗

表也。 食人。」時帝任用小人,競爲貪暴,殘賊人物,食人之應。 武 平末,幷、肆諸州多狼而食人。 又似犬,近犬禍也。」京房易傳曰:「君 洪範五行傳曰:「狼貪暴之獸,大體以白色爲主,兵之 將無道, 害將及人, 去之深山 尋爲周 軍所滅,兵之象也。 以全身。 厥妖狼

爲,漸流至幷、鄴。 武 平中,朔州府門外,無何 與武定三年同占。 有 小兒 是歲,南安王思好起兵於北朔,直指幷州,爲官軍所 脚跡,又擁土爲 城雉之狀,時人怪而察之,乃狐 媚 所

敗。

鄭子饒、羊法暠等復亂山東。

後齊天保四年,鄴中及頓丘,並有犬與女子交。洪範五行傳曰三異類不當交而交,詩亂

之氣。大交人爲犬禍。」犬禍者,亢陽失衆之應也。時帝不恤國政,恩澤不流於其國

其心,爵加於犬,近犬禍也。 後主時,犬爲開府儀同,雌者有夫人郡君之號,給兵以奉養,食以梁肉,藉以茵蓐。天奪 天意若曰,卿士皆類犬。後主不悟,遂以取 滅。

後周保定三年,有犬生子,腰已後分為兩身,二尾六足。犬猛畜而有爪牙,將士之象也。

時宇文護與侯伏侯龍恩等,有謀懷貳。犬體後分,此其應也。

城之役。續有西域、遼東之舉,天下怨叛。及江都之變,並宿衞之臣也。 其後帝窮兵黷武,勞役不息。天戒若曰,無爲勞役,守禦之臣將叛而爲害。 **行傳曰:「犬,守禦者也,而今去其主,臣下不附之象。形變如狼,狼色白,爲主兵之應也。」** 大業元年,雁門百姓間犬多去其主,羣聚於野,形頓變如狼而噉噬行人,數年而止。 帝不悟,遂起長 狂,

白眚白祥

堰, 功費鉅億, 功垂就而復潰者, 數矣。 百姓厭役, 吁嗟滿道。 梁大同二年,地生白毛,長二尺,近白祥也。孫盛以爲勞人之異。先是大發卒築,浮山

北築長城,內與三臺,人苦勞役。 齊河情元年九月,滄洲及長城之下,[5] 地多生毛,或白或黑,長四五寸,近白祥也。 時

志第十七 五行上

開皇六年七月,京師雨毛,如髮尾。 長者三尺餘,短者六七寸。 京房易飛候 曰:「天雨

毛,其國大饑。」是時關中旱,米粟涌貴。

而自出,將有易姓者用幣之象。其後齊亡,地入于周,及高祖受周禪,天下一統,焚柴 後齊天統初,岱山封禪壇玉璧自出,近白祥也。岱山,王者易姓告代之所,玉璧所用

太山告祠之應也。

武平三年,白水巖下靑石壁傍,有文曰:「齊亡走。」人改之爲「上延」,後主以爲嘉瑞,百

僚畢賀。後周師入國,後主果棄鄴而走。

開皇十七年,石隕於武安、滏陽間十餘。洪範五行傳曰:「石自高隕者,君將有危殆也。」

後七載,帝崩。

開皇末,高祖於宮中埋二小石於地,以誌置牀之所。未幾,變爲玉。 劉向曰:「玉者至

貴也。賤將爲貴之象。」及大業末,盜皆僭名號。

者、身後之意也。今稱立千年者、禍在非遠。」明年而帝被殺。 大業十三年,西平郡有石,文曰:「天子立千年。」百僚稱賀。 有識者尤之曰:「千年萬歲

木沴金

梁大同十二年,曲阿建陵隧口石騏驎動。木沴金也。動者,遷移之象。天戒若曰,園

陵無主,石麟將爲人所徙也。後竟國亡。

右 親 人離叛之應。 後 齊河清四年 及周 一,殿上石自起,兩兩相擊。 師東伐,寵臣 尉相願、乞扶貴和兄弟、韓建業之徒,皆叛入周 眭孟以爲石陰類, 下人象,殿上石自起者,左

亂,令不行,言不從之咎也。 躍 陰,臣象 四尺,車 者三,車 梁 大同 輪陷 也。 兩轅俱折。 十二年正月,送辟邪二于建陵。 臣將爲變之應。」 入土三寸。 因 換 木沴金也。 車。 其後果致侯景之亂 梁武暮年,不以政事 未至陵二里,又躍者三,每一振 劉 向 曰:「失衆心,令不行,言不從,以亂金氣 左雙角者至陵所。 ·爲意,君 臣唯講 則 右獨角者,將引, 佛經、談玄 車 側 人莫不聳奮,去 而 已。 於車 也。 朝綱 上振 地三 石

應也。 以 大 繩 周 建德 縛著 車 元 ·壁,又絕繩 年 濮陽 郡 而 有 下。 石 像 時帝旣滅齊, ,郡官令載向 府,將 又事淮南, 刮 取金。 征伐不息, 在道自躍投地, 百姓 疲 敝 如 此 失 者 衆 再。 心之 丁**′**5

校勘記

[一] 元暉 魏書孝靜帝紀作「元暉業」。

太末 信安豐安三縣大水 「太末」原作「大來」、「豐安」原作「安豐」、據南齊書州郡志上改。

武帝紀中。「安豊」也作「豐安」。

【三」擒本名擒獸 「獸」當作「虎」,唐人諱改。

按"「洲」當作「州」。

隋書卷二十三

志第十八

五行下

洪範五行傳曰:「視之不明,是謂不知。 厥咎舒,厥罰常燠,厥極疾。 時則有草妖,時則

有羽蟲之孽。 故有羊禍,故有目疾,有赤眚赤祥。惟水沴火。」

常燠

肖 不退,百職廢壞,庶事不從,其過在政敎舒緩。」時帝狂躁、荒淫無度之應。 後齊天保八年三月,大熱,人或暍死。劉向五行傳曰:「視不明,用近習,賢者不進,不

草妖

志第十

八

五行下

峻茂。 高祖時,上黨有人,宅後每夜有人呼聲,求之不得。 因掘 去之,其根五尺餘,具體人狀,呼聲遂絕。 蓋草妖也。視不明之咎。 去宅一里所,但見人參一本,枝葉 時晉王陰

六四六

黨 有奪宗之計 與也。 親 ,諂事親要, 要之人,乃黨晉王而譖太子。 以求聲譽。 譖皇太子,高祖惑之。人參不當言,有物憑之。 高祖不悟,聽邪言,廢無辜,有罪用,引因此

而亂也。

羽蟲之孽

致

奔亡,為西魏所殺。

俄頃失所在。 梁 中大同元年,邵陵王編在南徐州,坐聽事。 京房易飛候曰:「野鳥入君室,其邑虚,君亡之他方。」後編爲湘東王所襲,竟 有野鳥如鳶數百,飛屋梁上,彈射 不中。

與 中大同元年同占。景尋敗,將亡入海中,爲羊鵾所殺。

侯景在梁,將受錫命,陳備物於庭。有野鳥如山鵲,赤嘴,集於册書之上,鵂鶹鳴於殿。

盛草成灰者,陳政蕪穢,被隋 鳥,集于殿庭,以嘴畫地成文,曰:「獨足上高臺,盛草變成灰。」獨足者,叔寶獨行 且亡。」蔣山,吳之望也。 陳後主時,蔣山有衆鳥,鼓翼而鳴曰:「奈何帝。」京房易飛候曰:「鳥鳴門闕,如 鳥於上鳴,吳空虛之象。 火德所焚除 也。 叔寶至長安,館於都水臺 及陳亡,建康爲墟。 又陳未亡時,有一足 上,高臺之義也。 無衆之應。 人音,邑

形似鴨而有九頭。 後 齊 孝 昭帝,卽位之後,有雉飛 其年帝崩 上御座。 占同中大同元年。 又有鳥止於後園,其色赤,

天統三年九月,萬春鳥集仙都苑。 京房易飛候曰:「非常之鳥,來宿於邑中,

周 師入鄴之應也。

武成胡后,生後主初,有梟升后帳而鳴。梟不孝之鳥,不祥之應也。 後主嗣位,胡后淫

亂 事彰,遂幽后於北宮焉。

武平七年,有鸛巢太極殿,又巢幷州嘉陽殿。 雉集晉陽宮御座,獲之。 京房易飛候日

「鳥無故巢居君門及殿屋上,邑且虛。」其年國滅

周大象二年二月,有禿鶖集洛陽宮太極殿。 其年帝崩,後宮常虛。

開皇初,梁主蕭琮新起後,有鵂鳥集其帳隅。 未幾,踪入朝,被留於長安。 梁國遂廢。

大業末,京師宮室中,恒有鴻雁之類 無數,翔集其間。 俄而 長安不守。

十三年十一月,烏鵲巢帝帳幄,驅不能止。 帝尋逢弑。

羊禍

,數旬失所在。 開皇十二年六月,繁昌楊悅,見雲中二物,如羝羊,黃色,大如新生犬,鬭而墜。 近羊禍也。 洪範五行傳曰:「君不明,逆火政之所致也。」 狀如新生犬者, 脱獲其

羔類也。 被 一廢黜。 **雲體掩蔽,邪佞之象。** 二羔鬭, 一羔墜之應也。 羊,國姓。 羔,羊子也。 皇太子勇,旣升儲貳,晉王陰毀而

恭帝義寧二年,麟遊太守司馬武,獻羊羔,生而無尾。 時議者以爲楊氏子孫無後之象。

是歲,煬帝被殺於江都,恭帝遜位。

赤眚赤祥

梁天監十五年七月,荆州市殺人而身不僵,首墮于地,動口張目,血如竹箭,直上丈餘,

然後如雨細下。是歲荆州大旱。近赤祥,寃氣之應。

陳 太建十四年三月,御座幄上見一物,如車輪,色正赤。 尋而帝患,無故大叫數聲

而崩。

至德三年十二月,有赤物隕于太極殿前,初下時,鐘皆鳴。 又嘗進白飲,忽變爲血。又

有血霑殿階,瀝瀝然至御榻。尋而國滅。

與突厥! 後齊河清二年,太原 入幷州,大戰城西,伏屍百餘里。 雨血 劉向曰「血者陰之精,傷害之象。僵尸之類也。」明年,周 京房易飛候曰『天雨血染衣, 國亡君戮。」亦後

主亡國之應。

師

匹 年三月,有物隕於殿庭,色赤,形如數斗器,衆星隨者 如 小鈴。 四月,婁太后崩。

武 平 中,有血 點地,自咸陽 王斛律明月宅,而至于太廟。 大將,社稷之臣也,後主以讒

後主不悟,國祚竟絕。

天戒若曰、殺明月,則宗廟隨而覆矣。

|洪 · 範五行傳曰:「聽之不聰, 是謂 不謀。 厥咎急, 厥罰寒, 厥極貧。 時則有鼓妖, 有魚

孽,有彘禍,有黑眚黑祥,惟火沴水。」

寒

東魏 武定四年二月,大寒。 人畜凍死者, 相望於道。 京房易飛候曰:「誅過深,當燠而

是時後齊神武作相。 先是介朱文暢等謀害神武,事泄伏誅,諸與交通者,多有濫死。

寒必異。」是時,帝淫於文宣李后,因生子,后愧恨,不舉之。 河清 元年,歲大寒。 京房易傳曰:「有德遭險,茲謂逆命。 帝大怒,於后前殺其子太原王 厥異寒。」 讖曰:「殺無罪,其

紹德。 后大哭,帝倮后而撻殺之,投于水中,良久乃蘇。 冤酷之應。

是時,大發卒,拒魏 梁天監三年三月,六年三月,並隕霜殺草。 軍於 鍾離,連兵數歲。 京房易傳曰:「興兵妄誅,謂亡法,厥罰霜。

大同三年六月,朐山隕霜。

陳太建十年八月,隕霜,殺稻菽。 是時,大興師選衆,遣將吳明徹,與周 師相 拒於呂梁。

鼓妖

梁天監 四 车 一月,天清朗,西南有電光,有雷聲二。 湯曰:「鼓之以雷霆。」霆近鼓妖。

十八 五行下

芯

第

洪範五行傳曰:「雷霆託於雲,猶君之託於人也。 君不恤於天下,故兆人有怨叛之心也。」是

歲,交州刺史李凱舉兵反。

十九年九月,西北隱隱有聲如雷,赤氣下至地。 是歲,盜殺東莞、琅邪二郡守,以朐山

引魏軍。

中大通六年十二月,西南有聲如雷。 其年北梁州刺史蘭欽舉兵反。

陳太建二年十二月,西北 有聲 一如雷。 其年湘州刺史華皎舉兵反。

齊天保四年四月,西南有 聲如雷。 是時,帝不恤 天下, 興 師旅

後周建德六年正月,西方有聲如雷。 未幾,吐谷渾寇邊。

開皇十四年正月旦,廓州連雲山,有聲如雷。 是時五羌反叛,侵擾 邊鎭。 二十年,無雲

而雷。 京房易飛候曰:「國將易君,下人不靜,小人先命。 國凶,有兵甲。」後數歲,帝崩,漢

|王諒舉兵反。徙其黨數十萬家。

大業中, 滏陽石鼓頻歲鳴。其後, 天下大亂, 兵戎並起。

魚孽

入宮而沒。 梁大同十年三月,帝幸朱方,至四塹中,及玄武湖,魚皆驤首見於上,若望乘輿者。 洪範五行傳曰:「魚陰類也,下人象。又有鱗甲,兵之應也。」下人將舉兵橰宮,

而噼睨乘輿之象也。後果有侯景之亂。

陰類 ,下人象也。」<u>晏子曰:「河伯</u> 齊 後主武平七年,日 相州鸕鷀泊, 以水為 國,以魚爲 魚 盡飛去而水涸。 百 i姓。 水涸 洪範五行傳曰:「急之所致。 魚飛,國亡人散之象。 明年 魚

後周 大象元年六月,陽武 有 鯉魚 乘空而 鬭。 **猶臣下** 興起,小人從之而關也。 明年: 帝崩

國失政。尉迥起兵相州,高祖遣兵擊敗之。

而

國亡。

衆莫識,追而觀之,行二里許,不復見。 射之,或弓折弦斷。 皆溺死 開皇十七年,大興城 後竟中之,剖其腹,得秔飯,始 西南 四 里,有袁村、設佛會。 但有 一陂, 知 中 此魚 有白魚,長丈餘,小 有老翁, 皓首, 向 老翁也。 白裙襦衣, 後數日,漕渠暴溢, 魚 從 者 無數。 來食 而 人爭 射

邊將 拒之,反爲所敗,男女死者萬餘人。 尺 餘。 殆棄甲之變。 大業十二年,淮陽郡 昔魏嘉平四 後果 年,魚集武庫屋上。 有東關之敗。四 驅人 入子 城, 鑿斷羅郎郭。[三至女垣之下,有穴, 是時,長白山賊,寇掠河南,月餘,贼至城下。 王肅 以爲魚生於水,而亢於屋,水之物失其 共中紀 得 鯉 魚 (所也) 郡兵

蟲妖

志符

飛候 日:「食祿 梁 大 同 初 ,大蝗,籬門松栢葉皆盡。 不益聖化,天視以蟲。 蟲 無益於 洪範五行傳曰:「介蟲之孽也。」與魚同 人而食萬物也。」是時公卿皆以虛澹 μį 爲美,不 京房易

親職事,無益食物之應也。

暴虐,勞役不止之應也 近行傳曰:「刑罰暴虐,貪饕不厭,興師動衆,取城修邑,而失衆心,則蟲爲災。」 是時帝用刑 蟲。」 叔瓚對曰:「五行志云:『土功不時則蝗蟲爲災。』今外築長城,內修三臺,故致災 大怒,毆其頗,擢其髮,溷中物塗其頭。 後齊天保八年,河北六州、河南十二州蝗。 役者 不止。 畿人皆祭之。 九年,山東又蝗,十年,幽州 帝問魏尹 丞雀. 叔 大蝗。 費日:「何故 也 洪範 帝

後周建德二年,關中大蝗。

開皇十六年,幷州蝗。 時秦孝王俊,裒刻百姓,盛修邸第。後竟獲譴而死。

逸 禍

也。 餘 ,謂沙 皇太子勇當嗣業,行君上之道,而被囚廢之象也。 開 皇末,渭南有沙門三人,行投陁法於人場圃之上。夜見大豕來詣其所,小豕從者十 |門曰:「阿練,我欲得賢聖道,然猶負他一命。」言罷 命者,言爲煬帝 而去。 賢聖道者, 所 君 上之所行

開皇末,渭南有人寄宿他舍,夜中聞二豕對語。其一曰:「歲將盡,阿耶明日殺我候歲。

之。 何處避之。」一答曰:「可向水北姊家。」因相隨而去。 宿客言狀,主人如共言而 得 豕。 其後蜀王秀得罪,帝將殺之,樂平公主每匡救,至 天將曉,主人覔豕不得,意是宿客而詰 得

全。後數年而帝崩,歲盡之應。

黑眚黑祥

梁承 聖三年六月,有黑氣 如龍了 見于 殿內。 近黑祥也。 黑,周所尚之色。 今見於殿內,

周師入梁之象。其年,爲周所滅,帝亦遇害。

陳太建五 年六月,西北 有黑雲屬地,散 如 猪者十餘。 洪範五行傳曰「當有兵起西北

時 後周將王軌,軍於呂梁。 明年,擒吳明徹,軍皆覆沒。

火沴水

後齊河清 元年四月, 河、 濟清。 襄楷曰「河,諸侯之象。 應濁反清,諸侯將爲天子之

%。」是後十餘歲,隋有天下。

大業三年,武陽郡河淸,數里鏡澈。 十二年,龍門又河淸。 後二歲,犬唐受禪

海。 洪範五行傳曰:「火沴水也。 陳太建十四年七月,江水赤如血, 法嚴刑酷,傷水性也。 自建康,西至荆州。 五行變節,陰陽相干,氣色繆亂,皆 顧明中,江水赤,自方州,東至

敗亂之象也。」京房易占曰:「水化爲血,兵且起。」是時後主初即位,用刑酷暴之應。

-! ::_:

其後為

六五四

隋師所滅。

顧明二 年 四月、郢州南浦水、黑如墨。 黑水在關中,而今淮南水黑,荆 揚州之地 一、陷於

陽中之應。

後周 大象元年六月, 咸陽池水變爲血。 與陳太建十四年同占。 是時, 刑罰嚴急,未幾

國亡。

洪範五行傳曰:「思心不容,是謂不聖。 厥咎瞀,厥罰常風,厥極凶短折。 有脂夜之妖,

·華孽,有牛禍,有心腹之痾,有黃眚黃祥,木金水火沴土。」

常風

有

梁天監六年八月戊戌,大風折木。 京房易飛候曰「角日疾風,天下昏。 不出三月中,

兵必起。」是歲魏軍入鍾離。

亂 之應。」 承聖三年十一 一時帝 旣 平侯景, 月癸未,帝閱武於南城, 公卿咸勸帝反 丹陽,帝不從。 北風 大急, 普天昏闇。 又多猜忌,有瞀亂之行,故 洪範五行傳曰「人君瞀 天變應之

以風。是歲爲西魏滅。

陳天嘉六年七月癸未,大風起西南,吹倒靈臺候樓。 洪範五行傳,以爲大臣專恣之咎。

脖 太子冲幼,安成王 項專政,帝不 畤 抑 損 明 年 崩 皇太 子嗣位 河道遂 一廢之。

太 建 十二年六月壬戌,大風吹壞皐門中園 十二年九月, 夜叉風 ,發屋拔樹。

叔陵專恣之應。

至德中,大風吹倒朱雀門。

禎 明三年六月丁巳, 大風, 自西北,激濤水入石頭、淮。 是時, 後主任司馬申、誅 **製忠**

諫。 沈客卿、施文慶,專行邪僻。 江總、孔範等,崇長淫縱。杜塞聰明,瞀亂 之咎。

然 大 後 風 聞 後 晝晦 齊河 徹 清二年,大風,三旬乃止。 趙 發屋拔樹。天變再見,而 郡 王叡、 馮翊 王潤, 按 土 時帝. 帝 開 不悟。 驕恣,不宜 初 委 政佞臣 明 年帝 仍居 崩。 和 士開 內 後主 職,反爲 專恣 一部內 日甚。 上開 外表奏,皆先詣 所 天統 譜。叡 三年五 竟 坐死。 土 開, 月,

工開出入宮掖,生殺在口,尋爲琅邪王儼所誅。

開 --皇 年三月,大風 二十年十一月,京都 起西 一北,發屋拔 大 風, 樹 發屋 五. 拔 日 樹 涥 秦 止 隴 時高 壓死 阳 者干: 那褒、[六] 餘 人。 駱提婆等專恋之應。 地 大震,鼓皆 應。 淨

刹 爲 寺 衆 所 鍾三鳥,佛 憨 空名 殿 得 門 進, 鎖 則 自 鼓 開 妖見。 銅銅 像 自 時 出 獨 戶 孤 外。 皇后 鍾 干 鼓 預 自 政 鳴者,近 事 ',左僕射 鼓 妖 楊 也 素 權 揚 傾 雄 人 以 主 爲 人君 帝 聽二人 不 聰,

之讒 而 馴 僕 射 高 頻 廢太 子勇爲庶人,晉王釣虛名 而 見立 思心瞀亂, 陰氣盛之象也。 鎖

害

及銅像, 並 金 也 金動木震之,水冷金之應。 洪範五行傳曰「失衆心甚之所致也。」

楊勇、無罪而咸廢黜,失衆心也。

諒發兵反,州縣響應,衆至數十萬。月餘而敗。 象也。升空而墜,顚隕之應也。天戒若曰,無妄動車騎,終當覆敗,而諒不悟。 房易傳曰:「衆逆同志,至德乃潛,厥異風。」後二載,漢王諒在幷州,潛謀逆亂, 仁壽二年,西河有胡人,乘騾在道,忽爲廻風所飄,幷一車上千餘尺,乃墜,皆碎焉。 車及騾騎之 及高祖崩, 京

夜妖

梁承聖二年十月丁卯,大風,晝晦,天地昏暗。 近夜妖也。 京房易飛候曰:「羽日風,天

下昏,人大疾。不然,多寇盜。」三年爲西魏所滅。

「王失中,臣下强盛,以蔽君明,則雲陰。」是時北軍臨江,柳莊、任蠻奴並進中款,後主惑佞 陳禎明三年正月朔旦,雲霧晦冥,入鼻辛酸。 後主昏昧,近夜妖也。 洪範五行傳曰:

臣 一孔範之言,而昏闇不能用,以至覆敗。

東魏武定四年冬,大霧六日,晝夜不解。 洪範五行傳曰:「畫而晦冥若夜者,陰侵陽,臣

將 侵君之象 也。」明年,元瑾、劉思逸謀殺大將軍之應。

馬 大象二年, 尉迥敗於相州。 坑其黨與數萬人於遊豫園。 其處每聞鬼夜哭聲。 洪範

五行傳曰:「哭者死亡之表,近夜妖也。 鬼而夜哭者,將有死亡之應。」京房易飛候日「鬼夜

哭,國將亡。」明年,周氏王公皆見殺,周室亦亡。

仁壽中,仁壽宮及長城之下,數聞鬼哭。 尋而獻后及帝,相次而崩於仁壽宮。

末年,數聞其處鬼哭,有呻吟之聲。 大業八年,楊玄感作亂於東都。 與前同占。其後王世充害越王侗于洛陽。 尚書樊子蓋,坑其黨與於長夏門外, 前後數萬。

華隆

後齊武平元年,槐華而不結實。槐,三公之位也,華而不實,萎落之象。 至明年,錄尚

書 事 和士開伏誅。 隴東王胡長仁,太保、琅邪王儼皆遇害。 左丞相段韶薨

井,隋師執張貴妃而戮之,以謝江東。 洪範五行傳曰:「華者,猶榮華容色之象也。 士離心。敵人鼓行而進,莫有死戰之士。女德之咎也。及敗亡之際,後主與此姬俱投於 詩酒爲娛。一入後庭,數旬不出,荒淫侈靡,莫知紀極。府庫空竭,頭會箕斂,天下怨叛,將 陳後主時,有張貴妃、孔貴嬪,並有國色,稱爲妖艷。後主惑之,寵冠宮掖,每充侍從, 以色亂

數千,爲之羽從,一女之飾,動費千金。 齊後主有寵姬馮小憐,慧而有色,能彈琵琶,尤工歌儛。後主惑之,拜爲淑妃。 帝從禽於三堆,而周師大至,邊東告急,相望於道。 選綵女

國,故謂華孽。」

帝欲班師,小憐意不已,更請合圍。帝從之。 州之下,坐小憐而失機者數矣,因而國滅。齊之士庶,至今咎之。 由是遲留,而晉州遂陷。 後與周師相遇於晉

六五八

牛禍

所敗。 孽。 魯宣公三年,郊牛之口傷,時以爲天不享,棄宣公也。 是時紀雖以赴援爲名,而實妄自尊亢。思心之咎,神不享,君道傷之應。果爲元帝 |梁武陵王紀祭城隍神,將烹牛,忽有赤蛇繞牛口。 牛禍也。 五行傳曰:「逆君道傷,故有龍蛇之 象類言之,又爲龍蛇之孽。

大發卒,於仙都苑穿池築山,樓殿間 後齊武平二年,并州獻五足牛。 起,窮華極 牛禍也。 一麗。 洪範五行傳曰:「牛事應,宮室之象也。」帝尋 功始就 而亡國

果滅而隋有天下,旗牲尙赤,戎服以黃。 之, 黑者死,黃赤俱入于河。 後周 建德六年,陽武有獸三,狀 近牛禍也。 如 水牛,一 黑者,周之所尚色。 黄,一赤,一 黑。 死者, 滅亡之象。 與黑者關久之,黃者自傍觸 後數載 周

大業初,恒山 一有牛,四脚膝上,各生一 蹄。 其後建東都、築長城、開溝洫

心腹之痾

陳 順明三年,隋師臨江,後主從容而言曰:「齊兵三來,周師再來,無弗摧敗。 彼何為

俄頃,君臣旰食不暇,後主已不知懼,孔範從而蕩之,天奪其心,曷能不敗。 彼若渡來,臣爲太尉矣。」後主大悅,因奏妓縱酒,賦詩不輟。 者。」都官尚書孔範曰:「長江天塹,古以爲限隔南北。今日北軍豈能飛渡耶。臣每患官卑, 心腹之痾也。 陳國遂亡,範亦 存亡之機,定之

非 忽狂暴,數年而崩。 我 所制。」卒不行。 齊文宣帝,嘗宴於東山,投杯赫怒,下詔西伐,極陳甲兵之盛。 有識者,以帝精魄已亂,知帝祚之不永。 帝後竟得心疾,耽荒酒 旣而泣謂羣臣曰:「黑衣 色,性

下。 未幾而 武 成帝 崩。 丁太后憂,緋袍如故。 未幾,登三臺,置酒作樂,侍者進白袍,帝大怒,投之臺

黄眚黄祥

茲謂 有知。 又篤信 梁大同元年,天雨土。 佛法,捨 厥異黄,厥咎龍,厥災不嗣 身爲奴,絕道蔽賢之罰也。 二年,天雨灰,其色黄。 **蔽賢絕道之咎也。」時帝自以爲聰明博達,惡人勝** 近黄祥也。 京房易飛候曰:「聞善不及,

而斃,諸子遇害,不嗣之應也。 大寶元年正月,天雨黃沙。 二年,簡文帝夢丸土而吞之。 尋爲侯景所廢,以土囊壓之

志第十八。五行下

カカ〇

陳後主時,夢黃衣人圍城。 後主惡之、遶城橘樹、盡伐去之。 **隋高祖受禪之後**,上下通

服黃衣。未幾隋師攻圍之應也。

崩,至于靜帝,用遜厥位。 後周 大象二年正月,天雨黃土,移時乃息。 絕道不嗣之應也。 與大同元年同占。時帝昏狂滋甚,期年而

苦而無功。」其時營都邑。後起仁壽宮,頹山堙谷,丁匠死者太半。 制 方面。失土之故,有土氣之祥,其後諸王各謀爲逆亂。京房易飛候曰:「天雨土,百姓勞 開皇二年,京師雨土。 是時,帝懲周室諸侯微弱,以亡天下,故分封諸子,並爲行臺,專

裸蟲之孽

他土効之無驗。 憂。」母不暇作帽,以絳繫髮。自是旱疫者二年,揚、徐、兗、豫尤甚。莫氏鄕鄰,多以絳兗, 鬼,不得住。」母曰:「汝當令我得過。」疫鬼曰:「有上官,何得自由。 梁太清元年,丹陽有莫氏妻,生男,眼在頂上,大如兩歲兒。 母可急作絳帽,故當無 墜地而言曰:「兒是旱疫

大寶二年,京口人於藏兒,年五歲,登城西南角大樓,打鼓作長江櫑。 鼓,兵象也。是

時侯景亂江南。

陳永定三年,有人長三丈,見羅浮山,通身潔白,衣服楚麗。京房占曰:「長人見,亡。」

後二歲、帝崩。

後主爲太子時,有婦人突入東宮而大言曰:「畢國主。」後主立而祚終之應也。

至德三年八月,建康 人家婢死,埋之九日而更生。 有牧牛人聞而 出之。

祺明二年,有船下,忽聞人言曰:「明年亂。」 視之,得死嬰兒,長二尺而無頭。 明年

陳滅。

齊天保中,臨漳有婦人產子,二頭共體。 是後政由姦佞,上下無別,兩頭之應也。

後主時,有桑門,貌若狂人,見烏則向之作禮,見沙門則歐辱之。 烏,周色也。 未幾,齊

爲周所吞,滅除佛法。

者,陰陽反覆,君臣顚倒之象。人足不當有爪而有爪者,將致攫人之變也。是時,晉蕩公宇 變而悟,遂誅晉公,親萬機,躬節儉,克平齊國,號爲高祖。轉禍爲福之効也。 文護、專擅朝政、征伐自己、陰懷篡逆。天戒若曰、君臣之分已倒矣、將行攫噬之禍。帝見 後周保定三年,有人產子男,陰在背上如尾,兩足指如獸爪。 陰不當生於背而生於背

頀 粟麥,輙以無底帒受之。 專政,因朝太后,帝擊殺之。發兵捕其諸子,皆備楚毒而死。强練又行乞於市,人或遺之 武帝時,有强練者,佯狂,持一瓠,至晉蕩公護門,而擊破之,曰:「身尚可,子苦矣。」時 因大笑曰:「盛空。」未幾,周滅,高祖移都,長安城爲墟矣。

第十

= 六六二

開皇六年,霍州有老翁,化爲猛獸。

七年,相州 有桑門,變爲蛇,尾繞樹而自抽,長二丈許。

仁壽四年,有人長數丈,見於應門,「も〕其迹長四尺五寸。 其年帝 崩。

大業元年,雁門人房回安,母年百歲,額上生角,長二寸。 洪範五行傳曰:「婦人,陰象

也。 角、兵象也。下反上之應。」是後天下果大亂,陰戎圍帝於雁門

四年,雁門宋谷村,有婦人生一肉卵,大如斗,埋之。 後數日,所埋處雲霧盡合,從地雷

震而 上,視之洞穴,失卵所在

六年,趙郡李來王家婢,產一物,大如 卵。

六年正月朔旦,有盜衣白練裙襦,手持香花,自稱彌勒佛出世。 入建國門,奪衞士仗,

將 爲亂。 齊王顺遇而斬之。後三年,楊玄感作亂,引兵圍洛陽,戰敗伏誅。

八年,有澄公者,若狂人,於東都大叫唱賊。 帝聞而惡之。 明年,玄感舉兵,圍洛陽。

十二年,澄公又叫賊。李密逼東都,孟讓燒豐都市而去。

勒 担 形像。 出 世。 九年,帝在高陽。唐縣人宋子賢,善爲幻術。每夜,樓上有光明,能變作佛形, 或映見紙上蛇形,子賢輙告云三此罪業也,當更禮念。」又令禮謁,乃轉八形示之。 又懸大鏡於堂上,紙素上畫為蛇爲獸及人形。有人來禮謁者,轉側其鏡,遣觀來 自稱彌

遠近 聖。 耳。」及進,無復火矣。 將以兵捕之。 **彌勒佛出世,潛謀逆亂。人有歸心者,輙獲吉夢。** 感信,日數百千人。 因舉兵反,衆至數萬。 不出三年,起兵。」自是天下大亂,路無人行。 夜至其所,遶其所居,但見火坑,兵不敢進。 透擒斬之, 幷坐其黨與千餘家。 遂潛謀作亂,將爲無遮佛會;因舉兵,欲襲擊乘輿。 官軍擊破之。 京房易飛候曰:「妖言動衆者,茲謂不信。 由是人皆惑之, 三輔之士, 其後復有桑門向海明,於扶風 郎將曰:「此地素無坑, 事泄, 鷹揚郎 **翕然稱爲大** 路無人 止 自稱 妖妄

木金水火沴土

行。

害。」京房易飛候曰:「地動以冬十一月者,其邑饑亡。」時交州刺史李凱舉兵反。 歲 儉人飢 梁天監五 年十一月,京師地震,木金水火沴土也。 洪範五行傳曰:「臣下盛,將動而爲 明年,霜,

普通三年正月,建康地震。 是時,義州刺史文僧朗以州叛。

六年十二月,地 震。 京房易飛候日 地冬動有音,以十二月者,其邑有行兵。」是時,帝

令豫章王琮,將兵北伐

F 大 通五年正月,建康地震。 京房易飛候曰:「地以春動,歲不昌。」 是歲,大水,百姓

饑饉o

六六叫

大同三年十一月,建康地震。 京房易飛候曰:「地震以十一月, 邑有大喪及飢亡。」明

年、霜爲災,百姓飢。

三年十月,建康地震。是歲,會稽山賊起。

七年二月,建康地震。 是歲,交州人李賁舉兵,逐刺史蕭諮。

九年閏正月,地震。李賁自稱皇帝,署置百官。

太清三年四月,建康地再震。 時侯景自爲大丞相、錄尚書事,帝所須不給。 是月,以憂

憤崩。

陳永定二年五月,建康地震。時王琳立蕭莊於郢州。

太建四年十一月,地震。陳寶應反閩中。

頑明元年正月,地震。施文慶、沈客卿專恣之應也。

火,陽 東魏 精 也。 武定二年十一月,西河地陷而 地者、陰主也。 地燃,越陰之道,行陽之政,臣下擅恣, 且燃。 京房易妖占曰:「地自陷,其君亡。」 終以自害。」 時後齊神 祖暅曰:

武作宰,而侯景專擅 河南。 後二歲,神武果崩,景遂作亂,而自取敗亡之應。

後齊河清二年,幷州地震。和士開專恣之應。

後周建德二年,涼州地頻震。 城郭多壞,地裂出泉。 京房易妖占曰:「地分裂,羌夷

叛。」時吐谷渾頻寇河西。

開 皇十 四 年 五. 一月,京! 師 地震。 京房易飛候曰:地動以夏五月, 人流亡。」 是歲關中饑,

帝令百姓就糧於關東。

二年四月,岐、雍地震。 京房易飛候曰:「地動以夏四月,五穀不熟,人大飢。」

三年,梁州就谷山崩。 洪範五行傳曰:「崩散落,背叛不事 上 一之類也。」梁州爲漢 地。 明

年,漢王諒舉兵反。

陰之表。 姓不堪其役,四 大業七年,砥柱 人之類也。 海怨叛。 山崩,壅河, 天戒若日 帝不能悟,卒以滅亡。 ,君人擁威 逆流數十里。 重,將崩壞,百姓不得其所。」時帝興遼東之師,百 劉向洪範五行傳曰「山者, 君之象。 水者,

洪範 五行傳曰:「皇之不極,是謂不建。 厥咎瞀,厥罰常陰,厥極 易。 時 則有 射妖, 則有

龍蛇之孽,則有馬禍。

雲陰

獨 孤 后遂 開皇二十年十月, 與楊素,陰譖太子勇,廢爲庶人。 久陰 不 雨。 劉向曰「王者失中,臣下强盛而蔽君明,則雲陰。」是時

芯

射妖

順軍五 起。 武聞 就,死者七萬。 將士震懼,皆曰:「韋孝寬以定功弩射殺丞相。」西魏下令國 神武行,殿中將軍曹魏祖諫曰:[公][王以死氣逆生氣,爲客不利,主人則 而惡之,其疾暴增 東魏武定四年,後齊神武作宰、親率諸軍,攻西魏於玉壁。 一旬, 頻戰沮 氣逆天之咎也。 衂。 ,近射妖也。 又聽孤虛之言,於城北斷汾水,起土山。 其年帝崩。 洪範五行傳曰「射者、兵戎禍亂之象、氣 明年,王思政擾河南 中日 三勁弩 其年十一月,帝不豫,班師。 其處天險千餘尺, 功竟不 發,凶身 逆天 可。一 自殞 則禍 帝 不從, 亂將 神

媚, 獸之妖妄也。 伏草中彎弓而射之。 武平,日後主自幷州還鄴,至八公嶺,夜與左右歌而行。有一 人又射之,兵戎禍亂之應也。 時帝不恤國政,專與內人閹豎酣歌爲樂。 傷數人,幾中後主。 未幾而國滅。 後主執而 斬之。 或衣繼縷衣,行乞爲娛。 其人 人忽發狂,意後注以爲狐 不自覺也。 狐而 此妖妄之 能娟

龍蛇之孽

害者也。天之類,乃之象。天氣害,君道傷,則龍亦害。 衆心不安、厥妖龍鬭。」是時帝初卽位,而有陳伯之、劉季連之亂,國內危懼。 梁天監二年,北梁州潭中有龍鬭,潰霧數里。 龍蛇之孽。 鬭者兵革之象也。」京房易飛候日 洪範五行傳曰「龍, 獸之難

務,不崇耕戰,將輕 又有龍鬭。 與 天監二年 普通 Ŧi. 同 年六月、龍鬭于曲阿王陂,因西行,至建陵城,所經之處,樹木皆折開數十丈。 波 浪涌. 占。 起,雲霧四合,而 而卒惰。 經建陵而 樹木折者, 君道旣傷,故有龍孽之應。 見白龍 或 有兵革之禍, 南走,黑龍隨之。 帝殊 彚 陵 不 其年,侯景以兵來降,帝 殘 悟。 毁 之象。 至太 清元年,黎州 時帝專以 講 納之 論爲 水 1 1

也。」後侯景反,果幽殺簡文于酒庫,宗室王侯皆幽 天,下則在地,不當見庶人邑里室家。 庭 中及室中各有 大同 十年夏,有龍,夜因雷 大蛇,如 數百斛船,家 而 墮延陵 井中,幽深之象 人 奔走。 人家井中。 洪範 死 五行傳日 明旦視之,大如 也,諸侯且有幽執之禍 龍 陽類 騙。 將以 ,貴象也。 戟刺 皇不 之,俄 上 建之咎 則在 見

而

無備,國

人皆懼。

俄

而難作,帝

以憂崩。

怠 動不得中。 陳太建十一年正月,龍見南兗州池 其後竟以國亡,身被幽 執 中。 與梁大同 一十年同占。 未幾, 後主嗣 位, 驕淫荒

悦之,仲密內不自安,遂以武牢叛,陰引西魏,大戰於河陽。 東魏武定元年,有大蛇見武牢城。 是時, 北옗 州刺史高 神武為西兵所籍,僅而 仲密妻李氏,慧 而艷。 獲免,死 世 子澄

者數千。

後齊 天保 九年,有龍長七八丈,見齊州大堂。 占同大同十年。 時常山、長廣一 一王權重,

帝 不 思 加損 明 年帝崩,太子殷嗣立。 常山王演,果廢帝爲濟南王,幽而害之。

河 凊 元年,龍見濟州浴堂中。 占同 天保九年。 先是平秦王歸彦, 受昭帝遺韶, 立太子

百 年爲嗣。 而 歸彥遂立長廣王湛,是爲武成帝。 而廢百年爲樂陵王,竟以幽 死。

死,不祥之甚。 天統 四年 ,貴鄉人伐枯木,得一黃龍,折脚,死於孔中。 其年 武成 崩 齊稱木德。 龍,君象。 木枯龍

武 不三年,龍見 邯 耶井中 ,其氣五色屬天。 又見汲郡佛寺涸井中。 占同 河清元年。 後

主竟降周 ,後被誅。

鬭

啓敵人,皇不建之咎也。 而 死, 武 平 滅亡之象也。 七年,幷州招遠樓下,有赤蛇與黑蛇闕,數日,赤蛇死。 後主 後主遂為 在 用 邪佞, 周 師 與 所 周 虜。 師 連 兵於晉州之下。 赤,齊尚色。 委軍於孽臣 高 黑,周 BII .那 尚色。 肱,竟

誅 失中之咎也。 琅 邪王嚴壞北宮中白馬浮圖 見變不 知戒,以及 一,石趙 於難 時澄公所 建。 見白蛇長數丈、廻旋失所在。 時嚴專

時皇太子不才,帝每 太子立,虐殺齊王及孝伯等,因而國亡。 後 周 建德五 年,黑龍墜於亳州 以為 慮,直臣王軌 而 死。 、宇文孝伯等,驟請廢立, 龍, 君之象。 黑, 周 所 帝不能用。 尙 色。 墜 而 後二歲,帝崩, 死,不祥之甚。

禍 也。 觸弓 四 年,龍見代州總管府井中。 上 射 叉近 射 妖。 諸侯將有兵革之變, 共龍或變爲鐵馬甲士彎弓上射之象。 以致 幽 囚 也。 是時漢王諒潛謀逆亂 變爲 鐵馬,近

馬禍

故

繸

兵

八戒之。

諒不悟,遂興兵反,事敗,廢爲庶人,幽囚數年而

死。

之事 役 八馬臥 ,故馬 侯景僭尊號於江南, 不 起 爲怪。」景因 |景 (拜請, 此 且箠之,竟不動。 大 每將戰,其所 敗 乘白馬, 近馬禍 也。 長鳴蹀足者輒勝, 洪範 五. 行 傳曰:「馬者兵象。 垂頭者輒 不利。 將 有 西州之 寇戎

遺吳 明 陳 徹 太 出 建 五 師 呂梁 年 ', |衡 外與 州 馬 周 師 生 角。 拒。 洪範 連兵 、數歲 五 行傳曰「馬生角、兵之象,敗亡之表 ,衆軍覆沒,明徹竟 為周 師 所 房。 也。一 是時宣帝

契丹 犯塞,文宣帝 天 保 中 廣宗 有馬 親 御六軍 兩 耳間 以擊之。 生角, 如 羊 尾。 京房易傳 日 天 子親 伐, 則馬生角。」 四年,

將 致 歲 巡 死 鬼 兵 大 北北 業 以 帝 伐 四年,太 令巫 事 遼 長城 東 者 也 1視之。 ′、西通 原 廐馬 帝 且末, 大 巫 死 悅, 者 者太半,帝怒, 知帝 國內虛耗,天戒若曰,除處馬,無事巡幸。 因 釋 將 主 有遼 者。 洪範五 東之役, 遣 使案問。 行傳 因 希旨言曰:「先帝 主者曰:「 曰:「逆天氣,故馬 每夜廐中馬 令楊 帝 多 死。 素、史萬 不悟,遂至亂 無 故 是 É 時, 鮗 歲 取之, 一, 冈 帝毎 imi

زا تا,

卷二十

十 年,河南、扶風三郡、[10]並有馬生角,長數寸。 與天保初同占。 是時,帝頻歲親征

高麗。

義寧元年,帝在江都宮,龍廐馬無故而死,旬日,死至數百匹。 與大業四年同占。

校勘記

廢無辜有罪用 疑應作「廢無辜,用有罪」。

齊後主武平七年 「後主」原作「神武」。按:「武平」爲齊後主年號,原作「神武」,誤,今改正。

羅郎郭 古稱外城爲羅城或羅郭。「郞」字疑行。

四 東關 「關」原作「闕」。 張森楷隋書校勘記:『闕』字當作『關』。 見三國志四魏三少帝紀及晉書

二景帝紀。」今據改。

Ŧī. 樂平公主 原作「平樂公主」,據本書李敏傳及周書宣帝楊后傳 改。

オ 高 ßij 那瓌 卽 高阿 那肽。 北齊書本傳:「雖作『肱』字,世人皆稱爲『瓌』音。」

. . :-:-應門 本書高祖紀下作「雁門」。

曹魏! 祖 原作「曹魏」。錢大昕廿二史考異:「北史神武紀作『曹魏祖』,此脫『祖』字。」今據補。

, . し し 武平 按:「武平一下疑脫年份或「中」字。

河南扶風三郡 「三」疑應作「二」。

隋書卷二十四

志第十九

食貨

向, 不奪其時,不窮其力,輕其征,薄其賦,此五帝三皇不易之敎也。 王之經用,各有等差。 方外,活國 人十一而頌聲作。 而 各本事業。 秦氏 成 王者量地以制邑,度地以居人,總土地所生,料山澤之利,式遵行令,敬授人時,農商趣 [其財。] 若使之不以道,斂之如不及,財盡則怨,力盡 起自西戎,力正天下,驅之以刑罰,棄之以仁恩,以太半之收, 安人之大經也。 書稱懋遷有無,言穀貨流通,咸得其所者也。 於是東周遷洛,諸侯不軌,魯宣初稅畝,鄭 所謂取之以道,用之有節,故能養百官之政,勗戰士之功,救天災,服 爰自軒、項,至于堯、舜,皆因其所利而勸之,因其所欲而化之。 則叛。 產 周官太府, 掌九貢 爲 古語曰:「善爲 昔禹 丘 賦, 制 長城絕於地脉,以 先王之制,靡有了 九等而 人者, 康歌興,周 九赋之法, 愛其

Ŀ

第

十九九

食货

以之 科, 遵 用 頭 前 成 會之斂, 士. 減 雄 貢 半 侈 方 成 ·, 盜 物,帝又遣先輸中署,名爲導行,天下賄成,人受其敝。 賦 開 屯 單薄,足稱經 賊以之公行。 邊 戍 撃胡 窮於嶺外。 **清**蕭然 咸罄。 遠。靈帝開鴻都之勝,通賣官之路,公卿 於是譎 漢高祖承秦凋敝、十五稅一, 宮宇捫於天漢,巡遊跨於海表,旱歲除道,凶 詭賦 税, 異端俱 起,賦及童齓,算至船車。 中元繼武, 自魏 州郡,各有等差。 府廪彌殷。 、晉二十一帝,宋、齊 光武 年嘗秣 世宗得之, 中 漢之常 ·興,聿

川,構成雲綺,移嶺樹以爲林藪,包芒山以爲苑囿。 無不 期於百姓,天下死於役而家傷於財。 親 輓 子,多赴於邊陲,分離哭泣之聲,連響於州縣。 称, 平江左, 有 盈 隋文帝 Ŧi. 水陸交至。 積。 主, 煬皇嗣 九區之內,鸞和歲動,從行宮掖,常十萬人,所有供須,皆仰州縣。租賦之外,一切 兼以梁、 雖 旣 所有資給,不踰 用 守鴻 平江表,天下大同,躬先儉約,以事 度有衆寡、租賦 疆場之所傾敗,勞敝之所 陳曲折,以就規摹。 基,國家 殷富,雅愛宏玩,肆情方騁,初造東都,窮諸 經費,京司帑屋旣充, 有重 |輕,大抵不能傾 旣而一 曾雉踰芒,浮橋跨洛 殂殞,雖復太半不歸, 討渾庭、三駕遼澤、天子親伐、 老弱耕稼,不足以救飢餒,婦工紡績,不足以 府 積於 帑。 人產業,道關 長城御河,不計於人力, 廊廡之下, 高祖遂停此年 開皇十七年,戶 金門象闕, 政亂。[]] IIII 每年興發,比屋良家之 巨麗。 П 咸竦 滋 師兵 盛,中外 運驢 帝昔居藩翰 飛觀,頹巖 (大舉, 正賦 武馬,指 倉庫 飛糧 塞

振 鞠爲茂草,鄕亭絕其煙火,人相啖食,十而四五 趙 飾 徵 返不能,死人如積,不可勝計。 飢 跨於齊、韓,江、淮入於襄、鄧,東周洛邑之地,西秦隴山之右,僭爲交侵,盜賊充斥。 一,買 斂,趣以周備,不顧元元,吏因割剝,盜其太半。 人,去倉數百 以供官,千倍其 里,老幼雲集。 價。 人愁不堪,離棄室宇,長 雖復皇王撫運,天祿有終,而隋氏之亡,亦由於此 東在貪殘,官無攸次,咸資鍋貨,動移 0 關中癘疫,炎旱傷稼,代王開永豐之粟,以 遐方珍膳,必登庖厨, 吏叩犀而 ·達曙,猛犬迎吠而終夕。 **旬月,頓臥墟野,欲** 翔禽毛羽, 用為玩 自燕 宮觀

刑 生 罰 人,食貨為本。 不能止。故爲食貨志,用編前書之末云。 馬遷爲平準書,班固述食貨志,上下數千載,損益粗舉。 聖王割廬井以業之,通貨財以富之。 富而敎之,仁義以之興,貧而爲盜 白此史官曾無概見。 夫厥初

雄 洞、霑沐王 郡 於鄉 縣 往 晉自中原 曲 往 者 散 化者,各隨 朝廷 居 喪亂,元帝寓居江左,百姓之自拔南奔者,並謂之僑人。 無無 多 有 因 土著。 輕 而 重,收其赕物,以裨國 署之,以收其利。 而江 南 之俗,火耕 歷宋、齊、梁、陳,皆因而 用。 水縣,土 又嶺 外酋帥 地 卑濕, ··, 因 無有蓄積之資。 生口 不改。其軍 翡翠 皆取 修舊壤 剪 珠 國所須雜物, 犀象 之名,僑立 諸蠻 之饒, 陬 俚

隨 |土所出,臨時折課市取,乃無恒法定令。 列州郡縣,制其任土所出,以爲徵賦

第八二人。第九品及轝輦、跡禽、前驅、由基强弩司馬、羽林郎、殿中冗從武賁、殿中武賁、 關外侯、材官、議郎已上,一人。皆通在佃客數中。官品第六已上,幷得衣食客三人。第七 畝稅米二斗。蓋大率如此。其度量,斗則三斗當今一斗,稱則三兩當今一兩,尺則一尺二 若在室者,年二十乃爲丁。其男丁,每歲役不過二十日。又率十八人出一運丁役之。其田, 年十六已上至六十,爲丁。男年十六,亦半課,年十八正課,六十六殆課。女以嫁者爲丁, 持椎斧武騎武賁、持鈒冗從武賁、命中武賁武騎,一人。客皆注家籍。其課,丁男調布絹各 第七品十五戶。第八品十戶。第九品五戶。其佃穀,皆與大家量分。其典計,官品第一第 佃客無過四十戶。第三品三十五戶。第四品三十戶。第五品二十五戶。第六品二十戶。 寸當今一尺。 正課焉。都下人多爲諸王公貴人左右、佃客、典計、衣食客之類,皆無課役。官品第一第二, 二,置三人。第三第四,置二人。第五第六及公府參軍、殿中監、監軍、長史、司馬、部曲督、 二丈,絲三兩,綿八兩,祿絹八尺,祿綿三兩二分,租米五石,祿米二石。丁女並半之。男女 其無貫之人,不樂州縣編戶者,謂之浮浪人,樂輸亦無定數,任量,准所輸,日沒終優於

其倉,京都有龍首倉,即石頭津倉也,臺城內倉,南塘倉,常平倉,東、西太倉,東宮倉,

部 同 給 Ш 旣 取 傳 所 其祿 貯總不 文武 閤 殊,不可委載。[三] 太子詹事 就 解任還京,仍亦公給云 各有 第 秩焉 人物多少,由 過五 婚冠所須,及衣裳服飾,并酒米魚鮭香油紙燭等,並官給之。 倉。 、、尚書班。 十餘萬 揚、徐等大州,比令、僕班。 大抵自侯景之亂, 敕 州郡縣祿米絹布絲綿,當處輸臺傳倉庫。 高凉、晉康等小郡,三班而已。 而 在外有豫章倉、釣磯倉、 裁 凡如此祿 國用常編 ·秩,旣通所部兵士給之,其家所得蓋少。 寧、桂等小州,比參軍 京官文武, 錢塘倉, 並是大貯備之處。 大縣六班,小縣 月別唯得廪食,多遙帶一 若給刺 班 丹陽、吳郡 兩轉方至 王及主婿外祿者,不 史守令等, 自 1餘諸 諸 會稽 先准 郡 班 王 州郡 縣 一諸主, 等那 品第 官 共所 臺 mi

郊。 諸 於 資 並 給 鄴 奉, 州 緣 常 齊神武 魏 出 乃令所 凛,春 河 自永安之後,政道陵夷,寇亂實繁,農商失業。 栗 津 一百三十 濟 因之,以 秋 在 皆 迭 畤 相 官 倉貯 萬 成 賜 糾 帛 大業。 發,百 石 積 以以 ·; 以 以 供 振 姓愁怨,無復 魏武 貧 擬漕運。 衣 服 人。 西遷,連 之費。 是時 於滄、瀛 聊 年 常 六坊之衆 生。 調 戰爭,河、洛之間, Ź 、幽、靑四州之境,傍海 尋 外,逐 而 ,從武帝 官有征伐,皆權調於人,猶不足以相 六鎭擾亂,相 豐稔 之處,折 而 叉並 西者,不能 率 空竭。 內徙, 絹 置 **全部** 鹽官 栗,以 萬 寓 天 人,餘皆 平元 食於齊、晉之 充 以 煮鹽 年 或 遷 北 存 於

志

たじた

加焉。 歲 乃命孫騰、高隆之,分括無籍之戶,得六十餘萬。 元 象、 收 錢,軍 興和 及文襄嗣業,侯景背叛,河南之地,困於兵革。 之中,頻 國之資, 歲 得以周 、大穰。 贍。 穀斛至九錢。 自是之後,倉廪充實,雖有水旱凶饑之處,皆仰 是時法網寬弛,百姓多離舊居,闕於 於是僑居者各勒還本屬,是後租調之入有 尋而侯景亂梁, 乃命行臺辛術, 開倉以振之。 徭 赋 神武

淮南之地。

其新附州郡,覊縻輕稅而已。

戶 富 以 死 然 者,以數十萬計。 日者稅其錢,貧者役其力。 後 口 取之,謂之百保鮮卑。 生 盆 及文宣受禪,多所創革。 多 意漏。 由是姦欺尤甚。 舊制,未娶者輸半牀租調,陽 重以修創臺殿,所役甚廣。 北興長城之役,南有金陵之戰。 戶 又簡華人之勇力絕倫者,謂之勇士,以備邊要。 六坊之內徙者,更加簡練,每一人必當百人,任其臨陣必死, 口 租 調,十亡六七。 翟一郡,戶至數萬,籍多無妻。 而帝刑罰酷濫,吏道因而成姦,豪黨兼幷, 其後南征諸將,頻歲陷沒,士馬 始立九等之戶, 有司劾之,帝

郡 縣 鎭 是 戍 時 之職。 用 度轉廣,賜與無節,府藏之積,不足以供。乃滅百官之祿,撤軍人常廪,併省州 叉 制刺史守宰行兼者,並不給幹,以節國之費用焉。

以頻歲不熟,米糴踊貴矣。 天 保 八 年,議徙冀、定、瀛無田之人,謂之樂遷,於幽州 廢帝乾明中,尚書左丞蘇珍芝,議修石鼈等屯,歲收數萬石。 范陽寬鄉 以處之。 百炷驚擾。屬 自

是維 歲收稻粟數十萬石,北境得以周贍。又於河內置懷義等屯,以給河南之費。 南軍防,糧廪充足。孝昭皇建中,平州刺史嵇曄建議,開幽州督亢舊陂,長城左右營屯, 自是稍止轉輸

六十五已下爲丁,十六已上,十七已下爲中,六十六已上爲老,十五已下爲小。率以十八受 田,輸租調,二十充兵,六十兔力役,六十六退田,觅租調。 至河清三年定令,乃命人居十家爲比鄰,五十家爲閭里,百家爲族黨。男子十八以上,

羽林武賁,各有差。其外畿郡,華人官第一品已下,羽林武賁已上,各有差。 京城四面,諸坊之外三十里內爲公田。受公田者,三縣代遷戶執事官一品已下,逮于

之限。非此田者,悉入還受之分。土不宜桑者,給麻田,如桑田 十人,八品已下至庶人,限止六十人。 奴婢限外不給田者,皆不輸。 其方百里外及州人,一 止 夫受露田八十畝,婦四十畝。 奴婢依良人,限數與在京百官同。 丁牛一頭,受田六十畝,限 二品嗣王已下及庶姓王,止一百五十人;正三品已上及皇宗,止一百人;七品已上,限止八 四牛。回又每丁給永業二十畝,爲桑田。其中種桑五十根,楡三根,棗五根。不在還受 職事及百姓請墾田者,名爲永業田。同奴婢受田者,親王止三百人,嗣王止二百人,第 法

率 志 第 + 牀 九 ,調絹一疋,綿八兩,凡十斤綿中,折一斤作絲,墾租二石,義租五斗。 食 货 奴婢各

輸 貧富 糶之物,依 數,得支一 者,輸粟。 准 次遠,下梟輸當州倉。 良人之半。 爲三梟。 價 年之糧,逐當州穀價賤時, 人欲 (糴貯 其賦稅常調,則 牛調二尺,墾租一斗,義租五升。 輸錢者, 三年一校焉。 准上絹收錢。 (少者直出上戶,中者及中戶,多者及下戶。 斟量割當年義租充入。 諸州郡皆別置富人倉。 租入臺者, 墾租送臺,義租納郡,以備水旱。 五百里內輸粟, 五百里外輸米。 穀貴,下價糶之,賤則還 初立之日,准所領 上梟輸遠處,中梟 墾租 中下戶 入州鎭 油所 皆依

牛, 月, 或有牛無力者,須令相便,皆得納 婦 毎 女十五 歳 春月,各依鄉土早晚, 已上,皆營蠶桑。 孟冬,刺 課人農桑。「Ki 自春及秋,男十五已上,皆布田畝。 種。 史聽審邦敎之優劣,定殿最之科品。 使 地 無遺利,人無遊 手焉。 人有 桑蠶之 人力無

緣 邊城守之地,堪墾食者,皆營屯田,置 一都使子使以統之。 一子使當田五十頃,歲終考

其所入,以論褒貶。

益 ,饑饉尤甚 是時 頻 歲 大水, 重以 灰疫相 州郡多 乘,死者 遇 ()沉溺, 干 穀 匹 價 五. 騰 焉。 踊。 朝 廷遣使開倉,從貴價以糶之, 而 百姓

無

以 列館,中起三山,構臺,以象滄海,幷大修佛寺, 至 天統 中, 义毁東宫,造修 文、偃 武 隆基 嬪嫱諸院,起玳瑁 勞役鉅萬計。 財用不給, 樓。又於遊 乃減朝士 豫 園 穿 之祿 池,周

斷諸: 屈。 長顒贊成之,後主大悅。於是以其所入,以供御府聲色之費,軍國之用不豫焉。未幾而亡。 曹糧膳,及九州軍人常賜以供之。武平之後,權幸並進,賜與無限,加之旱蝗, 乃料境內六等富人,調令出錢。 而給事黃門侍郎顏之推奏請立關市邸店之稅,開 國用轉 府鄧

半之。 賦役斂弛之節 之禁,百姓取之,皆稅焉。司倉掌辨九穀之物,以量國用。 旬。 役之政令。凡人自十八以至五十有九,皆任於役。 者,歲不過絹一疋,綿八兩,粟五斛;丁者半之。 畝。司賦掌功賦之政令。凡人自十八以至六十有四,與輕癃者, 十已上,宅五畝; 目 不養者,一人不從役。若凶札,又無力征。 鹽鹽,引池以化之,三曰形鹽,物地以出之,四曰飴鹽,於戎以取之。 凡起徒役,無過家一人。其人有年八十者,一子不從役,百年者,家不從役。 後周太祖作相,創制六官。 豐年則全賦,中年半之,下年一之,皆以時徵焉。 ,制畿疆修廣之域,頒施惠之要,審牧產之政。 口九已上,公宅四畝,口五已下,宅三畝。 載師掌任土之法,辨夫家田里之數,會六畜車乘之稽,審 掌鹽掌四鹽之政令。一曰散鹽,煑海以成之,二 其非桑土,有室者,布一疋,麻十斤,丁者又 豐年不過三旬,中年 若艱凶札,則不徵其賦。 國用足,即蓄其餘,以待凶荒;不 有室者,田 司均掌田里之政令。 皆賦之。其賦之法, 凡鹽鹽形 百四十畝,丁者田 則二旬, 鹽,每地爲 下 廢疾 司 年則 役 凡 **从非人** 掌 有室 人 力 百 口

志第

足則止。餘用足,則以栗貸人。春頒之,秋斂之。

陽,稱東京六府 爲兵矣。宣帝時,發山東諸州,增一月功爲四十五日役,以起洛陽宫。 二丁兵,率歲一月役。

建德二年,「至」改軍士爲侍官,募百姓充之,除其縣籍。

是後夏人半 閔帝元年,初除市門税。及宣帝卽位,復興入市之税。武帝保定元年,改八丁兵爲十 并移相州六府於洛

武帝保定二年正月,初於蒲州開河渠,同州開龍首渠,以廣溉灌。

絹。 至一百頃,少者至四十畝。其丁男、中男永業露田,皆遵後齊之制。 園宅,率三口給一 上爲丁。 正,黨長比族正,以相檢察焉。 討,賞費鉅萬。 及頒新令,制人五家爲保,保有長。 絁以疋,加綿三兩。 高祖登庸,罷東京之役,除人市之税。 丁從課役,六十爲老,乃免。自諸王已下,至于都督,皆給永業田,各有差。 及受禪,又遷都,發山東丁,毁造宫室。仍依周制,役丁爲十二番, 畝,奴婢則五口給一畝。 布以端,加麻三斤。單丁及僕隸各半之。未受地者皆不課。 男女三歲已下爲黄,十歲已下爲小,十七已下爲中,十八已 保五爲閭,閭四爲族,皆有正。 丁男一牀,租粟三石。 是時尉迥、王謙、司馬消難, 桑土調以絹絁,麻土以布 並課樹以桑榆及棗。其 畿外置里正, 相次叛逆, 匠則六 興師誅 多者 有品 比閭

爲 **倒及孝子順孫義夫節婦,** 差,至五 品 則爲 [田三頃,六品二頃五十畝。 並発課役。 京官又給職分田。一 其下每品以五十畝爲差,至九品爲一頃 品者給田五頃。 每品以五十畝 外

官亦各有 職 分田。 又給公廨田 「, 以 供 公 用

絹 疋爲二丈。 開 皇三年正月,帝入新宮。 先是尚依周末之弊,官置酒坊收利, 初令軍人以二十一成丁。 鹽池鹽井, 減十二番每歲爲二十日役,減調 皆禁百姓採用。 至是罷酒

坊,通鹽池鹽井與百姓共之。遠近大悅。

北 大興屯田,以實 是時突厥 犯塞,吐谷渾寇邊,軍旅數起,轉輸勞敝。 塞下。 又於 河西,勒百姓立堡,營田 積穀。 帝乃令朔州總管趙仲卿,於長城以 京師置 常平監

賦。 是時 高 祖 令 |Щ 州縣 東 尙 大索 承齊俗, 貌関,戶 機巧姦偽,避役惰遊者十六七。 口不 實者,正長遠配,而 叉開 相糾之科。大功已下,兼 四方疲人, 或詐 老 詐 小, 令析 規 発租

各 爲 戶 頭 以以 防容 隱。 於是 計 帳 進 四 十四萬三千丁 ', 新 附一 百六十四 萬一 千五五 白

高

頌

叉以

人間

.課輸,雖有定分,年常徵納,除注

恒多,長

吏肆

情,

文帳

出

沒,

復

無定簿,

難 以 推 校, 乃爲 輸 籍定樣,請偏 下諸 州。 每 年 IE 月 五. 日 ,縣令巡人,各隨便近,五 黨三黨,共

爲一團,依樣定戶上下。帝從之。自是姦無所容矣。

志

銷

4-

JL

食貨

時 百 姓 承 平 H 久 雖 數遭水旱,而戶口歲增。諸州調物,每歲河南自潼關 ,河北自蒲坂,

慶賞。 院,構屋以受之。下詔曰:「旣富而敎,方知廉恥,寧積於人,無藏府庫。河北、河東今年田 莫不優隆。十二年,有司上言,庫藏皆滿。帝曰:「朕旣薄賦於人,又大經賜用,何得爾也。」 者,輸庸停防。 給復十年。 對曰:「用處常出,納處常入。略計每年賜用,至數百萬段,曾無減損。」於是乃更闢左藏之 帑充實,百官祿賜及賞功臣,皆出於豐厚焉。 之,帝用 故 達于京師、相屬於路、晝夜不絕者數月。帝旣躬履儉約,六宮咸服澣濯之衣。 做者,隨令補用,皆不改作。 自門外,夾道列布帛之積,達于南郭,以次頒給。所費三百餘萬段。帝以江表初定, 爲 傷費,大加譴責。 自餘諸州,並殆當年租賦。十年五月,又以宇內無事,益寬徭賦。 十一年,江南又反,越國公楊素討平之,師還,賜物甚廣。 後進香,復以氊袋,因笞所司,以爲後誠焉。 非享燕之事,所食不過一肉而已。 九年陳平,帝親御朱雀門勞凱旋師,「我」因行 有司嘗進乾薑,以布袋貯 其餘出師命賞,亦 由是內外率職,府 百姓年五十

帝 命諸州考使議之。又令尚書,以其事策問四方貢士,竟無長算。帝乃發使四出,均天下 時天下戶口歲增,京輔及三河,地少而人衆,衣食不給。 其狹鄉,每丁纔至二十畝,老小又少焉。 議者咸欲徙就寬鄉。其年冬,

租,三分減一,兵減半,功調全免。」

十三年,帝命楊素出,於岐州北造仁壽宮。 素遂夷山堙谷,營構觀字,崇臺累樹,宛轉

數。 漫,又聞哭聲。 及入新宮遊觀 相 剧。 宮成、帝行 役使嚴急,丁夫多死,疲敝顚仆者,推塡坑坎,覆以土石,因而 ,乃喜,又謂素爲忠。 幸焉。 令左右 時 觀之,報曰:「鬼火。」帝曰:「此等工役而死,旣屬 方暑月 一而 後帝 死 人 以 相次於道 歲 暮 晚 一,素乃一 日,登仁壽 切焚除之。帝 殿, 周 望 築爲平地。 原 年暮, 頗 隰 知 見 魂 其 宮 魄思歸 事 基 外燐 死者以萬 示 耶 火 彌

乃令灑

酒宣敕,

以呪遣之。

自是乃

息

費,向 渭水多沙,流有深淺,漕者苦之。 置常平倉,華州置廣 懷 部衛 開 蒲、陜以東,募 三年, 朝廷 人能於洛陽 通倉,轉相 以京師 倉廪尙 灌 運米四十石,經砥柱之險,達于常平者,殆其征戍。 四年 注。 虚, ·, 詔 議爲水旱之備,於是詔 漕關東及汾、晉之粟,以給京 又於衛州置黎陽倉,洛州置河 於蒲、陝、號、熊、伊、洛、鄭、 師。 叉遣 倉部侍 陽倉, 其後 郎

害,公私之弊,情實愍之。 計其途路,數百而已,動移氣序,不能往復,汎舟之役,人亦勞止。 朕君臨區宇,興利除 流,控引汾、晉,舟車來去,爲益殊廣。而渭川水力,大小無常,流淺沙深,卽成阻閡 里交通。雖三門之下,或有 京邑所居,五方輻湊,重關四塞,水陸艱難。 故東發潼關,西引渭水,因藉人力,開通漕渠,量事計功,易 危慮,但發自小平,陸運至陝,還從河水,入於渭川,兼及上 大河之流,波瀾 東注,百川海瀆

官及私家,方舟巨舫,晨昏漕運,沿泝不停,旬日之功,堪省億萬。 可 成 就 已令工匠,巡歷渠道,觀地理之宜,審終久之義,一得開鑿,萬代無毀。 誠 知時當炎暑,動致 可使

疲勤,然不 有暫勞,安能永逸。 宣告人庶,知朕意焉

於是命字文愷率水工鑿渠,引渭水,自大興城 東至潼關,三百餘里,名曰廣通渠。轉運通

關 内賴之。諸州水旱凶饑之處,亦便開倉賑給。

後關 義倉。 熟,陛下哀愍黎元,甚於赤子。 年收積,勿使損敗。若時或不熟,當社有饑饉者,即以此穀賑給。 風行草偃,從化而然。但經國之理,須存定式。」於是奏令諸州百姓及軍人,勸課當社 三年之儲, 高 中連年大旱,而青、兗、汴、許、曹、亳、陳、仁、譙、豫、鄭、洛、伊、潁、邳等州大水,百姓饑 又發故城中周代舊栗,賤糶與人。買牛驢六千餘頭,分給尤貧者,令往關東就食。其遭 五. 年五 旭 收穫之日,隨其所得,勸課出粟及麥,於當社造倉窖貯之。卽委社司,執帳 乃命蘇威等,分道開倉賑給。又命司農丞王亶,發廣通之粟三百餘萬石,以拯 雖水旱爲災,而人無菜色,皆由勸導有方,蓄積先備故也。 鴻恩大德,前古未比。 月,工部尚書、襄陽縣公長孫平奏曰「古者三年耕而餘一年之積, 運山東之粟,置常平之官,開發倉廪,普加 其强宗富室,家道有餘者,皆競出私 自是諸州儲峙委積 財,遞 賑賜。 去年亢陽, 相 九年 賙 少食之人, 膽。 檢校 作 關 一、共立 此乃 而 分每 關 其

水旱之州,皆免其年租賦。

相視 |戴、麒、潁等諸州,達于滄海,皆困水災,所在沉溺。 十八年,天子遣使,將水工,巡行川 等稅,上戶不過一石,中戶不過七斗,下戶不過四斗。其後山 隴、涇、寧、原、敷、丹、延、綏、銀、扶等州社倉,並於當縣安置。二月,又詔 種及遠年粟。」十六年正 長、靈、鹽 限。 倉,止防水旱,百姓之徒,不思久計, 調皆免。 高下,發隨近丁以疏導之。 明年,東巡狩 -|-四 自是頻有年矣。 年. 、蘭、豐、鄯、凉、甘、瓜等州,所有義 關 中 ,因祠泰山 大旱,人飢。 |月,又詔溱、疊、成、康、武、文、芳、宕、旭、洮、岷、渭、紀、河、廓 是時 上幸洛陽,因令百姓就食。 困乏者,開倉賑給,前後用穀五百餘石。[1] 遭水之處,租 義倉貯在人間 輕爾費損,於後乏絕。 倉雜種, 並納本州。 ,多有費損。 從官並准見口賬給,不以官位 東 又北境諸州, 十五 頻年霖雨、梠、宋、陳、亳、曹、 若人有旱儉少糧, 年二月,詔曰 社 異於餘處、雲、夏 倉,准上中下三 一本置義 先給雜

等,以爲所在官司,因循往昔,以公廨錢物,出舉興生,唯利是求,煩擾百姓,敗損風俗,莫斯 官及諸州, 隨近之州。 開 皇八年五月,高頌奏諸州無課調處,及課州管戶數少者,官人祿力, 並給公廨錢,廻易生利,以給公用。至十四年六月,工部尚書、安平郡公蘇孝慈 但判官本爲牧人,役力理出所部。 請於所管戶內,計戶徵稅。 帝從之。先是京 乘前 恒出

第

-|-

ル

:

食货

廨,在市廻易,及諸處興生,並聽之。 於是奏皆給地以營農,廻易取利,一皆禁止。 唯禁出舉收利云 十七年十一月, 詔在京及在外諸司公

首 北 叉 洛水,自苑西入,而 飛 始 Щ 命黃門侍郎王弘、上儀同於士澄,往江南諸州採大木, 至 尾 賈 建 東都 相 數萬家,以實之。 河 ,西至澠 陽 屬 車 ,以尚書令楊素爲營作大監,每月役丁二百萬人。徙洛州郭內人及天下諸州富商 即位,是時戶口益多,府庫盈溢,乃除婦人及奴婢部曲之課。 不 絕者千 相 池 望於 ,周圍數百里。 東注于洛。 里。 道。 新置 而 時帝將 東都役 興洛及廻洛倉。 課天下諸州,各貢草木花果,奇禽異獸於其中。 又自板渚引河,達于淮 事遼、碣,增置軍府,掃地爲兵。 使促迫,僵仆而斃者 又於阜澗營顯仁宮,苑囿連接,北至新安,南及 海 一十四五 ,謂之御河。 引至 東都。 焉。每月 自 是租 所經州縣, 河畔築 男子以二十二成丁 載 賦之入益減 死丁 御道,樹 ,東至 開渠,引穀 遞送往 矣。 一城皐, 以柳。 返

飾。 夕辦,百姓求捕,網罟徧野,水陸禽獸殆盡,猶不能給,而買於豪富蓄積之家,其價騰踊。 所 以 幸 經 江 課 州 叉 天下 都 造 縣 龍 並 ·州縣? 帝 舟 令供 御龍 鳳腸,黃龍 頓 凡骨角 舟,文武官五品已上給樓船, ,獻食豐辦者,加官爵 卤 赤 牙 艦 ,皮革毛 ,樓船篾舫。 羽,可 募諸 闕乏者,譴至死。 飾器用 水工 九品已上給 ,堪爲氅 ,謂之殿脚,衣 1 耗者 黄篾舫, 叉盛 - ,皆貴 修車 錦行 舳 焉 輿 輦 幐 艫 ", 執 相接,二百餘里 上輅,旌 徴 發 青絲纜挽船, 倉 旗 卒 羽 朝 儀之 是 命

歲,翟雉尾一,直十縑,白鷺鮮半之。

半。 啖之以利,勸令入朝 深 入, 蒙犯 四年,發河 乃使 明 年 - , 帝 北 屯 瘴癘,餒疾 田 主 巡狩 事 常駿使赤土國,致羅 而 自是西域諸蕃,往 又興衆百萬,北築長城,西距 死者十八九。 叉以 刹。 來 西域多諸寶物,令裴矩 相繼,所經州郡,疲於送迎 又使 朝請 榆林, 大夫張鎭 涿郡。 東至紫河,縣亘 州擊流求,俘 自是以丁男不供, 始以婦 往 張掖 ,縻費以萬 、監諸 千餘里,死者太 虜 數萬。 阁 萬 胡 <u> 7</u>i. 土卒 तित

亡相 郡。謫天下罪人,配爲戍卒,大開屯田,發西方諸郡運糧以給之。道里懸遠,兼遇寇抄,死 於 張掖士女,盛飾縱觀。 人從 赤水。 [十二三焉,馬驢十八九。於是置河源郡、積石鎭。又於西域之地,置西海、鄯善、且末等 役。 慕容佛允,自己委其家屬,西奔青海。 五年,西巡 北諸郡百餘萬衆,引沁水,南達于河,北通 河右。 衣服車馬不鮮者,州縣督課,以誇示之。其年,帝親征 西域諸胡,佩金玉,被錦罽,焚香奏樂,迎候道左。 帝乃令武威 帝駐 一兵不出,遇天霖雨,經大斗拔谷,士卒死 吐谷渾,破之

大 元 會 數。 涿 六年,將征高麗,有司奏兵馬已多損耗。 郡 限 令 取足。 分江 淮 復 南 兵,配驍衛大將軍來護兒,別以舟師濟滄海,舳 點兵具器仗,皆令精新 、濫惡則使 韶叉課天下富人,量其貲產,出錢 人便斬。 於是馬 艫數百里。 匹至十萬。七年冬, 市 並 武馬,塡 載

澎

疫 期 發認 充。 叉 者 知 亂 屯, 河 有 時。 疾 命 不 天 源 所 與大兵會平壤。 往 下 時 徴 郡 可 赦 在 山東尤甚。 來艱苦, H 帝 求,長東必先賤買之,然後宣下,乃貴賣 强 之。 路 縣 勝 人 末 在遼 者聚 不欲 數 置 逃 運 督 者 囚 糧。 捕 生 而 多 東 政 相 所 業 爲盜,弱者自賣爲奴婢。 多 繼,執獲 在 至 以 所在皆以徵斂供帳軍 聞之, 多者至 八盡罄。 討 是歲山東、河南大水、漂沒四十餘郡、重以遼東覆敗、死者數十萬。 于 驚 則爲 駭 賊 京 遽歸 師 皆 賊。 數百頭, 益遣募 舉 盜 , 斬之,而 於開 賊 天下之人十分, 于高陽郡。 不 四起, 盡誅,後 遠 人 毎頭 門 征 莫 道路南絕,隴 外, 能 遼 價 旅所資 及玄 無 馬馬 止。 至萬餘。 磔 九年,詔又課關 以示 而 少不 九爲 咸 帝不 與人,旦暮之間 爲務,百 射殺之。 勸 平,帝謂侍臣曰:「玄 充 盜 懌。 。」乃令裴蘊 八 賊 右 叉 牧馬, 一發諸 馱, 皆 姓 遇 遂幸太原,爲突厥圍 中富 高 盗 雖 而 州丁 武 麗 困 盡爲 許 執 窮 入, 一,價盈數倍, 而 馬,始作 爲 , 送 六計 其黨與 奴賊 分爲 弗之恤 計其貲產出驢, 叛 感 臣 が所掠, 四 長 記 斛 番 叉不 呼 槍 也。 裒刻徵斂, 斯 ,攻陷 郡 而 於 楊 於 政 足, 縣 從 毎急徭 雁門。 遼 玄 遣使 坑 者 城邑。 聽 感 西 往 殺 如 半 乘 柳 卒賦 求降 之,死 伊吾、 市 以 城營 取辦 因屬 虚 驢 帝 益 爲

是益 困。 是 時 初告剝樹皮以食之,漸及於葉,皮葉皆盡,乃煮土或擣藁爲末而食之。 百 姓 廢業, 屯集城 堡,無以自 給 然所 在 倉庫,循 大充 物 ,吏皆懼 法 莫肯 其後人乃 賑 救, 由

尋

散,遽還洛陽

募益

一驍果,

以充

舊

數

救。 城 相食。十二年,帝幸江都。 內 糧 義師入長安,發永豐倉以賑之,百姓方蘇息矣。 盡,布帛 Щ 積,乃以絹爲汲綆,然布以爨。 是時李密據洛口倉,聚衆百萬。 代王侑與衞玄守京師,百姓饑饉, 越王侗與段達等守東都。 亦 不能 東都

方山津,各置津主一人,賊曹一人,直水五人,以檢察禁物及亡叛者。其荻炭魚薪之類過津 販,不爲田業,故使均輸,欲爲懲勵。雖以此爲辭,其實利在侵削。 餘所。大市備置官司,稅斂旣重,時甚苦之。 者,並十分稅一以入官。其東路無禁貨,故方山津檢察甚簡。淮水北有大市百餘,小市十 無文券者,隨物所堪,亦百分收四,名爲散估。歷宋齊梁陳,如此以爲常。以此人競商 晉自過江,凡貨賣奴婢馬牛田宅,有文券,率錢一萬,輸估四百入官,賣者三百,買者一 又都西有石頭津,東有

謂之女錢。 域,全以金銀爲貨。武帝乃鑄錢,肉好周郭,文曰「五銖」,重如其文。而又別鑄,除其肉郭, 百、五銖雉錢、五 二品並行。百姓或私 錄對文等號。輕重不一。天子頻下詔書,非新鑄二種之錢,並不許用。 以古錢交易,有直百五銖、五銖、女錢、太平百錢、定平一 丽

筄

十九

食货

京師 姦詐,因之以求利。 大同 趣 至于末年,遂以三十五爲百云。 利之徒 以 已後,所在 九十爲百,名曰 八私用 ,轉基。 |鐵錢,遂如丘山,物價騰貴。 自破嶺以東,八十爲百,名曰 [長錢。 至普通中,乃議 中大同元年,天子乃韶通用足陌。 盡能銅錢,更鑄鐵錢。 交易者以車載錢,不復計數,而 「東錢。 江、郢已上,七十爲百,名曰 人以歲賤易得,並皆私鑄。 韶下而人不從,錢陌益少。 唯論貫。 西錢。 商旅 及

行。 銖 銖 但 而 兩 後還 行 初 柱 陳 五 初 出 重 鉄。 當一 而 承梁喪亂之後,鐵錢不行。 鵝眼輕。 當鵝眼之十。 ,人皆不便。 竟至陳亡。 私家 多鎔錢,又 其嶺南諸 乃相與訛言曰:「六銖錢 宣帝太建 州,多以鹽米 間 十一年, 始梁末又有兩柱錢及鵝眼錢,于時人雜用,其價同 以 錫 鐵, 叉鑄 布 兼 以 交易,俱不用錢云 有 大貨六銖,以 栗帛 不 利縣官之象。」未幾而帝崩 爲貨。 一當五銖之十, 至文帝天嘉五 年,改鑄五 與五 遂)廢六 鉄並

者皆以絹 有 雍 州 齊 神 靑 武 布 赤 梁州 霸 神武帝乃收境內之鲖及錢,仍依舊文更鑄,流之四境。 政之初,承魏猶用 生厚、緊錢 、吉錢,河陽 永安五銖。 生 澀 遷鄴已後,百 、天柱、赤牽 之 姓 稱。 私 鑄, 冀州 體 制 未幾之間,漸 之 漸別, 北 1,錢皆 逐 各 不 復 行 以 細薄 一、交貿 爲名。

乾明、皇建之間,往往私鑄。 錫之別。 **姦**偽競起。文宣受禪,除永安之錢,改鑄常平五銖,重如其文。其錢甚貴,且制造甚精。 青、齊、徐、克、梁、豫州,輩類各殊。

武平已後,私鑄轉甚,或以生鐵和銅 鄴中用錢,有赤熟、青熟、細眉、赤生之異。河南所用,有 至于 青薄鉛 齊 至

亡,卒不能禁。

多盜鑄,乃禁五行大布,不得出入四關,布泉之錢,聽入而不聽出。 時梁、盆之境,又雜用古錢交易。河西諸郡,或用西域金銀之錢,而官不禁。建德三年六月, 至宣帝大象元年十一月,又鑄永通萬國錢。以一當十,與五行大布及五銖,凡三品並用。 而 更鑄五行大布錢,以一當十,大收商估之利,與布泉錢並行。 人不用,遂廢之。 後周之初,尚用魏錢。及武帝保定元年七月,及更鑄布泉之錢,以一當五,與五銖並行 初令私鑄者絞,從者遠配爲戶。齊平已後,山東之人,猶雜用齊氏舊錢。 四年七月,又以邊境之上,人 五年正月, 以布泉漸賤

面 Ma 諮關,各付百錢為樣。 重如其文。每錢一千,重四斤二兩。是時錢旣新出,百姓或私有鎔鑄。三年四月, 高 祖旣受周禪,以天下錢貨輕重不等,乃更鑄新錢。背面肉好,皆有周郭,文曰「五銖」, 從關外來,勘樣相似,然後得過。 樣不同者,即壞以爲銅,入官。詔 詔 四

志

第十九

Û

14

千猶 錢 令 州 鑄 依 有 錮 詔 下 之錢, 死 有 漢 貨 立 銅 惡錢之禁。 重 者。 王諒 始 鑄 五. 司 三斤, 錢。 , 鑪鑄錢。 一,所在流布,百姓便之。是時見用之錢,皆須和以錫鑞。 括 不可禁約。 數年 ,聽於幷州立五鑢鑄錢。是時江南 天下邸肆見錢, 於是詔 後漸 ·之間,私鑄 京師及諸州邸肆之上,皆令立榜,置樣爲准。 其後姦狡稍漸磨鑢錢郭,取銅 輕至 聽置十鑪鑄錢。 其年,詔乃禁出錫鑞之處,並不得私有 一斤。 頗息。 非官鑄者,皆毁之, 或翦鐵鍱, 大業 叉詔! 已後,王綱弛紊,巨姦大猾,遂多私 蜀王秀,聽於益州 裁皮糊紙以爲錢, 人間 私鑄,又雜以錫錢,遞相放效,錢遂輕薄。 其銅入 錢少,晉王 官。 立 廣又聽於鄂 而 採取。 不中樣者,不 相雜用之。 五鑪鑄錢。 京 師以惡錢貿易, 錫鑞旣賤,求利者多, 十年,詔晉王廣,聽於 州 鑄 貨賤物貴, 白紵 入 是時錢 錢 於市 轉 Щ 薄 爲 益 有 十八 濫 惡 吏 鲖 以至於 初 所執, 惡,乃 鉚 年, 處, 乃 揚 私 毎

校勘記

[1] 道關政亂 「政」當作「治」,唐人諱改。

- 「一」准所輸 通典五、「准」作「惟」。
- △□□ 不可委載 「委」原作「妄」,據通典三五改、
- 「思〕永業田 原作「永田」、據册府四九五、通典二改。
- △五〕限止四牛 「牛」原作「年」,據通典二改。
- 「セン 至天統中 「天」原作「大」、據通典五改。
- 口九已上 按:應作「口九已下」,才能和下文「口五已下」相銜接。
- Cま」 建德二年 周書武帝紀作「建德三年」。
- [10] 朱雀門 本書高祖紀下作「廣陽門」。
- 慕容佛允 前後用穀五百餘石 本書吐谷渾傳了佛」作「伏」,音譯異字。 陸錫熊炳爥偶鈔:按文當作「五百餘萬石」,疑脱「萬」字。

隋書卷二十五

志第二十

刑法

迷,曠乎如 稱忠厚,美化與車軌攸同,至仁與嘉祥問出,歲布平典,年垂簡憲。昭然如日月,望之者不 齊之以刑,則人有遁心。」而始乎勸善,終乎禁暴,以此字人,必兼刑罰。 之而無刑,上無道,殺之而不勝也。記曰:「敎之以德,齊之以禮,則人有格心。 罰威怒,隨其肅殺。仁恩以爲情性,禮義以爲綱紀,養化以爲本,明刑以爲助。 坎,彌縫五氣,取則四時,莫不先春風以播恩,後秋霜而動憲。是以宣慈惠愛,導其萌芽,刑 夫刑者,制死生之命,詳善惡之源,翦亂誅暴,禁人爲非者也。 大路,行之者不惑。 聖王仰視法星,旁觀習 至於時逢交泰, 政 上有道,刑 教之以政,

刑 者甲兵焉,鈇鉞焉,刀鋸鑽鑿,鞭扑榎楚,陳乎原野而肆諸市朝,其所由來,亦已久 芯 簛 __ -j-刑 壮

乃落 农 辯 協 於 濡 刻 擬 用 猶 毎 西伯斂轡,化爲田叟。 於秋茶,設網踰於朝脛,恣興夷翦,取快情靈。若隋高祖之揮刃無辜,齊文宣之輕刀臠割, 千里 藁 萬 矜 以季 舌, 其 朝 懷虞舜之心 是 膚 嚴 若 邦 折 市 以 二 風 國之所恃,不在威刑。是以纔鼓夷蒐,宣尼致誚,旣鑄刑辟,叔向貽 ,赭服 霜於 列 夫 實 獄 秋之後,諸 躬 潛暢,頌聲遐 亦 龍 漢 國之政,豈周之膏潤者歟!秦氏僻自西戎,初平區夏,于時投戈棄甲,仰 親 日 岩重 政教、揮流電於邦國、棄灰偶語、生愁怨於前、毒網凝科、 官之歲,鳳 羣 飄 輕 所 玄 后 一默,遂 於路衢,將閭 平,稱 未 殷因 華之

青災

肆赦,

文命

之刑罰

三千,

而 暇 ,罕聞殘 所請讞) 疎天 爲 舉,越裳 以降,去德滋遠。若紂能遵成湯,不造炮格,設刑兼禮,守位依仁, 晉氏 紀之前 周王立三刺以不濫, 簡 **黔**,帝常 易。 酷。 網。 平吳, 有一劍之哀,茅焦請列星之數。 重譯,萬里來歸。若乃魯接燕、齊,荆鄰鄭、晉,時之所尙,資乎 幸宣 是 孝宣 魏 結繩而 九 武 以宋、齊方 造易釱之科 樞機 州 室,齋而 寧一 不違,不令而 周 ,乃命賈 内密,法 弘三宥以開物, 駕 決事 轥 ,明察平恕,號 理 明皇施減死 其 充, 詳 人畏。 餘 都君 :備,選于定國爲廷尉,黃霸 軌。 大 卹刑 明 五帝 若乃 成、康以四十二年之間,刑厝不 刑 之令,中原 漢高祖 憲。 爲 畫象,殊 尚奉唐堯之德,高 刑 寬簡。 隨 內 初以三章 害肌 喜怒,道 以 其衣 凋 書。夫勃 平 光 敞, 膚於後。 章 武 服 百 之約,以 睽 中 吳、蜀三分, ,三王肉刑, 姓, 興,不 澥 IE. 以 密泣 恩祈 之浸,沾 爲 直 外 玄鉞肆 廷 慰秦 布憲 移 以 平 則 和 其

原也 此 所謂 匹夫私讎,非關國典。 彪、約所製,無 刑 法篇, 臧、蕭之書, 扎 子曰:「刑亂及諸政,政亂及諸身。」 又多漏 略。 是以撮其遺 事, 心之所詣, 以至隋 氏 則善惡之本 附于篇

云。

爲 法度 定 之律,後王之令,因循創附,良各有以。 法,昏墨有刑,此蓋常科,易爲 使損益植之舊本,以爲梁律。 凡 長』,則定以爲 則二家兼載。 可適變者,載一家爲本,用衆家以附。 律 在 書,凡一千五 令, 又請曰「魏、晉撰律,止關數人,今若皆諮列位,恐緩而無決。」 官身犯 梁武帝承齊昏虐之餘,刑政多僻。 得齊 ,罰金。 時 梁律。 咸使百司,議共可不,取其可安,以爲標例。 舊 郞 百三十條,事未施行,其文殆滅。 鞭杖杖督之罪, 濟陽蔡法度,家傳律學,云齊武時,删定郎王 留尙書比部,悉使備文,若班下州郡,止撮機要。可 條例。 天監元年八月,乃下詔曰:「律令不一,實難 悉入贖停罰。 至如三男一妻,懸首 丙丁俱有, 旣卽位,乃制權 若遊辭費句,無取於實錄者,宜悉除之。 則去丁以存 其臺省令史士卒欲 法度能言之。 典,依周、 造獄,事非 宜云『某等如干人同議, ·丙。若丙丁二事,注釋不同 植之,集注 漢舊事,有罪者贖。 於是 慮 贖 內, 以 無二門侮法之弊。」 者, 去弊。 爲 法 張、 兼 聽之。 出 尙 恒鈞 杜舊 \Box 求文 書 删 以 殺 時 律, 其科, 指 定 前 傷 欲 此爲 郎 議 有 合

芯

歲刑. 收贖 罪梟 門侍 差。 七日 督 答二百者,金一斤十二兩,男子十四疋。 訊 鞭杖二十,鞭杖一十。 者,金一斤四兩,男子十疋。 日 金八兩者,男子四疋。 刑 一百,四日杖督一百,五日杖督五十,六日杖督三十,七曰杖督二十,八曰杖督一十。論加 倉 ,男子 其首 絹 名 又制九等之差:有一歲刑,半歲刑,百日刑,鞭杖二百,鞭杖 二日 女子各半之。 ",男子六十疋。 庫,十八曰廐,十九曰關市,二十曰違制。其制刑爲十五等之差:棄市已上爲 . 斷 一,其 二十四疋。 獄,十一日雜,十二日戶,十三日擅 次 法例,三日盗劫,四日賊叛,五 棄 市。刑二歲已上爲耐罪,言各隨伎能而任使之也。有髠鉗五 五刑不簡,正于五罰,五罰不服,正于五 罰金四兩者,男子二疋。 罰 又有四歲刑, 男子四十八疋。 又有八等之差:一曰発官,加杖督一百;二曰発官;三曰奪勞 金 一兩已上爲贖罪。 贖二歲刑者,金一斤,男子八疋。 贖四 一日詐偽,六日受賕,七日告劾,八 一興,十四日毁亡,十五日衞宮,十六日 歲刑者,金一斤八兩,男子十二疋。 贖死者金二斤,男子十六疋。 罰金二兩者,男子一疋。 又有三歲刑, 過,以贖論, 罰金十二兩者,男子六疋。罰 一百,鞭杖 男子三十六疋。 罰金 故爲 $\overline{\mathcal{H}}$ 日討捕 十,鞭杖三十, 歲刑,答二百, 贖髠鉗 此十五等之 兩者,男子 贖三歲刑 ", 九 日 死罪,大 水 白 叉有二 五 火, 日 歲 杖杖 刑 繫

者上就次,當減者下就次。

髠鉗 妻子 其謀 應罰. 先 鞭, 上者,笞半,餘半後決,中分鞭杖。老小於律令當得鞭杖罰者,皆半之。其應得法鞭、杖者, 分。小杖,圍一寸一分,小頭極杪。諸督罰,大罪無過五十、三十,小者二十。當笞二百以 法杖、小杖三等之差。 大杖,大頭圍一寸三分,小頭圍八分半。 法杖,圍一寸三分,小頭五 長一尺一寸。梢長二尺七寸,廣三分,四靶長二尺五寸。杖皆用生荆,長六尺。有大杖、 刻 鞭 以 而 /參議牒啓,然後科行。 斷食三日,聽家人進粥二升。 熟靼鞭、小杖。 法 凡三等之差。 杖 女妾同 反 ,国及律令指名制罰者,不用此令。 咋 凡 補 、繋獄者,不卽答款,應加測罰,不得以人士爲隔。 、降叛、大逆已上皆斬。 ,自非特詔,皆不得用。 冶 囚有械、杻、斗械及鉗,回並立輕重大小之差,而爲定制。其鞭,有制鞭、法鞭、常 鎖 補 士終身。 奚官為 過五十者,稍行之。 制鞭,生革廉成,法鞭,生革去廉,常鞭,熟靼不去廉。[三]皆作鶴頭紐, 奴婢。 其 下 又讁運配材官冶士、尙方鎖士,皆以輕重差其年數。 貲財沒官。 父子同 產男,無 詔鞭杖在京師者,皆於雲龍門行。 將吏已上及女人應有罰者,以罰金代之。 劫身皆斬, 其問事諸罰,皆用熟靼鞭、小杖。 少長,皆棄市 妻子補兵。 女及老小,一百五十刻乃與粥,滿千 若人士犯罰,違扞不款,宜測罰者, 0 母妻姊妹及應 遇赦降死 女子懷 () 孕者, 者, 其制 黵 從 勿得 鞭制 坐棄 面 其以職員 其重者或 爲 劫字, 決罰。 杖,法 市

志

終身。

下,及孕者、盲者、侏儒當械繫者,及郡國太守相、都尉、關中侯已上,亭侯已上之父母妻子, 士人有禁錮之科,亦有輕重爲差。其犯淸議,則終身不齒。耐罪囚八十已上,十歲已

丹陽 尹月一詣建康縣,令三官參共錄獄,察斷枉直。 其尚書當錄人之月者,與尚書參

及所生坐非死罪除名之罪,二千石已上非檻徵者,並頌繫之。

共錄之。大凡定罪二千五百二十九條。

二年四月癸卯,法度表上新律,又上冷三十卷,科三十卷。帝乃以法度守廷尉卿,韶班

新律於天下。

宜加罪辟。」詔流于交州。至是復有流徒之罪。其年十月甲子,詔以金作權典,宜在蠲息。 之據,陷親極刑,傷和損俗。 虞僧虬啓稱:「案子之事親,有隱無犯,直躬證父,仲尼爲非。 三年八月,建康女子任提女,坐誘口當死。其子景慈對鞫辭云,母實行此。 凡乞鞫不審,降罪一等,豈得避五歲之刑,忽死母之命!景慈 景慈素無防閑之道,死有明目 是時法官

其緣坐則老幼不免,一人亡逃,則舉家質作。人旣窮急,姦宄益深。後帝親謁南郊,秣陵老 武 '帝敦睦九族',優借朝士, 有犯罪者, 皆諷羣下, 屈法申之。 百姓有罪,皆案之以法。

於是除贖罪之科。

捕 有 人 (遮帝) 讁 以寬之。 之家,及罪應質作,若年 曰:「陛下爲法,急於黎庶,緩於權貴,非長久之術。 舊獄 法,夫 有罪,逮妻子,子有罪,逮父母。 有老小 ,者,可停將送。」十四年,又除黵面 十一年正 誠能反是,天下幸甚。」帝於是思 月壬辰, 之刑 乃下詔 日 自

絲 請 但 重 也 以 遇 所 若疾病 市 臣 泣 ´´; 於 罪 為 其 四 以 切 而 竟弗之從。 永 人,流 五 帝 則終 事 須之處, 此 淮。 權 讓 嵗 爲 枉 時 包下 意儒 日 劇,公 解之。 濫 日 泉易啓其齒 奉勑,權 帝 .- ; 弗 終不 我 雅 輕 手 大率二 懌。 ", 疎簡 是 囚,助充使役。 人 敕 是後 郊 才十倍於爾,處此恒懷戰懼。 诗 報 可 親京師 嘗遊 壇六處,在 得 日 王侯子弟皆 囚 歲刑已上,歲至五千人。 刑法,自公卿大臣,咸不 將恐 0 --; 南苑,臨 徒或有 頃年 雜 引 例 事。 玉 已來了 役 科 興 自有 優劇。 長, 認,]][則 切見 重 王宏,伏 優。 輕,全關墨綬, 刑 處處之役,唯資 紛紜 而 南北 大同 嬌 均罪等,愆目不 今聽 差 方始, 中, 郊 人於 不 獄官詳 壇 · 以 鞫 法 是時徒居作者具五 、材官、 皇太子 橋 爾 防 金書· 武帝 何爲者? 下 杜 **獄留** 徒 其 兹 ·異,而 車府、 去 將欲 **讁,逐急充** 可 在春宮視 巧, 意。 年 否, 取 老 更 、太官下省、 爲 自是為難 我豈不能行周公之事,念汝愚 舞文之路, 甲 姦吏 厭於 逆。 付 由 事 招權, 配。 丹筆。 鏠 萬機 任, , 見 事 署,乙 覺, 若科 其無任 而 ,又專精 自 更當 巧文弄法, 左裝等處上 愚謂 愍之, 有 陀 此 制 司 郊 m 別 繁 'n. 者, 諵 件。 壇 思 佛 乃 細 詳 誅 戍 著 Μ̈́. 上 之。 錢署 義 取 貨賄成 公平難 啓, 條制 斗械 旈 其便 啠 司 簡 並 國 ____

忠

第

復 故 開 也 家 贖罪之科。 一。」発所 自匿 一,薄暮 居官。 中大同 塵起,則剝掠行路,謂之打稽。 頃之,還復本職。 元年七月甲子,詔自今犯罪,非大逆,父母、祖父母勿坐。 由是王侯驕橫轉甚,或白日殺人於都街,劫賊亡命,咸 武帝深知其弊,而 難 於誅討。十一年十月 自是禁網

以 充戰士。 及元帝卽位,懲前政之寬,且帝素苛刻,及周 帝不許,並令棒殺之。 事未行而 城陷 師至,獄中死 敬帝即位,刑政適陳矣。 囚且數千人,有司請皆釋之,

獑

疎

`百姓安之,而貴戚之家,不法尤甚矣。

尋而

侯景逆亂

不 兼 年數。又存贖罪之律,復父母緣坐之刑。 令與尚 寶 象 而 鹵 尙 曆 非 而 要。 書 不犯,夏、商德衰 陳氏承梁季 思廣 先與 i 左丞 書删 其 政 置朗參知其事,制律三十卷,令律四十卷。 定郎 一十人爲婚者,許妻家奪之。 制 樞 唯 小外可 重清 范泉,參定律令。 喪亂,刑典疎闊。及武帝卽位,思革其弊,乃下詔曰:「朕聞唐、虞道盛,設畫 議禁錮之科。 搜舉良才,删改科 ,雖孥戮其 〈未備。 又勑尚書僕射沈欽、吏部尚書徐陵、兼尚 若縉紳之族,犯虧名教,不孝及 其獲賊帥及士人惡逆,殆死付冶,聽將 令,羣僚博議,務存平簡。」於是稍 洎乎末代,綱目滋繁, 自餘篇目條綱,輕重簡繁,一用梁法。 採酌 前 矧屬 代,條流 亂 內亂者,發詔棄之,終身 離,憲章 冗雑 求得梁時 書左丞宗元 綱 遺紊。 妻入役,不爲 其有臟驗顯 目雖多, 明 朕 法 始膺 博

姓怨叛,以至於滅

得度 獄 當 嵗 著 然 械,徒並著鎖,不計階品。 [<] 死罪將決,乘露車,著三械,加壺手。 過 三公錄寃局 四 兩 刑於市者 誤,罰金。 而 建康 不承者,冤死。 不款,則上測立。 歲刑,若有官,准當二年,餘並居作。 械 及杻 縣 爲南 ,夜須明,雨須晴。 一,上垛。 ,令史、御史中丞、侍御史、蘭臺令史,親行 其二歲刑,有官者,贖論。 .獄,並置正監平。又制,常以三月,侍中、吏部尚書、尙書、三公郎、部都令史、 其髠鞭五 一上測七刻,日再上。三七日上測,七日一行鞭。凡經杖,合一百五 立測者,以土爲垛,高一尺,上圓,劣容囚兩足立。鞭二十,答三十訖, 歲刑,降死一等,鎖二重。[4] 其五歲刑已下,並鎖 晦朔、八節、六齊、月在張心日, 一歲刑,無官亦贖論。寒庶人,准決鞭杖。 其三歲刑,若有官,准當二年,餘一年贖。 京師諸獄及冶署,理察囚徒 並不得行刑。 至市,脫手械及壺手焉。 廷尉寺為北 冤枉 重。 囚並著 若公坐 **Б.**

灣 後 有 獄 政 非 令 法 成 文帝性明察,留 帝咸 市 旣寬,刑 賞罰 以 法 之命,不出于外。 法 繩 不 立, 之,煩號峻 ì 刑政,親覽 叉 以 連 刻。 年 北伐 後主性猜忍疾忌,威令不行,左右有忤意者,動至夷戮。百 獄 及宣帝卽位,優借文武之士,崇簡易之政,上下 訟,督責羣下, ,疲人聚爲劫盜 政號嚴明。 矣。 後主卽位,信任 是時承寬政之後, 讒邪 桑 功臣 下 便之。其 縱恣, 貴 戚

大 劾格 盧 月 射 大 刑 非 戮, 都 趙 軍 立之燒犁耳上,或使以臂貫燒車 斐所 所 獄 不 楊 鑊、長鋸、剉碓之屬,並 政 官 道 國 身爲)負罪 動 遵彦 尚 以 墜皆致 殺者,則発其死。 德 郎 多 齊 刻,乃 至千人,多移歲月。 新 創 中 者 事 神 枉 ,乃令憲司先定死罪囚 , 吏皆奉 制 宋 使使 政 武 亦 法 死,帝視 軌 垂 於 得 刑 以 文 法 奏日 何 告 書屬 獄 不 襄 以加 革 炗 中 法。 並 事 誣 以爲歡笑。 人 超。 罪 昔 泱 由 視 告斐受金。 帝嘗幸金鳳臺 自六年之後,帝遂以功業自矜,恣行 ?!於 曹操 魏相,尚 獄定 於 陳於庭,意有不快,則手自屠裂, 聽。 超 是 然帝猶委政輔臣楊遵彦 不 是罷 懸棒 罪 /挾姦 ·發書, 於是始命羣官,議造齊律,積 釭。 時有 了

置于仗衞之中,帝欲殺人,則執以應命, 罕依 用舊法。及文宣天保元年,始 之。旣 威威 文宣 者畏糾,乃先加 棒殺 司折獄,又皆酷法。 一,受佛戒,多召 既不勝其苦,皆致誣伏。 於 律 亂 知 而 文, 其 其姦罔, 司 時 使。 `,今施之太平,未見其 相 徒功曹張老上 承 文宣 謂之變法 誣訟, 詔令按之,果無 ,彌縫其闕, 死囚,編籧篨爲翅, 於是令守宰 以擬 訊 或命左 年不 酷暴,昏 書,稱大齊受命已來,律令未改 從 囚 命羣官刊定 事 當格,吏不 則用 七 成。 0 故時議者竊云, 年,豫州檢使白檦,爲左 各設棒, 一右臠噉,以逞其意。 可。 清 其事。 車輻獡杖,夾指壓踝,叉 狂酗醬, 其決獄 河 若受 房 命之飛下,謂之放 能斷 魏朝麟 謂之供 以誅 超 乃勑 猶依 使 爲 任 請 黎陽 屬 情 八座議 御囚。 主昏於上, 叉妄 魏 請 賕 喜怒 舊 郡 之使。後 l。是時 是時 守 相 立案 時僕 有有

鞭,有一百、八十、六十、五十、四十之差,凡五等。五曰杖,有三十、二十、十之差,凡三等。夭 等。 凡 四十,二歲者二十,一歲者無答。並鎖輸 之差。 首 六日 書令、趙郡王叡等,奏上齊律十二篇:一日名例,二日禁衞,三日婚戶,四 勳,或有開塞之路,三尺律令,未窮畫一之道。想文王之官人,念宣尼之止訟,刑賞之宜,思 年,乃下詔 三歲、二歲、一歲之差。 四十九條。 獲其所。 並 十五等。 詐 二曰流 陳屍三日,無市者,列於鄉亭顯處。 其不合遠配者, 偽,七日鬭 自今諸應賞罰,皆賞疑從重,罰疑從輕。」又以律令不成,頻加催督。 在 曰:「王者所用,唯在賞罰,賞貴適理 又上新令 [藩,已知其失,即位之後,將加懲革。 刑,謂論犯可死,原情可降,鞭笞各一百 當加者上就次,當減者下就次。 訟,八曰賊盜,九曰 四十卷,大抵採魏、晉故事。 、男子長徒,女子配春,並六年。 凡五等。各加鞭一百。 捕斷, 左校 其次斬 十日 而 贖罪舊以金,皆代以中絹。死一百匹,流丸 其五 ,罰在得情。 不髡。無保者鉗之。婦人配 毁損,十一 刑, 未幾而崩。 其 歲者,又加笞八十,四歲者六十,三歲者 ,髠之,投于邊裔,以爲 制,刑 三日 殊身首。 名五:一 曰廐牧,十二曰雜。 刑罪,即 然理容進退,事涉疑似,盟府 武成卽位, 其次絞刑,死 耐 曰死,重者轘之,其次 罪 日擅 也。 思存輕典, 春及掖 兵卒。 興、五 有五歲、四歲 而 河清三年,尚 不殊。 其定罪 泛庭織 未 目 有 大寧元 達制 四 道里 九百 凡四 梟 日

芯

第

子弟,常講習之。齊人多曉法律,蓋由此也。 義,十曰內亂。其犯此十者,不在八議論贖之限。是後法令明審,科條簡要,又勑仕門之 庫令設金雞及鼓於閶闔門外之右。 **閑局六負爲一殿,平局八負爲一殿,繁局十負爲一殿。** 已上加杻 削去廉稜。 者,及婦 名注籍,甄其 視、老小閹癡幷過失之屬。 自贖笞十已上至死,又爲十五等之差。當加減次, 無笞,則通鞭二十四匹。 分半。 曰反逆,二曰大逆,三曰叛,四曰降,五曰惡逆,六曰不道,七曰不敬,八曰不孝,九曰不 匹,刑五歲七十八匹,四歲六十四匹,三歲五十匹,二歲三十六匹。各通鞭笞論。 人犯刑已下,侏儒、篤疾、癃殘非犯死罪,皆頌繫之。 決三十已下杖者,長四尺,大頭徑三分,小頭徑二分。在官犯罪,鞭杖十爲一負。 械。 鞭瘡長一尺。笞者笞臀,而不中易人。杖長三尺五寸,大頭徑二分半,小頭徑 一房配驛戶。 死罪者桁之。 鞭杖每十,贖絹 宗室則不注盜,及不入奚官,不加宮刑。〔云〕 犯罰絹一匹及杖十已上,皆名爲罪人。 決流刑鞭笞者,鞭其背。五十,一易執鞭 勒集囚徒於闕前,撾鼓千聲,釋枷鎖焉。又列重罪十條 匹。 至鞭百,則絹十匹。無絹之鄉,皆准絹收錢。 如正 加於殿者,復計爲負焉。 決法。 罪刑年 合贖者, 謂流內官及爵秩比 **盗及殺人而亡者**, ·者鎖,無鎖以枷。 人。 自犯流罪已下合贖 鞭鞘皆用熟皮, 赦日,則武 流罪 卽 歲 懸

其不可爲定法者,別制權令二卷,與之並行。後平秦王高歸彥謀反,須有約罪,律無正

法, 姦吏因之, 舞文出沒。 條,於是遂有別條權格,與律並 至于後主, 權幸用事 行。 大理 一明法,上下比附, , 有不附之者, 欲出則附依輕議,欲入則附從 陰中以法。 綱紀紊亂, 重

於亡。

徒二 宮,十 年 刑名 杖 十三日逃亡, 津,十七日諸 死。 損 者,爲二十四條之制,奏之。 刑 益 年者 二日 乃 五. 爲五卷,班於天下。 周 鞭 自 命 文帝之有關中也、霸業初基,典章多闕。 自十 市 司 鞭 百 法 廛 憲大夫託拔迪掌之。 至五 七十,笞二十。徒三年者,鞭八十,笞三十。 答五 十一 侯,十八曰廐牧,十九 二十四日 例,三日 + 十。 日 鬭 祀享, 「繋訊, 四日 競 其後以河南趙肅爲廷尉卿,撰定法律。 曰 十二 1鞭刑五 四日 . 流刑五,流衞服,去皇畿二千五百里者,鞭 七年,又下十二條制。 二十五 朝會,五 日 至保定三年三月庚子乃就,謂之大律, 劫 日 自六十至于百。三日徒刑五,徒一 日 雜 盜 斷 十二 犯,二十 一日婚 獄 0 日賊叛,十 姻,六日戶禁, 大凡定罪一 日祚偽,二十一日請求, 大統元年,命有司斟酌今古通變,可以益 十年,魏帝命尚書蘇綽,總三十六條,更 四日毁亡, 徒 千五 四 七日水火, 年 一百三十七條。 -者,鞭 肅 十五. 積 思累年, 遂感心疾 年者,鞭六十, 九 一百,答六十。 八日 十,答 二十二 凡二十五篇 日 違 興繕, 其 制 四 制 日告言, + 罪 六 九 答十。 流要 徒五 日 日 国 衛 關 日 而

志

第

宗 者 罪已下鎖之,徒已下散之。 立 鎭 服 鄉邑及 五 隱 + 服 則 ,去皇畿三千里者,鞭一百,笞七十。 目 否。 惡 獄 死 ,去皇畿四千里者,鞭一百,**答九十**。 入人家者,殺之無罪。 之目,而 刑 五 凡死罪 一,一日磬,二日絞,三日斬,四 重 枷 惡逆、不道、大不敬、不孝、不義、内亂之罪。 而孝,流罪 獄成將殺者, 若報讎者,告於法而自殺之,不坐。 枷 而 梏,徒罪枷,鞭罪 流荒服,去皇畿三千五百里者,鞭一百,笞八十。 日梟,五日裂。 書其姓名及其罪於拲,而殺之市。 流蕃 服,去皇畿四千五百里者, 桎, 杖罪散: 五刑之屬各有五,合二十五等。 凡惡逆、肆之三日。 以 待 經爲盜者,注 斷。 皇族及 鞭一百,笞一百。 唯皇族與有爵 其 有 籍 盜 爵 者 唯皇 下,死 流

者上 皆先笞後 不 年 以遠近爲差等。 五. 盜 就次,數滿乃坐。 其 賊 若再犯徒、三犯鞭者,一身永配下役。應贖金者,鞭杖十,收中絹一匹。流徒者,依 贖 兩,三年一斤二兩,四年一斤五兩,五年一斤八兩。 及謀反大逆降叛惡逆罪當流者,皆甄一房配爲 杖刑五,金一兩至五兩。 婦人當答者,聽以贖論 贖死罪, 當減者,死罪流 金二斤。 贖鞭刑五,金六兩至十 鞭者以一 蕃服、蕃服已下俱 徒輸作者,皆任 百爲限。 其所能 雜 (至徒五 加答者,合二百止。 兩。 戶。 贖流刑,一斤十二兩,俱役六年, 贖徒刑五,一年金十二兩 其爲 年。 而役使之。 五年以下,各以一等爲 盜 一賊事發逃亡者,懸名 杖十已上, 應加 鞭笞者 當加

刑 限 歲 旬。 收絹十二匹。 限 外 不輸者, 死罪者一百 歸於法。 匹。 貧者 其贖 請 而 刑,死罪五旬,流 発之。 大 凡定法 刑四旬,徒刑三旬, 一千五百三十七 條, 鞭 刑二旬,杖 班

其

大

略

滋

章

,條流苛密,比於齊法,煩

而

不

要。

是無 罪其 督 是 性 詐 因 委 甚 請 之。 之, 多 澆 復 詐 官 重 明 不 叉 Ø 者 察 初 雜 物 稱 頗 其 供 ",自 除 息 大 戶 職 三 厮 妻子皆 十 0 復 抵 役。 誅 持 其 旣 (讎之法, 犯者以殺論 匹 護後,躬覽萬機,雖骨 後 仗 以 用 建德六年,齊平 以補兵。 法 上,正 羣 又以齊之舊俗,未 盜 寬弛,不足 一匹以 長隱五戶 魏虜西涼 上,不 制 後 、及十丁以上、及地三頃以上,2103皆死。 姦 一帝欲 持 時晉公護將有異志,欲寬政以取人心,然闇於知 肉無所縱捨, 改 之人,沒入名 ,子弟僚屬,皆竊弄 昏 仗 施輕 羣 政 盜 贼 典於新 五. 盜姦宄 匹以 爲 用 隸 法 Ŀ 國 頻 戶 嚴 其 0 乃詔 監 正, 權 乖 魏武 臨 下,百 憲章。 中 主掌 凡 外肅 入關 諸 姓 · 自 盗 雜 愁 其年 隸 然。 戶, 怨, 二十 ·, 叉 戶皆在 悉 自餘 控告無所。 自 放 魏 爲 匹以 刑書 依 爲 晉 東 大津 百 Ŀ, 魏 相 要 姓。 人,所 後 承 武帝 制 盜 死 及 以 自 齊 由

由 是 內 宣 州 郡 外 性 不 殘 安,俱懷 大 象 忍暴戾,自在 元 年 危 ,又下詔曰:「高祖所立刑書要制, 懼 غهر 0 ا 帝 儲貮,惡 叉 恐 失 其叔父 一衆望 **一,乃行** 齊 王 憲 寬 及王 法 一以取 軌 用法深重,其 宇 衆 文孝伯 心 宣 政 等。及 元 切除之。」然帝荒淫 年 卽 八 位,並 月 詔 先 制 誅 九 條

志

第

+

書要制 四十。 下 猛 從。 日 亡者皆死,而家口 日甚 至二百 愁怨。 恒常醉,政事日無次。」鄭譯奏之,帝怒,命賜杖二百四十而致死。 歌叉諷 一惡聞 於是又廣刑書要制 四 帝 及帝 諫。 旣 既成奏之,靜帝下詔頒行。 其 離飲 過,誅殺 鄭譯又以奏之,又賜猛杖一百二十。是時下自公卿,內及妃后,咸加 不豫,而內外離心,各求苟免。隋高祖爲相,又行寬大之典,删略舊律, 又作礔礰車,以威婦人。 過度,嘗中飲,有下士楊文祐白宮伯長孫覽,求歌曰:「 籍沒。上書字誤者, 無度,疎斥大臣。 而 更峻其法,謂之刑經聖制。 諸有犯罪未科決者,並依制處斷。 科其罪。 其決人罪,云與杖者,即一百二十,多打者 又數行肆赦,爲姦者皆輕犯刑法,政令不一,下無適 鞭杖皆百二十爲度,名曰 宿衞之官,一 日不直,罪至 後更令中士皇甫猛 朝亦 一天杖。 ·醉,暮亦 其後 削 棰 卽 除 楚,上 作 { 刑 又加 逃 H

居作三年。應住居作者,三流俱役三年。近流加杖一百, 功侍 清 有 河 一千里、千五百里、二千里。應配者,一千里居作二年,一千五百里居作二年半,二千里 鄎 那公楊素,大理前少卿、平源縣公常明,刑部侍郎、保城縣公韓濬,比部侍郎李諤,兼考 高 祖 柳雄亮等,更定新律,奏上之。其刑名有五:一曰死刑二,有絞,有斬。二曰流刑三, 旣受周禪,開皇元年,乃詔尙書左僕射、勃海公高頗,上柱國、沛公鄭譯,上柱國、 一等加三十。三曰徒刑五,有一

皆斬,家口沒官。又置十惡之條,多採後齊之制,而頗有損益。一曰謀反,二曰謀大逆,三 年、一年半、二年、二年半、三年。四日杖刑五,自五十至于百。五日笞刑五,自十至于五十。 日謀叛,四曰惡逆,五曰不道,六曰大不敬,七曰不孝,八曰不睦,九曰不義,十曰內亂。犯十 而 .蠲除前代鞭刑及梟首轘裂之法。其流徒之罪皆滅從輕。[II] 唯大逆謀反叛者,父子兄弟

惡及故殺

人獄成者,雖會赦,猶除名。

斤,二千里則百斤矣。二死皆贖銅百二十斤。 流者各加一等。 者,皆以銅代絹。 年,九品已上,一官當徒一年,當流者,三流同比徒三年。[1三] 若犯公罪者,徒各加一年,當 贖銅二十斤,每等則加銅十斤,三年則六十斤矣。流一千里,贖銅八十斤,每等則加銅十 其在八議之科,及官品第七已上犯罪,皆例減一等。其品第九已上犯者,聽贖。 其累徒過九年者,流二千里 贖銅一斤爲一負,負十爲殿。笞十者銅一斤,加至杖百則十斤。 犯私罪以官當徒者,五品已上, 一官當徒二 徒一年,

帶之書,不當徒罰,廣軒冕之蔭,旁及諸親。流役六年,改爲五載,刑徒五歲,變從三祀。 除惡之體,於斯已極。梟首轘身,義無所取,不益懲肅之理,徒表安忍之懷。 剝膚體,徹骨侵肌,酷均臠切。 定訖,詔頒之曰:「帝王作法,沿革不同,取適於時,故有損益。 雖云遠古之式,事乖仁者之刑,梟轘及鞭,並令去也。 夫絞以致斃,斬則殊刑, 鞭之爲 用,殘 。貴礪 其

志

第二十

刑法

次 叉下 毒 此 先 餘 備 經 懷 施 以 吏承 郡 枷 至 。」自前 法 輕 (令,)欲 代 及 杖 ,苛政之後,務鍛錬以致 州 重 所 大小 代相承,有司訊考,皆以法外。 **,至省仍** 誣 人無犯之心,國有常刑 化 `,咸爲之程品,行杖者不得易人。 伏。 死 爲 不理 雖文致於 生,條目甚多,備於簡策。宜班諸海內,爲時軌範 ,仁三乃詣 法,而 人罪。 闕 、誅而 每有枉濫,莫能 申訴 乃詔 不怒之義。 或有用大棒束杖,車輻鞵底, 有 申 所未 勑 四方, 帝又以律 愜,聽 自 措而 理 敦 撾登聞鼓,有司 理 至是 令初行,人未知禁,故犯 不用,庶或非遠,萬方 辭 訟。 盡除苛慘之法,訊囚不得過 有枉 ,雜格嚴科 壓踝杖桄 屈 錄 縣 狀 不 奏之。 理者 百 並宜 之屬, 法 辟,知吾 者衆 除 令以 削。 楚

輔恩, 法 職 流 猶 至萬 罪 制 定 帝 分官命職,恒選循吏,小大之獄,理無疑舛。 其 舞文陷 四 百五 條。 叉 罪 日 日 毎 名 斷 戶 十四四 季 以 婚 天遠, 獄 爲 然 親 o 五, 律尚 後 條 錄 自 逐 依 日 囚 是刑 徒杖等千 更反 廐庫,六 徒 斷 嚴密,故 網 五 坐。 常以秋 簡 年,侍官 日擅 餘條,定留 要, 人多陷罪。 帝聞 分之前 疎 興、七 之, 而 慕容 不 功 日賊 唯五 ,省閱諸 失。 下 又勑 天遠,糾都督田元,冒請義 詔 浴。八 百條 於是置 自 蘇 而因襲往代,別置律官,報判之人,推其爲 威 州 人 日 申 牛 凡 律博 鬭 命之重,懸在 奏罪狀。 ·弘等,更定 十二卷。 訟, 士 九日 弟子 三年 詐 員。 新 律文 偽 日 律。 倉, ·; 名例 因 斷 事 決 覽 除 刊定科 日 實 刑部 大 死 雜 而 獄 律 罪 曰 始 條 衞 八 平 皆 禁 + 斷 先 縣 俾 三日 律 牒 日 獄 令 條 捕 數 明 易 生

難 勑諸 博 土 三道逆人家口之配沒者,悉官酬贖,使爲編戶。 :州長史已下,行參軍已上,並令習律,集京之日,試其通不。 、尙書刑部曹明法、州縣律生,並可停廢。」 殺生之柄、常委小人、刑罰所以未清、威福所以妄作。 自是諸曹決事 因除孥戮相坐之法。又命諸州囚有處死 爲政之失,莫大於斯。 皆令具寫律交斷之。 又詔免尉迥、王謙 其大理律 司

不得馳驛行決。

裨益 馮基 間 日 御史柳彧等諫, 外 內 其 有小過失,則加以重罪。 而 一日之中,或至數四。嘗怒問事揮楚不甚, 、狀,元 詩 固 陛下子育羣 去 高 殿 諫 杖 祖 内 自退屏,以避賢路。」帝於是 小, 欲 性猜忌,素不悅學,旣任智而獲大位,因以文法自矜,明察臨下。 舉手曰: 帝不從 無 杖 有 決罰, 逐 以為朝堂非殺 上生,務在去弊,而百姓 了,竟於 以 陛下杖 馬鞭笞殺 各付所 殿庭行決。 大如指, 種楚 由 又患令史贓污,因私使人以錢帛遺之,得犯立斬。 人之所,殿庭非決罰之地。 之。 後楚州 自是 顧謂 帝亦尋悔,宣慰馮基, (無知,犯者不息,致陛下決罰 行參軍 殿 領左右都督田元曰『吾杖重乎? 人三十者,比常杖數百,故多致死。」帝不懌,乃令 內復置 即命 李 · 君才 杖。 斬之。 未幾怒甚,又於 上言,帝寵 而怒羣僚之不 帝不納。 十年,尚書左僕射高頗、治書侍 高 過嚴。 頌 **與等乃盡詣朝堂請罪**, 、殿庭 過甚,上大怒,命杖 ·諫者。 恒令左右覘視內 皆臣等不能有 」

「

」

「

」

「

」 殺 人,兵部侍郎 每於殿廷打 十二年,帝 帝 所

志

塡之。 以 若有愆犯,聽於律外斟酌決杖。於是上下相驅,迭行棰楚,以殘暴爲幹能,以守法爲懦弱。 難克舉。諸有殿失,雖備科條,或據律乃輕,論情則重,不卽決罪,無以懲肅。 七千石,命斛律孝卿鞫問其事,以爲主典所竊。 十三年,改徒及流並爲配防。十五年制,死罪者三奏而 縣佐史,三年一代,經任者不得重居之。十七年,詔又以所在官人,不相敬憚,多自寬縱,事 用律者多致踳駁,罪同論異。 是後盜邊糧者,一升已上皆死,家口沒官。上又以典吏久居其職,肆情爲姦。 詔諸州死罪不得便決,悉移大理案覆,事盡然後上省奏裁。 復令孝卿馳驛斬之,沒其家爲奴婢,鬻粟以 後決。十六年, 有司奏合川 其諸司屬官, 倉栗少 諸州

共盜 早宿,四天下懔懔焉。 則擒以送官,而取其賞。大抵被陷者甚衆。帝知之,乃命盜一錢已上皆棄市。行旅皆晏起 糾人。時月之間,內外寧息。其後無賴之徒,候富人子弟出路者,而故遺物於其前,偶拾取 之,問羣臣斷禁之法。楊素等未及言,帝曰:「朕知之矣。」詔有能糾告者,沒賊家產業,以賞 更來,而屬無類矣。」帝聞之,爲停盜取一錢棄市之法。 一榱桶,三人同竊一瓜,事發卽時行決。有數人劫執事而謂之曰:「吾豈求財者邪?但 人來耳。 是時帝意每尚慘急,而姦回不止,京市白日,公行掣盜,人間强盜,亦往往而有。帝患 而爲我奏至尊,自古以來,體國立法,未有盜一錢而死也。 此後又定制,行署取一錢已上,聞見不告言者,坐至死。自此四人 而不爲我以聞,吾

刑 聞 斬 時 日 而 於 行 五 殺 帝 有 罪 心。」帝 命 밂 綽 何 引 因 發怒,六月棒殺 行 也。 不可。」遂殺之。 報 入 固 中参見。 閣 爭 日 囚 :「六月雖 綽 以 不 爲 合死,而 再 曠又告少 曠 拜 請 人。 不 日生長 大 合死。 曰 臣 臣 大理 理 卿 不 掌 趙綽 能 此 |有死| 帝 固來 少卿趙綽固爭曰:「 死爭,死 時 乃拂衣入閣 濫免徒囚, 罪三。 曠 必 上封 有 罪 雷 霆。 臣 事 爲 也。臣本 ,綽叉矯言,臣 帝使信 言大理 大理 天 道 季夏之月,天地成長庶類。 少卿, 旣 臣推 無他 官司 於炎陽 驗, 事 恩寛。 不 更 而 能 之時, 不 初 制 妄言求入 理 無 帝 馭 曠 21 震其 以曠 掌 曲 自 固 有 威 爲 帝 使 死 他 怒 忠直 叉 罪三 曠 不 事 \ 怒曠 我 未 觸 可 及 也 遣 以 挂 則 奏 命

之。 客 瀆 齊 神 鵡 者 像 左 帝 ,帝察 , 或 領 皆 以 軍 年 以 以 府 齡 白帝 惡 知 晚暮 長 逆 史考 並 論 帝 九崇尚 親 校 臨 謂 帝 之日 斬 不 猜 卒, 決 忌,二 佛道,又 將作 爾 朝 爲 寺 素 御 臣 丞 史, 僚 信 以 鬼 諫麥麲 何 用 神 法 縱 ò 尤 捨 遲晚, 峻。 干 自 由 年, 御 武 命 史 詔 庫令以署庭荒蕪, 監 殺 沙 之。 師 門 道 於元 諫 土 壞 議 IE 大 佛 日 夫毛思 像天尊,百 不 劾 獨 武 孤 祖 官 師 諫 以 衣 姓 叉 劍 壞 殺 之

帝

解

顏

會

獻

皇后

在

坐,

帝賜

綽

二金盃

酒

,飲訖,幷

以盃

賜

之。

曠

因

免

死

が配

徒

廣

孙

公 卿 股慄,不 敢 用 措 法 言。 益 峻, 素 帝 於鴻臚少卿陳延不平,經蕃客館, 旣 喜 怒 不 恒,不 復 依 準科 律。 時 楊 庭中 素 有馬屎, 正 被 委任 叉 庶 素 僕氊上樗蒲 叉 禀 性 高

恋

第

+

無殊罪 市棒殺,而榜棰陳延,殆至於斃。 旋以白帝,帝大怒曰:「主客令不灑掃庭內,掌固以私戲污敗官氊,罪狀何以加此。」皆於西 而 帝大悅,並遣於殿庭三品行中供奉,每有詔獄,專使主之。候帝所不快,則案以重抵, 死者,不可勝原。遠又能附楊素,每於塗中接候,而以囚名白之,皆隨素所爲輕重。 大理寺丞楊遠、劉子通等,性愛深文,每隨牙奏獄,能承順

其臨終赴市者,莫不塗中呼枉,仰天而哭。越公素侮弄朝權,帝亦不之能悉

君之節。故羊鮒從戮,彌見叔向之誠,季布立勳,無預丁公之禍,用能樹聲往代,貽範將來。 弟,不得居宿衞近侍之官。先是蕭巖以叛誅,崔君綽坐連庶人勇事,家口籍沒。巖以中宮 諸犯罪被戮之門,期已下親,仍令合仕,聽預宿衞近侍之官。」 **朕虛己爲政,思遵舊典,推心待物,每從寬政。 六位成象,美厥含弘,一眚掩德,甚非謂也。** 故,君綽緣女入宮愛幸,帝乃下詔革前制曰。「罪不及嗣,旣弘至孝之道,恩由義斷,以勸事 十斤矣。 銅亦加二倍爲差。杖百則三十斤矣。徒一年者六十斤,每等加三十斤爲差,三年則一百八 煬帝卽位,以高祖禁網深刻,又敕修律令,除十惡之條。時斗稱皆小舊二倍,曰三其贖 流無異等,贖二百四十斤。二死同贖三百六十斤。其實不異。開皇舊制,釁門子

違制,四曰請求,五曰戶,六曰婚,七曰擅興,八曰告劾,九曰賊,十曰盜,十一曰鬭,十二 三年,新律成。凡五百條,爲十八篇。詔施行之,謂之大業律:一曰名例,二曰衞宮,三

叉詔 憲章 姓怨嗟,天下大潰,及恭帝即位,獄訟有歸焉。 帝誅之,罪及九族。 待聞奏,皆斬。 於刑寬。 刑之內,降從輕典者,二百餘條。 捕亡,十三日倉庫,十四日廐牧,十五日關市,十六日雜,十七日詐偽,十八日斷獄。 退棄,賄賂公行,窮人無告,聚爲盜賊。 爲盜者籍沒其家。 後帝乃外征 百姓轉相羣聚,攻剽城邑,誅罰不能禁。 其尤重者,行轘裂梟首之刑。 四夷,內窮嗜慾,兵革歲動,賦斂滋繁。 自是羣賊大起,郡縣官人,又各專威 其枷杖決罰訊 帝乃更立嚴刑,勑天下竊盜已上,罪無輕 囚之制 或磔而射之 ,並輕於舊。是時百姓久厭嚴 帝以盜賊不息,乃益 福,生殺任情矣。 有司皆臨時迫脅, 命公卿已下,臠噉其肉。 肆淫刑。九年, 及楊玄威反, 荷求 濟事 刻,喜 重 其五

校勘記

[一] 實難去弊 册府六一○`「弊」作「取」。

斗械 「斗」原作「升」、據册府六一〇改。下文「斗械」、據册府二六一改。

熟靼不 去廉 「靼」原作「靻」。,御覽六四九引晉命也作「靻」,御覽注:「柔革也。」 按 說文解字

「靼、柔革也」;「粗」始見于廣韻。 是此字應作「靼」,不作「靻」,今改正。下同。

[四] 廣三分 「分」原作「寸」,據御覽六四九改。

芯

第

÷

+

校

勘

記

- \sqcap 15. 其以 職員 應罰 「員」疑當作「負」。下文、北齊「鞭杖十爲一負」、隋「贖銅一斤爲一負」。
- [六]於事爲劇「事」原作「辛」,據册府二六一改。
- [4]鎖二重 册府六一一、「鎖」作「鉗」。下「並鎖一重」同。
- [八]不計階品 删府六一一,「不計」作「亦許」。
- 「元」不加宮刑 「宮」原作「害」、據册府六一一改。
- 正長隱五戶及十丁以上及地三頃以上 「丁」上原脫「十」字,「頃」上原脫「三」字,據周書武帝

紀下補。通鑑一七三,「三顷」作「頃」。

- 其流徒之罪皆減從輕「流」原作「法」,據删府六一一改。
- 三流同比徒三年「同」原作「周」,據通典一六四、册府六一一、唐律疏義名例改。
- 至省仍不理 原脫「至」字、據通典一六四、册府六一一補。
- [18] 晏起早宿 「早」原作「晚」,據獅覽六四六改。
- (云) 斗稱 「斗」原作「升」,據册府六一一改。

隋書卷二十六

志第二十一

百官上

刑約法,而職官之制,因於嬴氏。 五兵,丞相總百揆,又置御史大夫,以貳於相。自餘衆職,各有司存。 始皇廢先王之典,焚百家之言,創立朝儀,事不師古,始罷封侯之制,立郡縣之官。 代,沿革不同。其道旣文,置官彌廣。逮于戰國,戎馬交馳,雖時有變革,然猶承周制。 或以龍表官,或以雲紀職,放勛即分命四子,重華乃爰置九官,夏倍於虞,殷倍於夏,周監二 咸所以協和萬邦,平章百姓,允釐庶績,式叙彝倫。

其由來尚矣。然古今異制,文質殊途, 垂教,設官分職,錫珪胙土。由近以制遠,自中以統外,內則公卿大夫士,外則公侯伯子男。 {易 日:「天尊地卑,乾坤定矣,卑高旣陳,貴賤位矣。」是以聖人法乾坤以作則,因卑高以 其間同異,抑亦可知。光武中興,幸遵前緒,唯廢丞相與 漢高祖除暴寧亂,輕 太尉主

湛

第

- | -

百官上

者,不能詳備焉。 節文, 之官,百有餘號。陳氏繼梁,不失舊物。高齊創業,亦遵後魏,臺省位號,與江左稍殊,所有 抵略同,爰及宋、齊,亦無改作。 下若讎,號 置六官以綜務,詳其典制,有可稱焉。 御史大夫,而以三司綜理衆務。 大業三年,始行新令。于時三川定鼎,萬國朝宗,衣冠文物,足爲壯觀。 《內史,侍中爲納言,自餘庶僚,頗有損益。 備詳於志。 **令日改,官名月易。** 有周創據關右,日不暇給,洎乎克清江、漢,爰議憲章。 尋而南征不復,朝廷播遷,圖籍注記,多從散逸。 梁武受終,多循齊舊。 洎于叔世,事歸臺閣,論道之官,備員而已。 魏、晉繼及,大 高祖踐極,百度伊始,復廢周官,還依漢、魏。 煬帝嗣位,意存稽古,建官分職,率 然而定諸卿之位,各配四時,置戎秩 旣而以 酌酆鎬之遺文, 人從欲,待 **今之存錄** 由舊章。 唯以中

置左 **掾屬從** 置。 司 徒、司 西掾 開府儀同三司,位次三公,諸將軍、左右光祿大夫,優者則加之,同三公,置官屬。 梁武受命之初,官班多同宋、齊之舊,有丞相、太宰、太傅、太保、大將軍、大司馬、太尉、 事 空、開府儀同三司等官。 ıþ 人,自餘僚佐,同於二府。 郎、記室、主簿、列曹參軍、行參軍、舍人等官。 諸公及位從公開 有公則置,無則省。 府者,置官屬。 而司徒無公,唯省舍人,餘官常 其司 `徒則有左、右二 有長史、司馬、諮議參軍, 一長史,又增

特 進,舊位從公。 武帝以鄧禹列侯就第,特進奉朝請,是特引見之稱,無官定體。 於是

革之。

戶、駕部、起部、屯田、都官、水部、庫部、功論、中兵、外兵、騎兵等郞二十三人。 令史百二十 人,書令史百三十人。 左右丞各一人。東部、删定、三公、比部、祠部、儀曹、虞曹、主客、度支、殿中、金部、倉部、左 尙書省,置令,左、右僕射各一人。又置吏部、祠部、度支、左戶、都官、五兵等六尙書。

昔奏事。」自是始奏事矣。 室則權置之。事畢則省,以其事分屬都官、左戶二尚書。左、右丞各一人,佐令、僕射知省 之,封以左丞印。自晉以後,八座及郎中,多不奏事。天監元年韶曰:「自禮聞陵替,歷茲永 舍、凡諸器用之物,督錄遠道文書章表奏事。凡諸尙書文書,詣中書省者,密事皆以挈囊盛 事,置祠部尚書,以掌右事。然則尚書僕射、祠部尚書不恒置矣。又有起部尚書,營宗廟宮 **人,郎署備員,無取** 僕射爲主。 左掌臺內分職儀、禁令、報人章,督錄近道文書章表奏事,糾諸不法。右掌臺內藏及廬 尚書掌出納王命, 敷奏萬機。 其祠部尚書多不置,以右僕射主之。若左、右僕射並闕,則置尚書僕射,以掌左 、職事。糠粃文案,貴尙虛閑,空有趨墀之名,了無握蘭之實。曹郎 三年,置侍郎,視通直郎。其郎中在職勤能,滿二歲者,轉之。 令總統之。僕射副令,又與尚書分領諸曹。 令闕,則左 可依

芯

第

Ħ

百

Ŀ

都 目。」於是以都令史視奉朝請。 頟 有 ,太學博士 衆 五. 都 局 亦亦乃 令史, 孔虔孫 方軌二丞。 與 左、右丞 兼 金部都 共知所司。 頃 雖 求才,未臻妙簡, 其年 司 空法曹參軍 舊用 ,以太學博 人常輕, 蕭 上劉 可革用 軌兼 九年詔曰「尚書五 納 左 兼 士 戶 殿中 流, 都 宣 都 毎 毅 盡時彥, 司空法 墨 曹參軍 都 曹參 庶 職 參 同 王顋 軍 持 政 劉 領 兼 顯 中 非 兼 秉 兵都 吏部 此 但 羣 總

掌 監 禁令,公車、太官、 合嘗 門 御 下 藥,封 省置侍 1璽書。 中、 給 太醫等令 侍 事 ·黄 郎 何 侍 中 高 難騮 功者 郎 各四 廐 丞 人,掌 在 Ξ 職 侍從 年 左右 認 加 , 擯 侍中祭酒 相 威 儀 與侍 盡規 郞 獻 高 納 功 者 糾 正 人,對 違 闕

五.

人並

以

才

地

兼

美,首膺茲選

矣。

駕部

又別

領

車府署,庫

部

領南、北武

庫

署令

丞

書。 四 爲 意 集 酒 異 書省置 叉 、者,隨 有 與 員 侍 外散 散 郎 事 騎 高 爲 常 騎 駁。 功者一人,對掌禁令 侍郎 侍、 集錄 通 、給 直散 此 事 詔 中、奉朝 騎 此 常 璽, 侍 各四 請、常侍 爲諸 糾諸 人。 優文策文, 逋 違 侍 員外散 郎 掌 以騎常侍 平處諸文章詩頌。 侍 從左 無 右 員, 獻納 散騎 得 失 侍 常侍高 ()省諸 郞 通 功者 奏 直 聞 郎 文 各

駙 馬 奉 車 ・、車 騎三都 尉, 並無! 員 駙 馬 以 加 尚 公主 者 無 班 秩

或 雑 ,其官漸替。天監六年革選,詔曰:「在昔晉初,仰惟盛化,常侍、侍中,並奏帷幄,員 散 騎 常 侍、 通直散騎常侍、員外散 騎常侍, 舊 並 爲 顯 職 與 侍 中 通 官 宋 代 以 來 外常 或

尚書案奏,分曹**入集書**。 ',特爲淸顯。 陸始名公之胤,位居納言,曲蒙優禮,方有斯授。可分門下二局,委散騎常侍 通直常侍,本爲顯爵,員外之選,宜參舊准人數,依正員格。」自是

散騎視侍

中,通直視中丞,員外視黃門郎

人、主事令史等員,及置令史,以承其事。 中書省置監、令各一人,掌出內帝命。 通事舍人,舊入直閤內。 侍郎四人,功高者一人,主省內事。 梁用人殊重,簡以才能 又有通事舍

不限資地,多以他官兼領。其後除通事,直曰中書舍人。

注起居。著作郎謂之大著作,梁初周捨、裴子野,皆以他官領之。又有撰史學士,亦知史 秘書省置監、丞各一人,郞四人,掌國之典籍圖書。 著作郎一人,佐郎八人,掌國史,集

佐郎爲起家之選。

害丞郎,亦得停駐。其尚書令、僕、御史中丞,各給威儀十人。 其八人武冠絳鞲,執青儀囊 在前。囊題云「宜官吉」,以受辭訴。一人緗衣,執鞭杖,依列行,七人唱呼入殿,引喤至階。 其在宫門行馬內違法者,皆糾彈之。雖在行馬外,而監司不糾,亦得奏之。 專道而行,逢尙 人,居曹,掌知其事,糾察不法。 殿中御史四人,掌殿中禁衞內。 又有符節令史員 一人執儀囊,不喤。屬官治書侍御史二人,掌舉劾官品第六已下,分統侍御史。侍御史九 御史臺,梁國初建,置大夫,天監元年,復曰中丞。置一人,掌督司百僚。皇太子已下,

芯

謁 者 一、僕射一人,掌朝覲賓饗之事。 屬官謁者十人,掌奉詔出使拜假,朝會擯贊。

功者一人爲假史,掌差次謁者。

常視 商署 理 鴻 衞 丞 爲 不 ,及陵監、國學等。 臚 尉 司 容 丞 農 金紫光 爲 爲 諸 1異,諸一 卯 ,太史別有 卿 鴻 衞 尉 臚卿,都 梁初 禄 卿 卿 正 大夫, 延尉 一陵先 是爲 猶依 靈 水 立監 臺丞。 爲廷 使者爲太舟卿,三卿是爲冬卿。 春 宋、齊,皆無卿名。天監七年,以太常爲太常卿,加置宗正卿,以大司農 統明堂、二廟、太史、太祝、廩犧、太樂、鼓吹、乘黃、 叉置 卿。 尉 者改爲 一協律校尉、總章 韶以 卿,將作大匠 加置太府卿,以少府爲 令。 爲陵監之名,不出前誥,且宗廟 於是陵置令矣。 爲大匠卿 ·校尉監、掌故、樂正之屬,以掌 ,三卿是爲秋 少府卿,加置太僕卿,三卿是爲夏卿。 凡十二卿,皆置 卿。 憲章、旣備典禮 以光 一丞及 樂事。 北館、 功曹 禄 勳爲光祿 、主簿。 典客館等令 太樂 園寢 又有清 卿,大 職司 而 太

限 年,置五 人數。 或 學, 一經博 大同 有 士各一 ·祭酒 七年, 國子 人。 人, 舊國 博士二人, 祭酒 到概等, 子學生,限以貴賤,帝欲招來後進, 助教十人,太學博士八人。 又表立 正言博士一人,位視 又有限外博士員。 五 國 館生皆引 子博士。 寒門儁才, 置助 天監四 不

宗 正 卿 位位 視 列 曹尚 書,主皇室 外 戚 之籍。 以宗室爲之。

司 農卿,位視散騎常侍,主農功倉廩。 統太倉、導官、籍田、上林令,又管樂遊、北苑丞,

左右 中部三倉丞,炭庫、荻庫、 箬庫丞, 湖西諸屯主。 天監 九年,又置勸農謁 者, 視殿 中

御史。

屬焉。

太府卿,位視宗正,掌金帛府帑。 統左右藏令、上庫丞、掌太倉、南北市令。 關津亦皆

少 府卿,位視尚書左丞,置材官將軍、左中右尙方、甄官、平水署、南塘邸稅庫、東西冶

中黃、細作、炭庫、紙官、柒署等令丞。〔三〕

太僕卿,位視黃門侍郎,統南馬牧、左右牧、龍廐、內 外廐 丞。 又有弘訓太僕,

屬官。

衞尉 卿,位視侍中,掌宮門屯兵。 卿每月、丞每旬行宫徼,糾察不法。 統武庫令、公車

司馬令。又有弘訓衞尉,亦置屬官。

官,與建康三官,皆法冠玄衣朝服,以監康、西、中華門。 廷尉 卿,梁國初建,日大理,天監元年,復改爲廷尉。 手執方木,長三尺,方一寸,謂之執 有正、監、平三人。元會,廷尉三

方。四年,置胄子律博士,位視員外郎。

大匠卿,位視太僕,掌土木之工。統左、右校諸署。

光祿 卿, 位 視 太子中庶子,掌宮殿門戶。統守宮、黃門、華林園、暴室等令。 又有左右

志第二十一 百官上

七二六

光 **「祿、金紫光祿、太中、中散等大夫,並無員,以養老疾。**

鴻臚卿,位視尚書左丞,掌導護贊拜。

書郎,列卿之最末者也。主舟航堤渠。 太舟卿,梁初爲都水臺,使者一人,參軍事二人,河堤謁者八人。七年,改焉。 位視中

林三將軍,積射、强弩二軍,殿中將軍、武騎之職,皆以分司丹禁,侍衞左右。 天監六年,置 左右驍騎、左右游擊將軍,位視二率。改舊驍騎曰雲騎,游擊曰游騎,降左右驍、游一階。 又左右前後四將軍,左右中郎將,屯騎、步騎、越騎、長水、射聲等五營校尉,武賁、冗從、羽 又置朱衣直閣將軍,以經爲方牧者爲之。其以左右驍、游帶領者,量給儀從。 領軍,護軍,左、右衞,驍騎,游騎等六將軍,是爲六軍。又有中領、中護,資輕於領、護。 大長秋,主諸宦者,以司宮闈之職。統黃門、中署、奚官、暴室、華林等署。

太子太傅一人,位視尙書令。少傅一人,位視左僕射。|天監初,又置東宮常侍,皆散騎

常侍爲之。

令視通直常侍,率更、僕視黃門三等,皆置丞。 僕各一人。家令,自宋、齊已來,淸流者不爲之。 詹事,位視 中護軍,任總宮朝。二傅及詹事,各置丞、功曹、主簿。五官、家令、率更令、 中大通三年,以昭明太子妃居金華宮,又置 天監六年,帝以三卿陵替,乃詔革選。

校。 將軍十人,正員司馬四人。又有員外司馬督官。 寇、[5] 祚德等七營,右率領崇榮、永吉、崇和、細射等四營。 二率各置殿中將軍十人,員外 旅賁中郎將、冗從僕射各一人,謂之二將。左、右積弩將軍各一人。門大夫一人,視謁 左、右衞率各一人,位視御史中丞。 各有丞。左率領果毅、統遠、立忠、建寧、陵鋒、夷 其屯騎、步兵、翊軍三校尉各一人,謂之三

中庶子四人,功高者一人爲祭酒。行則負璽,前後部護駕。

者僕射

中舍人四人,功高者一人,與中庶子祭酒共掌其坊之禁令。又有通事守舍人、典事守

含人、典法守舍人員。

舍人十六人,掌文記。

庶子四人,掌侍從左右,獻納得失。高功者一人,與高功舍人共掌其坊之禁令。

通事舍人二人,視南臺御史,多以餘官兼職。

典經局洗馬八人,

主璽 視 一、主衣、扶侍等局,門局,錫庫局,內廐局,中藥藏局,食官局,外廐局,車廐局等,各置有 通直郎。置典經守舍人、典事守舍人員。又有外監殿局,內監殿局,導客局,齋內局,

皇弟、皇子府,置師,長史,司馬,從事中郎,諮議參軍,及掾屬中錄事、中記室、中直兵 第二十

司

,以承其

志

ΪÏ 官 ŀ

軍。掾屬錄事、記室、中兵參軍等員。 嗣 等參軍,功曹史,錄事、記室、中兵等參軍,文學,主簿,正參軍、行參軍、長兼行參軍等員。 王 一府 則減皇弟皇子府師、友、文學、長兼行參軍。蕃王府則又減嗣王從事中郎,諮議參 自此以下,則並不登二品。

唯置郎中令、中尉、常侍、大農等員。 令、食官長、中尉、侍郎、執事中尉、司馬、謁者、典衞令、舍人、中大夫、大農等官。 王 或 置 郎 中令、將軍、常侍官。 又置典祠令、廟長、陵長、典醫丞、典府丞、典書令、學官 蕃王則無常侍。自此以下,並不登二品。 嗣王國 則

寡 人。 至第五 諸 諸 王 相以下,公文上 王 一皆假金獸符第一至第五左,竹使符第一至第十左。 言曰令,境內稱之曰 名山 大澤不以封。 事,皆詣典書。 一殿下。 鹽鐵金銀銅錫,及竹園別都,宮室園圃,皆不以屬 公侯封郡縣者,言曰敎,境內稱 世子主國,其文書表疏,儀式如臣,而不 諸公侯皆假銅獸符,竹使符第 之日第下。 稱 國 臣。 自 稱皆日 文書

丞。 文曰言 下羣官,皆言告。 ··, 班 開 男典祠謂之長,典書謂之丞,無典衞。 國 事。 次之。 諸伯 五等諸公,位視三公,班次之。 l',位視 公已下,各置 諸王公侯國官,皆稱臣。 九 卿,班次之。 相 、典祠、典書令、典衞長 開 國諸子,位視二千石, 上於天朝,皆稱陪臣。 諸公已下,臺爲選置相,掌知百姓事。典祠已 開國諸侯,位視 二 人。 孤 班次之。 而伯 卿、重號將軍 子典書謂之長,典衞 有所陳 開 國 ,皆日 一、光祿・ 諸 男, Ŀ 大夫,班次 一疏。 位 視 謂之 比 其公

下,自選補上。諸列侯食邑千戶已上,置家丞、庶子員。不滿千戶,則但置庶子員。

曹從事,祭酒從事,部傳從事,文學從事,各因其州之大小而置員。郡置太守,置丞。 州 刺史二千石,受拜之明日,辭宮廟而行。 州置別駕、治中從事各一人,主簿,西曹、議 國

內史。郡丞,三萬戶以上,置佐一人。

員。 郡縣 縣為 東有書僮,有武吏,有醫,有迎新、送故等員。 亦各因其大小而置焉 《國曰相,大縣爲令,小縣爲長,皆置丞、尉。郡縣置吏,亦各准州法,以大小而制

各立議以聞。 令三官更直 建康 舊置獄丞一人。天監元年,詔依廷尉之官,置正、平、監,革選士流,務使任職。 一日,分受罪繫,事無小大,悉與令籌。若有大事,共詳,三人具辨。 尚書水部郎袁孝然、議曹郎孔休源、並爲之。位視給事中。 脱有同異, 叉

石,第二第三爲中二千石,第四第五爲二千石。至七年,革選,徐勉爲吏部尚書,定爲十八 天監初,武帝命尚書删定郎濟陽蔡法度,定令爲九品。 秩定,帝於品下注一品秩爲萬

班。以班多者爲貴,同班者,則以居下者爲劣。

諸將軍開府儀同三司、左右光祿開府儀同三司,爲十七班。 尚書令、太子太傅、左右光

丞相、太宰、太傅、太保、大司馬、大將軍、太尉、司徒、司空,爲十八班。

祿大夫,爲十六班。

志

七:

尚書左僕射,太子少傅,尚書僕射、右僕射,中書監,特進,領、護軍將軍,爲十五班。

中領、護軍,東部尚書,太子詹事,金紫光祿大夫,太常卿,爲十四班。

中書令、列曹尚書、國子祭酒、宗正、太府卿、光祿大夫、爲十三班。

侍中、散騎常侍、左、右衞將軍、司徒左長史、衞尉卿、爲十二班。

御 ·史中丞,尚書東部郞,秘書監,通直散騎常侍,太子左、右二衞率,左、右驍騎,左、右

游擊,太中大夫,皇弟皇子師,司農、少府、廷尉卿,太子中庶子,光祿卿,爲十一 班

揚州別駕,中散大夫,司徒右長史,雲騎,游騎,皇弟皇子府司馬,朱衣直閣將軍,爲十班。 給事黃門侍郎,員外散騎常侍,皇弟皇子府長史,太僕、大匠卿,太子家令、率更令、僕,

郎、太舟卿、大長秋、皇弟皇子府諮議、嗣王府長史、前左右後四軍、嗣王府司馬、庶姓公府 尙 書左丞,鴻臚卿,中書侍郞,國子博士,太子庶子,揚州中從事,皇弟皇子公府從事中

長史、司馬、爲九班。

嗣 別駕,皇弟皇子公府掾屬,皇弟皇子單爲二衞司馬,嗣王庶姓公府從事中郎,左、右 |王庶姓公府諮議,皇弟皇子之庶子府長史、司馬,蕃王府長史、司馬,庶姓持節府長史、司 秘書丞,太子中舍人,司徒左西掾,司徒屬,皇弟皇子友,散騎侍郎,尚書右丞,南徐州 中 郎將,

馬,爲八班。

五. 一枝,東宮三枝,皇弟皇子之庶子府中錄事、中記室、中直兵參軍,南徐州中從事,皇弟

皇子之庶子府、蕃王府諮議,爲七班。

中錄事、中記室、中直兵參軍,庶姓府諮議,爲六班。 士,皇弟皇子府錄事、記室、中兵參軍,皇弟皇子荆江雍郢南兗五州別駕,領、護軍長史、司 馬,嗣王庶姓公府掾屬,南臺治書侍御史,廷尉三官,謁者僕射,太子門大夫,嗣王庶姓公府 太子洗馬,通直散騎侍郎,司徒主簿,尚書侍郎,著作郎,皇弟皇子府功曹史,五經博

之庶 皇子國郎中令、三將,東宮二將,嗣王府功曹史,庶姓公府錄事、記室、中兵參軍,皇弟皇子 別駕,皇弟皇子荆江雍郢南兗五州中從事,嗣王庶姓荆江雍郢南兗五州別駕,太常丞,皇弟 子府、蕃王府中錄事、中記室、中直兵參軍,爲五班。 尚書郎中,皇弟皇子文學及府主簿,太子太傅、少傅丞,皇弟皇子湘豫同益廣靑衡七州

庶姓荆 强弩將軍,太子左右積弩將軍,皇弟皇子國大農,嗣王國郎中令,嗣王庶姓公府主簿,皇弟 駕、皇弟皇子湘豫司益廣青衡七州別駕、中從事,嗣王庶姓湘豫司益廣青衡七州別駕,嗣王 皇子之庶子府蕃王 給事中,皇弟皇子府正參軍,中書舍人,建康三官,皇弟皇子北徐北克梁交南梁五州別 江 ·雍郢南兗五州中從事,宗正、太府、衞尉、司農、少府、廷尉、太子詹事等丞,積射、 府功曹史、皇弟皇子之庶子府蕃王府錄事、記室、中兵參軍 為四班

志

第一

衡 皇子北徐 傅 室、中直兵參 丞,皇弟皇子 少傅 七 州 子 五. 中從事 北兗梁交南梁五州中從事,嗣王 官 舍人,司 功曹主簿,二衞司馬,公車令,胄子律博士, 軍,北館令,爲三班 國中尉,太僕大匠丞,嗣王國大農,蕃王國郎中令, ٠, 嗣王庶姓公府正參軍,皇弟皇子之庶子府蕃王府曹主簿,武衞將軍 ·徒祭酒,皇弟皇子公府祭酒,員外散騎侍郎,皇弟皇子府行參軍, 庶姓北徐北兗梁交南梁五州別駕 皇弟皇子越桂寧霍四 庶姓持節府中錄事、中記 ,湘豫司益 州別駕,皇弟 太子太 廣 光 禄 青

等五. 嗣 中 北 州 兵參 中從 兗 E 府 梁交 一官、功曹、主簿,太學博士,皇弟皇子國常侍, 秘 軍 庶 事 書郎,著作佐郎,揚、南徐州主簿, 南 庶 姓公府行 皇弟 梁 姓持 五. 州 皇子荆江 節 :參軍, 中 府功曹史,爲二 從 事 皇弟 丁鴻臚 雍郢南兗五 皇子之庶子府正參軍 丞,尙 班 書五都令史, 州主簿,嗣 嗣王庶姓公府祭酒,皇弟皇子單為領護詹事二衞 王 奉朝 丁,蕃王 庶 武騎常侍 **姓越桂 l**請,國子助敎,皇弟皇子越桂 國大農,庶姓持節府錄事、記 寧霍 ,材官將軍 四州別駕,嗣 ,明堂二廟帝 王庶 寧霍 姓北 ·陵令, 徐 四

行參軍 舍 揚 南 南 臺侍 蕃王國中尉, 徐 州 御史,太舟 西曹 1祭酒 皇弟皇子湘像同益廣靑衡七州主簿,皇弟皇子荆雍郢南兗四州西曹 丞,二 從事,皇弟 一衛殿 皇子 中將軍 國侍郎 太子 ,嗣王國常侍,楊南徐州 二率殿 中將 軍 皇弟皇子 議曹從 之庶子 事 東宮 府蕃 王 通 府 事

中 太樂、太市 從 酒 議 事 曹從事 嗣 、太史、太醫、太祝、東 王 庶 姓 皇弟 荆 江 皇子江州 雍 郢 南兗 西 西冶、左右尙方、南 五. 曹從事 州主 一簿, 、祭酒議 庶姓 持節 曹祭酒部 北 府 武 主 庫、車 傳從 簿 府等令,爲 汝 事 陰 , 嗣 巴陵 E 庶姓越桂 國 班 郞 H 寧霍 匹 孙

南兗 將軍 史,江 梁 或 常常 五 侍、揚南 或 四 州 、太子二 位 州 大農,郡 不登二品者,又爲 州 主 議曹從事 簿 西 曹祭酒 皇弟 率 徐 殿 州 公國 皇子 文 ,南兗州 中 議 學從 員 郞 曹從 湘豫 中令,為七 外 心七班。 事, 將 事 文 軍 司 ,嗣 學從事 殿 益 ス中ツ 鎭蠻安遠護軍 皇弟皇子府長兼參軍 王 廣 班 御史、 庶 靑 ', 嗣 姓 衡 王庶 江 七 庶姓持節府除 州 州 西曹從事、祭酒部傳從 姓 西 度支校尉等 湘 曹祭酒 豫 司 皇弟 議 益 IE 曹從 廣 参軍 司 靑 皇子國 馬, 事 衡 、太子家令丞 ,皇弟皇子 七 皇弟 州 三軍 事、勸農謁者, 主 皇子 簿 · 、嗣 嗣 北 荆 王 徐 雍 王庶 或 郢 衞 北 一侍郎 \equiv 汝陰 兗 殿 姓 梁 荆 州 中 巴陵 交 蕃 從 員 雍 南 郢 外 事

事,湘 護 簿,皇弟皇子 簿 嗣 嗣 皇弟皇子 王府 衡 三州 王 庶 長 北徐 從事 姓 兼 國 參軍 湘 典書令 詞嗣 豫司 北克梁交南梁五 ,庶姓公府長兼參軍 王 益廣 ,嗣 庶姓荆霍郢三州從事史,江州議曹從事,南兗 青衡七 王國三軍 州 州西 一、蕃王 西 曹祭酒議 曹祭酒 一、庶 一國侍 姓持 議 郎 曹 曹從 節 ,領護詹 從 府 事 事 板 ,皇弟皇 ,嗣王 正 一参軍 事五 庶 ,皇弟皇 官功曹,皇弟 姓北 子 像 司 徐 州文學從 子越 益 北兗梁交 廣 皇子 桂 青 寧霍 五. 事 南 府 州 汝陰巴 文 梁 四 學從 軍 五 州 州 督 主

陵二王國 中尉,皇弟皇子之庶子縣侯國郎中令,郡公國大農,縣公國郎中令,爲 六班

軍 國 司 府參軍督護,皇弟皇子之庶子長兼參軍,蕃王府長兼參軍,二衞正 王 郎 庶 ,嗣王庶姓越桂寧霍四州主簿,嗣王庶姓北徐北兗梁交南梁五州西曹祭酒議曹從事, '馬督,領護主簿,詹事主簿,二衞功曹,太常五官功曹,石頭戍軍功曹,庶姓持節府行 皇弟皇子越桂寧霍四州西曹祭酒議曹從事, (中令,皇弟皇子府功曹督護,爲五班。 姓豫司益廣青五州文學從事,湘衡二州從事,汝陰巴陵二王國常侍,郡公國中尉,縣侯 皇弟皇子國三令,嗣王國典書令,蕃王國三軍,皇弟皇子公府東曹督護 皇弟皇子北徐北兗梁交南梁五州文學從 員司馬督,太子二率正 、嗣王府庶 然姓公 嗣 員

學從 宗正 從 等十一 督護,蕃王府參軍督護,二衞員外司馬督,太子二率員外司馬督,二衞主簿,太常主簿, 事 嗣 汝陰 丁,嗣 王國三令,蕃王國典書令,嗣王府功曹督護,庶姓公府東曹督護,皇弟皇子之庶子府 巴陵二王 王庶姓越桂寧霍四 卿五官功曹,石頭戍軍主簿,庶姓持節府板行參軍,皇弟皇子越桂寧霍 國 侍 郎,縣公國中 州 西曹祭酒 ·尉,爲 議曹從事,嗣王庶姓北徐北兗梁交南梁五 四 班 州文學 四州文

兼 參軍,嗣王庶姓越桂寧霍四州文學從事,郡公國侍郎,爲三班。 蕃 王國三令,皇弟皇子之庶子府蕃王 府功曹督護, 宗正等十一 卿主簿,庶姓持節府長

庶姓持節府參軍督護,汝陰巴陵二王國典書令,縣公國侍郎,爲二班。

庶 姓持節府功曹督護,汝陰巴陵二王國三令,郡公國典書令,爲一 班

蘊位。 庫丞,紋絹簟席丞,國子典學,材官司馬,宣陽等諸門候,東宮導客守舍人,運署謁者,都水 作堂金銀局丞,木局丞,北武庫二丞,南武庫二丞,東宮食官丞,上林丞,湖西塼屯丞,茭砉 監、東宮典經守舍人,上庫令,太社令,細作令,導官令,平水令,太官市署丞,正廚丞,酒庫 監、「三尚書都官左降正令史,諸州鎭監、石頭城監、琅邪城監、東宮外監、殿中守舍人,齋 左右二裝五城謁者,石城宣城陽新屯謁者,南康建安晉安伐船謁者,晉安練葛屯主,爲三品 丞,柒署丞,太樂庫丞,別局校丞,淸商丞,太史丞,太醫二丞,中藥藏丞,東冶小庫等三丞, 又著作正令史,集書正令史,尙書度支三公正令史,函典書、殿 中 外 監、齋監、東堂

殿中內監,題閤監,婚局監,東宮門下通事守舍人,東宮典書守舍人,東宮內監,殿中守舍 太樂丞,東冶太庫丞,左尚方五 上,公府舍人,諸州別署監,山陰獄丞,爲三品勳位 人,題閤監, [t] 乘黃令,右藏令,籍田令,廩犧令,梅根諸冶令,典客館令,太官四 又門下集書主事通正令史, (云)中書正令史,尚書正令史,尚書監籍正令史,都正令史, |丞,右尙方四丞,東宮衞庫丞,司農左右中部倉丞,廷尉律博 丞, 庫丞,

芯

其 (州二十三, 並列其高下, 選擬略視內職。 郡守及丞,各爲十班。 縣制七班。[公]用人

各 擬 內職 云。

틴。 묘 딞 威 謂 嚴威,爲十六班。代舊征虜。 中記室、 前後、止施在內。爲二十一班。 衞 四將 四四 五 、武騎 通 徳將 折衝 是爲 進 叉 i H 記 略遠、貞威、決勝、開遠、光野,爲八班。厲鋒、輕銳、討狄、蕩虜、蕩夷,爲七班。 直 、武猛、壯武、腦武、爲十二班。 鎭 階。 、冠武 軍 重號 以將軍之名,高卑舛雜, 兵參軍各一人。 車騎,爲二十四班。內外通用。 八鎭 兵、翊師、宣惠、宣毅,爲十七班。代舊四中郎。 者也 優者方得比加位 將軍。 、和戎、安壘、猛烈,爲十班。 東南西北,止施在外。左右前後,止施在內。 輕車、 忠武、軍師、 寧遠、 從公。 征遠、鎭朔、武旅、貞毅,爲十 智武、仁武、勇武、信武、嚴武,爲十五 四平、 明威、 凡督府, 爲十九班。 東南西北。 命更加釐定。 振 置長史司馬諮議諸曹, 遠、電耀 四征 電威、馳銳、追鋒、羽騎、突騎,爲十 四郊, 、東南西北, 掃狄、雄 、威耀,爲十三班。 武臣、爪牙、龍騎、雲麾,爲十八 於是有司奏置一百二十五號將軍。 爲二十二班。 左右前後。 信、掃虜、武銳、摧鋒,爲 十號爲 止施外。四中,軍、衞、撫、護,止施內。 有錄事 ·四班 爲二十班。 記室等十八曹。 ___ 代舊輔國。凡將軍加大者,唯 一班。代舊冠軍。 品。智威、仁威、勇威、信威、 八安東西南北,止施在外。左右 代舊寧朔。 凡三十五 天監七年,更置中錄 十號 十號 班。 九 班。代舊前後左 班 爲 爲一 + 號, 디 號 至 以鎭、 品,所 為二 一貞毅 一號 號 爲 武 爲

右

Щ, 擬四 建威 爲 風。 以 海 四 班 號 法 班 號 爲 平。 擬 撫 次于台 品 氣 + 所 爲 智 武。 期 河 爲 밁 鷹 证 四 施 序 號 門,代舊建 等五 爲六班 品。 揚 寧 甚 爲 武毅、鐵騎、樓船、宣猛、樹功,爲六班。 翊 擬 · 槐之下。 武 一十班。 伏波、 海 輕 爲三 制 東 號。 臣 딞 南 簿 होर्ग 筝 朔 爲 西北 班 武。 悉 鋒 四 叉 十 野 雄 號。 戈 (有武 以大號 凡 凡十品 爲 至是 船、 戟、長 武 五. 擬四鎮。 拓遠、威 陵江 + 爲 八 一毅、開 班。 安、鎭遠、 九 + 代舊揚 班 備 一十 居後, 號, 爲二班 劍、衝 八 其班 爲二十二班 凡十號,爲一品。 班。 邊、 河 威。 爲 候 멂 騎、代舊振威。 以爲選法 四班。 .冠、雕 繡衣 龍 招遠、金威,爲二班。 平遠、 雄 묘 叙於 幕 偏 義, ,代舊揚武。 將 騎,爲 亦以 擬 撫朔、寧沙 安遠、安 擬車 軍 百司之外。 智威 自小遷大 四 、裨將軍 騎。 威 熊 班多爲貴。 四班。 等五 寧境、綏河、明信、明義、威漠,擬輕 渠, 東南 爲二十 爲五 邊, 號。 克狄、平廣、討夷、平狄、威戎、爲五班。 、航 代舊振 西 也。 俠 爲十 爲 其 擬忠武、 北, 班。 海 飛、安夷、克戎、綏狄 不登 四 綏 擬 前史所記, 其制 , 武 六 班。 班 四安。 擬鎭 執 廣、蕩寇、殄虜 軍 班 二品,應 爲七 訊、代舊廣 師 딞 兵等四號。 凡十 四 爲二十一 爲十九 十, 威 撫 班。 隴 四 以位得從公, 東 取 須 號 威。 、安漠、綏邊、寧寇、梯 南 中 爲十 其 軍 班。 西 、横野 班 堅、代舊奮威。 行 號 盈 别 北 威 者, 數。 爲 陣 七 輔 擬 四 八 四 馳 房, 爲三班 義 有牙 車 代舊 綏 班 征 班二十四 等玩 、安沙 故將軍之 射 凡 東 廣 以象 爲 門、代舊 南 武 典 西 (衞 爲 爲 八

蜂等五號。爲二班。 懷義、奉信、歸誠、懷澤、伏義,凝綏虜等五號。爲一班。凡十號,爲一品。 大 弘信、仰化、立義,擬依飛等五號。爲三班。凡十號,爲一品。綏方、奉正、承化、浮海、度河,擬先 爲五班。 十一班。凡十號,爲一品。 凡一百九號將軍,亦爲十品,二十四班。正施於外國。 河、振隴、雄邊、横沙、寧關,擬武毅等五號。爲六班。懷信、宣義、弘節、浮遼、鑿空,擬克狄等五 遠等五號。 定朔、立節、懷威,凝掃狄等五號。爲九班。凡十號,爲一品。懷關、靜朔、掃寇、寧河、安朔,擬略 遠、陵海 ·四班。 、寧隴 凡十號,爲一品。扞海、款塞、歸義、陵河、明信,擬伏波等五號。爲四班。奉忠、守義、 爲八班。揚化、超隴、執義、來化、度障,擬厲鋒等五號。爲七班。凡十號,爲一品。平 安隴 振振 、向義、宣節、振朔、候律, 漠,擬武威等五 撫邊、定隴、綏關、立信、奉義,擬折衝等五號。 號。爲十二班。 擬寧遠等五號。 馳義、横朔、明節、執信、懷德,擬電威等五 爲十三班。 凡十號,爲一品。平寇、定 爲十班。綏隴、寧邊、

選序 車 有鎭、衞、驃騎、車騎同班。 班 ·,更加刊正,雜號之中,微有移異。 大通三年,奏移寧遠班中明威將軍進輕車班中,以輕 中 則 及大通三年,有司奏曰:「天監七年,改定將軍之名,有因有革。普通六年,又置百號將 征 依 遠度 此承用。」 入寧遠班中。 」遂以定制。 四中、四征同班。 又置安遠將軍代貞武,宣遠代明烈。其戎夷之號,亦 轉則進一班,黜則退一班。 八鎭同班。 班卽階 八安同班。 也。 四平、四翊同班。忠 同班 以優劣爲前後。 加 附擬

威 勝 班 飆 光 忠 雄 驍 猛 毅 雄 謂 北 武 英 起、 武 桀 勝 勝 爲 匹 武 淸 武 昭 軍 折 同 万. 中 光遠 驍 毅 野 飆 雄 威 猛 健 猛 師 班 德 衝 郎 略 勇 猛 駿 同 開 威 威 堅 武 將 將 冠 同 驍烈、 邊、 鋭、 飆 光 雄 烈 烈 戎 明 軍 同 武 班 勝 勝 智 毅 同 班 輕銳 招遠 武 威 0 武臣、爪牙、龍騎、雲麾、冠軍 班 和 輕 威 飆 光 驍 振 明 雄 壯 戎 車 智威、仁威、勇威、 略 武 出 銳 壯 武 金威 伏 武 威 拔 、鎭朔、武 安 同 信、威 波 壯 銳 驍 Щ 光 雄 明 壘、 班 命 勇、 勇、 遠 健 武 雲 破陣、蕩寇、殄虜、橫野、 雄 0 超猛 同 勇 龍 驍 勇同 戟 光 壯 勝 明 旅 班。 、振 威 驤 勇 銳、 烈 勇 長 、貞毅 、英果、 班 旅 劍 武 光 驍 略 壯 明 忠 信 戎 同 視 名、 威 烈 勇、 猛 衝 猛 威 掃虜、 班 明 壯 雲旗、 冠 忠烈 毅 風 光 驍 、嚴 明 o 威 ·同班 威 威 野 勝 銳 猛 雕 超 同 威 掃 同 壯 武 騎 風 烈 力、 忠 驍 班 明勝 同 狄 班 烈 猛 盛 班。 迅 猛 鎭 俠 威 鐵 o 馳射同 武 嬣 同 一、壯 威、猛 兵、 電 飛 騎 忠銳、 光 飆 明 銳 遠 班 智 威 同 一毅、壯 勇 進 樓船 推 勇 武 翊 o 安遠、征遠、振 班 班 雷 銳、 騎 、忠壯 師、 飆 雄 、仁武、勇武、 明 鋒 0 音 猛 猛 銳 志、壯 猛 宣 同 武 **矛門、** 宣 破 班。 馳 震、 飆 猛 猛 敵 忠 惠、 婎 明 銳 烈 毅 威 毅 意、 猛 武 克 期門 樹 宣 開遠、 追 進、 同 略、 功 敵 飆 忠 雄 壯 遠 一毅四將 銳 信 班 捍 猛 銳 明 \overline{n} 力 克狄 武 威 略遠 宣 武、嚴 智、猛 羽 同 飆 雄 勝 忠 遠 虜 光 騎 軍 班 奇 烈 烈 信 司 同 丁,東 平虜 武力 、突騎 候騎、 貞 武 武、 班 班 成、 飆 光 忠 雄 驍 同 南 決 明 5 班 稜 熊 武 威 決 同 前

渠 號,爲 同 班。 四十四 班。[10] (戎同 班。 執訊、行陣同班。 伏武、懷奇同班。 偏、裨將軍同班。 凡二百四

等號。 懷德、執信、明節、橫朔、馳義同班,擬武猛等號。安朔、寧河、掃寇、靜朔、懷關同班,擬驍雄 安漠、威隴五號同班,擬智武等號。威漠、明義、昭信、綏河、寧境同班,擬輕車等號。候律、 班,擬鎭兵等號。 邊同班,擬忠武等號。 班,擬鎭、衞等三號。 郡置度支校尉。 海 振朔、宣節、向義、安隴同班,擬寧遠等號。振漠、寧隴、陵海、安遠、平寇同班,擬威雄等號。 尉,寧州置鎭蠻校尉,西陽、南新蔡、晉熙、廬江等郡,置鎭蠻護軍,武陵郡置安遠護軍,巴陵 擬忠勇等號。 同班,擬光烈等號。立義、仰化、弘信、守義、奉忠同班,擬飆勇等號。奉誠、立誠、建誠 、義誠同班,擬龍驤等號。 又雍州置寧蠻校尉,廣州置平越中郎將,北涼、南秦置西戎校尉,南秦、梁州置平戎校 度嶂、奉化、康義、超隴、揚化同班,擬猛烈等號。寧關、橫沙、雄邊、振隴、平河同班, 鑿空、浮遼、弘節、宣義、懷信同班,擬明智等號。明信、陵河、歸義、款塞、扞 皆立府,隨府主號輕重而 龍幕、威河、和戎、拓遠、朔野、翊海同班,擬智威等號。 四撫同班,擬四征。四威同班,擬四安。四綏同班,擬四平。安遠、安 撫河、衞海、安沙、輔義同班,擬武臣等號。 尉遼、寧渤、綏嶺、威塞、通候同班,擬折衝等號。掃荒、威 不爲定。 其將軍施於外國者,雄義、鎭遠、武安同 航海、寧沙、撫朔、平遠同 梯山、寧寇、綏邊、

荒、定荒、開荒、理荒同班,擬開遠等號。 等號。凡一百二十五將軍,二十八班,並施外國戎號,准于中夏焉。 渡河、陵海、承化、奉正、綏方同 班,擬伏波等號。 奉節 、掃節、建節、效節、伏節同班,擬超武等號 伏義、懷澤、歸誠、奉信、懷義 大同四年,魏彭城王介 同班,擬 前 鋒

朱仲遠來降,以爲定洛大將軍,仍使其北討,故名云。

濁。 將 行 班, 在府之日 詔 祕 方 公,起家 多軍 書郞 軍 得有佐史,無將軍 自十一 此是寒微士人爲之。 諸王 ,並以爲贈官。 陳承梁,皆循其制官,而又置相國,位列丞相上。 中書郎。 ,唯賓遊宴賞,時復修參,更無餘事。 公參佐等官,仍爲淸濁。 此 若員滿,亦爲板法曹,雖高半階,望終祕 一班以上 外有揚州 諸王子幷諸侯世子, 並韶授, 定令,尚書置五 則無府,止 主簿、太學博士、王國侍郎、 從此班者, 表啓不稱姓。 有國官。 或有選司 員,郞二十一員。 方得進登第 起家給事。 皇太子冢嫡者,起家封王,依諸 從十一 補用,亦 若隨府王在州,其僚佐等,或亦得預催督 書郎下。 一班。 班至九 奉朝請、嗣王行參軍, 三公子起家員外散騎侍 有府牒即授者,不拘 其餘並 幷丞相、太宰、太傅、太保、大司馬、大 其親 班, 次令僕子起家著作 遵梁制 禮數復 王起家 則 爲 ,爲十八班, 爲 王 並起家官 等。 待中 年限,去留隨意 起家 郎, 佐 叉 令僕 0 郎 流 而 餘 亦 加 外 未 子 官 將軍 合發 爲 起家 有七 有清 並 板 封

志

第

官,多擅威勢。其庶姓爲州,若無將軍者,謂之單車。郡縣官之任代下,有迎新送故之法, **餉饋皆百姓出,並以定令。其所制品秩,今列之云。** 書。分掌二十一局事,各當尙書諸曹,並爲上司,總國內機要,而尙書唯聽受而已。被委此 國之政事,並由中書省。有中書舍人五人,領主事十人,書吏二百人。書吏不足,幷取助 若其驅使,便有職務。其衣冠子弟,多自修立,非氣類者,唯利是求,暴物亂政,皆此之類。

相國,丞相,太宰,太傅,太保,大司馬,大將軍,太尉,司徒,司空,開府儀同三司,已上秩 巴陵王、汝陰王後,尚書令,已上秩中二千石。品並第一。

太常、宗正、太府、衞尉、司農、少府、廷尉、光祿、大匠、太僕、鴻臚、太舟等卿,太子詹事,國 品右光祿已下。加都督,第一品尚書令下。南徐、東揚州刺史,皇弟皇子封國王世子,品並第三。 子祭酒,已上中二千石。揚州刺史,凡單車刺史,加督進一品,都督進二品。不論持節假節,揚州、徐州加督,進二 夫,光祿大夫,已上並中二千石。左右衞將軍,御史中丞,已上二千石。太后衞尉、太僕、少府三卿, 中書令,侍中,散騎常侍,領、護軍,中領、護軍、日日東部尚書,列曹尚書,金紫光祿大 中書監,尚書左右僕射,特進,太子二傅,左右光祿大夫,已上中二千石。品並第二。

游擊等將軍,太子中庶子,已上三千石。太子左右衞率,三千石。朱衣直閣,雲騎、游騎將軍,中 通直散騎常侍,員外散騎常侍,黃門侍郎,已上二千石。秘書監,中二千石。左右驍騎、左右

江南克郢湘雍等州刺史,六州加督,進在第三品東揚州下。加都督,進在第二品右光祿下。嗣王、蕃王、郡 太子三卿,太中、中散大夫,司徒左右長史,已上千石。 書侍郎,已上千石。尚書左右丞,尚書、吏部侍郎、郎中,已上六百石。尚書郎中與吏部郎同列,今品同 諸王師,依秩滅之例。 國子博士,千石。 荆

公、縣公等世子,品並第四。

軍, 下。 品並第五。 不言秩。 州下。不言秩。 州,梁州領南秦州,司南梁交越桂霍寧等十五州,加督,進在第四品雍州下。 上千石。大長秋,二千石。太子中舍人、庶子,六百石。豫益廣衡等州,靑州領冀州, 諸郡若督及都督、皆以此差次爲例。吳郡吳興二太守,二千石。侯世子,不言秩。皇弟皇子府諮議參 八百石。 秘書丞,明堂、太廟、帝陵等令,已上六百石。散騎侍郎,前左右後軍將軍,左右中郎將,已 皇弟皇子府司馬,千石。 皇弟皇子府板諮議參軍,不言秩。皇弟皇子府長史, 丹陽尹,中二千石。 皇弟皇子府板司馬,不言秩。 會稽太守,二千石。加督,進在第四品雍州下。加都督,進在第三品南徐州 皇弟皇子公府從事中郎,六百石。 千石。皇弟皇子府板長史, 加都督, 進在第三品南徐 北克北徐等

皇弟皇子友,依滅秩例。 洗馬,六百石。 通 直散騎侍郎,千石。 太子步兵、翊軍、屯騎三校尉,並秩同臺校。 皇弟皇子公府屬,本秩四百石。 著作郎,六百石。步兵、射聲、長水、越騎、屯騎五校尉,並千石。 依減秩例。五經博士,六百石。 司徒左西掾屬, 並本秩 四 旨石。 子男世子,不 依 滅秩例。

志

郢湘雍州別駕中從事,並不言秩。品並第六。 軍、板中記室參軍,中直兵參軍、板中直兵參軍,揚州別駕中從事,皇弟皇子南徐荆江南兗 言秩。 姓公府諮議參軍,六百石。與嗣王府同。其板者並不言秩。庶姓公府長史、司馬,並八百石。其板者並不 王府、皇弟皇子之庶子府長史、司馬,並八百石。嗣王府官滅正王府一階。其板長史、司馬,並不言秩。 嗣王庶姓公府從事中郎,六百石。皇弟皇子府中錄事參軍、板府中錄事參軍,中記室參 萬戶以上郡太守、內史、相,嗣王府、皇弟皇子之庶子府諮議參軍,六百石。板者不言秩。嗣 庶

節府長史、司馬,並六百石。板者皆不言秩。嗣王府、皇弟皇子之庶子、及庶姓公府中錄事中記室 參軍,四百石。 依減秩例。司徒祭酒,不言秩。領護軍長史、司馬,廷尉正、監、平,並六百石。皇弟皇子府錄事記 依減秩例。 室中兵等參軍、板錄事記室中兵等參軍、功曹史、主簿,公府祭酒,並不言秩。 人,二百石。 中 - 郎將,羽林監,冗從僕射,已上並六百石。謁者僕射,千石。南臺治書侍御史,六百石。太子舍 給事中,六百石。員外散騎侍郎,祕書著作佐郎,並四百石。依滅秩例。奉車、駙馬都尉,武賁 蕃王 嗣王庶姓公府掾屬,並本秩四百石。依滅秩例。太子二傅丞,並六百石。蕃王府諮議參軍, 依滅秩例。太子門大夫,六百石。太子旅賁中郎將、冗從僕射,並秩同臺將。司徒主簿, 一府板諮議參軍,不言秩。蕃王府長史、司馬,六百石。板者並不言秩。庶姓持節 庶姓非公不持節將軍置長史,六百石。庶姓持節府板諮議參軍,不言秩。庶姓持 皇弟皇子文學, 府諮議

陽會稽吳郡吳興及萬戶郡丞,並六百石。建康令,千石。 中直兵參軍、及板中錄事中記室中直兵參軍、並不言秩。不滿萬戶太守、內史、相、三千石。一丹 建康正、監、平、秩同延尉。 品並第七。

從 庶 秩。 石。 大農、中尉,並六百石。 史、主簿,已上並不言秩。 記室直兵參軍、及板中錄事記室直兵參軍,太子太傅、五官功曹史、主簿,少傅、五官功曹 非公不持節諸將軍置主簿,庶姓公府錄事記室中兵參軍、板錄事記室中兵參軍、主簿,嗣王 嗣 不言秩。 史,六百石。 姓公府祭酒,蕃王府中錄事記室直兵參軍、板中錄事記室直兵參軍,庶姓持節府中錄事 王府、皇弟皇子之庶子府錄事記室中兵參軍、板錄事記室中兵參軍、功曹史、主簿,庶姓 事,不言秩。 太子詹事丞,冑子律博士,並六百石。皇弟皇子府正參軍、板正參軍、行參軍、板行參軍 奉朝請武騎常侍,依滅秩例。太后三卿、十二卿、大長秋等丞,並六百石。左右衞司馬,不言 中 蠻戎 書通事舍人,依滅秩例。積射、强弩、武衞等將軍,公車令,太子左右積弩將軍,並六百 蠻戎越等府佐無定品。自隨主軍號輕重。小府滅大府一階。 越校尉 不滿萬戶已下郡丞, 中郎將等司馬,六百石。 品並第八。 太學博士,六百石。國子助敎,司樽郎,安蠻戎越校尉中郎將府等長 六百石。 五千戶已上縣令、相,一千石。 板者不言秩。庶姓南徐荆江南兗郢湘雍等州 蠻戎越校尉中郎將等府板長史, 皇弟皇子國郎中令、 別駕中

左右二 志 第 衞殿中 + ·將軍,不言秩。 百 官 Ŀ 南臺侍御史,依殊滅例。東宮通事舍人,不言秩。 材官將軍,六 農、殿中、並二百石。品並第九。 侍郎,不言秩。嗣王國郎中令、大農、中尉,並四百石。嗣王國常侍,不言秩。蕃王國郎中令、大 皇弟皇子諸州主簿、西曹,已上並不言秩。不滿五千戶已下縣令、相,六百石。 別駕中從事史,揚州主簿、西曹及祭酒、議曹二從事,南徐州主簿、西曹、祭酒議曹二從事 參軍、板錄事記室中兵等參軍、功曹史、主簿,庶姓豫益廣衡青冀北兗北徐梁秦司南徐等州 等參軍、功曹史、主簿、正參軍、板正參軍、行參軍、板行參軍,庶姓持節府錄事記室中兵等 軍、板行參軍,庶姓公府正參軍、板正參軍,蕃王府錄事記室中兵等參軍、板錄事記室中兵 百石。 太子左右二衞率、殿中將軍及丞、嗣王府、皇弟皇子之庶子府正參軍、板正參軍、行參 皇弟皇子國常侍、

將軍, 宣等五遠將軍,寧蠻校尉,隨州小府、蠻越校尉中郎將,隨府主軍號輕重。若單作,則減刺史一階。若有將軍,減 宣毅等將軍 軍,擬官品第二。秩中二千石。 밂 二千石。 第一。 又有戎號擬官,自一品至于九品,凡二百三十七。鎭衞、驃騎、車騎等三號將軍,擬官 擬官品第三。秩中二千石。 輕車 比秩中二千石。四中、軍、撫、衞、權。四征、東南西北。 鎭 ,,四中郞將,智、仁、勇、信、嚴等五威、五武將軍,合二十五號,擬官品第四。 、朔、武旅、貞毅、明威等將軍, 八安、左前右後,東南西北。四郊、左前右後。 忠武、軍師、武臣、爪牙、龍騎、雲麾、冠軍、鎭兵、翊師、宣惠、 將軍加大者至此。 八鎭 凡加大,通進一階。 東南西北,左右前後。 四平東南西北。 寧、安、征、振 等十六號將 等十六號

滿百 略遠、貞威、決勝、清野、堅銳、輕車、拔山、雲勇、振旅等將軍,擬官三十號,品第七。並六百石 戎、鎭蠻三校尉等,擬官一百四號, 品第六。並千石。龍驤、武視、三三雲旗、風烈、電威、雷音、 烈、猛、銳、奇、決、起、勝、略、出等十飆將軍,平越中郎,廣、梁、南秦、南梁、寧等州小府。西戎、平 略、遠、勇、烈、威、銳、毅、勝、進等十明,光烈、明、英、遠、勝、銳、命、勇、戎、野等十光,飆勇、 將軍,擬官 尉,隨府主號輕重。若單作,則減太守內史相一階。若有將軍,減一階。安遠護軍,度支校尉巴陵郡丞等,擬官 **饮飛、勇騎、破敵、克敵、威虜等將軍,鎭蠻護軍,西陽、南新蔡、晉熙、廬江郡小府、鎭蠻安遠護軍、度支校** 超武、鐵騎、樓船、宣猛、樹功、克狄、平虜、稜威、戎昭、威戎、伏波、雄戟、長劍、衝冠、雕騎、 馳銳、追銳、羽騎、突騎、折衝、冠武、和戎、安壘、超猛、英果、掃虜、掃狄、武銳、摧鋒、開遠、 威、明、烈、信、武、勇、毅、壯、健等十雄,忠勇、烈、猛、銳、壯、毅、捍、信、義、勝等十忠,明智、 烈、猛、銳、威、力、毅、志、意等十壯,驍雄、桀、猛、烈、武、勇、鋭、名、勝、迅等十驍,雄 勝、力、毅、健、烈、威、銳、勇等十武,猛毅、烈、威、震、銳、進、智、勝、駿等十猛,自己壯武、勇、 將軍一階。合十八號,擬官品第五。威雄、猛、烈、震、信、略、勝、風、力、光等十威,武猛、略、 一十三號,品第八。 人,幷除 十號,品第九。並四百石。諸將起自第六品已下,板 此官而 並六百石。 爲州郡縣者,皆依本條減秩石。二千石減爲千石,千石降爲六百石。 前鋒、武毅、開邊、招遠、金威、破陣、蕩寇、殄虜、横野、馳射等 則無秩。其雖除不 領兵,領 自四百石降而

無秩。 其州郡 縣,自 各以本秩論。凡板將軍,皆降除一品。諸依此滅降品秩。 其應假給章印,各依

舊差,不貶奪。

湯沐食侯,第七品。 開 國縣伯,第四品。並視中二千石。開國子, 鄉、亭侯,第八品。並親千石。關中、關外侯,第九品。親六百石。 第五 品。 開國男,第六品

唯論 旣不 又畫可,付選司行召。 詔授官者,卽宣付詔誥局,作詔章草奏聞。 名,八座通 動。 示 為挽郞得仕。自己其諸郡,唯正王任丹陽 別降恩旨叙用者,不在常例。 爲 陳依 清 用者,更銓量奏請。 濁 此式,所以勤惰無辨。 ,封爵亦爲九等之差。郡王第一品。秩萬石。嗣王、蕃王、開國郡縣公,第二品。開國郡、 其用官式, 梁制,年未滿三十者,不得入仕。唯經學生策試得第,諸州光迎主簿,西曹左奏及 ,從濁官得微淸,則勝於轉。 署,奏可,卽出 吏部先爲白牒,錄數十人名,吏部尚書與參掌 得詔官者,不必皆須待召。 若勑 付典名。 凡選官無定期,隨闕卽補,多更互遷官,未必卽進班秩。 可,則付選,更色別,量貴賤,內外分之,隨才補用。 其相知表啓通舉者,每常有之,亦無年常考校黜陟之法 而典以名帖鶴頭板, 若有遷授,或由別勑,但移轉一人爲 尹經迎得出身,庶姓尹則不得。 勑可, 黄紙寫出門下。 但聞韶出,明日,卽與其親入謝後,詣尚 整威儀,送往得官之家。 人共署奏。 門下答韶,請付外施行。 必有奇才 官, 勑或可 則諸官多須 其有 以黄紙錄 或不可。 異行 殊

其

改

勳

經

校勘記

- [一] 侍郎中高功者 按:下文已有「侍郎高功者」、此處「郎」字當是衍文。
- 公車太官太醫等令驊騮廐丞 按"所舉各令丞都屬門下省,依文例,「公車」上應有「統」字。
- 柒署 「柒」、從宋小字本,別本作「柴」。,册府四八二作「漆」。下同。
- 夷寇 「寇」原作「冠」,據職官分紀三〇改。
- \sqcap エ 齊監東堂監 原作「齊東堂監」,脫一「監」字,據通典三七改補。下「齊監」同人
- 題閣監 通典三七無此三字。

門下集書主事通正令史

通典三七,「事」字在「通」下。

- 縣制七班 本書食貨志:「大縣六班」。
- 猛武 「武」原作「威」,與上文重復,據通典六三改。
- 四十四班 今計止三十三班。
- 中領護軍 宋小字本此處泐四字,別本脫,據通典三八補。
- 猛毅 芯 第 至 十猛 + 據上文梁制「智」下當補「武」字。 校 坳 記

隋書卷二十七

志第二十二

百官中

則同太尉府。乾明中,又置丞相。河淸中,分爲左右,亦各置府僚云。 室、倉、城局、田、水、鎧、士等七曹,各一人。其品亦每官下三府一階。三師、二大置佐史, 軍事,法、墨、田、水、鎧、集、土等曹行參軍,兼左戶右戶行參軍,長兼行參軍,參軍,督護等 事,功曹,記室、戶曹、金曹、中兵、外兵、騎兵、長流、城局、刑獄等參軍事,東西閣祭酒及參 三公府,三門,當中開黃閤,設內屛。各置長史,司馬,諮議參軍,從事中郎,掾屬,主簿,錄 有大司馬、大將軍,是爲二大,並典司武事。次置太尉、司徒、司空,是爲三公。三師、二大、 司徒則加有左右長史。三公下次有儀同三司。加開府者,亦置長史已下官屬,而滅記 後齊制官,多循後魏,置太師、太傅、太保,是爲三師,擬古上公,非勳德崇者不居。次

志

第二十二

百官中

蕩邊、開城、靜漠、綏戎、平越、殄夷、飛騎、隼擊、武牙、[1]武奮、清野、橫野、偏、裨等將軍。 樓船、勁武、昭勇、明威、顯信、度遼、橫海、踰岷、越嶂、戎昭、武毅、雄烈、恢猛、揚麾、曜鋒、 鎭遠、安遠、建忠、建節、中堅、中壘、振威、奮威、廣德、弘義、折衝、制勝、伏波、陵江、 九品已上,又有驃騎、車騎、衛、四征、四鎭、中軍、鎭軍、撫軍、翊軍、四安、冠軍 特進,左右光祿,金紫、銀青等光祿大夫,用人俱以舊德就閑者居之 自一品已下,從 、輔國、龍驤、 、輕車、

儀曹、掌吉凶禮制事。 同。 位在令上,掌與今同,但不糾察。令則彈糾見事,與御史中丞更相廉察。 以褒賞勳庸 考第及秀孝貢士等事。 部、水部、膳部、倉部、金部、庫部十一曹。亦管轄臺中。又主凡諸用度雜物、脂、燈、筆、墨、幃帳。 右戶十七曹,并彈糾見事。又主管轄臺中,有達失者, 雜糾駁之。 右丞各一人。 掌駕部、處曹、屯田、起部、都兵、比 二則爲左、右僕射,皆與令同。左糾彈,而右不糾彈。錄、令、僕射,總理六尚書事,謂之都 幷都令史八人,共掌其事。 其屬官,左丞、掌吏部、考功、主爵、殿中、儀曹、三公、祠部、主客、左右中兵、左右外兵、都官、二千石、度支、左 尙書省,置令、僕射,吏部、殿中、祠部、五兵、都官、度支等六尙書。 主爵掌封爵等事。二曹。 三一公、掌五時讀時令,諸曹囚帳,斷罪,赦日建金雞等事。 其六尚書,分統列曹。 殿中統殿中、掌駕行百官留守名帳,宮殿禁衛,供御衣倉等事。 吏部統吏部、掌褒崇、選補等事。考功、 常部掌車與、牛馬厩牧等事。 僕射職爲執法,置 又有錄尚書一人, 唯不彈糾,餘悉與左 辺

水部 攝。 曹。 殻膳 各二人,餘並一人。凡三十郎中。 掌權衡量 役糧廪等事。 雜戶等事。 南及潼關 雑味等事。 、掌舟船、津梁、公私 五 祠部統祠部、掌祠部醫藥, 度、外內諸庫藏文帳等事。 已東諸州丁帳, 兵統左中兵、掌諸郡督告身、 五曹。 倉部、掌諸倉帳出入等事。 屯田、掌籍田、 都官統都官、掌畿內非違得失事。 及發召征兵等事。 水事。 膳部掌侍官百司 諸州屯田等事。 庫部 死喪贈賜等事。 掌凡是戎仗器用所須事。 左戶、掌天下計帳、戶籍等事。右戶、掌天下公私 諸宿衞官等事。 右外兵、掌河北及潼關已西諸州, 吏部、儀曹、三公、虞曹、都官、二千石、比部、左戶,各量 起部掌諸興造工匠等事。 禮食肴饌等事。五曹。 王客、掌諸蕃維客等事。 一千石、掌畿外得失等事。 右中兵、掌畿內丁帳、事 六曹。凡二十八曹。 度支統度支、掌計會、凡 万. **虞曹、掌地圖,山川遠近,園囿** 曹。 所典與左外同 力、蕃兵等事。 酮 比部、掌詔書律令勾檢等事 部, 田 吏部、三公,郎中 無尙 宅租調等事。 都兵掌鼓吹、太樂 左外兵、掌河 書則 軍 國損益、事 右 金部、 僕 田獵, 射

已上,皆主之。左右直長四人。尚食局,典御二人,總知御膳事。丞、監各四人。尚藥局, 史、主事令史八人。統局六。領左右局,領左右各二人,掌知朱華閣內諸事。〔三宣傳已下, 及丞各二人,總知御藥事。 門下省,掌獻納諫正,及司進御之職。侍中、給事黃門侍郎各六人,錄事四人,通事令 齋帥局,齊帥四 人。 侍御師、尙藥監各四人。主衣局, 堂鋪設酒掃事。殿中局,殿中監四人。 都統、子統各二人。掌御 掌駕前奏引行事,制講修補。 東耕 白衣齋子 衣服玩 典御 則進

事置掌故主事員。

志

耒耜。

長、伶官西涼四部、伶官龜茲四部、伶官淸商部直長、伶官淸商四部。 宣旨勞問。中書舍人、主書各十人。 中書省,管司王言,及司進御之音樂。監、令各一人,侍郎四人。并司伶官西涼部直 又領舍人省,掌署物行

郎二人,佐郎八人,校書郎二人。 秘書省,典司經籍。監、丞各一人,郎中四人,校書郎十二人,正字四人。 又領著作省

郎各一人,校書郎二人。 十人,奉朝請二百四十人。又領起居省,散騎常侍、通直散騎常侍、散騎侍郎、通直散騎侍 騎侍郎六人,員外散騎常侍二十人,通直散騎侍郎六人,給事中六人,員外散騎侍郎一百二 集書省,掌諷議左右,從容獻納。 散騎常侍、通直散騎常侍各六人,諫議大夫七人,散

及丞,幷中謁者僕射,各二人。中尙食局,典御、丞各二人,監四人。內謁者局,統、丞各 中侍中省,掌出入門閤。中侍中二人,中常侍中、給事中各四人。 又有中尚藥典御

史各十二人,錄事四人。領符節署,令一人,符璽郎中四人。 御史臺,掌察糾彈劾。中丞一人,治書侍御史二人,侍御史八人,殿中侍御史、檢校御

都水臺,管諸津橋。 使者二人,參事十人。 又領都尉、合昌、坊城等三局。 尉皆分司諸

津橋。

謁者臺,掌凡諸吉凶公事,導相禮儀事。僕射二人,謁者三十人,錄事一人。

太常、光祿、衞尉、宗正、太僕、大理、鴻臚、司農、太府,是爲九寺。 置卿、少卿、丞各

人。各有功曹、五官、主簿、錄事等員。

视, **祀,在京及諸州道士簿帳等事。一局丞,太樂兼領清商部丞,掌淸商音樂等事。** 樂、掌諸樂及行禮節奏等事。衣冠、掌冠幘、鳥履之屬等事。鼓吹、 郎、 供樂人衣服。 祭社 二人,掌監調律呂音樂。 太常,掌陵廟羣祀、禮樂儀制,天文術數衣冠之屬。 衣服等事。 大字掌諸神祀烹宰行禮事。 太史兼領靈臺、掌天文觀候。太卜掌諸卜筮。二局丞。 太史、掌天文地動,風雲氣色,律曆卜筮等事。太醫、掌醫藥等事。廩犧、掌養犧牲, 八書博士二人。等員。統諸陵、掌守衛山陵等事。 等署令、丞。而太廟兼領郊祠、掌五郊羣神事。 其屬官有博士、四人, 掌百戲、 鼓吹樂人等事。 太廟、掌郊 鼓吹兼領黃戶局丞,掌 崇虛掌五 太祝、 廟社稷等事。 掌禮制。 掌郊 岳 供籍草 四 協律 瀆 廟贊 太

華林 宮門、主諸門籥事。供府、掌供御衣服玩弄之事。肴藏、掌器物鮭味等事。清漳、主酒,歲二萬石。 掌禁籞林木等事。 光祿寺,掌諸膳食,帳幕器物,宮殿門戶等事。統守宮、掌凡張設等事。太官、 等署。宮門署,置僕射六人,以司其事。 餘各有令、丞。又領東園局丞 春秋 掌食膳 中半。

志

員。掌播凶具。

領公車、掌尚書所不理,有枉屈,經判奏聞。武庫、掌甲兵及吉凶儀仗。 衞士掌京城及諸門士兵。等署令。武 衞尉寺,掌禁衞甲兵。 統城門寺,置校尉二人,以司其職。 掌宮殿城門,幷諸倉庫管籥等事。又

庫又有修故局丞。掌領匠修故甲等事。

大宗正寺,掌宗室屬籍。統皇子王國、諸王國、諸長公主家。

局。駝牛署,有典駝、特牛、牸牛三局。司羊署,有特羊、牸羊局。諸局並有都尉。 直長二人。左龍署,有左龍局。右龍署,有右龍局。左牝署,有左牝局。右牝署, 牛、掌飼駝騾驢牛。司羊、掌諸羊。乘黃、掌諸輦輅。車府掌諸雜車。等署令、丞。 司訟、典腊、出入等三局丞。 太僕寺,掌諸車輦、馬、牛、畜產之屬。統驊騮、掌御馬及諸鞍乘。 左右龍、左右牝、掌駝馬。駝 驊騮署,又有奉承 寺又領 有右牝

掾十人,獄丞、掾各二人,司直、明法各十人。 大理寺,掌決正刑獄。正、監、評各一人,律博士四人,明法掾二十四人,檻車督二人,

甫二人,諸州薩甫一人。典寺署,有僧祗部丞一人。司儀署,又有奉禮郞三十人。 鴻臚寺,掌蕃客朝會,吉凶弔祭。統典客、典寺、司儀等署令、丞。典客署,又有京邑薩

司農寺,掌倉市薪菜,園池果實。統平準、太倉、鈎盾、典農、導官、梁州水次倉、石濟水

署,又別領山陽、平頭、督亢等三部丞。 次倉、藉田等署令、丞。 而鈎盾又別領大囿、上林、遊獵、柴草、池藪、 苜蓿等六部丞。 典農 導官署,又有御細部、麴麵部、典庫部等倉督員

別領京坊、河東、信都三局丞。諸冶東道,又別領滏口、武安、白間〔三三局丞。 別領別局、涇州絲局、雍州絲局、定州紬綾局四局丞。 藏、右藏、細作、左校、甄官等署令、丞。 又別領晉陽冶、泉部、大郊、原仇四局丞。 太府寺,掌金帛府庫,營造器物。 統左、中、右三尚方,左藏、司染、諸治東西道署、黃 左尙方,又別領別局、樂器、器作三局丞。中尙方,又 甄官署,又別領石窟丞。 右尙方, 又別領別局丞。 諸冶西道, 司染署,又

人,學生七十二人。太學博士十人,助敎二十人,太學生二百人。四門學博士二十人,助敎 二十人,學生三百人。 國子寺,掌訓敎冑子。祭酒一人,亦置功曹、五官、主簿、錄事員。 領博士五人,助教十

部丞。奚官署,又別有染局丞 有麵豆局丞。園池署,又別有桑園部丞。中宮僕署,又別有乘黃局敎尉、細馬車都督、車府 中黃門,又有冗從僕射及博士四人。掖庭、晉陽、中山,各有宮敎博士二人。中山署,又別 領中黃門、掖庭、晉陽宮、中山宮、園池、中宮僕、奚官等署令、丞。又有暴室局丞。其 長秋寺、掌諸宮閣。卿、中尹各一人、並用宦者。丞二人。亦有功曹、五官、主簿、錄事

志第

將作寺,掌諸營建。大匠一人,丞四人。亦有功曹,主簿,錄事員。 若有營作,則立將、

副將、長史、司馬、主簿、錄事各一人。又領軍主、副,幢主、副等。

昭玄寺,掌諸佛敎。置大統一人,統一人,都維那三人。亦置功曹、主簿員,以管諸州

郡縣沙門曹。

騎都尉六十人,積弩、積射、强弩等將軍及武騎常侍,各二十五人,殿中將軍五十人,員外將 軍一百人,殿中司馬督五十人,員外司馬督一百人。 屯騎、長水等校尉、奉車都尉等、各十人、武賁中郎將、羽林監各十五人、冗從僕射三十人、 騎將軍各一人,驍騎、遊擊、前後左右等四軍將軍,左右中郞將,各五人,步兵、越騎、射聲、 前鋒散都督等員。直閣屬官,有朱衣直閣、直閣將軍、直寢、直齋、直後之屬。又有武騎、雲 屬官,有直衞正副都督、翊衞正副都督、前鋒正副都督等員。 直突屬官,有直突都督、勳武 直盪屬官,有直盪正副都督、直入正副都督、勳武前鋒正副都督、勳武前鋒五藏等員。 直衞 馬、功曹、主簿、錄事,釐其府事。 其御仗屬官,有御仗正副都督、御仗五職、御仗等員。 其 中領軍亦同。 左右衞府,將軍各一人,掌左右廂。所主朱華閣以外,各武衞將軍二人貳之。皆有司 領軍府,將軍一人,掌禁衞宮掖。 有長史、司馬、功曹、五官、主簿、錄事,釐其府事。又領左右衞、領左右等府。 朱華閣外,凡禁衞官,皆主之。輿駕出入,督攝仗衞。

備 身 員 領 左右府,有領左右將軍、領千牛備身,又有左右備身正副都督、左右備身五職、左右 又有刀劍備身正副都督、刀劍備身五職、刀劍備身員。 又有備身正副督、備身五

職 員

司馬、錄事參軍、統府錄事各一人。 五. 官、主簿、錄事,釐其府事。 護 軍府,將軍一人,掌四中關津。 其屬官,東西南北四中府皆統之。 又有統 輿駕出則護駕。 府直兵及功曹、倉曹、中兵、外兵、騎兵、長流、城 中護軍亦同。 四府各中郎將一人,長史、 有長史、司馬、功曹、

局 等參軍各一人,法、田、鎧等曹行參軍各一人。又領諸關尉、津尉 行臺,在令無文。

其官置令、僕射。

其尚書丞郎,皆隨

權制

而

置員焉。

其文未詳

太子太師、太傅、太保,是爲三師,掌師範訓導,輔翊皇 太子。 少師、少傳、少保,是爲三

少,各一人,掌奉皇太子,以 觀三師之德。 出 則三師在前,三少在後。

其事 令,率更令、僕等三寺, 詹事,總東宮內外衆務,事 左右衞二坊。 無大小,皆統之。 三寺各置丞,二坊各置司馬,俱 府置丞、功曹、五官、主簿、 有功曹、 錄 事員。 主 簿 領家

局、 酒局二丞,典倉 家令,領食官、典倉、司藏等署令、丞。 又別領園丞,司藏又别領仗庫、典作二局丞。 又領內坊令、 丞。 掌知閔內諸事。 率更領中盾署令、 其 食官, 叉 丞各 別 領器

志

七六〇

掌周衞禁防,漏刻鍾鼓。僕寺領厩牧署令、丞,署又別有車輿局丞。

副都督、內直備身五職、內直備身員。又有備身正副都督、備身五職員。 左右衞坊率,各領騎官備身正副都督、騎官備身五職、騎官備身員。 又有直閣、直前 又有內直備身正

直後員。又有旅騎、屯衞、典軍等校尉各二人,騎尉三十人。 門下坊,中庶子、中舍人、通事守舍人、主事守舍人,各四人。又領殿內、典膳、藥藏、齋

四人。 齋帥局,齋帥、內閣帥各二人。 帥等局。殿內局有內直監二人,副直監四人。典膳、藥藏局,監、丞各二人。藥藏又有侍醫 典書坊,庶子四人,舍人二十八人。又領典經坊,洗馬八人,守舍人二人,門大夫、坊門

自諸省臺府寺,各因其繁簡而置吏。有令史、書令史、書吏之屬。又各置曹兵,以共其

大夫、主簿各一人。并統伶官西涼二部、伶官淸商二部。

其員因繁簡而立。其餘主司專其事者,各因事立名,條流甚衆,不可得而具也。

王,位列大司馬上。非親王則位在三公下。置師一人,餘官大抵與梁制不異。其封內之調,

盡以入臺,三分食一。公已下,四分食一。

中大夫、各二人。防閣、四人。典書、典祠、學官、典衞等令、各一人。齋帥、四人。食官、愿牧長、各 皇子王國,置郎中令,大農,中尉,常侍,各一人。侍郎,二人。上、中、下三將軍,各一人。上、

典醫丞、二人。典府丞、一人。執書、二人。謁者、四人。舍人十人。等員。

又減諸王防閣、齋帥、典醫丞等員。 諸王國,則 加有陵長、廟長、常侍各一人,而無中將軍員。上、中大夫各減一人。諸公 諸侯伯子男國,又滅諸公國將軍、大夫員。 諸公主則置

家令、丞、主簿、錄事等員

曹、金曹、租曹、兵曹、騎曹、都官、法曹、部郡等從事員。 東市署令、丞,及統淸都郡諸畿郡。 司 州,置牧。屬官有別駕從事史,治中從事史,州都,主簿,西曹書佐、 主簿置史,西曹巳下各置掾史。 記室、戶曹、功 叉領西、

室、戶、田、金、租、兵、騎、賊、法等曹掾,中部掾等員。 清都郡,置尹,丞,中正,功曹、主簿,督郵,五官,門下督,錄事,主記,議生,及功曹、記

清都郡諸縣令已下官員,悉與上上縣同。諸畿郡太守已下,悉與上上郡同 途尉。凡一百三十五里,里置正。臨漳又領左部、東部二尉,左部管九行經途尉。凡一百 記室、戶、田、金、租、兵、騎、賊、法等曹掾員。 十四里,里置正。成安又領後部、北部二尉,後部管十一行經途尉,七十四里,里置正。 鄴、臨漳、成安三縣令,各置丞、中正、功曹、主簿、門下督、錄事、 鄴又領右部、南部、西部三尉, 又領十二行經 主記,議及功曹、回

上上州刺史、置府。屬官有長史、司馬、錄事,功曹、倉曹、中兵等參軍事及掾史,主簿

湛

第二十二

百官中

七六二

從事史,部郡從事,阜服從事,典籤及史,門下督,省事,都錄事及史,箱録事及史,朝直、刺 等員。州屬官,有別駕從事史,治中從事史,州都光迎主簿,主簿,西曹書佐,市令及 及掾,記室掾史,外兵、騎兵、長流、城局、刑獄等參軍事及掾史,參軍事及法、墨、田、鎧、集、 士等曹行參軍及掾史,右戶掾史,行參軍,長兼行參軍,督護,統府錄事,統府 直兵,箱錄事 史,祭酒

中下州五十人。下中州滅下上州十人。下下州滅下中州十人。 中上州減上下州五十一人。中中州減中上州十人。中下州減中中州十人。下上州減 上上州府,州屬官佐史,合三百九十三人。上中州減上上州十人。上下州減 上中州十

姦、記室掾,戶曹、田曹、金曹、租曹、兵曹、左戶等掾史等員

佐史二百一十二人。上中郡減上上郡五人。上下郡減上中郡五人。中上郡減上下郡四十 曹、戶曹、金曹、租曹、兵曹、集曹等掾佐,太學博士,助敎,太學生,市長,倉督等員。合屬官 五人。中中郡減中上郡五人。中下郡減中中郡五人。下上郡減中下郡四十人。下中郡減 下上郡二人。下下郡滅下中郡二人。 上上郡太守,屬官有丞,中正,光迎功曹,光迎主簿,功曹,主簿,五官,省事,錄事,及西

曹、租曹、兵曹等掾,市長等員。合屬官佐史五十四人。上中縣減上上縣五人。上下縣減 上上縣令,屬官有丞,中正,光迎功曹,光迎主簿,功曹,主簿,錄事,及西曹、戶曹、金

上 中縣五人。 中上縣減上下縣六人。 中中縣減中上縣五人。 中下縣減中中縣一人。下上

縣 減 中下縣一人。下中縣減下上縣一人。下下縣減下中縣一人。

自州、郡、縣,各因其大小置白直,以供其役。

三等諸鎭,置鎭將、副將,長史,錄事參軍,倉曹、中兵、長流、城局等參軍事,鎧曹行參

軍,市長,倉督等員。

三等戍,置戍主、副,掾,隊主、副等員。

官一品,每歲祿 八百匹,二百匹爲一秩。從一品,七百匹,一百七十五匹爲一秩。

二品,六百匹, 百五十匹爲一秩。 從二品,五百匹,一百二十五匹爲一秩。

三品,四百匹, 一百匹爲 一秩。 從三品,三百匹,七十五匹爲一 秩

四品品 ,二百四十匹,六十匹爲一秩。 從四品,二百匹,五十匹爲 一秩。

五品 一百六十匹,四十匹爲一秩。 從五品,一百二十匹,三十匹為一 秩。

六品,一百匹,二十五匹爲一秩。 從六品,八十匹,二十匹爲一秩。

七品,六十匹,十五 匹爲一秩。 從七品,四十匹,十匹爲一秩。

八品,三十六匹,九匹爲一 秩。 從八品,三十二匹,八匹爲 秩。

九品,二十八匹,七匹爲一秩。 從九品,二十四匹,六匹爲一秩。

芯

百

官中

J.

給事力。一品至三十人,下至於流外勳品,或以五人爲等,或以四人、三人、二人、一人爲 兼、試守者,亦降一秩。 官非執事、不朝拜者,皆不給祿。 又自一品已下,至於流外勳品,各 祿率一分以帛,一分以粟,一分以錢。事繁者優一秩,平者守本秩,閑者降一秩。 長

繁者加一等,平者守本力,閑者降一等焉。 州、郡、縣制祿之法,刺史、守、令下車,各前取一時之秩。

四十匹,中中及中下,各以三十匹爲差。下上降中下四十匹,下中、下下各以二十匹爲差。 百匹,中中及中下,亦以五十匹爲差。下上降中下一百匹,下中、下下,亦各以五十匹爲差。 上郡太守,歲秩五百匹,降淸都尹五十匹。上中、上下各以五十匹爲差。中上降上下 上上州刺史,歲秩八百匹,與同州牧同。上中、上下各以五十匹爲差。 中上降上下一

降上下三十匹,中中及中下,各以五匹爲差。下上降中下二十匹,下中、下下各以十匹 上上縣,歲秩一百五十匹,與鄴、臨漳、成安三縣同。上中、上下各以十匹爲差。中上

丞之半。 州

自長史已下,逮于史吏,郡縣自丞已下,逮于掾佐,亦皆以帛爲秩。 皆以其所出常調課之。其鎭將,戍主,軍主、副,幢主、副,逮于掾史,亦各有差 郡有尉者、尉減

諸州刺史、守、令已下,幹及力,皆聽敕乃給。 其幹出所部之人。一幹輸絹十八匹,幹

身放之。力則以其州、郡、縣白直充。

三師、王、二大、大司馬、大將軍。三公,爲第一品。

開府儀同三司、開國郡公,爲從一品。

加大者,在太子太師上。四征將軍,加大者,次衞大將軍。左右光祿大夫,散郡公,開國縣公,爲第 儀同三司,太子三師,特進,尚書令,驃騎、車騎將軍,二將軍加大者,在開國郡公下。衞將軍,

- H

任者爲之。 尚書僕射,置二,左居右上。中書監,四鎭,加大者,次四征。中、鎭、撫軍將軍,三將軍,武職罷 領軍、加大者,在尚書令下。護軍、翊軍將軍,金紫光祿大夫,散縣公,開國縣侯,爲從

品品。

左右衞將軍 中,列曹尚書,四平將軍,大宗正、太僕、大理、鴻臚、司農、太府卿,淸都尹, **吏部尚書,四安將軍,中領、護,太常、光祿、衞尉卿,太子三少,中書令,太子詹事,侍** ,秘書監,銀靑光祿大夫,散縣侯,開國縣伯,爲第三品 三等上州刺史,

子祭酒、御史中丞、中侍中、長秋卿、將作大匠、冠軍將軍、太尉長史、領左右將軍、武衞將 散騎常侍、三等中州刺史、司徒左長史、四方中郎將、四護匈奴、羗戎、夷、蠻越。 中郎將、國

志

軍、太子左右衞率、輔國將軍、四護校尉、太中大夫、龍驤將軍、三等上郡太守、散縣伯,爲從

府長史、中大夫,三等下州刺史,三等鎭將,諸開府司馬,開國縣子,爲第四品。 尹,城門校尉,武騎、雲騎、驍騎、遊擊將軍,已前上階。建忠、建節將軍,通直散騎常侍,諸開 司 '徒右長史,司空長史,大宗正、太僕、大理、鴻臚、司農、太府少卿,三公府司馬,中常侍,中 鎮遠、安遠將軍,太常、光祿、衞尉少卿,尚書,吏部郎中,給事黃門侍郎,太子中庶子,

閣,直閣將軍,太子騎官備身、內直備身等正都督,三等鎭副將,散縣子,爲從第四品 諸開府諮議參軍,司州治中從事史,左右中郎將,步兵、越騎、射聲、屯騎、長水校尉,朱衣直 身、衞仗、直盪等正都督,三等上州司馬,已前上階。振威、奮武將軍,諫議大夫,尚書右丞, 子三卿,前、左、右、後軍將軍,中書侍郎,太子庶子,三等中郡太守,左右備身、刀劍備身、備 中堅、中壘將軍,尚書左丞,三公府諮議參軍事,司州別駕從事史,三等上州長史,太

史司馬,諸開府從事中郎,開國縣男,爲第五品 郞 ,秘書丞,皇子友,國子博士,散騎侍郎,太子中舍人,員外散騎常侍,三等中州司馬,**已** 廣德、弘義將軍,太子備身、直入、直衞等正都督,領左右、三等中州長史,三公府從事 折衝、制勝將軍,主衣都統,尙食、尙藥二典御,太子旅騎、屯衞、典軍校尉,領護府長

事中,三等下郡太守,大理司直,太子直閤、二衞隊主,太子騎官、內直備身副都督,開國鄉 **掾屬,崇聖、歸義、歸正、歸命、歸德侯,淸都郡丞,治書侍御史,鄴、臨漳、成安三縣令,中給** 備身、刀劍備身、御仗、直盪等副都督,[m] 左右直長,中尚食、中尚藥典御,三等下州司馬, 已前上階。 伏波、陵江將軍,三等下州長史,三公府掾屬,著作郎,通直散騎侍郎,太子洗馬,左右 輕車、樓船將軍,駙馬都尉,翊衞正都督,直寢,直齋,奉車都尉,都水使者,諸開府

男,散縣男,爲從第五品。

直監,平準署令,爲第六品 子文學、謁者僕射、己前上階。明威、顯信將軍,太子備身副都督,四中府司馬,武賁中郎將, 倉、中兵等曹參軍事,三等上州錄事參軍事,治中從事史,三等上郡丞,三等上縣**令,太子內** 羽 三等鎭守長史,三公府錄事參軍事,皇子郎中令,三公府功曹、記室、戶、倉、中兵參軍事,皇 、林監,冗從僕射,直入副都督,千牛備身,大理正、監、評,侍御師諸開府錄事、功曹、記室、 勁武、昭勇將軍,尚書諸曹郎中,中書舍人,三公府主簿,三等上州別駕從事史,四中府

大夫,三等上州功、倉、中兵等參軍事,皇子大農,騎都尉,直後,符璽郎中,三等中州錄事參 一事, 已前· 度遼、橫海將軍,直突都督,三等中州別駕從事史,三公府列曹參軍事,給事中,太子門 上階。 踰岷、越嶂將軍,直衞副都督,三等中州從事史,諸開府主簿、 列曹參軍事,

從第六品

三等中州功、倉、中兵等參軍事,太子舍人,三寺丞,太子直前,太子副直監,太子諸隊主,爲

州 功、倉、中兵參軍事,三等中州府主簿、列曹參軍事,二衞府司馬,詹事府丞,左右備身五職, 琊衞副都督, 諸開府東西閣祭酒參軍事、列曹行參軍,三等下州功、倉、中兵參軍事,四中府 射將軍,員外散騎侍郎,皇子中尉,三公府參軍事、列曹行參軍,已前上階。雄烈、恢猛將軍, 三等鎭錄事參軍事,六寺丞,秘書郎中,著作佐郎,太子侍醫,太子騎尉,太子騎官備身五 府主簿、列曹參軍事,三等下州錄事參軍事,四中府錄事參軍事,王公國郎中令,積弩、積 戎昭、武毅將軍,勳武前鋒正都督,三公府東西閤祭酒,三等下州別駕從事史,三等上

曹參軍事,三縣丞,侍御史,尚食、尚藥丞,齋帥,中尚食、中尚藥丞,太子直後、二衞隊副,前 州參軍事、列曹行參軍,諸開府行參軍,奉朝請,國子助敎,公車、京邑二市署令,三等鎭列 子二率坊司馬,三等鎭倉、中兵參軍事,已前上階。蕩邊、開域將軍,勳武前鋒散都督,太學博 參軍,三等下州府主簿、列曹參軍事,四中府列曹參軍事,王公國大農,長秋、將作寺丞,太 職,三等中郡丞,三等中縣令,爲第七品。 士,皇子常侍,太常博士,武騎常侍,左右備身,刀劍備身五職,都將、別、統、軍主、幢主。三等中 揚麾、曜鋒將軍、勳武前鋒副都督,强弩將軍,三公府行參軍,三等上州參軍事、列曹行

鋒正都督,太子騎官備身,太子內直備身五職,已見前。諸戍主、軍主,爲從第七品。

見前。 州行參軍,王、公國中尉,三等鎭鎧曹行參軍,三等下郡丞,三等下縣令,爲第八品。 行參軍,侯、伯國郎中令,殿中將軍,皇子侍郎,已前上階。平越、殄夷將軍,刀劍備身五職,已 前鋒副都督,太子內直備身,主書,殿中侍御史,太子典膳、藥藏丞,太子齋帥,三等中 靜漠、綏戎將軍,協律郎,三等上州行參軍,三等下州參軍事、列曹參軍事,四中府列曹

御 御史,諸署令,諸開府典籤,中謁者僕射,中黃門冗從僕射,已前上階。武牙、武奮將軍,備身 州及三等上州典籤,太子諸隊副,諸戍諸軍副,淸都郡丞,爲從第八品。 王、公國常侍,諸開府長兼左右戶行參軍,諸開府長兼行參軍,員外將軍,勳武前鋒五職,同 :仗五職,宮門署僕射,太子備身五職,侯、伯國大農,皇子上、中、下將軍,皇子上、中大夫, 飛騎、隼擊將軍,三公府長兼左右戶行參軍、長兼行參軍,門下錄事,尚書都令史,檢校

諸開 軍事,七部尉 令,公主家令,皇子防閤、典書令,四門博士,大理律博士,校書郎,三公府參軍督護,都水參 府參軍督 清野將軍,子、男國郎中令,諸署內謁者局統,三等上州長兼行參軍,中黃門、太子內坊 ,

諸郡尉,已前上階。

横野將軍,王、公國侍郎,侯、伯國中尉、謁者,太子三寺丞, 一護,殿 中司馬督,御仗,太子食官、中省、典倉等令,太子備身,平準、公車丞,

三等中州典籤,爲第九品

等上州參軍督護,三等中州長兼行參軍,祕書省正字,皇太子三令,王、公國上中下將軍及 中 曹、五官、奉禮郎,子、男國大農,小黃門,員外司馬督,太學助敎,諸幢主、遙途尉,〔云〕中侍 上中大夫,諸署令,諸縣丞,已前上階。 - ,省錄事,三等下州典籤,尙書、門下、中書等省醫師,爲從第九品。 偏 [將軍,諸宮教博士,太子司藏、厩牧令,太子校書,諸署別局都尉,諸尉,諸關津尉,三 裨將軍, 領軍護軍府、太常光祿衞尉寺、詹事府等功

第八品。 中正 視第七品。 簿,同州武猛從事,視從第九品。 不領人酋長,第二不領人庶長,視第六品。 長,視第五品。 二領人酋長,第一領人庶長, 視從第四品。 流內比視官十三等。 功曹,視第 司 州 司州州都主簿,國子學生,視從第七品。 部郡從事 諸州中正,幾郡邑中正,第三領人酋長,第二領人庶長,視從第五品。 八品。 , , 諸州祭酒從事史, 視第九品。 司州列曹從事、諸州西曹書佐、諸郡中正、 第一領人酋長,[+] 視從第三品。第一不領人酋長,視第四品。第 諸州大中正,第二不領人酋長,第一不領人庶 第三領人庶長,視從第六品。 諸州州都督簿,司州西曹書佐 諸州部郡從事,司州守從事,諸郡 功曹,清都 第三不領人庶長, 郡主 演,視 · 清都郡

周太祖初據關內,官名未改魏號。 及方隅粗定,改創章程,命尚書令盧辯,遠師周之建

職,置三公三孤,以爲論道之官。次置六卿,以分司庶務。 其所制班序"

內命,謂王朝之臣。三公九命,三孤八命,六卿七命,上大夫六命,中大夫五命,下大夫四

命,上士三命,中士再命,下士一命。

之中士、侯伯之上士一命,公之下士、侯伯之中士下士、子男之士不命。 四命,侯之孤卿、公之大夫三命,子男之孤卿,侯伯之大夫、公之上士再命,子男之大夫、公 外命,謂諸侯及其臣。諸公九命,諸侯八命,諸伯七命,諸子六命,諸男五命,諸公之孤卿

爲上年,上年頒其正。三釜爲中年,中年頒其半。二釜爲下年,下年頒其一。無年爲凶荒, 秩,每二秩六分而下各去其一,二秩一秩俱爲四十石。[5]凡頒祿,視年之上下。畝至四釜 卿二分,孤三分,公四分,各益其一。公因盈數爲一萬石。其九秩一百二十石,八秩至於七 不頒祿。六官所制如此。 其制祿秩,下士一百二十五石,中士已上,至於上大夫,各倍之。上大夫是爲四千石

制度旣畢,太祖以魏恭帝三年,始命行之。所設官名,訖於周末,多有改更。並具盧

校勘記

傳, 云 不復重序云。

志第二十二 校勘記

- 武牙 當作「虎牙」、唐人諱改。
- 朱華閣 「閣」原作「關」,據下文及通鑑天嘉元年胡注改。
- 白間 職官分紀卷二二作「白澗」。
- ᄪ 議及功曹 按上文清都郡條、「議」下當有「生」字。
- 五 御仗直盪等副都督 「仗」原作「使」,「盪」原作「塗」,據上文及通鑑陳紀二文帝天嘉元年胡注

改。

人 3 遙途尉

之訛。魏設「經途尉」,見魏書甄琛傳。北齊承魏制。

按:「遙」當作「經」,上文有「經途尉」。原文「遙」當是「逕」字之訛,而「逕」又是「經」字

- 七山 领人酋長 「领人」當作「领民」,唐人諱改。
- 八〕二秩一秩俱爲四十石 原脱「一秩」二字,據通典一九、又三五及册府五○五改。
- かた 盧傳 指周書盧辯傳。

隋書卷二十八

志第二十三

百官下

子、將作等寺,左右衞、左右武衞、左右武候、左右領、左右監門、左右領軍等府,分司統 秘書、內侍等省,御史、都水等臺,太常、光祿、衞尉、宗正、太僕、大理、鴻臚、司農、太府、國 高祖既受命,改周之六官,其所制名,多依前代之法。置三師、三公及尚書、門下、內史、

職焉。

三師,不主事,不置府僚,蓋與天子坐而論道者也。

行掃除。其位多曠,皆攝行事。尋省府及僚佐,置公則坐於尚書都省。朝之衆務,總歸於 三公,參議國之大事,依後齊置府僚。 無其人則闕。 祭祀則太尉亞獻,司徒奉俎,司空

臺閣。

主爵侍郎一人,司勳侍郎二人,考功侍郎一人。禮部尙書統禮部、祠部侍郎各一人,主客、 曹專,是爲八座。 屬官左、右丞各一人,都事八人,分司管轄。 吏部尚書統吏部侍郎二人, 統都官侍郞二人,刑部、比部侍郞各一人,司門侍郞二人。 度支尚書統度支、 戶部侍郞各二 膳部侍郎各二人。兵部尚書統兵部、職方侍郎各二人,駕部、庫部侍郎各一人。都官尚書 凡三十六侍郎,分司曹務,直宿禁省,如漢之制。 人、「二金部、倉部侍郎各一人。工部尚書統工部、屯田侍郎各二人、虞部、水部侍郎各一人。 尚書省,事無不總。置令、左右僕射各一人,總吏部、禮部、兵部、都官、度支、工部等六

等,兼出使勞問。統城門、尙食、尙藥、符璽、御府、殿內等六局。城門局,校尉二人,直長四 散騎常侍各四人,諫議大夫七人,散騎侍郎四人,員外散騎常侍六人,通直散騎侍郎四人, 師四十人。符璽、御府、殿內局,監各二人,直長各四人。 人。尚食局,典御二人,直長四人,食醫四人。尚藥局,典御二人,侍御醫、直長各四人,醫 並掌部從朝直。又有給事二十人,員外散騎侍郎二十人,奉朝請四十人,並掌同散騎常侍 門下省,納言二人,給事黃門侍郎四人,錄事、通事令史各六人。又有散騎常侍、通直

主害十人,錄事四人。 內史省、置監、令各一人。尋廢監。置令二人、侍郎四人、舍人八人、通事舍人十六人、

曹。著作曹,置郎二人,佐郎八人,校書郎、正字各二人。太史曹,置令、丞各二人,司曆二 秘書省,監、丞各一人,郎四人,校書郎十二人,正字四人,錄事二人。 領著作、太史二

人,監候四人。其曆、天文、漏刻、視祲,各有博士及生員。

人,寺人六人,伺非八人。並用宦者。領內尙食、掖庭、宮闈、奚官、內僕、內府等局。尙食,置 內侍省,內侍、內常侍各二人,內給事四人,內謁者監六人,內寺伯二人,內謁者十二

典御及丞各二人。餘各置令、丞,皆二人。其宮聞、內僕,則加置丞各一人。掖庭又有宮敦博士二人。

尉,則更置御史。自開皇後,始自吏部選用,仍依舊入直禁中。 錄寧二人。後魏延昌中,王顯有寵於宣武,爲御史中尉,請革選御史。此後踵其事,每一中 御史臺,大夫一人。治書侍御史二人,侍御史八人,殿內侍御史、監察御史,各十二人,

尉二人,又領賭津。上津每尉一人,丞二人。中津毎尉、丞各一人。下津毎典作一人,津長 都水臺,使者及丞各二人,參軍三十人,河堤謁者六十人,錄事二人。領掌船局、都水

四人。三

四人。餘寺各二人。錄事各二人。光祿則加至三人,司農、太府則各四人。等員。 零加少翰一人。各一置一张,太常、衞尉、宗正、大理、鴻臚、將作二人,光祿、太僕各三人,司農五人,太府六人。主]籍、太曆 太常、光祿、衞尉、宗正、太僕、大理、鴻臚、司農、太府等九寺、並置卿、少卿各一人。太僕

太樂、清商、鼓吹、太醫、太卜、廩犧等署。各置令、並一人。太樂、太醫則各加至二人。丞。各一人。郊 十人。男覡、十六人。女巫、八人。太卜博士、助敎、各二人。相博士、助敎各一人。等員。 醫博士、二人。助教、二人。按摩博士、二人。祝禁博士二人。等員。太卜署有卜師、二十人。相師、 師員。太樂八人,清商二人。鼓吹署有哄師。二人。太醫署有主藥、二人。醫師、二百人。藥園師、二人。 社、太樂、鼓吹則各至二人。郊社署又有典瑞。四人。太祝署有太祝。二人。太樂署、清商署,各有樂 太常寺又有博士四人,協律郎二人,奉禮郎十六人。統郊社、太廟、諸陵、太祝、衣冠、

官八人,肴蔬、掌醢各二人,良醒四人。太官又有監膳,十二人。良醞有掌醞,五十人。掌醢有掌醢十人。 光禄寺統太官、肴藏、良醞、掌醢等署。各置令、太官三人、肴藏、良醞各二人、掌醢一人。丞。太

等員。

衞尉寺統公車、武庫、守宮等署。各置令、公車一人,武庫、守宮各二人。 丞公車一人,武庫二人,

等員。

宗正寺不統署。

令、二人。乘黄、車府則各減一人。水二人。乘黃則一人,典敬牛羊則各三人。等員。 太僕寺又有獸醫博士員。一百二十人。統驊騮、乘黃、龍廐、車府、典牧、牛羊等署。各置

大理寺,不統署。又有正、監、評、各一人。司直、十人。律博士、八人。明法、二十人。獄掾。

鴻臚寺統典客、司儀、崇玄三署。各置令。二人。崇玄則惟置一人。典客署又有掌客,十人。

司儀有掌儀二十人。等員。

林則加至三人,華林惟置一人。太倉又有米廩督、二人。穀倉督、四人。鹽倉督、二人。京市有肆長,四十 司農寺統太倉、典農、平準、廩市、鉤盾、華林、上林、導官等署。各置令。二人。鉤盾、上

人。導官有御細倉督、二人。麴麪倉督二人。等員。

令、二人。 左、右尚方則加至二人,黃藏則惟置一人。 <u>水</u>四人。 左尚則八人,右尚則六人,黃藏則一人。 等員。 太府寺統左藏、左尙方、內尙方、右尙方、司染、右藏、黃藏、掌治、〔三、甄官等署。各置

置博士、國子、太學、四門各五人,書、算各二人。助教、國子、太學、四門各五人,書、算各二人。學生國子一百四 國子寺元隸太常。祭酒,一人。屬官有主簿、錄事。各一人。統國子、太學、四門、書算學,各

十人,太學、四門各三百六十人,書四十人,算八十人。等員。

將作寺大匠、一人。丞、主簿、錄事。各二人。統左右校署令、各二人。丞,左校四人,右校三人。

各有監作左校十二人,右校八人。等員。

倉、兵、騎等曹參軍,法曹、鎧曹行參軍,各一人。行參軍左右衛、左右武侯各六人,左右武衛各八人。 左右衞、左右武衞、左右武候,各大將軍、一人。將軍、二人。並有長史,司馬,錄事,功、

芯

等員。

皆領 府置 五人。 又有儀同府。 各統親衞,置開府。 將軍、三十人。殿內司馬督、二十人。員外司馬督,四十人。並以參軍府朝,出使勞問。 軍坊。 |開府,| 人。 有長史,司馬,錄事,及倉、兵等曹參軍,法曹行參軍,各一人。 行參軍。 並掌宿衞侍從。 左右衞,掌宮掖禁禦,督攝仗衞。 每坊東宮軍坊准此。置坊主、一人。佐。二人。每鄉團東宮鄉團准此。 武衞、武候、領軍、東宮領兵儀同皆准此。儀同已下,置員同開府,但無行參軍員。 左勳衞開府、左翊一開府、二開府、三開府、四開府,及武衞、武候、領軍、東宮領兵開 奉車都尉,六人。 掌馭副車。武騎常侍、十人。 殿內將 軍、十五人。 員 又各有直閣將軍、六人。直寢、十二人。直齋、直後,各十 置團主、一人。佐。 左右衛又 府准 諸 三人。 府 外 此

左右武衞府,無直閤已下員,但領外軍宿衞。

則掌其營禁。 左右武候,掌車駕出,先驅後殿,晝夜巡察,執捕姦非,烽候道路,水草所置。巡狩師田, 右加置司辰師、四人。漏刻生。一百一十人。

人。 錄事,及倉、兵二曹參軍事,鎧曹行參軍各一人。等員。 掌執千牛刀;備身左右,十二人。掌供御弓箭;備身,六十人。掌宿衞侍從。各置長史,司馬、 左右領左右府,各大將軍、一人。將軍、二人。掌侍衞左右,供 御兵仗。 領千牛備身,十二

左右監門府各將軍,一人。掌宮殿門禁及守衞事。 各置郎將,二人。校尉,直長,各三十

人。長史,司馬,錄事,及倉、兵曹參軍,鎧曹行參軍,各一人。行參軍四人。等員。

四人。隸於法司,掌律令輕重。 事,功、倉、戶、騎、兵等曹參軍,法、鎧等曹行參軍,各一人。 行參軍十六人。 等員。 又置 明 法, 左右領軍府,各掌十二軍籍帳、差科、辭訟之事。不置將軍。唯有長史,司馬,掾屬及錄

行臺置食貨,農圃,武器,百工監、副監,各一人。各置丞、食貨四人,農圃六人,武器二人,百工四人。 置。各一人,都事四人。有考功、氣吏部、爵部、司勳。禮部、彙祠部、主客。膳部、兵部、兼職方。駕部、庫 錄事食貨、農圃、百工各二人、武器一人。等員。 部、刑部、無都官、司門。度支、無倉部。戶部、無比部。金部、工部、屯田兼水部、虞部。侍郎,各一人。每 行臺省,則有尚書令,僕射,左、右任置。兵部、無吏部、禮部。度支兼都官、工部。尚書及丞左、右任

帥置四人。 置監、副監各二人,監殿舍人四人。典膳、藥藏,並置監、丞各二人。藥藏又有侍醫四人。齋 典膳、藥藏、齋帥等六局。司經置洗馬四人,校書六人,正字二人。宮門置大夫二人。內直 門下坊,置左庶子二人,內舍人四人,錄事二人,主事令史四人。統司經、宮門、內直、 太子置太師、太傅、太保、少師、少傅、少保。開皇初,置詹事。二年定令,罷之。

典書坊,右庶子二人,舍人、通事舍人各八人,錄事二人,主事令史四人,內坊典內及丞

各二人、丞直四人、錄事一人。內廐置尉二人、掌內車輿之事。

丞。食官二人,典倉一人,司職三人。僕寺領廐牧令一人。員。 寺各置丞、家令二人,寺各一人。錄事。家令二人,寺各一人。家令領食官、典倉、司藏三署令、各一人。 家令、掌刑法、食膳、倉庫、什物、奴婢等事。 率|更|令、掌伎樂漏刻。僕、掌宗族親疎,車輿騎乘。各 | 人。|二

齋、直後各十人。 等曹參軍事,法曹、鎧曹行參軍,各一人,行參軍四人。員。又各有直閤四人,直寢八人,直 左右衞,各置率一人,副率二人,掌宮中禁衞。各置長史,司馬及錄事,功、倉、兵、騎兵

左右宗衞,制官如左右衞,各掌以宗人侍衞。加置行參軍二人,而無直閤、直寢、直齋

直後等員。

左右虞候,各置開府一人,掌斥候伺非。長史已下如左右衞,而無錄事參軍員,減行參

軍一人。

行參軍員,餘與虞候同。 左右內率、副率,各一人,掌領備身已上禁內侍衞,供奉兵仗。 有千牛備身八人,掌執千牛刀,備身左右八人,掌供奉弓箭,備身 又無功、騎兵、法等曹及

二十人,掌宿衞侍從。

左右監門,各率一人,副率二人,掌諸門禁。長史已下,同內率府,而各有直長十人。

者,並不理事。六品已下,又有翊軍等四十三號將軍,品凡十六等,為散號將軍,以加汎授。 祿大夫、金紫光祿大夫、銀青光祿大夫、朝議大夫、朝散大夫,並爲散官,以加文武官之德聲 左右衞、武候、領左右監門府爲內官,自餘爲外官。 居曹有職務者為執事官,無職務者為散官。戎上柱國已下為散實官,軍為散號官。諸省及 司、上儀同三司、儀同三司、大都督、帥都督、都督,總十一等,以酬勤勞。又有特進、左右光 高祖又採後周之制,置上柱國、柱國、上大將軍、大將軍、上開府儀同三司、開府儀同三

友各二人,文學二人,嗣王則無師友。長史、司馬、諮議參軍事、掾屬,各一人,主簿二人,錄事, 水、鎧、士等曹行參軍各一人,行參軍六人,長兼行參軍八人,典籤二人。 功曹,記室,戶、倉、兵等曹,騎兵、城局等參軍事,東西閤祭酒,各一人,參軍事四人,法、田、 國王、郡王、國公、郡公、縣公、侯、伯、子、男,凡九等。皇伯叔昆弟、皇子爲親王。置師、

員,又減參軍事二人。上開府又無法曹、士曹行參軍,參軍事員。開府又無典籤員,減行參 五 人。上大將軍又無諮議參軍事,田曹、鎧曹行參軍員,又減行參軍一人。 人,行參軍爲十二人。柱國又無騎兵參軍事、水曹行參軍等員,而減參軍事、行參軍各一 上柱國、嗣王、郡王,無主簿、錄事參軍、東西閣祭酒、長兼行參軍等員,而加參軍事爲 大將軍又無掾屬

志第二十三

百官下

軍二人。上儀同又無功曹、城局參軍事員,又減行參軍二人。儀同又無倉曹員,減行參軍

品已上,又並有親信、帳內,各隨品高卑而制員 三師、三公,置府佐,與柱國同。若上柱國任三師、三公,唯從上柱國置。王公已下,三

唯減主簿員。 柱國公同。 其侯、伯又無尉,無學官長。子、男又無廐長、食官長。二王後,置國官,與諸王同。 侯、伯又無常侍,無食官、廐牧丞。子、男又無侍郎、廐牧長。上儀同、儀同公,同開府子、男。 廐牧丞各一人。子、男無令,無典衞,又減舍人一人。上開府、開府公,同大將軍、子、男。其 典衞、常侍、舍人各一人。上大將軍、大將軍公,同柱國、子、男。其侯、伯減公典衞、侍郎、 柱國公,減典衞二人,無侍郞員。侯、伯又減典衞二人,食官、廐牧長各一人。子、男又減尉、 長、學官長各一人,食官,應牧長、丞,各一人,典府長、丞各一人,舍人各四人等員。上柱國、 諸王置國官。 有令、大農各一人,尉各二人,典衞各八人,常侍各二人,侍郎各四人,廟 大長公主、長公主、公主,並置家令、丞各一人,主簿謁者、舍人各二人等員。郡主 國公無上開府已上官者,與開府公同。散郡公與儀同侯、伯同。 散縣公與儀同 郡王與上

雍州、置牧。 屬官有別駕,贊務,州都,郡正,主簿,錄事,西曹書佐,金、戶、兵、法、士等

曹從事,部郡從事,武猛從事等員。幷佐史,合五百二十四人。

京兆郡,置尹,丞,正,功曹,主簿,金、戶、兵、法、士等曹佐等員。 幷佐史,合二百四十

四人。

百四十七人。 大興、長安縣,置令,丞,正,功曹,主簿,西曹,金、戶、兵、法、士曹等員。 幷佐史,合一

上州,減上下州二十九人。中中州,減中上州二十人。中下州,減中中州二十人。下上州, 減中下州三十二人。下中州,滅下上州十五人。下下州,滅下中州十二人。 員。幷佐史,合三百二十三人。上中州,減上州東屬十二人。上下州,減上中州十六人。中 行參軍,典籤,州都光初主簿,郡正,主簿,西曹書佐,祭酒從事,部郡從事,倉督,市令、丞等 上上州,置刺史,長史,司馬,錄事參軍事,功曹,戶、兵等曹參軍事,法、士曹等行參軍

郡,滅中下郡十九人。下中郡,滅下上郡五人。下下郡,滅下中郡六人。 郡四人。中上郡,減上下郡十九人。中中郡,減中上郡六人。中下郡,減中中郡五人。下上 等曹,市令等員。拜佐史,合一百四十六人。上中郡,減上上郡吏屬五人。上下郡,減上中 郡,置太守,丞,尉,正,光初功曹,光初主簿,縣正,功曹,主簿,西曹,金、戶、兵、法、士

縣,置令,丞,尉,正,光初功曹,光初主簿,功曹,主簿,西曹,金、戶、兵、法、士等曹佐,

志

第二十三

百官下

滅 及市令等員。合九十九人。 上下縣十人。中中縣,減中上縣五人。中下縣,減中中縣五人。 上中縣,減上上縣東屬四人。上下縣,減上中縣五人。中上縣, 下上縣, 減中下縣十二

人。下中縣,減下上縣六人。下下縣,減下中縣五人。

州,置總管者,列爲上中下三等。總管刺史加使持節。

鎭,置將、副。 戍,置主、副。關,置令、丞。其制,官屬各立三等之差。

同州, 總監、副監各一人,置二丞。統食貨農圃二監、副監。 岐州亦置監、副監。 諸冶

亦置三等監。各有丞員。

監各一人。畿內者隸司農,自外隸諸州焉。 都督及尉各一人,帥都督二人。沙苑羊牧,置尉二人。緣邊交市監及諸屯監,每監置監、副 及丞、錄事。 驢騾牧,置帥都督及尉。原州羊牧,置大都督幷尉。 監、副監、丞,以統諸牧。其驊騮牧及二十四軍馬牧,每牧置儀同及尉、大都督、帥都督等員。 鹽池,置總監、副監、丞等員。管東西南北面等四監,亦各置副監及丞。 又鹽州牧監,置監及副監,置丞,統諸羊牧,牧置尉。苑川十二馬牧,每牧置大 原州駝牛牧、置尉。 又有皮毛監、副監 隴右牧、置總

三師、王、三公,爲正一品。

五嶽各置令,又有吳山令,以供其洒掃。

上柱國、郡王、國公、開國郡縣公,爲從一品。

柱國、太子三師、特進、尚書令、左右光祿大夫、開國侯,爲正二品。

上大將軍、尚書左右僕射、雍州牧、金紫光祿大夫,爲從二品。

衞、左右武候、領左右等大將軍,禮部、兵部、都官、度支、工部尚書,宗正、太僕、大理、鴻臚、 司農、太府等六卿,上州刺史,京兆尹,秘書監,銀青光祿大夫,開國伯,爲正三品 大將軍,東部尚書,太常、光祿、衞尉等三卿,太子三少,納言,內史令,左右衞、左右武

大夫,將作大匠,中州刺史,親王師,朝議大夫,爲從三品。 上開府儀同三司,散騎常侍,左右衞、武衞、武侯、領左右、監門等將軍,國子祭酒,御史

為正四品 刺史,已前上階。內史侍郎,太子右庶子,通直散騎常侍,左右監門郎將,朝散大夫,開國子, 吏部侍郎,給專黃門侍郎,太子左庶子,宗正、太僕、大理、鴻臚、司農、太府等少卿,下州 驃騎將軍,開府儀同三司,太常、光祿、衞尉等三少卿,太子左右衞、宗衞、內等率,尙

州贊務,直閣將軍,親王府司馬,諫議大夫,爲從四品。 駕,親王府長史,太子家令,率更合、僕,內侍,城門校尉,已前上階。尚書右丞,上鎭將軍,確 上儀同三司,尚書左丞,太子左右衞、宗衞、內等副率,左右監門率,上郡太守,雍州別

門副率,員外散騎常侍,上州長史,親王府諮議參軍事,開國男,已前上階。尚食、尚藥典御, 上州司馬,爲正五品。 車騎將軍,儀同三司,內常侍,祕書丞,國子博士,散騎侍郎,太子內舍人,太子左右監

將,上鎭副,內給事,駙馬都尉,親王友,員外散騎侍郎,爲從五品。 水使者,治書侍御史,大興、長安令,大理司直,直齋,太子直閤,京兆郡丞,中州司馬,中鎭 著作郎,通直散騎侍郎,中郡太守,直寢,太子洗馬,中州長史,奉車都尉,已前上階。都

中鎭副,爲正六品。 右,左右監門校尉,內尙食典御,符璽監,御府監,殿內監,太子內直監,下州司馬,下镇將, 已前上階。四征將軍,征東、征南、征西、征北。三將軍,內軍、鎮軍、無軍。大理正、監、評,千牛·備身左 翊軍、翊師將軍,尚書諸曹侍郎,內史舍人,下郡太守,大都督,親王府掾屬,下州長史,

門直長,太子直齋,太子副直監,太子典內,左右領軍府司馬,下鎭副,爲從六品。 巴前上階。冠軍、輔國二將軍,太子舍人,直後,三寺丞,親王府功曹、記室、倉戶曹參軍事,城 左右領軍府長史,太子直寢,親王府主簿,親王府錄事參軍事,太子門大夫,給事,上縣令, 四平將軍、平東、平南、平西、平北。四將軍、前軍、後軍、左軍、右軍。通事舍人、親王文學、帥都督、

鎭遠、安遠二將軍,員外散騎侍郎,御醫,左右衞、武衞、武侯、領左右等府長史,親衞,

右等府司馬,都督,太子典膳、藥藏等監,太子齋帥,上戍主,爲正七品。 身,太子備身左右,尚食、尚藥、左右監門等直長,太子通事舍人,左右衞、武衞、武侯、領左 親王府諸曹參軍事,且前上階。建威、寧朔二將軍,六寺丞,祕書郎,著作佐郎,太子千牛備,

子左右衞、左右宗衞、左右虞侯、左右內率等司馬,上鎭司馬,爲從七品。 右監門直長,大興、長安縣丞,太子侍醫,侍御史,太史令,上州諸曹參軍事,左右監門府、太 軍,太學、太常二博士,武騎常侍,奉朝請,國子助敎,親王府諸曹行參軍,太子直後,太子左 縣令,上郡丞,太子親衞,將作丞,勳衞,親王府參軍事,上鎭長史,已前上階。伏波、輕車二將 長史,符璽、御府、殿內等直長,上州錄事參軍事,左右領軍府掾屬,親王府東西閣祭酒,中 寧遠、振威二將軍,左右監門府長史,太子左右衞、宗衞等率,左右虞候、左右內率等府

左右領軍府諸曹參軍事,內尙食丞,中戍主,上戍副,爲正八品。 太官、鼓吹。太子左右監門率府司馬,中州諸曹參軍事,左右衞、武衞、武候等府錄事參軍事, 字鎮長史,太子內坊丞,太子勳衞,
已前上階。
寒威、厲威二將軍,殿內御史, 掖庭、宮闌二令, 中郡丞、中州錄事參軍事、上上州諸曹行參軍事、親王府行參軍、左右領軍府錄事參軍事、 宣威、明威二將軍,協律郎,都水丞,殿內將軍,太子左右監門率府長史,別將,下縣令, 令。公車、郊社、太廟、太祝、平準、太樂、驊騮、武庫、典客、鉤盾、左藏、太倉、左尚方、右尚方、司樂、典農、京市、

志

尉,爲從八品。 衞等率,左右虞候、左右內率等府諸曹參軍事,掌船局都尉,上鎭諸曹參軍事,上縣丞,上郡 事,左右衞、武衞、武候等府諸曹行參軍,領左右府鎧曹行參軍,左右監門、太子左右衞、宗 內僕一一令,下署令,諸陵、崇玄、太卜、車府、淸商、司儀、肴藏、良醞、掌醢、甄官、廪犧。上津尉,下州諸曹參軍 盪寇、盪難

一將軍,親王府長兼行參軍及典籤,員外將軍,統軍,太子

三寺丞,中關令,奚官、 領軍府諸曹行參軍,太子左右衞、宗衞、率等府錄事參軍事,下鎭長史,太子翊衞,已前上階。 令,中署令,太醫、右藏、黃藏、乘黃、龍麼、衣冠、守宮、華林、上林、掌治、導官、左校、右校、牛羊、典牧。 下郡 丞, 下州錄事參軍事,中州諸曹行參軍,備身,左右衞、武衞、武侯、領左右等府諸曹參軍事,左右 威夷、討寇二將軍,四門博士,主書,門下錄事,尚書都事,監察御史,內謁者監,上關

丞, 四太子左右監門率府諸曹參軍事,中州行參軍,左右衞、武衞、武候等府行參軍,上州 殿內司馬督,太子食官、典倉、司藏等令,尚食、尚醫、軍主、太史、掖庭、宮闈局等丞,上署 右領軍府行參軍,中鎮諸曹參軍事,上鎮士曹行參軍,中郡尉,已前上階。掃寇、掃難二將軍, 府鎧曹行參軍,太子左右衞、宗衞、虞候府等諸曹行參軍,太子左右內率府鎧曹行參軍,左 錄事,內謁者令,內寺伯,中縣丞,下關令,中津尉,下州諸曹行參軍,上州行參軍,左右監門 殄寇、殄難二將軍,太學助教,太子備身,大理寺律博士,諸校書郎,都水參軍事,內史

典籤,下戍主,上關丞,太子典膳、藥藏等局丞,下郡尉,典客署掌客,司辰師,爲正九品。

府局監事,左右校及掖庭監作,太史司曆,諸樂師,爲從九品。 局丞,下署丞,下州典籤,內謁者局丞,中津丞,中縣尉,太子正字,太史監候,太官監膳,御 尉,已前上階。偏、裨二將軍,四門助敎,書算學博士,奉禮郎,員外司馬督,幢主、奚官、內僕等 府等行參軍,正字,太子內坊丞直,中關、上津丞,下鎭諸曹參軍事,中鎭士曹行參軍,上縣 右監門率府鎧曹行參軍,下州行參軍,中州典籤,左右監門府、太子左右衞、宗衞、虞候、率 **曠野、橫野二將軍,掖庭局宮敎博士,太祝,太子廐牧令,太子校書,下縣丞,中署丞,左**

又有流內視品十四等:

行臺尚書令,爲視正二品。

上總管、行臺尚書僕射,爲視從二品。

中總管、行臺諸曹尚書,爲視正三品。

下總管,爲視從三品。

行臺尚書左右丞,爲視從四品。

同州總監、隴右牧總監,爲視從五品。

行臺諸曹侍郎,爲視正六品。

八 七九〇

上柱國、嗣王、郡王、柱國府長史、司馬、諮議參軍事,鹽池總監,同州、隴右牧總 副

王、二王後國令,爲視從六品

上大將軍、大將軍府長史、司馬,上柱國、嗣王、郡王、柱國府掾屬,嗣王文學,公國令,

王、二王後大農尉、典衞,爲視正七品

參軍事,鹽池 上開府、開府府長史、司馬,上大將軍、大將軍府掾屬,上柱國、嗣王、郡王、柱國 總副 監,鹽州牧監,諸屯監,國子學生,侯、伯國令,公國大農尉、典衞, 雍州薩 府諸曹

保,為視從七品

府參軍 牧監等丞,諸大冶監,雍州州都主簿,子、男國令,侯、伯國大農尉、典衞,王、二王後國常侍, 上 一儀同儀同府長史、司馬,上大將軍、大將軍府諸曹參軍事,上柱國、嗣王、郡王、 事、諸曹行參軍,行臺諸監,同州諸監,鹽池四 面監,皮毛監,岐州監,同州總監 一、隴右 柱國

爲視

Œ

八

品

佐、諸曹從事,京兆郡正功曹,太學生,子、男國大農、典衞,爲視從八品 臺諸副監,諸屯副監,諸中冶監,諸緣邊交市監,鹽池總監丞,諸州州都主簿,雍州西曹書 上 |柱國、嗣王、郡王、柱國府行參軍,五岳、四瀆、吳山等令,鹽池 行臺尚書都事,上開府、開府府諸曹參軍事,上大將軍、大將軍府參軍事、諸曹行參軍 四面副監,諸皮毛副監,行

嗣 邊交市副監,諸郡正、功曹,京兆郡主簿,諸州 王 一、郡王、柱國府典籤,同州諸副監,岐州副監,諸小冶監,鹽州牧監丞,諸大冶監丞,諸緣 開 府 府 法曹行參軍,上儀同、儀同府諸曹參軍事,上大將軍、大將軍府行參軍,上柱國、 西曹書佐、祭酒從事,雍州部郡從事,公 國常

侍,王、二王後國侍郎,公主家令,諸州胡二百戶已上薩保,爲視正

九品。

公國 郡 行 主簿 侍郎,爲視 儀 ナ, 上開 ",諸 同 府法 州 府府典籤,行臺諸監丞,鹽池 部郡從事,雍州武猛從事,大興、長安縣正、功曹、主簿,侯、伯、子、男國常侍, 曹行參軍,上開府、開府府行參軍,上大將軍、大將軍府典籤,上儀同、儀同府 從九品 四面監丞,皮毛監丞,諸中冶監丞,四 門學生,諸

視 勳品 叉 有 視一品、視三品、視四品、視五品、視六品、視七品、視八品、視九品之差。 流 |外勳品、|| 品、||三品、四品、五品、||六品、七品、八品、 九品之差。 叉視 流外,亦有 極於 行更

十石 從八品,是 矣,皆無上下階云 「,其下 京官 正一品,祿 毎 為五 以五 士 十石爲差,至正六品,是爲百石。 石。 九 食封 百石,其下每以百石爲差,至正 及官 不 · 判 事 者,幷九品 ,皆不 從六品,九十石,以下

四品,是爲三百石。從四品,二百五

一般,各以戶數爲九等之差。大州六百二十石,其下每以四十石爲差,

給祿。

其給皆

以

春

秋

季。

斓

毎

以 千

石

爲差,至

太守、縣令,則

計

戶

而

給

四 至於下下, 十石,其下每以十石爲差,至於下下,則六十石。其祿唯及刺史二佐及郡守、縣令。 則三百石。 大郡三百四十石,其下每以三十石爲差,至於下下,則百石。大縣百

舊周 階 直謂 通舊 武 侍 尙 尙 及 佐官以曹爲 大 書 左 爲 郎 、理寺監、評及律博士員,加置正爲四人。 書右僕射,掌判都官、度支、工部三尚書事,又知用度。餘皆依舊。尋改度支尚書爲戶部 騎、屯騎 右 郎,下階爲 闕 之鄉官。 爲二十四員。 三年四月,詔尚書左僕射,掌判吏部、禮部、兵部三尚書事,御史糾不當者,兼糾彈之。 齊州郡 都官尚書爲 衞 ,則釐其曹事。 一、殿 、驍騎、游騎、飛騎、旅騎、雲騎、羽騎 (名者,並改爲司。 《內將軍,司馬督,武騎常侍等員 縣 別置品官,皆吏部除授,每歲考殿最。 尉。 職,自州都、郡縣正已下,皆州郡將縣令至而 刑部尚書。 廢光祿寺及都水臺入司農,廢衞尉入太常尚書省,廢鴻臚亦入太常。 散官番直,常出 吏部 又別置 諸曹侍郎及內史舍人,並加爲從五品。增置通事舍人十二員, 六年,尚書省二十四司,各置員外郎一人,以司 朝議 .使監檢。罷門下省員外散騎常侍、奉朝請、通事令史員, 、通議、朝請、朝散、給事、承奉、儒林、 罷郡,以州統縣,改別駕、贊務,以爲長史、司馬。 八尉。 刺史、縣令,三年一遷,佐官四年 其品 則正六品以下,從九品以上。 調用,理時事。 至是 文林 其曹 不知 等八郎, 之籍帳 院時事 遷。

罷

十二年,復置光祿、衞尉、鴻臚等寺。 諸州司以從事爲名者,改爲參軍。

十三年,復置都水臺。國子寺罷隸太常,又改寺爲學。

十四年,諸省各置主事令史員。改九等州縣爲上、中、中下、下,凡四等。

十五年,罷州縣、鄉官。

十六年,內侍省加置內主事員二十人,以承門閣。

十八年,置備身府。

二十年,改將作寺爲監,以大匠爲大監。初加置副監。

仁壽元年,改都水臺爲監,更名使者爲監。 罷國子學,唯立太學一所,置博士五人,從

五品,學生七十二人。

三年,監門府又置門候一百二十人。

管,廢三師、特進官。分門下、太僕二司,取殿內監名,以爲殿內省,幷尙書、門下、內史、祕 右備身爲左右騎衞。至左右武衞依舊名。改領軍爲左右屯衞,加置左右禦。 秋監,國子學爲國子監,將作寺爲將作監,幷都水監,總爲五監。改左右衞爲左右翊衞,左 書,以爲五省。增置謁者、司隸二臺,幷御史爲三臺。分太府寺爲少府監。改內侍省爲長 煬帝卽位,多所改革。三年定令,品自第一至于第九,唯置正從,而除上下階。 改 左右武候 能諸總

志第

十 三

百官下

朝之班序,以品之高卑爲列。 爲 左 候衞。 是爲十二衞。 又改領左右府爲左右備身府,左右監門依舊名。 品同則以省府爲前後,省府同 則以局署爲前後焉。 凡十六府。其

都司 置承務郎一人,同員外之職 臺,亦皆曰令史,九寺五監諸衞府 史之名。 爲 侍 憲部郎, 郎 '郎各一人,品同曹郎,掌都事之職。 ,並改爲郞。 尙 書省六曹,各侍郎一人,以貮尙書之職。又增左、右丞階,與六侍郎,並正 其令史隨曹閑劇而置。 工部為起部郎, 以異六侍郎之名。 又改吏部爲選部郎,戶部爲 ,則皆曰府史。 每十令史,置一 以都事 人部郎 廢諸司員外郎,而每增置 ,爲正八品,分隸六尙書。 主事,不滿十者,亦置一人。 後又改主客郞爲司蕃郞。 ,禮部爲儀曹郎, 兵部爲兵曹郎, 一曹郎,各爲二員。 諸司 尋又每減一 主事,並去令 其餘四省三 四品。諸曹 刑部 郎,

王公。 딞 三品。 大夫 以 爲散 宣惠、正 (。自一品至九品,置光祿、從一 舊都督已上,至上柱國,凡十 E 門下省減給事黃門侍郎員,置二人,去給事之名,移吏部給事郎名爲門下之職,位次 職 議 正 七 開皇 品。 四 品 一中,以開府儀同三司爲四 綏德、從七品。 通議、從四品。 懷仁、正八品。 朝請、正五品。 一等,及八郎、八尉、四十三號將軍官,皆罷之。 멾 左右光 品散實官,至是改爲從一 守義、從八品。 朝散從五 一酸、左正二品,右從二品。 덂 奉誠 等九大夫,建節 、正九 品。 金紫、正三品。 品,同漢、魏之 立信從九品。 、正六品。 銀青 制, 奮
弁省朝 等八 光祿、 武 位 、從六 尉, 從 次 議

黄門下。 改符璽監爲郎,置員二人,爲從六品。 置員四人,從五品,省讀奏案。 廢散騎常侍、通直散騎常侍、諫議大夫、散騎侍郎 加錄事階爲正八品。以城門、殿內、尙食、尙

藥、御府等五局隸殿內省。十二年,又改納言爲侍內

門置校尉一人,降為正五品。後又改校尉為城門郎,置員四人,從六品。自殿內省隸爲門下 疑閑,六左右天苑閑。 有直長十四人,又有奉乘十人。 尚輦有直長四人,又有掌輦六人。城 乘局置左右六閑:一左右飛黃閑,二左右吉良閑,三左右龍媒閑,四左右騊駼閑, 五左右駃 員。尙衣卽舊御府也,改名之,有直長四人。尙舍卽舊殿中局也,改名之,有直長八人。尙 直長,以貳之。正七品。尚食直長六人,又有食醫員。尚藥直長四人,又有侍御醫、司醫、醫佐 人,掌進御輿馬。 殿內省置監、正四品。少監、從四品。丞、從五品。各一人,掌諸供奉。 改通事舍人員爲謁者臺職。 內史省減侍郎員爲二人,減內史舍人員爲四人。 統尙食、尙藥、尙衣、尙舍、尙乘、尙輦等六局,各置奉御二人,正五品。皆置 減主書員,置四人,加為正八品。十二年,改內史爲內書。 加置起居舍人員二人,從六品。次舍人 又有奉車都尉十二

改太史局爲監,進令階爲從五品,又減丞爲一人。置司辰師八人,增置監候爲十人。其後 秘 書省降監爲從二品,增置少監一人。從四品。 增著作郎階為正五品,減校書郎為十人。

芯

+

百官下

掌撰錄文史,檢計舊事。 又改監、少監爲令、少令。增祕書郎爲從五品,加置佐郎四人,從六品。以貳郎之職。降著作 郎階為 從五品。 又置儒林郎十人,正七品。掌明經待問,唯詔所使。 此二郎皆上在藩已来直司學士。 增校書郎員四十人,加置楷書郎 文林郎二十人,從八品。

員二十人,從九品。掌抄寫御書。

品,減治書侍御史爲從五品,增侍御史爲正七品,唯掌侍從糾察,其臺中簿領,皆治書侍御 開皇中,御史直宿禁中,至是罷其制。又置主簿、錄事員各二人。五年,又降大夫階爲正 御史臺增治書侍御史爲正五品。省殿內御史員,增監察御史員十六人,加階爲從七品。 。後又增置御史,從九品,尋又省。 四

專謁者矣。尋又置散騎郎,從五品,二十人,承議郎、正六品。通直郎,從六品。各三十人,宣德 等員,而置員外郎八十員。尋詔門下、內史、御史、司隸、謁者五司,監受表,以爲恒式,不復 直三十六人,將事謁者三十人,謁者七十人,皆掌出使。其後廢議郞,通直、將事謁者,謁者 郎、正七品。宣義郎、從七品。各四十人、徵事郎、正八品。將仕郎、從八品。常從郎、正九品。奉信 申奏之。駕出,對御史引駕。置司朝謁者二人以貳之。從五品。屬官有丞一人,主簿、錄事各 一人等員。又有通事謁者二十人,從六品。卽內史通事舍人之職也。次有議郞二十四人,通 謁者臺大夫一人,從四品。五年,改爲正四品。 掌受詔勞問,出使慰撫,持節察授,及受冤枉而

仕,奉信為散從。自散騎已下,皆主出使,量事大小,據品以發之。 郎,從九品。各五十人,是爲正員。並得祿當品。又各有散員郎,無員無祿。 **尋改常從爲登**

置丞、從六品。主簿、從八品。錄事從九品。各一人。後又罷司隸臺,而留司隸從事之名,不爲常 逐,隱而不申者。六察德行孝悌,茂才異行,隱不貢者。每年二月,乘軺巡郡縣,十月入奏。 能禁止者。四察水旱蟲災,不以實言,枉徵賦役,及無災妄蠲觅者。五察部內賊盜,不能窮 品官以上理政能不。二察官人貪殘害政。三察豪强姦猾,侵害下人,及田宅踰制,官司不 員。臨時選京官淸明者,權攝以行。 京師。刺史十四人,正六品。巡察畿外。諸郡從事四十人,副刺史巡察。其所掌六條:一察 司隸臺大夫一人,正四品。掌諸巡察。別駕二人,從五品。分察畿內,一人案東都,一人案

取二卿判。丞唯知勾檢。今闕,丞判。五年,寺丞並增爲從五品。 正六品,中署令爲從六品,下署令爲正七品。始開皇中,署司唯典掌受納,至是署令爲判首, 光祿已下八寺卿,皆降爲從三品。少卿各加置二人,爲從四品。諸寺上署令,並增爲

置陰室丞,守視陰室。改樂師爲樂正,置十人。太卜又省博士員,置太卜卜正二十人,以掌 太常寺罷太祝署,而留太祝員八人,屬寺。後又增爲十人。奉禮減置六人。太廟署又 太醫又置醫監五人,正十人。罷衣冠、清商二署。

第二十三

百

官下

太僕減驊騮署入殿内尚乘局,改龍廐日典廐署,有左、右駁阜二廐。加置主乘、司庫、

司廪官。罷牛羊署。

11十人。又置評事四十八人,掌頗同司直,正九品。 大理寺丞改爲勾檢官,增正員爲六人,分判獄事。置司直十六人,降爲從六品,後加至

監府、監置、互市監及副、參軍各一人。錄事主綱紀。敍職掌其貴賤立功合敍者。敍儀掌 戏使者,北方曰北狄使者,各一人,掌其方國及互市事。每使者署,典護錄事、敍職、敍儀、 事則置,名隸鴻臚寺,量事繁簡,臨時損益。東方日東夷使者,南方日南蠻使者,西方日西 小大次序。 參軍事出入交易。 鴻臚寺改典客署爲典蕃署。初煬帝置四方館於建國門外,以待四方使者,後罷之,有 監府掌其貢獻財貨。監置掌安置其駝馬船車,幷糾察非違。互市監及副,掌互

會,西市 太府寺旣分爲少府監,而但管京都市五署及平準、左右藏等,凡八署。 司 '農但統上林、太倉、鉤盾、導官四署,罷典農、華林二署,而以平準、京市隸太府。 日利人。 東都東市日豐都,南市日大同,北市日通遠。及改踏令為監,唯市署 京師東市日都

國子監依舊置祭酒,加置司業一人,從四品,丞三人,加爲從六品。 **幷置主簿、錄事各**

二人,學生五百人。先是仁壽元年,省國子祭酒、博士,置太學博士員五人,爲從五品,總知 一人。國子學置博士,正五品,助敎,從七品,員各一人。學生無常員。太學博士、助敎各

學事。至是太學博士降爲從六品。

匠為大監,正四品,少匠為少監,正五品。 十三年,又改監、少監為令、少令。 丞 加品 至 從 將作監改大監、少監爲大匠、少匠,丞加爲從六品。統左右校及甄官署。五年,又改大

織、司染、鎧甲、弓弩、掌冶等署。復改監、少監爲令、少令。併司織、司染爲織染署,廢鎧甲、 少府監置監,從三品,少監,從四品,各一人。丞從五品,二人。統左尚、右尚、內尙、司

弓弩二署。

五年,叉改使者爲監,四品,加置少監,爲五品。後又改監、少監爲令,從三品,少令,從 都水監改爲使者,增爲正五品,丞爲從七品。統舟楫、河渠二署。舟楫署每津置尉一

四品。

庭、宮闌、奚官等三署,並參用士人。後又置內謁者員。 爲內承奉、置一人,正五品,給事爲內承直,置四人,從五品。並用宦者。罷內謁者官。領掖 長秋監置令一人,正四品,少令一人,從五品,丞二人,正七品。並用士人。改內常侍

志

武之。 同。 鷹揚郎將一人,從五品,各有司馬及兵、倉兩司。 其府領親、勳、武三侍,非翊衞府,皆無三 參軍,司**倉、兵、騎、鎧等員。**翊衞又加有親侍。鷹揚府,每府置鷹揚郞將一人,正五品,副 爲武賁郎將,正四品,而置武牙郎將六人,副焉,從四品。諸衞皆置長史,從五品。又有錄事 衛所領名依飛,而總號衞士。每衞置護軍四人,掌副貳將軍。將軍無則一人攝。尋改護軍 衞所領名豹騎,左右武衞所領名熊渠,左右屯衞所領名羽林,左右禦衞所領名射聲,左右候 主之屬,並廢。以武候府司辰師員,隸爲太史局官。其軍士,左右衞所領名爲驍騎、左右驍 II. 一品,車騎爲鷹揚副郎將,從五品,大都督爲校尉,帥都督爲旅帥,都督爲隊正,增置隊副以 鷹揚每府置越騎校尉二人,掌騎士,步兵校尉二人,領步兵,並正六品。外軍鷹揚官並 左右候衞增置察非掾二人,專糾彈之事。五年,又改副郎將並爲鷹擊郎將。 十二衞,各置大將軍一人,將軍二人,總府事,幷統諸鷹揚府。改驃騎爲鷹揚郞將,正 。改三衞爲三侍。 其直閤將軍、直寢、奉車都尉、駙馬都尉、直齋、別將、統軍、軍主、幢

品,掌領驍果。叉各置果毅郞將三人以貳之,從四品。其驍果,置左、右雄武府雄武郎將, 号箭。置長史,正六品,錄事,司兵、倉、騎,參軍等員,並正八品。 有折衝郎將,各三人,正四 四品,掌侍衞左右。統千牛左右、司射左右各十六人,並正六品。千牛掌執千牛刀宿衞,司射掌供御 左右領左右府,改爲左右備身府,各置備身郎將一人。又各置直齋二人,以貳之,並正

以領之。 以武勇郎將爲副員,同鷹揚、鷹擊。有司兵、司騎二局,並置參軍

身府。 左右監門府,改將軍爲郞將,各置一人,正四品,直閣各六人,正五品。 叉增左右門尉員一百二十人, 正六品, 置門候員二百四十人, 正七品。 置官屬,並同備 並分掌門禁

門 下坊減內舍人、洗馬員,各置二人。 減侍醫,置二人。 改門大夫爲宮門監,正字爲

正書。

守衞

典書坊改太子舍人爲管記舍人,減置四人。 改通事舍人爲宣令舍人,爲八員。 家令改

爲司府令,內坊承直改爲典直。

左右衞率改爲左右侍率,正四品。 改親衞爲功曹,勳衞爲義曹,翊衞爲良曹。 罷直齋、

直閣員。

左右宗衞率改爲左右武侍率,正四品。

左右虞候開府改爲左右虞候率,正四品,幷置副率。

左右內率降爲正五品。千牛備身改爲司仗左右,備身左右改爲主射左右。 各員八人。

左右監門率改爲宮門將,降爲正五品。 監門直長改爲直事,置六十人。

開皇中,置國王,郡王,國公,郡公,縣公、侯、伯、子、男爲九等者,至是唯留王、公、侯三

餘並 一廢之。

王府諸司參軍,更名諸司書佐,公屬參軍則直以屬爲名。 改國令爲家令。 自餘 以國

爲 名者,皆去之。

右牧監各一人,以司統之。 行宮所在,皆立總監以司之。 上宮正五品,中宮從五品,下宮正七品。隴右諸牧,置左、

位在 大興、則加置功曹,而爲三司,司各二人。郡縣佛寺,改爲道場,道觀改爲玄壇,各置監、丞。 尉,從三品,立府於潼關,主兵領遏。幷置副都尉,從四品。又置諸防主、副官,掌同諸鎭。 曹等書佐,各因郡之大小而爲增滅。改行參軍爲行書佐。舊有兵處,則刺史帶諸軍事以統 簿如故。其後諸郡各加置通守一人,位次太守,京兆、河南,則謂之內史。又改郡贊務爲丞, 大興、長安、河南、洛陽四縣令,並增爲正五品。諸縣皆以所管閑劇及衝要以爲等級。丞、主 之,至是別置都尉、副都尉。都尉正四品,領兵,與郡不相知。副都尉正五品。又置京輔都 次置東西曹掾,京彤、河南從五品,上郡正六品,中郡從六品,下郡正七品。主簿,司功、倉、戶、兵、法、士 正三品。 [通守下,縣尉爲縣正,尋改正爲戶曹、法曹,分司以承郡之六司。 [+] 河南、洛陽、長安、 罷州置郡,郡置太守。 罷長史、司馬,置贊務一人以貳之。京兆、河南從四品,上郡正五品,中郡從五品,下郡正六品 上郡從三品,中郡正四品,下郡從四品。京兆、河南則俱爲尹,

京都諸坊改爲里,皆省除里司,官以主其事。

帝自三年定令之後,驟有制置,制置未久,隨復改易。其餘不可備知者,蓋史之闕文云。

校勘記

〔一〕戶部侍郎 「戶部」當作「民部」,唐人諱改。下同。

[三] 下津毎典作一人津長四人 按: 唐六典二三作「下津、尉一人」; 又「每津、典作一人、津長四

人」。此處當有脫文。

掌冶 「冶」原作「治」,據下文「少府監」條及通典二七改。

□□ 上署丞 「丞」原作「令」,據通典三九改。

〔五〕左右騎衞 「衞」原作「尉」,據職官分紀三五改。

「公」諸司書佐 原脫「書佐」二字、據通典三一補。

〔4〕分司以承郡之六司 「承」原作「丞」,據通典三三改。

志第二十四

地

理

平 延 臨 漢 武 京 五 安 武 洮 威 原 兆 郡 郡 郡 郡 郡 郡 郡 宕 汶 西 張 天 弘 馮 昌 Щ 城 掖 化 水 翊 郡 郡 郡 郡 郡 郡 郡 普 武 房 敦 隴 平 扶 安 都 陵 煌 涼 西 風 郡 郡 郡 郡 郡 郡 郡 朔 淸 鄯 金 金 同 化 昌 善 城 方 定 Щ. 郡 郡 郡 郡 郡 郡 新 河 通 且 枹 鹽 北 罕 城 池 JII末 JII 地 郡 郡 郡 郡 郡 郡 郡 宕 順 西 澆 巴 靈 £ 渠 武 西 政 海 河 郡 郡 郡 郡 郡 郡 郡 遂 漢 義 西 雕 河 楡 寧 城 陽 源 平 林 陰

八〇五

志

_

+

匹

地

理

涪

陵

郡

郡

巴

東

蜀

郡

臨

卭

郡

眉

山

郡

隆

Щ

郡

郡

郡

郡

郡

郡

郡

資陽 郡 瀘川郡 犍爲郡 越籌郡

奴之右 置。 胥。 而 棄經 烈,力爭天下,蠶食諸侯,在位二十餘年,遂乃削平宇內,懲周氏之微弱,恃狙詐以 屛 里 錫 郡 以制 王 ,雖質文之用不同,損益之途或革,而封建之制,率由舊章。於是分土惟三,列爵惟五,千 社。 漢高 縣之制,無改於秦。 逮于七雄競逐, 典,罷侯置守。 至于平帝 室,興邦 自 魯滅於楚,鄭滅於韓,田氏篡齊,六卿分晉。 臂 是以 ·畿甸,九服以別要荒。十國爲連,連有帥,倍連爲卒,卒有 [古聖王之受命也,莫不體國經野,以爲人極。 ,雖聲 祖 挺神武 放勛御曆,修職貢者九州,文命會同,執玉帛者萬國。 致化,康俗庇人者歟!周德旣衰,諸侯力政,干戈日用,戎馬 ,郡國一百有三,戶一千二百二十三萬。[1]光武中興,承王莽之餘弊,兵戈 **教遠**洎, 之宏圖, 子弟無立錐之地, 二帝爭强,疆埸之事,一彼 而 逮于孝武,務勤遠略,南兼 人亦勞止。 掃淸禍 亂,矯秦皇之失策,封 昭、宣之後, 功臣無尺土之賞, 一此。 其餘弑君亡國,不得守其社稷者,不可勝 能戰務農, 戶 百越,東定三韓。 上應躔次,下裂山河,分疆畫界, 秦始皇據百二之巖險,奮六世之餘 建王侯,並跨州連邑,有踰古典, 身沒而 口旣其滋 區宇幅裂, Ë **洎乎殷遷夏鼎,周黜殷** 通卬、笮 皆所以式固鴻基,蕃 生郊。 强 多, 及子 之險 郡縣亦 而 塗,斷匈 爲强 陵弱,衆 社稷淪 建都 有增 一,蔑

同, 不 縣之數, ·戢,饑疫荐臻,率土遺黎,十纔一二,乃併省郡縣,四百餘所。明、章之後,漸至滋繁,郡 大抵編戶二百六十餘萬。〔三尋而五胡逆亂,二帝播遷,東晉洎于宋、齊,僻陋江左,苻、 有 加曩日。 逮炎靈數盡,三國爭强,兵革屢興,戶口減半。 有晉太康之後,文軌方

姚之與劉、石、竊據中原、事跡糾紛、難可具紀。

務恢 十五 十一,那五百八,縣一千一百二十四 **兼巴、蜀,卒能以寡擊衆,戡定强鄰。** 拓 州有四十二,郡唯一百九,縣四百三十八,戶六十萬。 同 淮 年中,州一百七,郡縣亦稱於此。 ,不能詳究。 南 ,「三戶三百三萬。 境宇,頻事經略,開拓閩、越,克復淮浦,平悝洞,破똮柯,又以舊州遐闊,多有析置。 梁武 ,而郡縣僻 帝除暴寧亂,奄有舊吳,天監十年,有州二十三,郡三百五十,縣千二十二。 逮于陳氏, 土字彌蹙, 西亡蜀、漢, 北喪淮、肥, 威力所加, 不出荆、 小。 天保之末,總加併省,洎乎國滅,州九十有七,郡一百六十,縣三百六 周氏 初有關 旣而侯景構禍,臺城淪陷,墳籍散逸,注記無遺,郡 中,百度草創,遂乃訓兵教戰,務穀 及于 東夏削平, 多有省廢。 後齊承魏末喪亂 大象二年, 勸農,南清江、漢,西 與周人抗 通計州二百 揚之域 衡,雖開 其後 縣戶

州縣。 高祖 煬帝嗣位,又平林邑,更置三州。 受終,惟新朝政,開皇三年,遂廢諸郡。 既而併省諸州,尋即改州爲郡,乃置司隸刺史,分 洎于九載, 廓定江 一表,尋以戶口 滋多,析置

八〇七

萬七千五百四十六,四日四千六百一萬九千九百五十六。墾田五千五百八十五萬四千四 萬四千八百一十五里,東南皆至於海,西至且末,北至五原,隋氏之盛,極於此也。 + -部巡察。 頃。其邑居道路,山河溝洫,沙磧鹹鹵,丘陵阡陌,皆不預焉。 五. 一年,平定吐谷渾,更置四郡。 大凡郡一百九十、縣一千二百五十五,戶八百九十 東西九千三百里,南北

京兆郡開皇三年,置雍州。 啓夏、明德、安化三門,西面延平、金光、開遠三門,北面光化一門。里一百六,市二。大業三年,改州爲郡,故名焉。置 城東西十八里一百一十五步,南北十五里一百七十五步。 東面通化、春明、延興三門, 南面

尹。統縣二十二,戶三十萬八千四百九十九。

水。 郡, 終南山。 庚,四魏置寧夷郡。後周改爲秦郡,後廢,又以新時、甘泉二縣入焉。 開皇十八年改縣名醴泉。 有甘泉水、波水、 城、溫湯二縣,尋並廢。有司竹園,有宜壽、仙遊、文山、鳳皇等宮。有關官。有太一山。 霸城縣、西魏山北縣,並後周廢。 長安帶郡。有仙都、福陽、太平等宮。有關官。有舊長安城。 大與、開皇三年置。後周于舊郡置縣曰萬年,〔三〕高祖龍潛,封號大興,故至是改焉。有長樂宮。有後魏杜城縣、西 有九變山、溫秀嶺。上宜開皇十七年置。有舊莫西縣,十八年改名好時,大業三年廢入焉。 開皇三年郡廢。武功後周置武功郡、建德中郡廢。有永豐渠、普濟渠。 盩 |至後周置周南郡及恒州,又有倉 有澇水。 藍田後周置藍田郡,尋廢郡,及白鹿、 玉山二縣入焉。有關官。有滋水。新豐有溫湯。華原後 有溫湯。 勢有甘泉宮。 始平故置扶風 體泉後魏日寧 浪 有

魏置 北雍州, 西魏 改爲宜州,又置北 地 郡,尋 改為通 川郡。開皇初郡 廢,大業 初州廢,及土門縣入焉。 有 沮水、頻山。

宜 君 舊 置 宜君郡 開 皇 初 郡 廢。 有淸水 同 官 鄭 後魏置東雍州 幷 華 Щ 郡 西魏 改日華州 開 皇 初 那 廢

大業初 年 高 州 廢。 陵 後 有 魏 少 日 華 高 Щ 陸, 大業 渭南 初 後魏 改焉。 置 三原 渭 南 郡 後周 西 魏 置 分置 建 忠郡 靈源 建德 中源 初郡 縣,後周郡 廢。 涇陽 及二縣 舊置 咸陽 並 廢入焉。 縣 開 皇 有 初 步 廢。 壽 宮 有 茂農 萬

渠。 雲陽舊 置,後周 置雲陽 那 開 皇 初 郡 廢。 有 涇水、 五龍 水、 甘水、 走馬 水。 富 平 舊置 北 地 郡 後周 改日 中

華郡 尋罷。 有 荆山 華 陰 有 興 、德宮。 有 關官,有京 輔 都 尉。 有 白 渠 有 |華山

馮 翊 郡 後魏 置 |華 州 西魏 改 日 同 州 統縣 八,戶九萬 千五 百七十

馮 翊 後魏 日 華 陰 西 魏 改 爲 武鄉 置武鄉郡。 開皇初郡廢 ,大業初改名馮翊, 置 馮 翊 那 有 沙苑。

韓

城

開

皇

+ 八年置。 有 關 官。 有 梁山 有鬼谷。郃 陽 朝邑 後 魏 日 南 Ħ. 泉 西 魏 改焉。 有長春宮。 有 關 官。 有 朝坂 澄

城後魏置 澄 城郡 後周 併五 泉 縣 入焉 開 皇 初 郡 廢。 浦 城 舊置 南 北二 白水。 西魏 改為蒲 城 置 白 水那 開

初 郡 廢。 下 邽 舊 置 延 壽 那。 開 皇初郡 廢, 大業 初併 蓮勺縣入 焉。 有金氏陂 白水 有 五. 龍 Щ 馬蘭 Щ

扶風郡舊置岐州。統縣九,戶九萬二千二百二十三。

雍 後魏 置 秦平 郡 西 魏 改爲岐山郡 ,開皇三年郡 廢。 大業 初置 扶風郡。 有 岐陽宮。 岐 Щ 後周 日三 龍 縣 開 皇

六年改名焉。 叉有 後魏 周 城 縣 後周 廢。 有 岐山 陳倉 後魏 日宛川 西魏 改日 陳倉。 後周 置 顯州 尋 州 縣 俱

廢。 開皇十八年置 日陳倉。 有陳倉 山 有關官 號後魏 置 武 都 郡 西魏改縣日洛邑。 後周 置 朔州 州 尋 廢

志第二十四 地理上

郡 開皇 刻 廢 大業 初 改 縣為號。 那舊日平陽縣,西魏 改曰郿城,後周 一廢入周 城縣。 開皇十八年改 周 城 爲 渭濱,大

業二年改為郿 又後周 置 雲州 建德中廢。 有 安仁 宮、 鳳 泉宮。 有太白 山 五丈原 普閏 大業 初置。有 仁 壽 宮

汧源。 有漆水、岐水、杜水。 又有西 魏東秦州,後改爲隴州,大業三年州廢。 汧源西魏 置雕 東郡 及汧陰縣 ,後改縣日杜 有 關官。 有 陽。 雕山 後周又日 汧山 汧水。 汧陰。 汧陽 舊置 汧陽郡, 開皇三年 郡 廢, Ŧi. 年 後周 縣 改曰

南 由 後魏置,西魏改爲鎭,後周 復置縣。 又有舊長蛇縣,開皇 主末廢。 有關官。 有 盤龍 Щ

安定郡舊置涇州。統縣七,戶七萬六千二百八十一。

安定帶郡。 鶉觚舊置趙平郡。 後周 廢郡, 并以宜祿縣入焉。 大業初分置靈臺縣, 二年廢。 **陰盤後魏置**平凉

郡, 開 皇 一初郡 廢。 有盧水。 朝那 西魏置安武郡, 及析置安武縣。 開 皇 三年 郡 縣 並 廢 入 焉。 良原 大業 初置

臨涇大業初置,初日湫谷,尋改焉。華亭大業初置。有隴水、芮水

地 郡 後 魏 置 ||豳州, 西魏 改爲寧州。 大業初復 日豳州。 統縣六,戶七萬六百九十。

北

定安舊置 趙興郡。 開皇 初郡 廢, 大業 初置北 地 郡。 |羅||川 舊 B 陽周 開 皇 中 改焉。 又西魏置 顯州, 後周 廢。 有

橋山 彭 原 舊 日彭陽。 後魏 置西 北 地 郡 有 洛蟠 城。 西 魏置蔚州 有 豐城 西魏置 雲州。 後周 三州 並 廢。 開 皇

初郡 廢, 十八 年 改縣 日 彭 原 有 |珊 瑚 水。 襄樂 後魏置 寒樂郡 後周 廢。 叉 西魏置 燕州 後周 廢。 叉 有子午山

新 平 舊 日 自 上 西西 魏 置 豳 州 開皇四 年 改縣 爲新平 大業初州 廢。 三水 西魏 置 恒 州 尋 廢

上郡

後魏置

東秦州、

,後改爲北華州。

西魏

改為敷州。

大業二年改爲鄜城郡,後改

爲

上那。

統縣五,

戶五萬三千

四百八十九。

洛交開皇三年置。 城 西 魏 改焉。 又有利仁縣,尋 大業三年置上郡。 廢入焉。 鄜 內部舊置 城 後魏 日 敷州及內部郡。 敷城, 大業初改焉。 開皇三年郡廢, 洛川 有鄭水。 大業初州廢。 三川舊名長

雕陰郡西魏置 一級州。 大業初改爲上州。 統縣十一,戶三萬六千一十八。

上 一縣西 魏置安寧郡,與安寧、綏德、安人三縣同置。 開皇初郡廢,改安人爲吉萬。 大業初置雕陰郡,廢安寧、 吉萬

一縣入。 又後周置義良縣, 亦廢入焉。 大斌 西魏置, 仍立安政郡。 開皇初廢。 有平水。 延福西魏 置 日延

廢。 陵。 開光 開皇 中 舊置 改焉。 開 光那 儒林 開皇 後周置銀州, 三年郡 廢。 開皇 有圓 三年 水。 改 名焉。 銀城後周置、八〇日石城, 大業初州廢。 眞鄉! 後改名焉。 西魏置。 後周置真 城平 西魏置。 鄉那 開 皇初 郡

西魏置,有後魏撫寧郡,開皇三年郡廢。撫寧西魏置。綏德西魏置。

延安郡後魏置 東夏州。 西魏改爲延州, 置總管府。 開皇中 ·府廢。 統縣十一,戶五萬三千九百三十九。

膚施大業三年置, 及置 延安郡。 有豐林山。 豐林後魏置,日廣武, 及編城郡。 開皇初郡廢, 十八年改為豐林

大業初又併沃野縣

入焉。

魏平後魏置,

幷立朔方郡。

後周

廢郡,併朔方、政和二

縣入焉。〔亡〕

金明有冶官。

有

清水。 臨眞 有西魏神水郡、眞川 縣,後周郡 廢, 大業初廢眞川入焉。 延 川西魏置,日文安,及置文安郡。 開皇

初郡 廢, 改縣 爲延川。 延安西魏置, 又置義鄉縣。 大業中廢義鄉入焉。 因城後魏置。 後周廢, 尋又置。 義

[][西魏置汾州 義川郡 後改州爲丹州。 後周改縣為丹陽 開皇初郡廢,改縣曰義川, 又廢樂川郡入。大業初州

廢, 又廢雲巖縣入焉。 汾川舊日安平, 後周改日汾川。 大業初廢門山縣入焉。 咸寧舊日永寧, 西魏改爲太

平。開皇中改爲咸寧。

弘化郡西魏置 朔州, 後周 廢。 開皇十六年,置慶州。 統縣七,戶五萬二千四百七十三。

合水開皇十六年置, 大業初置弘化郡。 馬嶺 大業初置。 華池仁壽初置。 又西魏置蔚州, 後周 廢。 歸德西

魏置恒州, 後周 廢。 有雕水。 洛源大業初置。 有博水、 洱水。 弘化開皇十八年置弘州, 大業初州廢。 弘德

大業初置。

平涼郡舊置原州,後周置總管府,大業初府廢。 統縣五,戶二萬七千九百九十五

平高後魏置太平郡, 後改爲平高。 開皇初郡廢。 大業初置平涼郡。 有關官。 有笄頭山。 百泉後魏置長城郡

及黃石縣,西魏改黃石爲長城。 開皇初郡廢,大業初縣改爲百泉。 平涼後周置。 有可藍山。 會寧西魏置會州

後周廢,開皇十六年置縣。默亭

朔方郡後魏置夏州,後周置總管府,大業初府廢。統縣三,戶一萬一千六百七十三。

巖綠西魏置弘化郡。 開皇初廢, 大業初置朔方郡。 寧朔後周置。 長澤西魏置聞熙郡。 又有後魏大安郡, 及

置長州。開皇三年郡廢,又廢山鹿、新囶二縣入焉。大業三年州廢。

鹽 \overline{JII} 郡西魏置西安州, 後改爲鹽州。 統縣一,戶三千七百六十三。

五原後魏置郡,日大興。 西魏改爲五原,後又爲大興。開皇初郡廢,大業初置鹽川郡。

靈武郡後魏置靈州,後周置總管府,大業元年府廢。統縣六,戶一萬二千三百三十。

迴樂後周置,帶普樂郡。又西魏置臨河郡。開皇元年改臨河郡曰新昌,三年郡並廢。 大業初置靈武郡。 弘靜

開皇十一年置。有賀蘭山。 懷遠後周置, 仍立懷遠郡。 開皇三年郡廢。靈武後周置,日建安,後又置 歷城郡

開皇三年郡廢,十八年改建安爲廣閩,仁壽元年改名焉。 鳴沙後周置會州,葬廢。 開皇十九年置環州及鳴沙縣。

大業三年州廢。 有關官。 豐安開皇十年置

榆林郡 開皇二十年,置勝州。統縣三,戶二千三百三十。

榆林開皇七年置。 大業初置郡。 富昌開皇十年置。金河開皇三年置,日陽壽,及置油雲縣,又置楡關總管。五

年改置雲州總管。十八年改陽壽曰金河,二十年雲州移,二縣俱廢。 仁壽二年又置金河縣,帶關

大業初置郡。

五原郡開皇五年置豐州,仁壽元年置總管府,大業元年府廢。統縣三,戶二千三百三十。

九原開皇五年置。 永豐開皇五年置。 安化開皇十一年置。

天水郡舊秦州。 後周置總管府, 大業初府廢。統縣六,戶五萬二千一百三十。

縣。〔九〕大業初改日冀城。 上邽故曰上邽、〔八〕帶天水郡。 有石鼓崖。 開皇初郡廢,大業初復置郡,縣改名焉。有濛水。冀城後周曰冀城縣,廢入黃瓜 清水後魏置,及置清水郡。 開皇初郡廢。 有關官。 有分水嶺。 秦嶺後魏

置, 日伯陽縣。 開皇中改焉。 龐城舊日略陽,置略陽郡。 開皇二年郡廢、縣改曰河陽。 六年改日隴城。 成紀

舊廢,後周置。 有龍馬城、仙人俠。

志

绡 Ξ +

四

地 理

Ŀ

八一四

隴西郡舊渭州。統縣五,戶一萬九千二百四十七。

襄 武 帶 郡。 隴西舊城內陶,[10]置南安郡。 開皇初郡廢,改爲武陽, 十年改名焉。 渭源有鳥鼠山。 有渭水。

障後魏置。 西魏置 廣安郡, 後周郡廢。 長川後魏置安陽郡, 領安陽、 烏水二縣。 西 1魏改曰 北秦州 ,後又改日交

刑 開 皇三年郡廢。 十八年改州日紀州 ,安陽日長川。 大業初州廢,又廢烏水入焉

金城郡開皇初,置繭州總管府,大業初府廢。 統縣二,戶六千八百一十八。

金 城 舊縣 日子城,帶金城郡。 開皇初郡廢。 大業初改 縣 爲金城。置金城郡。 有關官。 狄道後魏置臨洮郡、 脯

城縣,後周皆廢。又後魏置武始郡,開皇初廢。有白石山。

枹罕郡舊置河州。統縣四,戶一萬三千一百五十七。

枹罕舊置枹罕郡, 開皇初郡廢。 大業初置郡。 有關官。 有 鳳林山。 龍支後魏曰北金城, 西魏改焉。 有唐述

山。大夏有金紐山。水池後魏日蕈川,後周改焉。

澆河郡後周武帝逐吐谷渾,以置鄭州總管府。 開皇初府廢。 統縣二,戶二千二百四十。

河津後周置洮河郡,領洮河、廣威、安戎三縣。 開皇初郡 廢、併三縣入焉。大業初置澆河郡。 有濫水。 達化後

周置達化郡。開皇初郡廢,併綏遠縣入焉。有連雲山。

西平郡舊置鄯州。統縣二,戶三千一百一十八。

湟水舊日西都,後周置樂都郡。開皇初郡廢,十八年改縣日湟冰。 又有舊浩亹縣,又西魏置龍居、 路倉二縣,並

後周 廢。 大業初置 西平郡。 有土樓 |iji 化隆 舊魏 日廣威,西魏置德河郡,後周 廢郡, 仁壽初改爲化隆。 有拔延

Щ 湟水 盧水

武威郡 舊置 涼州 後周 置總管府,大業初府 廢。 統縣四 · · · · · · · 萬一千七 百 五.

開

廢。

大業初復置武威郡。

又後魏置

武安郡、襄武縣,並西魏

廢。

叉舊

有顯美縣,

後周

姑臧 舊置 武威郡 皇初郡

廢。 有 第 五 山。二 昌松郡,後周廢郡,以揟次縣入。〔三〕開皇 初 改縣 爲永 世 後 改 日 昌松。 又有 後

昌松後魏置

魏

魏安郡

後周

改置自山

縣,尋

廢。

有白山。

番和

後魏置番

和 郡。

後周

郡

廢,置

鎭。

開皇

中為

縣

7、又併

力乾

安

縣

日邑次,尋

寧 廣 城、 障、 燕支五 縣之地入焉。 有燕支山 允吾後魏置,日 廣武,及置 廣武郡。 開皇初郡 廢、改

改 為廣武, 後又改爲邑次。 大業初改爲允吾。 有靑巖 Щ

張掖郡西魏置 西涼州, 尋改日 甘州。 統縣三,戶六千一百二十六。

張掖 舊日永平縣,後周置張掖郡。 開皇初郡廢,十七年縣改爲酒泉。 大業初改爲張掖、置張掖 郡。 叉有

臨松縣

改

後周廢。 有甘峻山、臨松山、合黎山,有玉石澗、大柳谷。 删 丹後魏日山丹,又有西郡、永寧縣 西魏 郡 廢, 縣

爲弱水。 後周省入山丹。 大業改爲删丹。 又後周置金山 縣, **萪廢入焉。有祀山。** 有 驗池。 有 弱水。 福祿 舊置

酒泉郡 開皇初郡廢。 仁壽中以置肅州,大業初州尋廢。 又後周置樂宿縣,葬廢。 有祁連山、崆峒山 崑崙山 有

石渠

敦煌郡舊置瓜州。 統 縣三,戶七千七百七十九。

箒 ŀ [/4] 地 埋 Ŀ

忠

敦 煌 舊 置 敦 煌 郡 ,後周併效穀、壽皇二 郡入焉。 又併敦煌、鳴沙、平康、 效穀、東郷、 龍勒六縣 為 鳴沙縣。二二 開 1,1

初 郡 廢 大業置 敦煌郡, 改鳴沙 爲敦 煌。 有 神沙 山、三危 Щ 有 流沙。 常樂後魏 置 常樂郡。 後周 併 凉 興 大至

冥安、 閨 泉, 合爲 涼興 縣。 開 皇 初 郡 廢, 改縣 爲常 樂。 有 關 官。 玉 門 後 魏 置 會 稽 郡 後 周 廢 郡 併 會稽 新

延 興 爲 會稽 縣。 開 皇 中改 繑 王 門, 併 得 後 魏 玉 門 郡 地

縣

鄯

善

郡

大業

五.

年

本

吐谷軍

置

置

在

鄯

善

城

即即

古樓蘭城

也

幷置

且

末、西

海、

河源,

總

四

郡。

有

浦

昌海、

鄯

善

水

統

海

末 郡 顯 置在 古且末城。 濟遠 有 且. 末水、

薩毗

澤。

統

縣

且.

肅 寧 伏戎

西海 郡置在古伏俟城, 卽 吐 谷渾 國都。 有 西 王 母 石 窟 青海 鹽 池 統

宣德 威定

河源郡置在古赤水城。 有曼 頭 城 積石 Щ 河 所 出。 有 七鳥海。 統 縣二。

遠化 赤水

{周 |禮 }職 方氏 E 西日 雍州 。」上當天文,自東井十度至 柳 八 度, 爲 鴻省。 於辰 在 未 得

秦 之 分 野。 考其舊俗, 前史言之詳矣。 化於姬德, 則閑 田 而 興讓 習於嬴 敝 則 相稽 而 反

漢之三輔。 窶者窘蹙。 唇。 多尙武節,亦習俗然焉。 川 其人性猶質直。然尙儉約,習仁義,勤於稼穡,多畜牧,無復寇盜矣。 去農從商,爭朝夕之利,游手爲事,競錐刀之末。 胡 斯豈· ,性多木强,皆女淫而婦貞,蓋俗然也。 土壤之殊乎? 其風大抵與京師不異。安定、北地、上郡、隴西、天水、金城,於古爲六郡之地, 桴鼓屢驚,盜賊不禁,此乃古今之所同焉。 亦政敎之移人也。 河西諸郡,其風頗同,並有金方之氣矣。 京兆 平涼、朔方、鹽川、靈武、楡林、五原,地接邊荒, 王都所在,俗具五方,人物混淆, 貴者崇侈靡,賤者薄仁義,豪强者縱橫,貧 自京城至於外郡,得馮翊、扶風,是 雕陰、延安、弘化,連接 華戎雜錯

漢川郡舊置梁州。統縣八,戶一萬一千九百一十。

וונן 更給,改名焉。有關官。有女郎山。 冢,大業初改焉。 南 郡。 鄭 舊置漢川郡。 開 皇初廢郡,大業初廢州,改縣日 有關官。 開皇初郡廢,大業初置郡。又西魏置白雲縣, 有定軍山、百牢山、街亭山、幡冢山。 城固 西鄉。 與勢舊置儻城郡、二四 又舊有懷昌郡,後周廢爲懷昌縣,至是入焉。 有漢水。 至是併入焉。有黃牛山、 開皇初郡廢。 褒城開皇初日褒內。 西鄉舊曰豐寧,置洋州,及洋 有洋水。 龍岡山。 仁壽九年因 黄金 西舊日幡 失印 難

江後周置集州及平桑郡。開皇初郡廢,大業初州廢。

西 城郡 千三百四 梁置梁州 + ,尋改日 0 南梁州。 西魏改置東梁州,尋改爲金州, 置總管府。 開皇初府廢。 統縣六,戶一萬四

志第

-

四

地理

上

金 H 梁 初日 <u>E</u> 廉 後 日 吉陽。 四魏 改曰吉安,後周以西城入焉。 舊有金城、 吉安二郡, 開 皇 初 並 廢。 十八 、年改縣

爲吉安。 大業三年改日 金川 置西城 郡 又後周置洵州 專 廢。 有 焦陵山。 石泉舊日 水樂, 置晉 昌 郡。 西 魏 改

郡曰 魏 昌 尋 改永樂日石泉,析置魏 寧縣。 後周 省 1魏昌郡 入中 城郡, 叉省 魏寧縣入石泉縣 洵 陽 舊 置 洵 陽 那

開皇 初 郡 廢。 有 洵水。 安康 舊 日寧都,齊置安康郡 後魏置 東梁州, 後蕭營改直 州 開 皇 初 郡 廢, 大業 初 州 か 廢

縣 改 日 安康。 黄土 西 魏置 清陽郡。 後周 改郡,二三置縣 日 長 岡 後郡 省入甲郡,二六置縣 日 黄 上 併 赤石 甲

臨江 三縣入焉 開 皇 初 郡 廢 豐利 梁置 南上洛郡 西 魏 改郡 日 豐 利 後周 省郡 入 上 津 郡 以 熊]]] 陽川

豐利,後又廢上津郡入甲郡。有天心水。

房陵 郡西魏置 光遷國。 後周 國 廢, 置遷州 大業初改名房州。 統縣四,戶七千一 百

光 遷舊日 房陵,置 新城 郡 梁末置岐州 後周 那縣 並改為 光遷。 又有舊級州 開皇 初, 與 那 並 廢。 大業 初置 房 陵

郡。 有房山、 霍水。 永清舊日 大洪 後周 改焉。 有照珠山、 百 武山、 沮水、 汎 水。 竹山 梁 石安城 西 魏 改焉, 置

羅州 |開 皇十八年改曰房州 、大業初州 廢。 有花林山、 懸鼓山。 上庸梁日新豐,西魏改焉。 後周改曰孔陽 開 皇

十八年復日上庸。

清化郡舊置巴州。統縣十四,戶一萬六千五百三十九。

伏强,有木門郡。 化成梁日梁廣 開皇三年郡廢, 仍置歸化郡。 後周改縣日化成 七年縣改日清化。 開 有伏强山 皇 初郡廢。 清水。 大業 次初置清: 盤道梁置, 化郡。 曾 日難江。 П 梁置。 西魏 清化 改焉 梁置 有龍腹 固

ìЩ 開皇中改名焉。 永穆梁置, 始寧梁置, 日永康, 又有萬榮郡。 幷置遂寧郡。 開皇初郡廢,十八年縣改名焉。 開皇初郡 廢。 有始寧山。 其章梁置。 歸仁梁置,日平州縣。 恩陽 梁置, 日 後周改日同昌, 義陽。 開 皇末

蓬州, 改。 長池 大業初州廢。 後周 置, 日 有大蓬山。 曲 細。 開皇末改焉。 伏虞梁置, 符陽舊置其章郡, 日宣漢,及置伏虞郡。 開皇 開 一初廢。 皇初郡廢,十八年改焉 白石有文山 安固 梁置 後周

置

通]]] 郡 梁置萬州 西 魏 日通州。二三統縣七,戶一萬二千六百二十四。

初郡 郡廢。 周安、萬安、江會三郡。 通 川 廢。 梁日 石鼓 宣漢 石 西魏置 城, 西魏置幷州及永昌郡。 置東關郡。 遷州。 後周省江會入周安。 後周 開皇初郡 廢州, 廢。 開皇三年郡 置臨淸郡。 大業初置通川郡。 開皇初郡 廢, 開皇 並 五. 初 一廢, 廢郡。 年州廢。 大業初州廢。 二岡梁置、屬新安郡。 東 西流 鄕 西魏置 後魏 萬世 石州。 日漢興。 後周 後周 置, 西魏 西魏 廢州,置 及置 改郡 改焉, 萬 日新寧。 世 三巴 叉置 郡。 那 開 開 開 州 皇 皇 開 及 皇 初 初

宕渠郡噪置渠州。統縣六,戶一萬四千三十五

郡

廢

縣,并置鄰州。 流江 後魏 置 縣, 後魏改鄰山郡 及置流江郡。 開 開皇初郡廢,大業初置宕渠郡。 皇 初 那廢。 宕渠梁置, 幷置 境陽郡。 資城舊日始安, 開皇 初 郡 廢。 開皇 咸安梁置,日 十八 年 改 焉。 綏安 鄰水梁置 開皇

末改名焉。 墊江 西魏置縣及容川、 容山郡。 後周改為魏安縣。 開皇初 郡廢,十八年縣改名焉

漢陽郡 後魏 日 南秦州 匹魏 日成州。 統縣三,戶一萬九百八十五

志

上 禄 舊 置 仇 池 郡 ,後魏置倉泉縣,後周廢階陵、 豐川、 建平、 城階四縣入焉。 開皇初 郡 廢, 大業初置漢陽郡, 改縣

日 上藤。 有 百 頃 堆。 潭水 西 魏置 潭 水郡 後周 郡 廢 并 廢 甘 岩、 相 Щ 武定三縣 入焉。 長道 後魏置漢陽 郡 後

周 郡 廢,又省 水 南 縣 入焉。 開 皇 初郡 廢,十八年 改 日長道

臨 洮 郡 後周 武帝 逐吐 谷渾,以 置 洮 陽郡、尋 立洮州。 開 皇 初 郡 廢。 統縣十 ,戶二萬八千九百 七十 ٥

美 相 後周 置 縣,及置 洮 陽郡。 開 皇 初 郡 廢,併 洮陽 縣 入焉。 大業初置 臨洮 郡 疊川 後周 置 疊州 型 川 縣。 開 皇

四 年置 總管府, 大業元年 府 廢。 有 洮水、 流 水。 合川 後周 置, 仍立 西 疆 郡。 開皇 初 郡 廢。 有 白嶺 山 樂]]]

後

年 置, 仍立 三年廢。 叉後 立 及 郡。 初 州 郡 並 廢。

周 周 置, 置。 日 歸政 金 城, 開 幷 皇二 立 旭州 叉置 通義 一疆澤郡, 郡。 |開 皇 初 郡 廢,十八年縣改為 周 弘州 美俗。 開 遠 河濱 大業 初州 廢, 開 縣 皇 改 名焉。 洮陽 洮 後周 源 置, 後

改

日 廣 恩 弁 置 廣 恩郡。 開 皇初郡廢、仁壽 元年, 改縣 爲 洮 河 大業 初改日 洮 陽。 臨潭 後周 日 汎潭, 開 皇十 年

基 城 縣 尋 臨洮 那 縣俱 廢。 有岷 |Щ |崆 峒 Щ 當 夷 後周 置。 叉立 洪 和 郡, 郡 轉廢。 叉置 博 陵 郡 及 博陵、 寧人二縣。 開

皇初併入。 和政 後周 置 洮 城 郡 萪 廢 名焉。

西魏

置,

日

溢樂,

幷置

岷州

及同

和

郡

開

皇

初

郡

廢,

大業

初

州

一廢,更

名縣

日

臨

洮

叉

後

周

置

祐

Ш

郡

岩昌郡後周置岩昌國 天和 元年置宕州 總管 府。 開皇四年府廢。 統縣三,戶六千九百九十六。

良 恭 後周 置, 初 日 陽宕 置宕昌郡 開 皇初 郡 廢,十八年改名焉。 大業初置宕昌郡 和戎 後周 置 有良恭 ı Ul

懷 道 後周 置 甘松郡 開皇 初 郡 廢

武都 郡 西魏置 武州。 統縣七,戶一 萬七百 八十。

東平縣、 將 利 舊 日 後周 石門 併 入 西魏 焉。 改日 有 河 安育。 池 水。 後周 建 改曰 威 後魏 將利 置 置 自 水 武 郡 都 後 郡,後改 廢 改改 E 爲 永都郡。 白 水 縣 開皇 西魏 初郡 復 立. 廢, 郡 大業 改 為 初置 綏 戎 武都 後周 郡 郡 叉有 廢

改爲 建 威 縣 , 幷 腏 洪化 縣 入焉。 又 西 魏 有 孔 堤 郡 及 縣 後周 並 廢。 覆 津 後 魏 初 日 翫 當 置 武 階 郡 西 魏 叉置

覆

|津 縣 ,及置 萬郡 統 赤萬, 接難、 五部 三 縣 後周 郡 三縣 幷 翫 當 並 廢 爻 焉。 開 皇 初 武 階 郡 叉 廢。 盤 堤 西

魏 置 日 南 五. 部 縣, 後改 名焉, 幷立 武陽郡 及茄 蘆 縣 後周 郡 廢, 縣併 入 焉。 長 松 西魏 置 初 日 建 昌 支州 及

盧 北 郡 開 皇初郡 廢, 十八 年 縣改曰 長松, 大業 初州 廢。 曲 水 西魏 置。 正 西 西 魏 置

同 昌 郡 西魏 逐 吐谷 渾 置鄧州。 開 皇七 年改 日 扶州。 統縣八,戶一萬二千二百四 十八。

尙 安 西魏 置縣 及 鄧 寧 郡 開 皇初 郡 廢, 大業 初 置 同 昌 郡。 有 黑水。 鉗川 西魏 置。 有 鉗 ĴΪĮ Щ 有 白水。 帖

七年州廢。 初 郡

|涸那 及 扶州 總管府。 開皇 初 府廢,三年郡廢, 有 雪山 封德後魏置,又立芳州 有深泉 那 開 皇

河 池 郡後魏置 南岐州 後周 改曰 1鳳州。 統縣四,戶一 萬一千二百二。

廢,

又省理定縣入焉。

大業初州廢。

常芬後周置,

及立恒

香郡

開

皇

初

郡

廢。

有弱水。

金崖

後周

夷

西魏

置,

叉置

昌

寧郡。

開皇三年

郡

廢

同昌

西

魏

置

有鄧

至

山,云鄧艾所至,故

名焉。

嘉誠

後周

置

縣

幷

脯

梁泉舊 日故道,後魏置郡, ||国 道, 縣 日涼泉,尋改日梁泉。 西魏 改郡曰 歸 真。 後周 廢郡, 叉廢 龍安 商 樂 縣

入。 大業 初置 那 兩當 後魏置, 及 立 兩當 郡 開皇 初郡廢。 河池 後魏 日 廣化, 幷置 廣化郡 開 皇 初郡 廢 仁

芯 第 _ -|-四 地 则 上

八二

壽 初 縣 改 名 焉。 又後魏 置 思安縣, 大業初省入。 有河池水。 同谷舊日白石,置 廣業郡。 西魏 改 日 同 谷, 後周置

康州。開皇初郡廢,大業初州廢。又有泥陽縣,西魏廢。

順 政 郡 後魏 置 東益 州 梁爲 武 興 (蕃王國 西 魏 改 爲 興州 統 縣 四 戶 四千二百六十一。

順 政 舊 日 略陽。 西 魏置 郡 日 順 政,縣 日 漢 曲 ; 又置 仇 池縣, 後改 日靈道。 開皇初郡 廢。 十八 年 縣 改 名焉。

大

業初置 那, 叉省 靈道 縣 併入。 鳴水 西魏置,日 落叢 ,幷置落叢 郡。 開 皇 初 郡 廢。 六 年,縣 改爲 厨 北 八 年, 改 日

鳴水。 長舉 西魏 置, 叉立 盤 頭郡。 後周 廢 郡。 有鳳溪 水。 修城 舊置 修城郡, 縣 日 廣長。 後周 郡 廢, 又廢下阪

縣入。仁壽初,縣改名焉。又西魏置柏樹縣,後周廢。

義城郡後魏立 益州 世號小盆州 梁日黎州。 西魏 復日益州 又改曰利州、置總管府。 大業初府廢。 統縣七, 戶

一萬五千九百五十。

縣谷舊日興安、置晉壽郡。 開皇初郡廢。 十八年,縣改名焉。 大業初置郡。 叉有 華陽郡, 梁置華州。 西魏 並 廢

有 龍門山 益昌 義城 西魏置。 葭萌 後魏日晉安,置新巴郡。 開 皇初郡廢。十八年, 縣改名焉。 大業 初又併

恩 金縣入焉。 岐坪 景谷舊日白水,置平 興郡。 後周 省 東洛郡入。 開皇初郡廢、縣改名平興。 十八年,改 日景

平武郡西魏置龍州。統縣四,戶五千四百二十。

浴。

大業

初

又省

魚

盤

縣

入焉。

有關官。

有木馬山、

良

珠山。

有凍水。

嘉

]]]

舊置宋熙郡

開皇

初

廢。

江 油 後魏置江油郡,開皇 三年郡廢, 大業初置郡。 有關官。 馬盤後魏置馬盤郡, 開皇三年郡廢。 平武 梁

李文智自立為藩王,西魏廢爲縣。 有涪水、潺水。 方維舊日秦興、置建陽郡。 開皇初郡廢,縣改名焉。

汶山 郡 後周 置汶州。 開 皇初 改 日 蜀 州 郣 爲會州, 置 一總管府。 大業初府廢。 統縣十一,戶二萬四千一百五

十九。

周置。 汶山 郡 焉。 皇初置,日金川,仁壽初改名焉。 廢 叉周 ,縣改日淸江。 舊日廣陽。 有 置翼州, 龍 泉水、鷹門山、〇九)襄陽山 梁改爲北部都尉, 大業 十八年,又改名焉。 初 廢。 有汶山。 左封 置繩州、 翼針後周置,及翼針郡 後周 平康 汶川 置, 北部郡。 後周 後周置汝 日 置。 廣 年, 有羊腸 後周改曰汶州。 Щ 及置 郡 Щ 廣 開 開 年 皇 郡、 翼 初 皇 初郡 郡 水 開皇初郡廢, 左封 廢。 後周 廢。 郡。 交川 置, 有 :石鏡山。 |開 日 開皇初置。 皇 龍水, 仁壽元年改名焉。 初 郡 江源後周置 及置 並 廢。 有關官。 清江 仁壽 郡 初 北 通 開 縣 通軌]]] 改名 皇 開 後 初

|後 周 置縣及覃州, | 樂部二 那。 開皇初 那 廢,四 年州 廢。 有 甘 松山

普安郡梁置 南梁州, 後改爲安州。 西魏改爲始州。 統縣七、戶三萬一千三百五十一。

日華陽 普安舊日南安。 ,西魏改焉,又置黃原郡。 西魏改曰普安,置普安郡。 開皇初郡廢。 開 陰 平 宋置北陰平郡,魏置 皇初郡廢,大業初置郡焉。 龍州。 永歸舊日白水, 西魏改郡爲陰平, 西魏 改焉。 又名縣焉。 黄安 籄 後

周從江油郡,〔三0〕改日靜龍,縣日 陰平。 開皇初郡廢。 梓潼舊日安壽, 西魏置 潼 川郡 開皇初郡 廢。 大業初 縣

改名焉。 有五婦山。 武連舊日武功,置輔劍郡。 西魏改郡日安都,縣日武連。 開皇初郡廢。 臨津 舊日胡原 開

皇七年改焉。

志第二十四 地理上

金山 郡西魏置 潼 州 開皇五年, 改曰緜州。 統縣七,戶三萬六千九百六十三。

巴西 鹰 日 涪 置巴西郡。 西魏 改縣日巴西。 開皇 一初那 廢。 大業初置金山郡。 有鹽井。 昌隆 有雲臺山。 涪城

舊置 始 平郡, 西魏 改郡 爲涪城, 後周又改日安城。 開皇初郡廢、改縣 日安城。 十六年, 改爲涪城。 魏城 西 魏 置

神泉

晉興 縣 西魏 省晉興 入益昌 後周 別置 金山。 開皇 四 年,省益昌 入金山

萬安

舊

日屏亭,

匹魏改名焉

置

萬安郡。

開皇初郡廢。

舊

日

西充國

開

皇六年改名焉。

金

Щ

舊置

益

昌

新城 郡梁末置 新州 開皇末 改日梓州。 統縣五 ,戶三萬七百二 一十七。

郪 售 日 伍 城。 西 魏 改曰 昌城 仍置 昌城郡。 開 皇初 郡 廢。 大業 初置新城 郡, 改 縣 名焉。 射 洪 西魏 置 日 射

江, 後周 改名 蔫 鹽亭 西魏置鹽亭 郡。 開 皇 初郡 廢, 有 高 渠縣。 大業 初併 入焉。 通泉 舊 日 通 泉, 置

西宕渠

郡。 西魏 改郡 縣 俱 日 湧 泉。 開皇初郡 廢 ,縣改名,又併光漢縣 入焉。 飛 鳥 開皇 中 置。

巴西 郡梁置南梁、 北巴州, 西魏置 隆州。 統縣十,戶 四萬一千六十四

閬 內 梁置北巴郡 ,後魏不蜀,置盤 蘢 郡, 開皇 初郡 廢。 大業初置巴西郡。 有 盤龍山、 天柱 Щ 靈 山 南部 舊 日

南充國 梁 日 南 部 西魏置 新安郡, 後周 郡 廢。 蒼溪舊 日漢昌、 開 皇末改名焉。 南充 舊日安漢, 置 宕渠郡。 開

皇初郡 廢。 十八 年 縣 改 名焉。 相 如 梁置 梓 潼郡 後魏 郡 廢 西水 梁置掌天郡,西魏 改 日 金遷 開皇初 那 廢

晉城 陽縣入焉。 (舊日 西充國 儀龍梁置,并置隆 梁置 木蘭 郡。 城 那 西魏 廢 開皇初郡廢 那 改縣 名焉。 大寅梁置 有闄 冰。 奉國 梁置 白馬 義陽 一郡, 開皇初郡廢、井廢義

逐寧郡後周置遂州。 仁壽二年,置總管府。 大業初 府廢。統縣三,戶一萬二千六百二十二。

晉興,西魏改名焉,又置懷化郡。 方義梁日小溪, 置東遂寧郡。 西魏 開皇初郡 改縣 名焉。 廢。 長江舊日巴興,西魏改名焉,又置懷化郡。 後周 改郡日石山。 開皇初郡 廢。 大業初置遂寧郡。 開皇初 郡 青石舊日

涪陵郡西魏置合州。 開皇末改曰涪州。 統縣三,戶九千九百二十一。

石鏡舊日墊江, 置宕渠郡。 西魏改郡為墊江,縣為石鏡。 開皇初 那麼。 大業初置涪陵郡。 漢初梁置新興郡。

西魏改郡曰淸居,名縣曰漢初。開皇初郡廢。赤水開皇八年置。

巴郡梁置楚州。 開皇初改日渝州。 統縣三,戶一萬四千四百二十三。

巴舊置巴郡,後周廢枳、墊江二縣入焉。開皇初郡廢。 大業初置巴郡。 江津舊日江州縣。 西魏改爲江陽, 置

七門郡。 開皇初郡廢。 十八年, 縣改名焉。 涪陵舊日漢平,置涪陵郡。 開皇初郡廢。 十三年,縣改名焉

巴東郡梁置信州,後周置總管府,大業元年府廢。統縣十四,戶二萬一千三百七十。

人復舊置巴東郡,縣曰魚復。 西魏改日人復。 開皇初郡廢。大業初,置巴東郡。有鹽井、 白鹽山。雲安舊日

胸腮, 西魏置。 後周改焉。 有高梁山。 南浦後周置安鄉郡,後改縣日安鄉,改郡日萬川。 有紵溪。 大昌後周置永昌郡,尋廢,又廢北井縣入焉。 開皇初郡廢。十八年,縣改名焉。梁山 巫山舊置建平郡, 開皇初郡廢。有

巫山。 秭歸後周曰長寧,置秭歸郡。開皇初郡廢,改縣曰秭歸。 巴東舊日歸鄉,梁置信陵郡。 後周郡廢, 縣改

日樂鄉。 開 皇末, 又改名焉。有巫峽。新浦後周置周安郡, 開皇初郡廢。 盛山梁日漢豐, 西魏改爲永寧, 開

皇末, 日盛山。 臨江 梁置臨江郡, 後周置臨州。 開皇初郡廢, 大業初州廢。 有平都 Щ 有彭溪。 武寧後周置

南州、 南都 郡 源陽縣, 後改郡曰懷德, 縣 日武率。 開皇初州郡並 廢 入焉。 石城 開皇初置庸州, 大業初州 廢

務 JII 開皇末置

蜀郡 香置 益州 開 皇初 廢。 後周置總管府。 開皇二年、置西南道行臺省,三年,復置總管府,大業 元年府廢。 統縣十

三,戶十萬 五千五百八十六。

樂。 成都舊置 大業初置 蜀郡,又有新都縣。 蜀 郡, 省 興樂入焉。 梁置 舊置懷寧、 始康郡,西魏廢始康郡。 晉熙 宋興、 宋寧四 開皇初廢蜀郡 郡, 至後周 ,幷廢新繁入焉。 並 廢。 有 武 檐 Щ 十八年, 雙流 改新都 舊 日 廣 日 都 興

置 寧蜀 郡 後周 郡 廢。 仁壽 元年改縣 日雙流。 有女伎 Щ 新津 後周 置, 幷置 犍 為那。 開 皇 初郡 廢。 大業 初又

廢僰道縣 入焉。 晉 原 舊日江原,及置 江原 郡。 後周 廢 那 縣改名焉。 清城二一舊置 齊基 郡 後周 廢 爲 清城 縣

初郡 有 鳴鶴 廢 Щ 纤 隴泉、 清城 Щ 興固、 九隴 青陽 舊日 三縣入焉。 晉壽,梁置 大業 東 初州 益州 廢。 後周 有太山 州廢、置 道場山。 九雕 郡, 緜竹舊置 幷改 縣 日 晉熙郡 九雕。 及長楊、 仁 壽 初 置 南武 湯州 都 開 縣 皇

後周 併二 縣爲晉熙, 後又廢晉熙 入陽泉。 |開 皇初郡廢 ,十八年改爲 孝水 大業二 一年改日 緜竹。 有 冶 官。 有 緜 水

有鹿堂山 郫 西魏 分置 溫 江 縣 開 皇初省入。 仁壽 初復置 萬春縣, 大業初又廢 入焉。 有 金山、 平樂山 天彭門

玄武 廣漢,又置 舊 E 廣漢郡。 伍城, 後周 皇初郡廢。 置 玄武 郡 開 十八年, 皇 初郡 廢, 改日縣竹。 改縣 名焉。 大業初改名維焉。 仁壽初置 凱州, 又有西途寧郡、 大業 心初廢。 有三堆· 南陰平郡。 Щ 郵江。 後周 維 舊日

一般西途

|開

寧, 改爲懷中,南陰平郡 日南陰平縣,尋並廢。 陽安舊日牛韓, 西魏改名焉, 幷置武康郡。 開皇初郡 廢。 仁壽

初置 簡 州 大業 初 州 廢。 有 鹽 井。 平泉 西 魏 置, É 婆閨 開皇十八年,改名焉。 金泉西魏 置縣 及 金泉郡。 後

周 廢 郡 幷 廢白牟縣入焉。 有 昌 利 Щ 銅官山 石城山。

臨 卭 郡 舊置 雅州 統縣 九,戶二萬三千三百四十八。

嚴道 一西魏置, 目 始陽縣、置蒙山郡。 開皇初郡廢。十三年,改日蒙山,尋置雅州。 大業 置 臨卭郡、縣 改名焉。 有邛

來山。 名山 舊 日 蒙山。 開 皇十三年,改始陽日蒙山,改蒙山 日名山。 盧山 仁壽 末置。 依 政 西魏 置,及置 邛州

大業 初 廢。 臨 卭 舊置 臨町 郡, 開 皇 初 廢。 有 火井。 蒲江 西魏置 日 廣定, 及置 蒲 原 郡。 開 皇 初 郡 廢。 仁壽 初

縣改名焉。 **請溪西魏** 置。 沈黎後周置黎州 尋 并 縣 廢 開 皇中置縣。 仁壽 末置登州 ,大業初州 廢。 漢 源 大業

初 置

眉 山 郡 西 魏 日 眉州 後周 日 ||青州, 後又 目 |嘉州。 大業 二年 又改曰 眉州。 統縣八,戶二萬三千七百九十九。

龍 遊 後周置,日 峨眉 ,及置平羌郡 開皇初 那 廢。 九年改五 縣為 青衣 平|陳 日,龍見水, 隨軍而進, + 年改 名焉

大業初置 眉 山那。 平羌後周置, 仍置平羌郡 開皇初 那 廢。 夾江 開皇 三年置。 峨眉 開皇十三年置。 有峨眉

]Щ 桜山 通義 舊置齊通郡 及青州 西魏改州日 旧州。 開 皇 初 郡 廢, 改 齊通日 廣通 仁壽 元 年改爲通義。大

業初州 廢 青神 後周 置, 幷置 青神郡。 開皇初郡 廢。 丹稜後周置,日齊樂。 開皇中改 名 焉。 洪雅開皇十三

年置

芯 第 -Ш 地 理 上

八二八

隆山郡西魏置陵州。統縣五,戶一萬一千四十二。

一壽梁置 慢仁郡 西魏改縣日普寧。 開皇初郡廢,十八年縣改名焉。 又西魏置蒲亭。[三]大業初置隆山郡, 浦

亭併入焉。 有鹽井。 貴 平西魏置, 叉立 和仁 郡。 後周 又廢可曇、 平井二縣入焉。 開皇初郡廢。 大業 初 叉廢

籍縣入焉。[三] 井研 始建 開皇十一 年置。 有鐵 Щ 隆山 舊 日 犍爲 一置江州。 西魏 改縣日 隆 Щ 後周 省州

置隆山郡。開皇初郡廢,又併江陽縣入焉。有冶官。有鼎鼻山。

資陽郡西魏置資州。統縣九,戶二萬五千七百二十二。

盤 石 後周置縣及資中郡, 開皇初郡 廢。 大業初置資陽郡。 內江後周置。 威遠開皇初置。

大字開皇十三年

置。 安岳後周置, 幷置 普州。 大業初州廢。 普慈後周置郡日普慈,縣日 多業。 開皇初郡廢。 十三年, 縣 改 名

焉。 安居後周置,日柔剛, 及置安居郡。 開皇初郡廢。 十三年,縣改名焉。 隆康後周置, 日永康。 開皇十八年

改焉。資陽後周置。

瀘]]] 郡梁置瀘州。 仁壽中置總管府, 大業初府廢。統縣五,戶一千八百二。

瀘)|| 舊日江陽,幷置江陽郡。 開皇初郡廢。 大業初置瀘川郡,縣改名焉。 富世後周置,及置洛源郡。 開皇初

郡廢。 江安舊日漢安, 開皇 十八年改名焉。 合江後周置。 縣水梁置。 有縣溪。

犍爲郡梁置戎州。統縣四,戶四千八百五十九。

日外江。 大業初改日僰道, 置犍為郡。 犍爲後周置, 日武陽。 開皇初改焉。 南溪梁置,日南

廣,及置六同郡。 開皇初郡廢。 仁壽初縣改名焉。 開邊開皇六年置, 七年廢訓州入焉。 大業初廢恭州 協州

入焉。

越傷郡後周置嚴州。 開皇六年改日西寧州, 十八年又改日嵩州。 統縣六,戶七千四百四十八。

越 萬 帶 郡。 卭 都 蘇祗舊置亮善郡, 開皇初郡廢。 有孫水。 可泉舊宣化郡, 開皇 初 廢。 臺登舊置白沙

郡。[三] 開 皇初郡廢。 **卭部舊置卬部郡** 又有平樂郡。 開皇初並廢。 有攜山。

样柯帶郡。賓化

黔安郡後周置黔州,不帶郡。統縣二,戶一千四百六十。

彭水開皇十三年置。有伏牛山。出鹽井。涪川開皇五年置。

陽 爲婚,衣服居處言語,殆與華不別。 至五 食必 以下諸郡,皆其封域。 、臨洮、宕昌、武都、同昌、河池、順政、義城、平武、汶山, 兼肉。 月十五 梁州於天官上應參之宿。 日,必以酒食相饋,賓旅聚會,有甚於三元。傍南山雜有獠戶,富室者頗參夏 好祀鬼神,尤多忌諱,家人有死,輒離其故宅。 漢中之人,質樸無文,不甚趨 周時 梁州 西城、房陵、清化、通川、宕渠,地皆連接,風俗頗 ,以併 雍部。 利。 及漢, 叉析置益州 性嗜口 皆連雜氐羌。人尤勁悍, 崇重 道教 腹,多事 ,猶有張魯之風焉。 田 漁、雖蓬室柴門, 在禹貢, 自漢川 性多質 同。 入 漢 毎

志

第

閑、聚會宴飲、尤足意錢之戲。小人薄於情禮、父子率多異居。其邊野富人、多規固山澤、 以財物雄役夷、獠,故輕爲姦藏,權傾州縣。 雕鏤之妙,殆侔於上國。貧家不務儲蓄,富室專於趨利。其處家室,則女勤作業,而士多自 慕文學,時有斐然,多溺於逸樂,少從宦之士,或至耆年白首,不離鄕邑。人多工巧,綾錦 衣服飲食,頗同於獠,而亦與獨人相類。 禍。 李氏據之於前,譙氏依之於後。當梁氏將亡,武陵憑險而取敗,後周之末,王謙 陸所湊,貨殖所萃,蓋一 直。 逐寧、巴西、新城、金山、普安、犍爲、越巂、**特柯、黔安,得蜀之舊域。**其地四塞,山川重阻,水 故孟門不祀,古人所以誡焉。其風俗大抵與漢中不別。其人敏慧輕急,貌多蕞陋 皆務於農事,工習獵射,於書計非其長矣。 都之會也。 昔劉備資之,以成三分之業。 此亦其舊俗乎? 蜀郡、臨邛、眉山、隆山、資陽、瀘川、 又有纏涎蠻竇,其居處風俗 自金行喪亂, 四海 負固而速 沸 ir,頗

校勘記

(二) 戶一千二百二十三萬 作一千二百二十三萬三千六十二,晉志晉勝地理志同。」今據補。 除必須說明者外,以下校記不一一注明。 「千」下原脫「二百」。楊守敬隋書地理志考證以下簡稱楊考「漢志漢書地理志 本志的校勘,采用楊考者較多,

- <u>--</u> 二百六十餘萬 晉書地理志上,太康元年平吳,大凡戶二百四十五萬九千八百四十。
- 洎乎國滅州九十有七郡一百六十縣三百六十五 周書武帝紀 下, 建德六年關東平, 合州五十

五、郡一百六十二、縣三百八十五。北史周紀同。

129 縣一千二百五十五戶八百九十萬七千五百四十六 按:據本志各郡分列的縣數和戶數統計,

IE 後周于舊郡置縣曰萬年 原脫「于」字,據楊氏所見宋本增。

縣一千二百五十二,戶九百零七萬五千七百九十一。

>'< └ 後周置 元和郡縣圖志以下簡稱元和志四了後周」上應有「舊圖陰」三字。

一七二 政和 原作「和政」,據魏書地形志上改。

故曰

上邽

八 九 凵 廢入黃瓜縣 按前後文例、「廢」上當有「尋」字。

廿二史考異:「當云『故曰上封』。

後魏避道武帝嫌名(珪)、改上邽爲上封。」

舊城內陶 廿二史考異:「城」當作「曰」。

第五山 「第」原作「茅」。 楊考:「據前涼錄)『茅』疑『第』訛。」按:太平寰宇記以下簡稱寰宇記 五

二正作「第」,今據改。

理志 **指次縣** 下正作「揟次」,今據改。 原作「楡次」。,考異:「『楡次』當作『揟次』,因科州有楡次縣,相涉而誤。」按: **漢書地**

志 第 + 四 校 勘 記

- 龍勒 勒 」原作「勤」、據漢書地理志下、續漢書郡國志五改。
- **戃城郡** 「城」原作「成」、據周書楊檦傳、寰宇記一三八改。
- 二吾 後周 改郡 當作「後周改黃土郡」。
- 甲郡 |甲、 臨江三縣入焉』及監利縣注『入甲郡』,

並同

- 出 西魏曰通州 「州」原作「川」,據寰宇記一三七改。
- 二合 赤萬 「萬」原作「方」、「方」當即「萬」(万)字之訛、據魏書地形志下改。

二心

鷹門山

後周從江油郡 楊考:「案『周』爲『州』之誤,『從』爲『徙』之誤。」

「鷹」原作「雁」。寰宇記七八:「鷹門山在汶山縣北二十里。山多鷹栖,故名。」今據改。

- 清城 輿地廣記三〇:「開元十八年去水,作靑城。」
- 蒲亭 原作「蕭縣」,據舊唐書地理志四、寰宇記八五改。
- 籍縣 「籍」原作「藉」。元和志三三:「本漢武陽縣地。 周閔帝於此置籍縣,因蜀先主籍田地爲

名。」大業二年省。今據改。

舊置白沙郡 「白」原作「日」,據輿地廣記三〇改。

地理中

漁武 離 平 淯 汝 上 河 安 黨 原 陽 南 南 石 郡郡郡郡 郡 郡 郡 河 信 北 趙 雁 淮 淮 陽 門 東 都安 陽 平 郡郡郡郡郡 郡 郡 郡 絳 淸 馬 汝 梁 恒 東 Щ 邑 陰 河 郡郡郡郡 郡 郡 文城 定 博 魏 遼 東 上 洛 襄 陵 平 郡郡郡郡郡郡郡郡 郡 樓 臨 汲 濟 弘 北河 濟 農 煩 汾 陰 間 海 北 郡 郡 郡 郡 郡 龍 太 武 淅 襄 河 泉 內 陽 原 陽 城 郡郡郡郡 郡 郡 長 襄 渤 南 潁 東 上 西 谷 陽 國 河平 海 郡郡郡郡郡郡郡郡郡

八三三

志

+

五

地

理

高密郡

八三四

河南 郡舊置洛州。 大業元年移都,改日豫州。 東面三門、北日上春、中日建陽、南日永通。 南面二 門, 東日長夏, Œ 南

日建 以洛州 河南 水。 州 砥柱 併入焉。 河南。 洛州總管。 開皇十六年置。 山、穀水。 有九山,有天陵山、緱山、東首陽山。 國。 廢,又廢新安入東垣。 里 熊耳 帶郡。 刺 大業元年徙入新都。 閿鄉 史領總監。 澠池 百三、市三。 開皇元年改六府,置東京尚書省。 後周 有關 後周置 舊日湖城, 有關官。 置,及 官。 十 四年於金墉城別置總監。 有 河南郡,大象中廢。 三年改爲郡、置尹。 大業初改名新安。 同 ||姚山。 有河陽倉。 開皇十六年改焉。 軌郡。 恒農郡。 又東魏置洛陽郡、 有瀍水。 開皇 宜陽 後魏置宜陽郡,東魏置陽州,後周改曰熊州。 有都尉府。有首陽山、酈山 後周又置崤郡。 初郡廢。 洛陽 有冶官。 新安 統縣十八,戶二十萬二千二百三十。 有王澗、 其年廢東京尚書省。 河陰縣。 又有後魏崤縣, 煬帝即位, 有漢已來舊都。 後周置中州及東垣縣, 有騩山、「三强山、缺門山、 開皇初郡並廢。 全鳩澗、[二]秦山。 開皇初郡 廢省。 乾脯山。 大業初廢入。 後魏置司州,東魏改曰洛州。 並 舊河南縣, 二年廢總管, 廢, 大業初州廢、置弘農宮。有常平倉、溫湯。有 州尋 桃林 叉析置 鞏 後齊廢, 廢。 東魏遷鄴, 孝水、澗水、金谷水。 有二烯。 開皇十六年置。 伊川縣。 置河南道行臺省。 開皇十六年置 開皇十六年復。 又復後魏置南澠池縣,後 有天柱山、大頭山、 改爲宜遷 大業初河陰 後周置 有上陽宮。 穀州,仁壽四年 縣。 偃師 三年廢行 東京 有興洛倉。 伊川二 後周 ·舊廢, 六府、 硤石 有淄 復日

縣

周 福 昌 改 宮 Ħ 昌洛。 金門 Щ 開 女儿 皇 初 Щ 郡 廢。 太陰山 十八 年改昌洛 嶕 嶢 111 壽 日洛水。 安後 魏置縣 大業初 日 廢熊州,省洛水 甘棠、仁壽 四 年 入宜陽。 改焉。 有 叉 顯仁宮。 東魏置金門郡,後周廢。 有 慈澗 陸 渾 有 東

魏 初 魏 廢 後 又改 周 置 置 東 新 廢 伊 魏置 潁陽 城 日 JII 伊 郡 郡 州 ス。 領 開 開 皇十六年廢, 南 開 皇 大業 陸 皇六年 初 渾 初 郡 縣。 廢。 州 改 廢。 開 十八 日 大業 皇 1武林。 叉 初 年 有 初 廢 又置。 縣 東 郡, 十八 魏 改 名焉。 東亭 改 年 有 縣 縣 改 緱 日 有 日 氏 伏流 輪 尋 Щ |伊 廢。 闕 氏, 轘轅山 Щ 有方山 大業 大業 興 初改日 元年 泰 \equiv 三塗 大業 改 景山 陸渾。 山 日 初 嵩 孤山 陽。 置。 嵩 叉有 陽 叉 有 陽 東 後魏 有 鹿 |Щ 魏 東 蹄 北 王母 魏 置 Щ 荆州, 中川 Ħ 澗 石 潁陽。 , ,0 墨 後周 郡 Щ 伊 後周 闕 改 鍾 東魏 日 山 舊日 廢。 和 分置 州 緱 新 有 堙陽 城 氏 開 嵩 舊 高 東

|Щ 少 室 Щ 潁水 陽城 後 魏 置陽 城 郡 開 皇 初 廢。 十六 年置 嵩州 仁壽 四 年 廢。 又後 魏置 康 城 縣, 仁 壽 四 年 廢

入焉。 有箕山、偃月山、荆山、禹山、崤山。

滎陽 郡 舊 鄭州 開 皇 + 六 年 置管州 大業 初 復 日 鄭州 統 縣 + 一,戶 十六 萬九百六十 四

管 魏 置 城 曲 舊 梁 日 縣 中 後 牟, 齊 東 廢 魏 置 有 廣 鄭水 武 那 汜水 開 皇 初 舊日 郡 成 廢 改改 皐 。, 卽 中 牟 武 牢 日 内牟。 也。 後 魏置 十六年析置管城。 東 中 府, 東魏 置 十八年改 北 豫 州 内牟 後周 日 置 圃 滎 田 州 入焉。 開 皇 初 後

名焉 日 鄭州 原武 八 年改 開 皇 十六年 成 臯 日 置 汜水 陽 大業 武 初 置 圃 武 田 车 開 都 皇十六年 尉 府。 有周 ·置 山、天陵 日 郟城 Щ 大業 祭 初改焉。 澤 開 皇 浚儀 四年 置 東魏 一,日 置 廣 梁州 武 仁壽 陳 留 元 郡 年 後 改

齊廢開 封 郡 入 後周 改日 開 皇 初 郡 麼 大業初州廢。 有關 官。 有通濟渠、 **蔡水。** 酸棗 後齊 廢 開皇六年

一十五 地理中

志

第

八三六

復。有 關 官。 新 鄭 後魏廢,開皇十六年復,大業初併宛陵縣入焉。 有關官。 有大騩山。 滎陽舊置 一条陽郡 後齊

省卷、京二 縣 入,改日 成鼻郡。 開皇初郡廢。 有京索水 、梧桐澗。 開封 東魏 置 那,後齊

梁郡開皇十六年置宋州。 統縣十三,戶十五萬五千四百七十七。

宋城 舊日睢陽,置梁郡。 開皇初郡廢,十八年縣改名焉。 大業初又置郡。又梁置北新安郡,尊廢。雅丘後魏置陽

夏郡。 開皇初郡廢,十六年置杞州。 大業初州廢。 襄田 後齊廢,開皇十六年復。 寧陵 後齊廢, 開皇六年

虞城 後魏日蕭 後齊廢。 開皇十六年置,改名焉。 又後魏置沛郡,後齊廢。 穀熟後魏廢,開皇十六年復。 陳留

後魏廢,開皇六年復。 十六年析置新里縣,大業初廢入焉。 又有小黄縣,後齊廢入。 有睢水、渙水。 下邑後齊廢

巳吾縣 入焉。 考城後魏日考陽,置北梁郡。後齊郡縣並廢,爲城安縣。 開皇十八年以重名,改日考城。 楚丘

後魏曰巳氏,置北譙郡。 後齊郡縣並廢。 開皇四年又置已氏,六年改曰楚丘。碭山 後魏置,日安陽。開皇十八

年改名焉。 有碭山、魚山。 圉城 舊日圉,後齊廢。開皇六年復置,日圉城。有谷水。 柘城 舊日柘,久廢。 開皇

十六年置,日柘城。

後周置總管府,後改日亳州。 開皇元年府廢。統縣六,戶七萬四千八百一十七。

譙 舊日 小黃、置陳留郡。 開皇初郡廢,十六年分置梅城縣。 大業三年,改小黃爲譙縣,併梅城入焉。 酇 舊廢,開

皇十六年復。

舊有馬頭郡,後魏又置下邑縣,後齊並廢。

開皇六年復。 山桑 後魏置渦州、 渦陽縣,又置譙郡。 梁改渦州日西徐州。 東魏改曰譙州。 開皇初郡廢、十六年

城父

宋置,日浚儀。

開皇十八年改焉。

谷陽

後齊

改 渦陽為肥水。 大業初州廢,改縣日山桑。 又梁置北新安郡,東魏改置蒙郡。 後齊廢郡、置蒙縣、後又置郡。 開皇

初 郡 廢。 又梁置 陽夏郡、東魏 廢。 臨渙 後魏置 臨渙郡, 又別置 丹城縣。 東魏析置 白輝縣, 後齊 郡 廢。 開皇元年

丹城 省, 大業初白樿又省,並入焉。 有嵇 Щ 回龍 岡

濟陰郡 後魏 置西兗州,後周改曰曹州。 統縣 九,戶十四萬九百四十八。

濟 開皇十八年置首城縣,大業初廢 陰 後魏置沛郡,後齊廢。 又開皇六年分置黃縣,十八年改爲蒙澤,大業初廢入焉。 入焉。 濟陽 成武 後齊置永昌郡。 開皇初郡 廢,十六年置 外黄 後齊廢成安縣入。 戴州。 大業 初 州 廢 叉

寃句 乘氏 定陶 單父 後魏 日 離 狐, .置 北濟 陰郡。 後齊郡 縣 並 廢。 開皇 六 年更置,名單父。 金鄉 開 皇

十六年分置昌邑縣 大業 初併入。

城城 郡 東 魏置 北荆州 後周 改日 和州。 開皇初改爲伊州, 大業初改日汝州。 統縣八,戶十萬五千九百

襄

承休 舊日汝原、置汝北郡 ,後改日汝陰郡。 後周郡廢。 大業初改縣 日 承休,置襄城郡。 有黄水。 梁 舊置 汝 北 郡

後齊廢。 有濫泉。 姚城 舊 日龍 Щ 東魏置 順 陽郡 及南陽 那 南陽 縣 開 皇 初改 龍山 日汝南, 三年二郡並廢。十

八年改汝南 開 皇初郡 日 廢。有鈞臺。 輔城 南陽 日 有九山祠。 期城。 大業初改 汝源 輔 汝 城 南有後魏 日姚城, 廢期城入焉。 汝南郡 及符壘縣,並後齊廢。 有關官。 有大留山 魯後魏置荆州 陽翟 東魏置陽翟 尋 :廢,立

魯陽郡, 後置魯州 至開 皇初郡 廢, 大業初州廢。 有關官。 有和山、 大義山。 犫城 舊 日雉陽 開皇十八年改日

志 第 + 五 地 P 41 郡

八三八

湛水 大 業 初 改 名焉。 又有後周置武山郡,開皇初廢。 後魏置南陽縣、河山縣,大業初 並廢入焉 有 應山

潁 涧 郡 舊置潁州 東魏改日鄭州 後周 改日許州。 統縣十四,戶十九萬五千六百 四十。

舊置 潁 Щ 慶城郡 舊日長社 後周 一置額 置 汝州 川郡。 開皇初郡廢,大業初州廢。 後齊廢潁陰縣入,開皇初廢郡改縣焉。 有澱水。 汝墳 又東魏置黃臺縣,大業初 後齊置漢廣郡,葬廢。 廢入焉,置郡 有首山 葉 後齊置 襄城

襄州。 後周 廢襄州, 置南襄城郡。 開皇初郡廢。 又東魏置定南郡,後周廢爲定南縣,大業初省入。 北舞 舊置 定

陵郡 開皇初廢。 有百尺溝。 郾城 開皇初置,十六年置道州,大業初州廢。又後魏置潁川 郡,後齊改爲臨潁郡,開

皇初郡廢。又有邵陵縣,大業初廢。有澱水。 **灣强開皇十六年置,日陶城,大業初改焉。扶溝** 繁昌 臨潁 陽陵 尉氏後齊廢,開皇六年復。 東魏置許昌郡,後齊廢縣。 長葛開皇六年置。 開皇初郡廢,七年復 許 隔

十六年置洧州,大業初州廢。又開皇十六年置蔡陂縣,至是省入焉

汝南郡 後魏置豫州、東魏置行臺。 後周置總管府,後改日舒州,尋復日豫州,及改洛州為豫州,此為溱州,又改日蔡州。

統縣十一,戶十五萬二千七百八十五。

汝陽 舊日上蔡,置汝南郡。 開皇初郡廢。 大業初置郡,改縣日汝陽,幷廢保城縣入焉。 有偽郄陂。 城陽 舊廢,

梁置,又 有 義興縣。 後魏置 城陽郡,梁置楚州,東魏置西楚州 ,後齊日永州。 開皇九年, 廢入純州。 十八年改義興

爲純義。 陽郡。 後齊廢郡入保城縣。 大業 初州縣並廢入焉。 開皇十一年廢縣。 又梁置伍城郡, 十六年置縣, 後齊廢。 有十丈山、 月眞丘。 大木山。 大業初改日眞陽。 眞陽 舊置郢州。 又有白狗縣,梁置淮州。 東魏 廢州、置 義

後 齊 腏 州 以 置 齊 興郡 那尋 廢。 開皇初, 改 縣 日 淮 JI, 至是亦省入焉。 又有 後魏 安陽 縣, 後 廢。 有汶水。 新 息

改 阜 |後 復舊 初 魏 那 置 焉。 東 廢 豫 又梁置 叉梁 州 梁改日 置 滇州 一梁安郡 西豫 尋 廢。 開 州 阜 又梁置 文改 初 廢。 日 淮州。 叉有 北 光 長 城 郡 陵郡 東 魏 東魏 復日 後齊 廢, 東豫州 廢 爲縣。 叉 有 後周 北 大業 新息 改 日息州, 初又省 縣 後 齊 原焉。 大業 廢 初州 褒信 上 廢 蔡 宋改 後魏 又後 日 魏 置 包信。 一,日 置 汝 臨汝。 南 大業 郡 開 後 初

齊 魔。 開 皇 一中置, 日 武 津 大業初改名焉。 平 輿 舊 廢,大業初 改 新蔡置 焉。 有葛陂。 新 蔡 齊置 北 新葵郡 魏 日

新 蔡那 東 魏 置蔡州。「公」後齊 一廢州 置 廣 寧郡 開 皇 初 那 廢。 十六年置 舒州 及舒 縣 廣 寧縣 仁 靐 元 年 改 廣 寧 日

汝 初 安那 北 大業 廢 一,十 初 州 八 廢,改 年 縣 改 汝北 名焉。〔七〕又梁置 日 新蔡。 又後 陳州 齊 置 永康縣 後 魏 廢, ,後改名 又齊置 日 荆州 **漳水** 至是及 葬 廢。 後周 舒 縣 又置威州, 並 廢 入焉。 後又 朗 廢。 山 舊 吳 日 房 安昌 故 一,置 Ħ

逐寧, 後齊 省 綏 義縣 入焉。 大業 初改日吳房。 西平 後魏 置 襄 城 郡 後齊 改 郡 日 文城, 開 皇 初郡 廢 叉 有 故 武陽

縣 + 八 年 改 日 吳房 大業 初省。 又有 故 洧州 灊州 並 後齊置 開 皇 初皆廢

淮 陽 郡 開皇 干六 年 置 陳州 統 縣 十,戶十二萬七千 百百 四

宛 丘 後魏 日 項 置 陳 郡 開 皇 初 縣 改 名宛 丘,葬 廢 郡 後 析 置 臨蔡 縣 大業 初 置 淮 陽 郡 幷 臨蔡 縣 入焉 叉 後 魏

置南陽 那 東 魏 廢 西華 舊 日 長平, 開 皇十 八 年 改 日 鴻 溝 大業 初 改 焉。 有 舊 長 平 縣 後 齊 廢。 溵 水 開 皇 +

六 年置 一,又 有 後 魏 汝 陽 那 及 縣 後齊 郡 廢 大業 初 縣 廢。 扶 樂 開 皇 + 六 年 置 有 渦 水。 太 康 舊 日 陽夏 及 丹陽郡 幷 置 淮

陽郡。 芯 第 開 阜 初 + 郡 五 廢 七 地 年 更 理 名太康。 中 有 洼 水 鹿邑奮日武平,開皇十八年改 名焉。 項 城 東魏 置 揚州

八四〇

秣陵縣 城。 洲 大業初州廢。 大業初又改爲南頓 |梁 曰殷州,東魏又改曰北揚州,後齊改曰信州,後周改曰陳州。 又有項城郡、開皇初分立陳郡、三年並廢。 | 開皇六年置。 鮦陽後齊廢, 開皇十一 南頓 年復。 舊置南頓郡。 又東魏置財州,後齊廢,以置包信縣 開皇初改秣陵爲項縣。 後齊廢郡及平鄉縣 十六年分置沈 改日和

開皇初廢。

汝陰郡舊置潁州。 統縣五,戶六萬五千九百二十六。

汝陰舊置汝陰郡,開皇初郡廢。 大業初復置。預陽梁日陳留,并置陳留郡及陳州。 東魏廢州。 開皇初廢郡,十

那,後齊廢郡。 大業初縣改名焉。 **清丘梁曰許昌,及置潁川郡。** 下禁 梁置汴郡,後齊郡廢。大業初縣改名焉。又梁置淮陽郡,後齊改曰潁川 潁上 梁置下蔡

開皇初廢郡,十八年縣改名焉。

郡。 開皇初郡廢。

八年縣改名焉。

有鄭縣,後齊廢。

上洛郡 舊置洛州,後周改爲商州。 統縣五,戶一萬五百一十六。

洛舊置上洛郡,開皇初郡廢,大業初復置。有秦嶺山、熊耳山、洛水、丹水。 商洛有關官。 洛南舊日拒陽,置

拒陽郡。 開皇初郡廢、縣改名焉。有玄扈山、陽虛山。〔〇〕豐陽後周置,開皇初併南陽縣入。 有淘水、甲水。〔五〕上

津 舊置北上洛郡,梁改爲南洛州,西魏又改爲上州,後周併漫川、開化二縣入,大業初廢州。 有天柱山、詔及山、女

思山

弘農郡大業三年置。 統縣四,戶二萬七千四百六十六。

弘農舊置西恒農郡,後周廢。 大業初置弘農郡。 又有石城郡、玉城縣、[10]四魏並廢。 有石隄山。 盧氏 後魏置

漢安郡 ,西魏置義川郡。[二] 開皇初郡 廢,州改為號州。 大業初州廢。 有關官。 有石扇山。 長泉 後魏 日南陝、西

魏改焉。 有松楊山、 檀山。 朱陽 舊置朱陽郡,後周 那廢。 有 邑陽縣, 開皇末改爲邑川, 大業初併 入。 有肺山 ' ; 有

湖水。

淅陽郡西魏置淅州。統縣七,戶三萬七千二百五十。

南 鄕 舊置南鄉郡,後周併龍泉、 湖里、白亭三縣入。 叉有 左南鄉縣 ,幷置左鄉郡。 西魏 改郡為秀山 ,改縣爲安山。

後周 秀山 那廢。 開皇 初南鄉郡 廢。 大業初置淅陽郡 ,併安山縣入焉。 有石墨山。 内鄉 舊 日 西浙 陽 郡 西魏 改為

|内||郷。 後周 廢、二三併淅川、 石人二 縣入焉。 有 淅水。 丹水 舊置丹川 那。 後周 郡 廢,併茅城、倉陵、 許昌

三縣

入。

有 胡保山 武 當 舊置武 當郡。 又僑置始平郡, 後改 爲齊與郡。 梁置興 州 後周 改為豐州 開 皇 初 郡 並 一廢,改

爲均州。 大業 初 州 廢。 有 石階山 武當山。 均陽梁置。 安福 梁置, 囯 廣福 併 爲 郡。 開皇 初郡 廢,仁壽 初 改焉

鄖鄉有防山。

南陽 郡舊置荆州 開 皇 初, 改爲鄧州。 統縣八,戶七萬七千五百二十。

穰 郡。 有白水 新野舊日 棘陽 ,置新野郡。 又有漢廣郡,西魏改爲黃岡 郡 又有 南棘陽 縣,改爲百寧 ·縣。 後周

並) 廢, 併南棘 縣入焉 開皇初更名新野。 南陽 舊日 Ŀ 陌, 置 南陽郡。 後周 併宛縣 入, 更 名上宛。[]三 開皇

初郡廢,又改 爲 南陽。 課陽 二門舊 日涅陽,開皇初改焉。 有課水、 湿水。 順陽 舊置順陽郡 西魏 析置鄭縣, 尋

志第二十五 地理中

改 爲 清鄉 後 周 叉併 順陽入 清鄉。 開皇 初 又改爲順陽。 冠軍 菊潭 舊日 ||酈、開 皇 初 改焉。 有 東 弘 農郡、西魏

改 爲 武關 ,至是廢 入。 有 梅溪、 湍 水。 新 城 西魏 改 爲 臨湍 開 皇 初 復名焉。 有 朝

清陽 郡 西魏置蒙州。 仁壽 中,改日 [清州。 統縣三,戶一萬七千 九百

武 JII 帶那 有 |雉 衡 Щ 有淯水、潏水、澧水。 向城 西魏置、又立雉 陽 郡 開皇 初郡廢。 方城 西魏置, 及置 襄邑

郡 開 皇 初 廢。 東魏又置建 城 郡 及建城縣,後齊郡 縣 並 |廢。又有 業縣 開皇 |末改爲灃水,大業併入。[|三]有 西 唐

淮 安郡 後魏 2置東荆 州 西魏 改為淮州 開皇 五 年又改爲顯州。 統 縣七,戶四萬六千八百 四十。

比 帶 郡 後魏 日 陽平, 開皇七年改爲饒良, 大業初又改焉。 又有後魏城陽縣, 置 殷州、 城陽郡。 開皇 一初郡並

縣,置 西野 州。 西魏 改爲鴻州 後周 廢爲眞 昌郡。 開 皇 初 郡廢, 大業 初 縣 廢。 平氏 舊置 漢 廣郡、 開 皇 初 郡 廢。 有

廢,二 心其縣尋省。

又有昭

越

縣,大業初改爲同

光

尋

廢。

又有東南陽郡

西魏

改為

南

郭那

後周

廢。

叉有

比陽

故

淮 水。 眞昌 舊 日北平, 開皇 九年改焉。 顯 岡 舊 置 舞陰郡, 開 皇初郡廢。 臨 舞 東 魏 置 及置 期 城 郡。 開 皇 初 郡

廢。 叉 有 東 舞 (陽縣,開· 皇十八年改爲昆水, 大業 初廢。 慈丘 後魏 日 江夏,幷置 江 夏郡。 開皇 初郡 廢,更置 慈丘 於

其北 境。 後魏 有 鄭州 潘 州 溱州 及 襄城、 周 康 那, 上蔡、 靑 山 震山 三縣, 並 開 皇 初 廢。 有 比 水。 桐 柏 梁 置。 日

淮 安 幷 立 華 州 叉 立 上川 郡 西 魏 改 州 爲 淮 州 後 改 爲 純州 尋 廢。 開皇 初 郡 廢, 更 名 縣 日 桐 柏 叉 梁置 西 義 陽

郡 西西 魏 置 |淮 陽 郡 及 輔 州 後周 州 郡 並廢, 叉置 淮南 縣。 開皇末改爲 油氷, 大業初廢。 叉有 大義郡 後 周 置 開 皇

初廢。有桐柏山。

財 野 鄉,搢紳所出,自三方鼎立, 故周公作洛 自巴來者,風俗猶同巴郡。 自漢高發巴、蜀之人,定三秦,遷巴之渠率七姓,居於商、洛之地,由是風俗不改其壤。 次,自己亦豫州之域。 重於禮文,其風皆變於古。 」,此亦自古然矣。 屬豫州 豫州 於禹貢爲荆州之地。 ,此焉攸在。 自柳九度至張十六度,爲鶉火,於辰在午,周之分野,屬三河,則河南。 滎陽古之鄭地,梁郡梁孝故都,邪僻傲蕩,舊傳其俗。 豫之言舒也,言禀平和之氣,性理安舒也。 其俗尚商賈,機巧成俗。 淅陽、清陽,亦頗同其俗云。 識郡、濟陰、裏城、潁川、汝南、淮陽、汝陰,其風 地處邊疆,戎馬所萃, 其在天官, 自氐五度至尾九度, 為大火, 於辰在卯, 故漢志云「周人之失,巧偽趨利,賤義貴 失其舊俗。 上洛、弘農, 洛陽得土之中,賦貢所均, 頗同。 今則 本與三輔 好尚稼穑, 南陽古帝 宋之分 准之星 同俗。 其人

東郡開皇九年置杞州,十六年改爲滑州,大業二年爲兗州。 統縣九、戶十二萬一千九百五

西濮陽 馬 入焉。 舊置東郡 又有後魏平昌、長樂二縣,後齊並廢。 ,後齊併涼城縣入焉。[14]大業初復置郡。 濮陽 靈昌開皇十六年置。 開皇十六年分置昆吾縣,大業初入焉。 衛南開皇十六年置,大業初廢 封丘 後齊廢,

開皇十六年復。 作城 舊日東燕,開皇十八年改焉。 韋城開皇六年置,十

六年分置長垣縣,大業初省入焉。離狐

志第二十五 地理中

東平郡 後周 置魯州 葬 廢。 開皇十年置鄆州。 統縣六,戶八萬六千九十。

日 城 鄆 須昌,開皇十六年改焉。 城 舊置 後周置,日淸澤,又置高平郡。 機陽郡,開皇初郡廢,十六年置濮州,大業初州廢。 舊置東平郡,後齊並廢。[1七]雷澤 開皇初郡廢、改縣日萬安。 有關官。 舊日城陽,後齊廢。 十八年改日 須昌 | 鄆城。 開皇十六年置。 開皇十六年置,日 大業初置郡 有梁山。 ,併廩丘 雷澤,又分置 宿 入焉。 城 後齊 鄄

濟北郡舊置濟州。統縣九,戶十萬五千六百六十。

臨濮縣。

大業初併入焉。

有歷山、雷澤。

鉅野

舊廢,開皇十六年復,又置乘丘縣,大業初廢入焉

焉。 置濟北郡,後齊廢。 廢,開皇十六年置。 盧 舊置郡,開皇初廢。 長淸開皇十四年置。 陽穀 後周置肥城郡、尋廢、又復。 六年分置濟北縣,大業初省入焉,尋置郡。 開皇十六年置。 又有東太原郡、後齊廢。 東阿、有浮山、艦山、 開皇初又廢。 濟北開皇十四年置,日時平,大業初改焉。 狼水。 有關官。 平陰 有成迴倉。 開皇十四年置,日楡山, 有魚山、遊仙山。 壽張 大業 肥城朱 范後齊 初改

武陽郡後周置魏州。統縣十四,戶二十一萬三千三十五。

舊有魏 析置漳陰縣,大業初省入焉。 貴 後齊廢。 鄉 東魏置。 城 開 縣,後齊廢。 皇六年復,又置馬陵縣,大業初廢入焉。 又有平邑縣,後齊廢,開皇十六年又置。 開皇 初 廢郡。 莘 舊日陽平,後齊改日樂平。 六年置縣,日繁水。 有沙麓山。 大業初 大業初置武陽郡,并省平邑縣入焉。[10]有愜山。 開皇六年復日陽平,八年改日清邑,十六年置莘州。大 繁水舊日昌樂,置昌樂郡。 廢昌樂縣 入焉。 魏 後齊廢,開 東魏郡 皇六年復。 廢,後周 十六年 元城 又置。

業初州廢,改縣名華,又廢華亭縣入焉。 後周置武陽郡焉、開皇初廢。 頓丘後齊省,開皇六年置。 又有舊陰安縣,

後齊廢。 觀城 舊日衞國, 開皇六年改。 臨黃 後魏置,後齊省, 開皇六年復,十六年分置河上縣,大業初省入焉

武陽後齊省,後周置。 武水開皇十六年置。 館陶 舊置毛州,大業初州廢。又有舊陽平郡,開皇初廢。 堂邑

開皇六年置。 冠氏開皇六年置。 聊城 舊置南冀州及平原郡,未幾,州廢。 開皇初郡廢。 十六年置博州,大業初

州廢。

渤海郡開皇六年置棣州,大業二年爲滄州。 統縣十,戶十二萬二千九百九。

陽 信帶郡。 樂陵舊置樂陵郡,開皇初郡廢。 十六年分置鬲津縣,大業初廢入焉。 商河開皇十六年置。又有後

魏濕沃縣,後齊廢。 有關官。 厭大後齊廢,開皇十六年復。 蒲臺開皇十六年置。 饒安舊置滄州、浮陽郡、開皇

初郡廢,大業初州廢。 無棣開皇六年置。 鹽山 舊日高成。 開皇十六年又置浮水縣。 十八年改高成日鹽山。

大

業初省浮水入焉。 有鹽山、峽山。 南皮 清池 [三] 舊日浮陽,開皇十八年改。

平原郡開皇九年置德州。 統縣九,戶十三萬五千八百二十二。

安樂 舊置平原郡,開皇初郡廢, 大業初復。 又開皇十六年置釋幕縣,至是廢入焉。 又有後魏鬲縣、後齊廢。 有關

官。 平原 後齊併鄃縣 入焉。 有關官。 又後魏置東青州,置未久而 廢。 將陵 開皇十六年置。 平昌 後魏 置 東安

郡,後齊廢,幷以 重平縣入焉。 般 後齊省, 開皇十六年復。 長河 舊 日 廣川。 後齊省,開皇六年復置,仁壽 初 改名

焉。 弓高 舊廢,開皇十六年置。 東光 舊置渤海郡 ,開皇初郡廢。 九年置觀州 大業初州廢,又併安陵入焉。 有

芯 第 -|-Τi 地 則 E I

天胎山。胡蘇舊廢,開皇十六年置。

周孔遺風。 之分野。 東平、濟北、武陽、平原等郡,得其地焉。 克州於禹貢爲濟、河之地。 其於天官,自軫十二度至氐四度,爲壽星,於辰在辰,<<<>>三」鄭 兗州蓋 今此數郡,其人尙多好儒學,性質直懷義,有古之風烈矣。 取沇水爲名,亦曰兗,兗之爲言端也,言陽精端端, 兼得鄒、魯、齊、衞之交。 舊傳太公唐叔之教,亦有 故其氣纖殺 也。東郡、

信都郡舊置冀州。統縣十二,戶十六萬八千七百一十八。

廢索蘆、廣川二縣入焉。 武邑 舊縣,後齊廢。 業初廢信都及澤城入焉,置信都郡。堂陽舊縣,後齊廢,開皇十六年復。 日鄭、气三一後齊改日安國。 初廢入焉。 舊曰信都,帶長樂郡,後齊廢扶柳縣入焉。開皇初郡廢,分信都置長樂縣。 武强舊置武邑郡,後齊郡廢,又廢武遂縣入焉。南宮舊縣,後齊廢,開皇六年復。 開皇六年改爲安定,十八年改。開皇十六年又置晏城,大業初廢入。下博 開皇六年置,幷得後齊觀津縣地。 衡水開皇十六年置。 十六年又分長樂置澤城縣。 十六年分武强置昌亭縣, 斌强 **秦强舊縣,後齊** 鹿城 | 蓨 舊日 大業 大 舊

脩,開皇五年改。十六年分置觀津縣,大業初廢。阜城

清河郡後周置貝州。 統縣十四,戶三十萬六千五百四十四。

清河 舊日武城,置淸河郡。開皇初郡廢,改名焉,仍別置武城縣。十六年置夏津縣,大業初廢入,置淸河郡。淸

陽 武 城 舊日 舊 日 清 河 東 縣 武 城。 後齊省貝丘 開 皇 初改 一入焉, 武城 爲 改 淸 爲貝 河 縣,於 压 開皇六年改 此 置 武 城。 歷亭開 爲 淸陽。 皇 叉 + 有後 六年 魏 分武 候 城 城 縣 置 焉。 後齊 漳南 省以入 開 武 皇 城, 六年 亦 入焉 置, 日

東陽 年改 為漳 南 有 後魏 故索盧城,後齊以 入 棗强 ,至是入。 鄃 舊 廢, |開 皇十六年置 臨 淸 後齊 廢 開 皇

六年 叉十六年 置 沙 Ē. 縣,大業初 廢入焉。 清泉後齊廢千童 縣 入。三三 開 皇 十 六年置 貝 丘 縣 大業 二年 廢入。

清平開 年 分置 府 皇六年置,日 城 縣 大業初省入焉。 貝丘,十六年改日清平。 宗城舊 日廣宗,仁壽 高唐 後魏 元年改。博平開皇六年置靈縣,大業初省入。古 置 南 淸 河 郡 、後齊郡廢。經 城後齊 廢 開 皇六年置,十 平後齊

開皇初復。

魏 郡 後魏 置 相州 東魏 改 日司州牧。 後周 又改日相州, 置六府。 宣政初府移洛, 以置總管府, 未幾,府廢。 統縣十

一,戶十二萬二百二十七。

安陽 周大象初,置相州 及魏郡, 因改名鄴。 開皇初郡廢,十年復, 名安陽,分置 相縣,鄴還復舊。 大業初廢相入

焉,置 魏郡。 有 韓陵 山山 鄴 東魏 都。 後周平齊 ,置相州。 大象 初 縣 隨州徙安陽 此 改 爲 靈芝縣。開 皇十年又改焉

臨漳 東魏 置。 成 安 後齊置。 靈泉 後周 置。 有 龍 |Щ 堯城 開 皇十年 置,名長樂。 十八年改焉。 洹 水 後 周 置

滏 陽 後周 置 開 皇 + 年置 慈州 大業 初州 廢。 臨 水 有 慈石山、 鼓山 滏山 林慮 後魏 置 林 慮郡 後 齊 郡 廢,後

叉置。 開 阜 初 郡 廢, ·叉 分置 淇陽 縣 十六年置巖州 大業 初州廢, 又廢淇陽 入焉。 有 林 慮 谼 |仙 人 臺 洹 水。 臨

其東魏置, 尋廢, 開皇十六年復。 有洪水。

志第二十五 地理中

汲郡 東魏置義州,後周爲衞州。統縣八,戶十一萬一千七百二十一 Đ

衞 廢淸淇入焉。 舊日朝歌、置汲郡。 有朝陽山、同山。 後周又分置修武郡。 有紂朝歌城、 開皇初郡並廢,十六年又置淸淇縣。 比干墓。 汲 東魏僑置七郡十八縣。 後齊省,以置伍城郡,後周廢爲 大業初置汲郡、改朝歌縣日衛,

伍城縣,開皇六年改焉。 隋興開皇六年置。 後析置陽源縣,大業初併入焉。 有倉巖山。 黎陽後魏置黎陽郡, 後

置黎州。 開皇初 州郡並廢。 十六年又置黎州,大業初罷。有倉。 有關官。 有大伾山、 枉人山。 内黄 舊廢, 開 皇

六年置。 十六年分置繁陽縣,大業初廢入。 湯陰舊廢,開皇六年又置。 有博望岡。 臨河開皇六年置。 澶水開

皇十六年置

河內 郡舊置懷州。 統縣十,戶十三萬三千六百六。

河內 域。 廢,十八年縣改爲邢丘。 水、三三古原城。 溫舊廢,開皇十六年置。 舊日野王,置河內郡。 河陽 舊廢, 大業初改名安昌,又廢懷縣入焉。 開皇初郡廢,十六年縣改焉。 古溫城。 開皇十六年置。 濟源開皇十六年置。 有盟津。 有古河陽城治。 有帜縣,大業初廢入,尋置郡。 舊有平高縣, 舊有沁水縣,後齊廢入。 安昌 舊日州縣,置武德郡。 有孔山、母山。 有大行。 有丹水。 有濟水、潫 開皇初郡 有締

廢。 又置懷州。 十六年置殷州,大業初州廢。 及平齊,廢州置王屋郡。 新鄉開皇初年置。 開皇初郡廢。 有王屋山、 有關官。 齊子嶺。 舊有獲嘉縣,後齊廢。 有軹關。 獲嘉 修武 後周置修武郡,開皇初郡 後魏置修武,後齊併

後齊廢。

王屋

舊日長平,後周改焉,後

入焉。開皇十六年析置武陟,大業初併入焉。又有東魏廣寧郡,後周廢。 共城舊日共、後齊廢。 開皇六年復置,

日共城。有共山、白鹿山。

長平郡舊日建州。 開 皇初改爲澤州。 統縣六,戶五萬四千九百一十三。

太行山。 丹 ĴΪ 舊 目 沁 高 水 都 舊置 後齊置長平、高都二郡、後周併爲高平郡。 廣寧郡。 後齊郡 廢,縣改為永寧。 開皇十八年改焉。 開皇初郡廢,十八年改爲丹川。 有輔山。 端氏 後魏置安平郡 大業初置長平郡。 開 皇 有 初

郡廢。 有 巨峻山、 秦川水。 **濩**澤 有噍嶢山 高平 舊日平高,齊末改焉,又併汝氏縣入焉。 有關 官 陵

川開皇十六年置。

上黨郡後周置潞州。統縣十,戶十二萬五千五十七。

上黨舊置上黨郡,開皇初郡廢。 有壺關縣。 大業初復置郡,廢壺關 入焉。 有羊頭山、抱犢山。 長子 後齊 廢。 開

皇九年置,日寄氏縣。 十八年改為長子。 舊 有屯留、 樂陽二縣,後齊 廢。 有 濁漳水、 堯水。 潞城 開皇十六年

有黄阜山。 屯留 後齊廢,開皇十六年復。 襄垣 舊置襄垣郡,後齊郡 廢。 後周 置韓州,大業初州 廢。 有鹿 臺山

黎城 後魏以路縣被誅遺人置、「云」十八年改名黎城。 有積布山、松門嶺。 涉 後魏廢,開皇十八年復。 有崇山

鄕 石勒置 武 鄉郡, 後魏去「武」字。 開皇初郡廢,十六年分置楡社縣,大業初廢。 又有後魏 南垣州 ,尋改豐州,後

周廢。 銅鞮 有舊涅縣,後魏改爲陽城。 開皇十八年改爲甲水,大業初省入。 有銅鞮水。 沁源 後魏置縣及義寧

郡 ,開皇初廢。[三十]十六年置沁州。又義寧縣十八年改爲和川。 大業初州廢,又廢和川縣入。

統縣十,戶十五萬七千七十八。

志第二十五 地理中

河東郡

後魏

日秦州,後周改曰蒲州。

八五〇

州、大業 龍門郡。 河東 那 有媽、汭水。 廢。 舊 有關官。 初州 開 百 浦 皇 廢。 桑泉 初郡廢。 坂縣、置河東郡。 有砥柱山。 有 開皇十六年置。 鹽 池、銀冶。 芮城 有傅巖。 舊置 開皇初郡廢、十六年析置河東縣。 夏舊置安邑郡,開皇 日日 有三疑山。 猗氏 安戎。 西魏 後周改焉,又置永樂郡,後省入焉。 汾陰 改日桑泉,後周復焉。 初郡廢。 舊置汾陰郡,開皇 有巫咸山、稷山、虞坂。 大業初置河東郡,併蒲坂 虞鄉後魏日安定、西魏改日南解 初郡 廢。 有關官。 有龍門 河北舊置河北郡、開 Щ 安邑開皇十六年置 **元**。 龍門 有酒 後魏 官 有首山 置 ,又改 ,并置 皇 初 虞

綏化,又曰虞鄉。有石錐山、百梯山、百徑山。

絳郡後魏置東雍州,後周 改日絳州。 統縣八,戶七萬一千八百七十六。

縣 郡、開皇初廢。 州,建德五年廢。 南絳郡入焉。開皇初郡廢,十八年改爲翼城。 絳縣入小鄉縣。 後周 舊日臨汾,置正平郡。 置邵州,改白水爲亳城。 又有後周勳州,置總管,後改曰絳州,開皇初移。 開皇十八年改日汾東,大業初省入焉。 曲沃 後周置,建德六年廢。 開皇初郡廢,十八年縣改名焉。 開皇初郡廢。 有鳥嶺山、東涇山。 有絳山、橋山。 大業初州廢, 翼城後魏置,日北絳縣,并置北絳郡。 大業初置絳郡。 縣改爲垣縣,又省後魏所置淸廉縣及後周所置蒲 稷山 聞喜有景山。 有澮水。 後魏白高凉,開皇十八年改焉。 **絳 舊置絲郡,開皇初郡廢。** 又有後魏南絳郡,後周廢郡,又併南 有董澤陂。 垣後魏置邵郡 後齊廢新安縣,并 有後魏 後周置 及白水 龍門 原 晉

文城郡 東魏置南汾州 ,後周改爲汾州,後齊爲西汾州。 後周平齊、置總管府。 開皇四年府廢,十六年改爲耿州,後復爲

縣

入焉。

有黑山。

太平後魏置,後齊省臨汾縣入焉。

有關官。

汾州。 統縣四,戶二萬二千三百。

有石門山。 後魏日定陽縣,并置定陽郡。 伍城 後魏置,日刑軍縣,後改爲伍城,後又置伍城郡。 開皇初郡廢,十八年縣改名焉。 開皇初郡 大業初,置文城郡。 廢,又廢後魏平昌縣入焉。 有風山。 文城 大業 後魏置。 初 叉

有壺口山

廢大寧縣入焉。 昌寧後魏置,幷內陽郡。 開皇初郡廢。 崿 山

臨汾郡後魏置唐州,改曰晉州。 後周置總管府、開皇初府廢。 統縣七,戶七萬一千八百七十四。

臨汾 後魏日平陽,幷置平陽郡。 開皇初改郡爲平河,改縣爲臨汾,尋郡廢。又有東魏西河、敷城、伍城、北伍城、

定陽等五郡,後周廢爲西河、定陽二郡。 開皇初郡並廢。 又有後魏永安縣,開皇初改爲四河,大業初省。 又有舊襄

城縣,後齊省。 有姑射山。 襄陵 後魏太武禽赫連昌, 乃分置禽昌縣。 齊併襄陵入禽昌縣。 大業初又改爲襄陵。

冀氏後魏置冀氏郡,領冀氏、合陽二縣。 後齊郡廢,又廢合陽入焉。 楊 霍吕後魏日永安,并置永安郡。 開皇

初郡廢。十六年置汾州,十八年改爲呂州,縣曰霍邑。大業初州廢。有霍山。 有彘水。 汾西後魏日臨汾,幷置汾

西郡。 開皇初郡廢,十八年縣改爲汾西。又有後周新城縣,開皇十年省入。岳陽 後魏置,日安澤。 大業初改焉。

龍泉郡 後周置汾州。 開皇四年置西汾州總管, 五年改爲隰州總管。大業初府廢。 統縣五,戶二萬五千八百

濕川 河郡。開 後周置縣,初日長壽,又置龍泉郡。 皇初郡廢,十 八年縣改名焉。 有關官。 開皇初郡廢,縣改曰隰川。大業初置郡。 樓山 後周置,日歸化。 開皇十八年改名焉。 永和 後周置,日臨河縣及臨 有北石樓山 有孔

志 第 + 五 地 理 中

八五二

|Щ 石 樓 舊 置 吐京郡及吐京縣、開皇初郡廢、十八年縣改名。 浦 後周置,有伍城郡及石城郡 及石城縣, 周 木並

廢。 叉 有 後 魏平昌縣 開 皇 一中改日 浦川 大業初 廢入焉

西河 郡 後魏置汾州 ,後齊置南朔州 後周改日 介州。 統縣六,戶六萬七千三百五十一

潔 城 舊置 西河 郡 開皇 初郡 廢,大業初復。 有隱泉山。 介休 後魏置定陽郡、平昌縣。 後 周 改郡 日 介休, 以介休

縣 入焉 開 皇 初 郡 一一一一一一一一 八年縣改日介休。 永安 有雀鼠谷。 平遙 開皇十六 年析置 清世 縣, 大業初廢入焉。 叉

後魏 置 蔚州 後周 廢。 有 鹿臺山。 靈 石開 皇十年置。 有介山 有靖巖 Щ 綿 上 開 皇十六年置。 有 沁水。

離 石 郡 後齊置 西汾州 後周 改 爲石州。 統縣五 ,戶二萬四千八十

離 石 後 齊 日 昌化 縣置 懷政郡。 後周 改日 離 石郡 及縣,又置寧 鄉 縣 開 皇 初 郡 廢。 大業初置郡,併寧鄉 入焉。 修

化 後周 置 一,日 窟胡 幷置 窟 胡郡。 開 皇 初 郡 廢 後 縣改 爲 修化。 叉 後周置 盧山 縣 大業初併入焉 有 伏 盧 Щ 定

胡 後周 置 ,及置定胡郡 開 皇 初 郡 廢。 有 關 官 平夷後周 置 太 和 後周 置 日 烏突, 及置 烏突郡 開 皇 初 那

廢 縣 葬 改 焉。 有 湫水

雁 闁 郡 後 周 置 肆 144 開皇 五. 年 改爲代州 ,置總管府。 大業 初府廢。 統 縣五 戶 四 萬二千 五. 百二。

雁 門 舊 日 廣武 置 雁 F 郡 開 皇初 郡 廢, 十八 年 改 Ħ 雁 門 大業 初置 雁 門 郡 有 關官。 有 :長城。 有纍 頭 |Щ 有

夏屋 中。 Щ 繁 畤 後魏 置 弁 置 廢。 繁 畤 郡 後周 城、 郡 **沱水、泒水、唐山。** 縣 並 廢。 開 皇 + 八 年 後魏置 復置 縣。 有 石城 東 魏 武 州 及 吐京 鄭州 齊 新 安 廣安、 三郡 寄

在

城

後齊

改

爲

北

靈州

尋

有

長

滹

嵉

日

縣。

東魏置

有

水

定、 建安三 那, 寄山 城。 後齊廢郡, 改爲北顯州。 後周 廢。 開皇十年改縣日平寇。 大業初改為崞縣。 又有雲中

城, 東魏 僑置恒 州,尋 廢。 有無京山、 崞 Щ 有土城。 五臺 舊日慮處, 久廢。 後魏 置, 日 驢夷。 大業 初 改 焉。 有 初

五臺山 靈 丘 後 魏置靈 丘郡,後齊省莎泉縣 入焉。 後周置 蔚州, 又立大昌縣。 開 皇初 郡廢, 縣 併入焉。 大業

州

馬邑郡舊置朔州。 開皇初置總管府,大業初府廢。 統縣四,戶四千六百七十四。

善陽後齊置縣日 招遠,郡曰廣安。 開皇初郡廢。 大業初縣改日善陽,置代郡,尋日 馬邑。 又有後魏桑乾郡,後齊

以置朔州及廣寧郡。 後周郡廢,大業初州廢。 神武 後魏置神武郡,後齊改曰太平,後周罷郡。 有桑乾水。

後魏立平齊郡,尋廢。後齊改日太平縣,後周改日雲中,開皇初改日雲內。有後魏都,置司州,又有後齊安遠、 臨塞

威遠、臨陽等郡屬北恒州,後周並廢。 有純眞山、白登山、 武周山。 有濕水。 開陽 舊日長寧,後齊置齊德、長寧二

郡。 後周廢齊德郡。 開皇初郡廢,十九年縣改日開陽。

定襄 和開皇五年置雲州總管府,大業元年府廢。 統縣一 ,戶三百七十四。

大 利 大業初置,帶郡。 有長城。 有陰山。 有紫河。

樓煩 郡大業四年置。 統縣三,戶二萬四千四百二十七。

靜樂 舊日岢嵐。 開皇十八年改爲汾源,大業四年改焉。 有長城。 有汾陽宮。 有關官。 有管涔山、「二〇天池、汾

水。 臨泉 後齊置, 日 蔚汾。 大業四年改焉。 秀容 舊置肆州、二九 後齊又置平寇縣。 後周 州徙雁門。 開皇初置

志 第 _ + $\mathcal{I}_{\mathbf{i}}$ 地 理 中

新興郡、 銅 川 縣 郡 "尋廢。 十年廢平寇縣。 十八年置忻州, 大業初州廢,又廢銅川。[10]有程侯山、 繋舟 Щ 有

嵐水。

太原郡 後齊幷州 ,置省,立別宮。 後周置幷州六府, 後置總管, 廢六府。 開皇二年置河北道行臺,九年改爲總管府,大

 業初府廢。 統縣十五,戶十七萬五千三。

陽舊日 入焉。 廢郡。 晉陽 壽陽。 |Щ 九京山。 年改焉。 太原舊日 有其轑水。 十六年分置遼州及東山縣,大業初廢州及東山縣。 有鷰巖。 後齊置,日龍山,帶太原郡。 陽曲。 遼山 有文水、泌水。〔三〕形〔三〕後齊廢、開皇中復。 開皇六年改爲陽直,十六年又改名焉,復分置盂縣,大業初廢。 晉陽,帶郡。開皇十年分置陽眞縣,大業初省入焉。 **榆次**後齊日中都,開皇中改焉。 後魏曰遼陽,後齊省。 平城開皇十六年置。有除水。〔三〕石艾有蒙山。 開皇初郡廢,十年改縣日晉陽,十六年又置淸源縣,大業初省入焉。 開皇十年置,改名焉。十六年屬遼州,幷置交漳縣。 太谷舊日陽邑,開皇十八年改焉。 壽陽開皇十年改州南受陽縣爲文水;分州東故壽陽,置 有鼻洛山。 有晉陽宮。 有淸漳水。 盂開皇十六年置, 日原仇, 大業初改焉。 有摩笄山。 有晉水。 和順舊日梁檢,開皇十年改。有 樂平舊置樂平郡,開皇初 交城開皇十六年置。 文水舊曰受陽,開皇十 大業初廢州 有龍山、蒙 弁 罷交漳 汾 有

白鹿山。

襄 國郡開皇十六年置邢州。 統縣七,戶十萬五千八百七十三。

龍岡舊日襄國,開皇九年改名焉。十六年又置青山縣,大業初省入焉。有黑山。 有遞水。 南和舊置北廣平郡,

後齊省入廣平郡,後周分置南和郡。 開皇初郡廢,十六年置任縣,大業初廢入。 平鄉 沙河 開皇十六年置。 有

罄 山 鉅 鹿 後齊 廢 開 皇六年置南 樂縣,後廢入焉。[]]內丘 有干言山。(量)相仁有 鵲 Щ

武安郡後周置洛州。統縣八,戶十一萬八千五百九十五

國縣, 永 有 水 改 廣平爲永年。 榆溪,有閼與山,有寖水。 年 舊日斥漳,後齊省入平恩。 ·舊日 置 襄 廣平,置廣平郡,後齊廢北 國 那。 大業初置 後周 改爲易陽 武安郡,又併雞澤 邯鄲東魏廢。 開皇六年分置 縣, 別置 廣平郡及曲梁、廣平二縣入。 展國 縣 開皇十六年復置陟鄉,大業初省 曲周 縣 え。 開皇六年改易陽 肥鄉 大業初 東魏省、 廢 入焉。 開 開皇初郡廢,復置廣平,後改日 爲邯鄲, 武安 皇十 年復。 開皇十年分置 十年改邯鄲爲 入焉。 清漳開皇十六年置。 臨洺 臨洛。 陽邑縣,大業 舊日 易陽。 | 雞澤。 開皇 初郡 後齊 平恩 初 仁壽 廢入焉。 廢。 廢 元 入襄 洺 有 年

紫山、狗山、塔山。

趙郡開皇十六年置欒州、大業三年改為趙州。 統縣十一,戶十四萬八千一百五十六。

平棘 縣,亦廢入焉。 郡,改州爲趙州。 遙,開皇六年改爲「陶」。 孔子嶺,有白溝。 舊置趙郡,開皇初省。 栢 元氏 開皇十六年分置欒州, 鄉 開皇十六年置。 欒城 舊縣,後齊廢, 有宋子縣,後齊廢。 舊縣, 後齊廢,開皇十六年復。 有喧勝山。 開皇六年置。 仁壽元年改爲象城。 大業初置 房子舊縣,後齊省,開皇六年復。 十六年分置靈山縣,大業初廢入焉。 趙郡,廢宋子縣入焉。 大業初州廢, 大陸 舊曰 1廣阿, 縣改為大陸。 置 高邑 殷州 有贊皇山。 及南 贊皇開皇十六年置。 又開皇十六年所置大陸 有靈山。 鉅鹿 郡 有彭水。 廮陶 後 改 為南趙 稟城 舊 日 廮 有

志

八五六

開皇十六年置栢鄉縣,亦廢入焉。 後齊廢下曲 陽入焉,改爲高城縣,〔三八〕置鉅鹿郡。 鼓城 舊曰曲陽,後齊廢。 開皇初郡廢。 開皇十六年分置昔陽縣,〔三〕十八年改爲鼓城。十六 十年置廉州,十八年改爲薬城縣,大業初州 廢。 叉

年又置廉平縣,大業初併入。

恒山郡後周置恒州。統縣八,戶十七萬七千五百七十一。

真,定舊置常山郡,開皇初郡廢。十六年分置常山縣。 大業初置恒山郡,省常山入焉。 滋陽開皇六年置。十六年

又置王亭縣,大業初省入焉。 有大茂山、歲山。行唐 石邑 舊縣,後齊改曰井脛,開皇六年改焉。 十六年析置鹿

泉縣,大業初併入。有封龍山、拖犢山。 九門後齊廢,開皇六年復。 大業初,又併新市縣入焉。有許春壘。 井陘

後齊廢石邑,以置井陘。 開皇六年復石邑縣,分置井陘。十六年於井陘置井州,及置葦澤縣。 大業初廢州,并廢革

澤縣 及蒲吾縣入焉。 房山開皇十六年置。 靈壽後周置蕭吾郡,開皇初郡廢。

博陵郡舊置定州 後周置總管府、尋罷。統縣十、戶十萬二千八百一十七。

鮮虞 舊日盧奴,置鮮虞郡。 後齊廢盧奴入安喜。 開皇初廢郡,以置鮮虞縣。 大業初置博陵郡,又廢安喜入焉。有

北平 舊置北平郡。 後齊郡廢,又併望都、浦陰二縣來入。 開皇六年又置望都,大業初又廢。 有都山、伊 祁

Щ 有濡水。〔三八]唐舊縣,後齊廢,開皇十六年復。 改爲石邑,七年改日恒陽。 有恒山,有恒陽溪,有范水。 有堯山、郎山、中山。 新樂 開皇十六年置。 恒陽舊日 有黄山。 上曲陽,後齊去「上」字。 隋昌 後魏日 魏昌 開皇

後齊廢。 開皇十六年復,仍改焉。 田極 義豐開皇六年置。 舊有安國縣,後齊廢。 深澤後齊廢,開皇六年復。

安平後齊置博陵郡,開皇初廢。 十六年置深州,大業初州廢。

河間郡舊置瀛州。至於縣十三,戶十七萬三千八百八十三。

河 八年改爲廣城,仁壽初改焉。 間 舊置 河間郡,開皇初郡廢。 束城 大業初復置郡,併武垣縣入焉。 舊曰東州,後齊廢。 開皇十六年置,後改名焉。 文安有狐狸淀。[20]樂壽 景城 舊日成平,開皇十八 舊曰樂城,開皇十 年

改焉。 高陽舊置高陽郡,開皇初郡 廢。 十六年置蒲州,大業初州廢,幷任丘縣入焉。 鄭有易城縣,後齊廢。 開 皇

中置永寧縣,大業初廢入焉。 博野 舊日博陸,後魏改爲博野 ,後齊廢蠡吾縣入焉。 有君子淀。 清苑 舊日樂鄉

後齊省樊與、 北新城、清苑、樂鄉入永寧, 改名焉。 開皇十八年改爲清苑。 長蘆 開皇初置,并立漳河郡,郡

尋廢。 十六年置景州,大業初州廢。 平舒舊置章武郡、開皇初廢。 魯城開皇十六年置。 饒陽開皇十六年分置

安平、蕪蔞二縣,大業初省入焉。

薊舊置燕郡

涿郡舊置幽州,後齊置東北道行臺。 ,開皇初廢,大業初置涿郡。 後周平齊,改置總管府。 大業初府廢。 涿舊置花陽郡 統縣九,戶八萬四千五十九。

良鄉

安次

,開皇初郡廢。

固安

舊日故安,開

皇六

年改焉。 雍奴 昌平 舊置東燕州及平昌郡。 後周州郡並廢,後又置平昌郡。 開皇初郡 廢,又省萬年縣 入焉。有

關官。 有長城。 懷戎 後齊置北燕州,領長寧、 永豐二 郡。 後周去「北」字。 開皇初郡廢, 大業初州廢。 有喬山

歷陽山 大、小翮 Щ 有漷水、港水、涿水、阪泉水。 路舊置 漁陽郡,開皇初廢

上谷郡開皇元年置易州。 志 缯 + $\mathcal{F}_{\mathbf{i}}$ 統縣六,戶三萬八千七百。 地 理 中

巨馬河 陽。 改爲逐城。 平、帶方、永安屬營丘郡。 水。 易 五郡十一 開皇初置黎郡,尋廢。 淶水 十八年改爲淶水。 縣: 有龍山。 舊日 龍城、廣興、 逎縣,後周廢。 永樂 迺舊范陽居此,俗號小范陽。 後齊唯留昌黎一郡,[四]領永樂、新昌二縣,餘並省。 定荒屬昌黎郡;石城、廣都屬建德郡;〔四〕 十六年置縣。 舊曰北平,後周改名焉。有郎山。 開皇元年, 大業初置上谷郡。 以范陽為酒,更置范陽於此。 開皇初改爲迺。 舊有故安縣, 飛狐 後周置,日廣昌。 遂城舊日武遂。 襄平、新昌屬遼東郡; 後齊廢。 六年改爲固安,八年廢。 開皇元年州移,三年郡廢,十八年 有駁牛山、五 仁壽初改焉。 後魏置南營州 永樂屬樂浪郡; 廻嶺。 十年又置,爲 有栗山。 ,准營州置 有易水、徐 富 有 永

漁陽 郡 無終 開皇六年徙玄州於此、幷立總管府。 後齊置, 後周又廢徐無縣入焉。 大業初置漁陽郡。 大業初府廢。 統縣一,戶三千九百二十五。 有長城。

有燕山、無終山。 有狗河、〔四〕如河、庚水、灅

水、濫水。 有海

北 平郡舊置平州。 統縣一,戶二千二百六十九。

入新昌 盧龍 舊置北 ,十八年改名盧龍。 **平郡,領新昌、朝鮮二縣。** 大業初置北平郡。有長城。 後齊省朝鮮入新昌,又省遼西郡并所領海陽縣入肥如。 有關官。 有 臨渝宮。 有覆舟山。 有碣石。 開皇六年又省肥如 有玄水、 盧水、溫

水、「四三関水、龍鮮水、巨梁水。「四八百海

安樂郡舊置安州 ,後周改爲玄州。 開皇十六年州徙,尋置檀州。統縣二,戶七千五百九十九。

燕樂 河 密 後魏置廣陽郡,領大興、方城、燕樂三縣。 雲 後魏置密雲郡,領白檀 要陽、密雲三縣。 後齊廢郡,以大興、方城入焉。 後齊廢郡及二縣入密雲。 又有舊安樂郡,領安市、土垠 大業初置安樂郡。 有長城。 有|沽

後齊廢土垠 入安市、後周廢安市入密雲縣。 開皇 初 郡 廢。 有 長城。 有桃 花山 螺山。 有 漁水。

遼西 口郡舊置 營州 ,開皇初置總管府,大業初府廢。 統縣一 ,戶七百五十一。

柳 城 後魏 置 營州 於和龍城,領 建德、冀陽、昌黎、遼東、 樂浪、營丘等郡、龍城、大興、永樂、帶方、定荒、 石城、 廣 都

陽武、 襄平、新昌、[四十]平剛、柳城、富平等縣。 後齊唯留建德 冀陽 郡,永樂、帶方、龍城、大興等 ,縣,其 餘 並 廢。 開

皇 元年 唯留 建德一郡, 龍城 縣,其餘並 廢。 **尋又廢郡,改縣爲龍山,十八年改爲** 柳 地,城。 大業初, 置 遼西 那。

有

滯

方山、秃黎山、雞鳴山、松山。有渝水、白狼水。

州之域,帝居所在,故其界尤大。至夏廢幽、幷入焉,得唐之舊矣。 述其土風, 稱冀、幽之士鈍如椎,蓋取此焉。 恒 颇訾、屬幷州。 度,爲大梁,屬冀州。 山、趙郡、武安、襄國,其俗頗同。人性多敦厚,務在農桑,好尙儒學,而傷於遲重。 冀州於古,堯之都也。 悲歌 自柳九度至張十六度,爲鶉火,屬三河,則河內、河東也。 、慷慨, 自尾十度至南斗十一度,爲析木,屬幽州。 椎剽掘冢,亦自古之所患焉。 舜分州爲十二,冀州析置幽、并。 俗重氣俠,好結朋黨,其相赴死生,亦出於仁義。 前諺云「仕官不偶遇冀部」,四〇實弊此 其於天文,自胃七度至畢十一 自危十六度至奎四度,為 信都、清河、河間、博陵、 准之星次,本皆冀 故班志 前代

志

第

+

Ŧi.

然乎? 詐。 已來,皆多文雅之士,雖俱曰邊郡,然風敎不爲比也。 西、皆連接 故壤、考之舊說、有料之餘教。汲又衞地、習仲由之勇、故漢之官人、得以便宜從事、其多行 也。 同,人性 殺戮,本以此焉。今風俗頗移,皆向於禮矣。長平、上黨,人多重農桑,性尤朴直,蓋少輕 習,得京、洛之風矣。 魏郡 河東、絳郡、文城、臨汾、龍泉、西河,土地沃少塉多,是以傷於儉嗇。 太原山川重複,實一都之會,本雖後齊別都,人物殷阜,然不甚機巧。 勁悍,習於戎馬。 ,鄴都所在,浮巧成俗,彫刻之工,特云精妙,士女被服,咸以奢麗相 邊郡,習尙與太原同俗,故自古言勇俠者,皆推幽、幷云。 語曰:「魏郡、淸河,天公無奈何」斯皆輕狡所致。 離石、雁門、馬邑、定襄、樓煩、涿郡、上谷、漁陽、北平、安樂、遼 然涿郡、太原,自前代 汲郡、河內,得殷之 其俗剛强,亦風氣 高,其性所尙 俗與上黨頗

北 海郡舊置青州,後周置總管府,開皇十四年府廢。 統縣十,戶十四萬七千八百四十五

叉置 博昌舊日樂安,開 益都 臨淄及時水縣。 舊置齊郡,開皇初廢,大業初置北海郡。 皇十六年改焉。 大業初廢高陽、時水二縣入焉。 又十八年析置新河縣,大業初廢入焉。 有堯山、 有社山、葵丘、牛山 |猫|山。 臨 淄 及東安平、西安,並後齊廢。「四九]開 、稷山。千乘 壽光 開皇十六年置閭丘縣,大業 舊置樂安郡,開皇初郡廢。 皇十六年 初廢

入焉。

臨朐

舊日昌國。

開皇六年改為逢山,又置般陽縣。

大業初改日臨朐,幷廢般陽入焉。

有逢山、沂山、〔至0〕

穆陵山、大峴山。 有汶水、浯水。至一都昌有箕山、阜山、白狼山。 北海舊日下密,置北海郡。 後齊改郡日高陽,

開皇初郡廢。十六年分置潍州,大業初州廢,縣改名焉。 營丘後齊廢,開皇十六年復。 有叢角山、 女節山。

後魏日膠東 後齊廢。 開皇六年復,改爲濰水。 大業初改名焉。 有鐵山。 有既水。

齊郡舊日齊州。統縣十,戶十五萬二千三百二十三。

歷 城 舊置濟南郡,開皇初廢。大業初置齊郡,廢山在縣入焉。 有舜山、雞山、盧山、鵲山、華山、鮑山。

臨邑 臨濟開皇六年置,日朝陽。十六年改日臨濟,別置朝陽。 大業初廢入焉。鄒平 舊日平原,開皇十八年 祝阿

改名焉。 章丘舊曰高唐,開皇十六年改焉,又置營城縣。大業初廢入焉。又朱置東魏郡,後齊廢。有東陵山、長白

山、龍盤山。 長 Щ 舊日武强,置廣川郡,併東淸河、平原二郡入,改日東平原郡。 開皇初郡廢。 又十六年置濟南

縣 ,十八年改武强日長山。 大業初省濟南縣入焉。 高苑後齊曰長樂。開皇十八年改爲會城。大業初改焉。 亭山

舊日 衛國,後齊併土鼓、肥鄉入焉。 開皇六年改名亭山。 有龍舟山、儒山。 淄川 舊日貝丘、置東清河郡。

廢。開皇十六年置淄州、十八年縣改名焉。大業初州廢。

東萊郡 舊置光州 ,開皇五年改日 萊州。 統縣 九,戶 九萬三百五十一。

掖 舊置 東萊郡,後齊併 曲 城、當利二縣 入焉。 開皇初廢郡,大業初復置郡。 有缶 Щ 有按水、光水。〔三〕膠水 舊

日 長廣, 仁壽 元 年改名焉。 有明堂山。 盧鄉 後齊盧鄉及挺 城 並 廢。 開皇十六年復置 盧鄉, 幷 腏 挺 城入焉。 刨

墨後齊 及不 其 縣 並 廢。 開皇十六年復 ,并廢不其入焉。 有大勞山、馬山。 有田横島。 觀陽 後周 廢。開皇十六年

志第二十五 地理中

復,又分置牟州。 大業初州廢。 昌陽 有巨神山。 黄 舊置東牟、長廣二郡、後齊廢東牟郡入長廣郡、開皇初郡

牟 平 有牟山、龍山、金山、九目山。 文登 後齊置。 有石橋。 有文登山、斥山、之罘山

高 密郡舊置膠州 ,開皇五年改爲密州。 統縣七,戶七萬一千九百二十。

山、膠水 十六年置 焉。 年置,日 諸 城 有箕山、潍水。 舊日 牟山。 縣, 東武、置高密郡。 日 大業初改名,幷省安昌入焉。 膠西。 那城 大業初又以黔陬入焉。 舊置平昌郡。 開皇初郡廢,十八年縣改名焉。 後齊廢郡、置琅邪縣, 高密後齊廢淳于縣入焉。 琅邪 開皇十六年置,日豐泉。 大業初復置郡。 廢朱虛? 入焉。 膠西舊日點陬,置平昌郡。開 有烽火山。 大業初改名部城。 大業初改焉。 東莞 有徐山、 安丘 後齊併姑幕縣入 盧山 皇 開 初那 皇十六 | 郵 廢。

縣俗 濟南 作冰 之分 抵數郡風俗,與古不殊,男子多務農桑,崇尙學業,其歸于儉約,則頗變舊風。 不矜于功 野。 ,其俗好 ,賓婚大會,餚饌雖豐,至於蒸膾,嘗之而已,多則謂之不敬, 紈 周 禮 綺 吳札 名,依 繡 職 方氏 純麗之物,號爲冠帶衣 教飾子女淫哇之音,能使骨騰 觀樂,聞齊之歌曰:「泱泱乎大風 於經術,闊達多智,志度舒緩。 『正東曰青州。」其在天官,自須女八度至危十五 履天下。 肉飛,傾詭 始 其爲 太公以尊賢尚智爲教, 也哉,國未可量也。」在漢 失也, 人目。 夸奢朋黨, 俗云「齊倡」,本出 共相 度,爲玄枵,於辰在子,齊 言與行 故士庶傳習其 誚 之時,俗彌 責, 此 謬。 其 此 東萊人尤朴 齊郡 異 也。 侈 也 風 泰,織 祝 舊 茣 大 [1]

校勘記

- (一) 全鳩澗 「全」原作「金」、據水經四河水注改。
- 馳山 「騩」原作「魏」,據水經四河水注改。
- **轘轅山** 「觀」原作「軒」,據佐傳襄公二十一年及元和志五改。
- ᅋ 嵇山 「嵇」原作「稽」,據水經三〇淮水注改。

Ħ.

後置魯州

『廣州』之作『魯州』,蓋隋仁壽中避『廣』字改。」

考異…「魏永安中置廣州於魯陽,而齊、

周因之,『魯州』當爲『廣州』之誤。」求是:「此

- ハドリ 蔡州 「蔡」上原衍「終」字,今删。
- 「もつ 廢十八年縣改名焉 按前後文例、「廢」前似脫「開皇初郡」四字。
- ハベコ 陽虛山 「虚」原作「靈」、據水經一五洛水注改。
- 九九山 甲水 「甲」原作「申」、據水經二七沔水注改。
- 玉城縣 「玉」原作「王」、據周書陽雄傳、元和志六、寰宇記六改。
- 西魏置義川郡 芯 第 + 五 校 楊考:「當云『置義州義川郡」,下云『州改號州』,知有脫文。」 勘 記

- 後周廢 「廢」下 脱「郡」字。
- 上宛 「宛」原作「苑」,據輿地廣記八改。
- 課陽 說文:『课,水也。』
- 二吾 大業併入 依上下文例,「大業」下似脱一「初」字。
- 開皇初郡並廢 「郡」當作「州郡」。
- 出 准之星次 「准」原作「淮」,文義不通。下文冀州序亦作「准之星次」。
- 後齊併涼城縣入焉 句下應補「開皇初郡廢」五字,才能和下文「大業初復置郡」相照應。 今據改。
- 舊置東平郡後齊並廢 楊考引葉圭綬說、「郡」下當有「及無鹽縣」四字。
- **幷省平邑縣入焉** 指該縣。 今據改。 「平邑」原作「玄邑」。按平邑原是戰國地名。 上文「又有平邑縣」, 此處也應
- 淸池 「池」原作「地」、據元和志一八、通典一八〇、舊唐書地理志二改。
- 於辰在辰 「在」下原脫「辰」字,據李慈銘隋書札記補。
- 舊日 鼎 「鄵」原作「郡」,據漢書地理志下、續漢書郡國志二改。
- 千童 縣 楊考:「葉圭經云,『千童』是『發干』之誤。 按漢發干故城在今堂邑縣東南三十三里,

與清泉境相接,葉說是。」

- □ 臺水 「濝」原作「淇」,據水經四河水注改。
- 後魏以潞縣被誅遺人置 楊考:「『置』下當有『刈陵』二字。〔魏書〕地形志: 刈陵,一 二漢晉日

『潞』,屬上黨。」

[刊]開皇初廢 「廢」上當脫「郡」字。

会 管涔山 郝懿行山海經北山經管涔之山注:「寰宇記引郭璞注『管音姦』,是『管』當爲『菅』。」

[1元] 肆州 「肆」原作「泗」、據魏書地形志上改。

CHOD 叉廢銅川 「川」下當有「入焉」二字。

[三] 泌水 「泌」原作「沁」,據水經六文水注改。

[三] 涂水 「涂」原作「徐」,據水經六洞過水注改。

南欒 縣 「欒」原作「蠻」,據魏書地形志上、元和志一五、舊唐書地理志二改。

干言山 汲古閣本,「干」作「于」。 楊考:寰宇記謂詩「出宿于干,飲餞于言」,卽此。

CEC 高城縣 「高」原作「棗」,據元和志一七改。

二七 昔陽 縣 「昔」原作「晉」。 洪頤煊諸史考異:「據水經濁漳水注、元和志,『晉』當作『昔』。」按:寰

字記六一也作「昔」。今據改。

志第二十五 校勘記

有都山 伊祁山有濡水 「祁」原作「祈」,據寰宇記六三改。「濡」原作「漂」,據元和志六二、水經

一一易水注改。

瀛州 「瀛」原作「嬴」。 按:寰宇記六六、後魏太和十一年置瀛州、「以瀛海爲名」。今據改。

〔80〕狐狸淀 「淀」原作「液」,據寰宇記六七改。

[四] 樊輿 「輿」原作「與」,據水經一一易水注改。

置五郡十一縣龍城廣興定荒屬昌黎郡石城廣都屬建德郡 原脫「十」下十五字,據魏書地形志

上補。參看廿二史考異。

[2] 後齊唯留昌黎一郡 原脫[昌]字,據廿二史考異補。

[BB] 泃河 「泃」「原作「泃」、據水經一四島以庄文。 [BB] 泃河 「泃」「原作「洵」、據水經一四鲍邱水注改。

〔晉〕溫水 「溫」原作「涅」,據水經一四濡水注改。

「图7」 巨梁水 「巨」原作「臣」,據水經一四鲍邱水注改。

[智]新昌「新」原作「親」,據魏書地形志上改。

[gc] 仕官不偶遇冀部 「官」當作「宦」。

[四] 及東安平西安並後齊廢 「及」上疑有脫文。

〔至0〕 沂山 「沂」原作「汴」,據水經二五沂水注改。

記

志第二十六

地 彭 餘 歷 鍾 杭 陽 離 城 郡 郡 郡 郡 丹 淮 魯 陽 南 郡 郡 那 宣 城 陽 邪 郡 郡 那 东

郡 郡 郡 龍 始 新 臨 交 安郡 趾 安 JII JII 郡 郡 郡 廬 義 東 永 九 陽 安 陵 平 郡 郡 郡 郡 毗 高 南 永 蘄 H 陵 春 嘉 林 涼 康 海 郡 郡 郡 郡 郡 郡 郡 吳 建 宜 下 此 信 廬 安郡 春 浦 江 邳 安 郡 郡 郡 郡 郡 郡 豫 珠 永 遂 會 同 江. 海 安郡 安 章 稽 崖 熙 都 郡郡 郡 郡 郡

芯

第

+

地

廽

蒼

梧

寧

越

南

海

鄱

陽

長 永 林 武 陵 沙 安 邑 郡 郡 郡 郡 清 南 義 衡 陽 Щ 江 郡 郡 郡 郡 襄 夷 桂 九 陽 江 陵 郡 郡 郡 郡 零陵 春 江 竟 陵 夏 陵 那 那 郡 郡 澧 熙 漢 沔 平 陽 陽 東 郡 郡 郡 郡 安 沅 陵 陸 陵 那 郡 郡

彭城 那舊置徐州,後齊置東南道行臺,後周立總管府。 開皇七年行臺廢, 大業四年府廢。 統縣 十一, 戶一

萬二百三十二。

彭城 縣。 改 以爲臨淮縣, 仁州,又析置龍亢郡。 縣 日 滕 開皇六年改為龍城, 入焉,尋 舊置郡,後周併沛及南陽平二郡入。 原。[]] 改承為 大業初 崩陵 蘭 舊 併入焉。 陵。 開皇初郡廢,大業初州廢。 日 承,置 十八年改爲臨沛, 有 抱犢 沛 蘭 陵郡。 Щ 留後齊廢,圖 符離 開 皇初郡 開皇初郡廢,大業初復置郡。 大業初改日 後齊置睢 開皇十六年復。 穀陽 廢,十六年 南 蕭。 後齊置穀陽郡,開皇初郡廢。 郡 |開 分承置鄶州及蘭陵縣。 有 皇 相山。 有微山、 初 郡 廢,有 滕舊 黄山。 有呂梁山、 竹邑縣 日蕃, 豐 置 ,梁置睢州, 徐山。 大業 蕃郡 又有巳吾、 蕭 舊置沛郡,後 初州廢,又併 **蘄梁置蘄郡**。 後齊 開皇三年州 義城二縣 廢。 開 齊廢 蘭陵、 皇十六年 後齊 後齊置 爲承 廢, 鄶 高 併 叉 城

魯郡 舊院州,大業二年改爲魯郡。行己統縣十,戶十二萬四千一十九。

廢

竹邑入焉。

有女山、

定陶

Щ

方與

後齊

廢

開

皇十六年復

联丘舊廢,開皇十三年復,帶郡。 任城舊置高平郡、開皇初廢。 鄒有鄒山、承匡山。 曲阜舊日魯郡、後齊改郡

爲任城。 開皇三年郡廢,四年改縣日汶陽,十六年改名曲阜。 泗水開皇十六年置。 有 陪尾山、 尼丘山、 防山 有

日博、置 珠、泗水。 泰山郡。 平陸 後齊日樂平,開皇十六年改焉。 後齊改郡日東平、又併博平、牟入焉。 襲丘後齊日平原縣,開皇十六年改焉。 開皇初郡廢,十六年改縣日汶陽 ,尋改日 梁父 有龜山。 博城 有奉高縣 博城

開皇六年改日岱山,大業初州廢、己又廢岱山縣入焉。 有岱山、玉符山。 |嬴開皇十六年分置牟城縣,大業初併入

焉。有艾山。有淄水。

現邪郡舊置北徐州,後周改曰沂州。 統縣七,戶六萬三千四百二十三。

臨沂 舊日卽丘,帶郡。 開皇初郡廢,十六年分置臨沂,大業初併即丘入焉。有大祠山。費 題 史舊日南武陽,

開皇十八年改名焉。又有南城縣,後齊廢。有開明山。新秦後齊廢蒙陰縣入焉。 沂水 舊置南靑州及東安郡,四三

後周改州爲萬州。 開皇初郡廢,改縣日東安。 十六年又改日沂水。 大業初州廢。東安後齊廢,開皇十六年復。

有松山。白舊置東莞郡。後齊廢,後置義唐郡。開皇初廢。

東海 郡 梁置南、北二青州,東魏改爲海州。 統縣五,戶二萬七千八百五十八。

胸 Щ 舊日朐,置琅邪郡。 後周改縣日朐山,郡日朐山。 開皇初郡廢,大業初復,帶郡。 有胸山、 羽山。 東海舊置

廣饒縣 及東海郡,後齊分廣饒置東海縣。 開皇初廢郡及東海縣,仁壽元年,改廣饒日東海。 有謝祿山 鬱林山 漣

水舊日襄賁、置 東 海郡。 東魏改日海安。 開皇初郡廢,縣又改焉。 沭陽梁置潼陽郡。 東魏改日沭陽郡, 置縣日

志第二十六 地理下

八七

下邳 郡後魏置南徐州, 懷文。 後周 改縣日沭陽。 梁改為東徐州, 開皇初郡廢。懷仁梁置南、北二靑州。 東魏又改曰東楚州,陳改爲安州,後周改爲泗州。 東魏廢州,立義唐郡及懷仁縣。 統縣七,戶五萬二千 開皇初郡廢。

七十

郡 宿豫舊置宿豫郡, 廢,後周又併朱沛入高平。 置,並置夏丘郡,尋立潼州。 開皇初郡廢,大業初州廢。 清,開皇三年省入焉。下邳梁日歸政,置武州 郡。東魏又併梁東平、陽平、淸河、歸義四郡爲高平縣,又併梁朱沛、循儀、安豐三郡置朱沛縣。 後周改縣 雕 陵縣, 爲淮陽。 後齊改郡為潼郡。 開皇初郡廢。 開皇初郡廢。 有噿山 開皇初郡廢,十八年更名徐城。 後周改州爲宋州、縣日晉陵。 又梁置潼州,後齊改曰睢州,尋廢,亦入潼郡。 又有梁臨淸、天水、浮陽三郡,東魏併爲甬城縣, 大業初置下邳郡。 磐石山。 良城梁置武安郡 、下邳郡。魏改縣爲下邳,置郡不改,改州曰東徐。後周改州爲邳州 又梁置朝陽、臨沭二郡,後齊置晉寧郡,尋並廢。 開皇初郡廢,十八年州廢,縣復日夏丘。 淮陽梁置淮陽郡。 開皇初郡廢,十一 開皇初郡縣並廢。 東魏併綏化、 後齊改日文城縣,後周又改爲臨 年縣更名曰良城。 呂梁二 又有安遠郡, 徐城 又東魏置 一郡置 有徐山。 夏丘 梁置 級化縣 後齊 高平 臨潼 後齊 郯

剽,其士子則挾任節氣,好尙賓遊,此蓋楚之風焉。 五度至胃六度,爲降婁、於辰 禹貢:「海、岱及淮惟徐州。」彭城、魯郡、琅邪、東海、下邳,得其地焉。 在戌。 其在 列 國,則楚、宋及魯之交。 大抵徐、兗同俗,故其餘諸郡,皆得齊 考其舊俗,人頗勁悍輕 在於天文, 自奎

舊置

郡

開

皇

初

廢

江都郡梁置南兗州、後齊改爲東廣州、 陳復日南兗,後周改爲吳州。 開皇九年 改爲揚州, 置總管府, 大業初府廢 統

縣十六,戶十一萬五千五百二十四。

江 北譙郡。 宫。 舊 廢樂鉅、高塘 城後齊置射陽郡,陳 併入焉。 懷恩縣,後周 山陽舊置山陽郡,開 郡廢,又併竹塘、 初省入。 日尉氏 陽舊日廣陵, 有 陵湖。 盱眙 寧海 後齊改郡 置秦郡。 改日壽張,又僑 江 舊魏置 縣入頓丘,改日新昌。 開 三歸、 都 後齊置廣陵、 皇 爲臨滁,後周又曰北譙。 初 自梁 後齊置秦州 改曰鹽城,開皇 皇 肝 併如皋縣入。 臨澤三 初郡 胎 及隋 郡。 立東平 廢。 ,或廢 縣 江陽 陳置 入 十二年置楚州, 後周 郡。 焉 或置。 二郡。 初那 北 高 十八年又改爲淸流。 改州日方州、改郡日六合。 譙州 安宜 郵梁析置竹塘、三歸 開皇元年改郡為淮陰 麽 開 海陵 開皇初郡廢, 尋省。 清流 皇 梁置陽平郡 初郡廢, 梁置 大業初州 舊日頓丘, 開皇初郡 海陵郡。 改縣爲滁水。 十八年改縣爲邗江, 及 廢。 大業初州廢。 東莞郡。 廢, ,幷立楚州,尋廢郡,更 有 縣, 開 置新昌郡 後魏 皇初郡 開皇初郡 叉併考城、 及置 淮陰郡, 開皇 大業初改名焉。 廣業郡, 廢,又併建 有白禪山、 及 初 廢, 南譙州。 郡 直瀆、 大業 東魏 廢, 四年改尉氏日六合,省堂邑、方山 尋以有 初 改為 陵縣 改縣 叉廢 曲亭山。 陽城 開皇初 更 有銅官山、九鬭山。 名江陽。 淮州, 嘉禾, 入, 日淮陰。 石鱉縣 三縣入。 改為 葬 全椒梁 爲 後齊 析置 入焉 滁州, 神 有江 有 大業初州 農 併 江. 都梁山。 都 日北 魯 郡 浦 有 郡 宮 縣 白 廢。 譙, 富 開 廢, 馬 陵 大業 揚子 皇 湖 鹽 文 置 立 縣 初

志

八七四

二縣入焉。 大業初州廢。又後齊置瓦梁郡、陳廢。有瓜步山、六合山。 永福舊日沛、梁置涇城、 東陽二郡、至東

廢州,併二郡爲沛郡。後周改沛郡爲石梁郡,改沛縣曰石梁縣,省横山縣入焉。 開皇初郡廢。 大業初改縣日永福

九年州郡並廢,又廢丹徒縣入焉。 有香山、永福山。 句容有茅山、浮山、四平山。 十五年置潤州,大業初州廢。有句驟山、黃鵠山、蒜山、長塘湖。曲阿有武進縣 延凌舊置南徐州、南東海郡,梁改曰蘭陵郡,陳又改爲東海。開皇

梁改爲蘭陵,開皇九年併入。

鍾離郡後齊日西楚州,開皇二年改日豫州。〔六〕統縣四,戶三萬五千一十五。

鍾 離 舊置郡, 開皇初郡廢。 大業中復置郡。 定遠舊日東城。梁改日定遠,置臨濠郡。 後齊改日廣安。 開皇初

郡廢。又有舊九江郡,後齊廢爲曲陽縣,縣尋廢。又有梁置安州,侯景亂廢。 化明故曰睢陵,置濟陰郡。 後齊改 置郡

縣日池南,陳復日睢陵, 後周改爲昭義。 開皇初郡廢, 大業初縣改名焉。 塗山舊日當塗。 後齊改日馬頭,

日 1荆山。 開皇初改縣日 塗山、廢郡。 有當塗山。

淮南郡舊日豫州

後魏

日揚州、梁日南豫州、東魏

日揚州,陳又日豫州,後周日揚州。

開皇九年日壽州,置總管府,大業

年府廢。

統縣四,戶三萬四千二百七十八。

壽春舊有淮南、梁郡、北譙、汝陰等郡,開皇初並廢,幷廢蒙縣入焉。大業初置淮南郡。 梁置陳留、安豐二郡,開皇初並廢。 有芍陂。 霍丘梁置安豐郡,東魏廢。 開皇十九年置縣,名焉。 有八公山、 門溪。 長平梁置北 安豐

陳郡,開皇初廢,又併西華縣入。

弋陽郡梁置光州。統縣六,戶四萬一千四百三十三。

名焉、置北建州、尋廢州、置新蔡郡。 梁置義城郡及建州,幷所領平高、新蔡、新城三郡,開皇初並廢。有大蘇山、〔七〕南松山。 後齊置齊安、新蔡二郡,及廢舊義州,立東光城郡。至開皇初,五郡及郢州並廢。 南、北二弋陽縣,後又省北弋陽入南弋陽,改爲定遠焉。 及宋安、光城二縣,又有豐安郡,開皇三年並廢入焉。有弋陽山、浮光山、金山、錫山。定城後齊置南郢州,後廢入 Щ 舊置光城郡。 開皇初郡廢,十八年置縣焉。大業初置光陽郡。 後周改置澮州。 開皇初州郡並廢入, 又後魏置弋陽郡,及有梁東新蔡縣。 又有舊黃川郡, 又改縣爲固始。 殷城舊日包信, 梁廢。 固始梁日蓼縣。 有安陽山。期思 後周改爲淮南郡。 樂安梁置宋安郡, 開皇初改名焉。 後齊改 陳置 叉

邊城郡。 開皇初郡廢、改縣名焉。 有後齊光化郡,亦廢入焉。 有大別山。

蘄春郡後齊置 蘄春舊1 舊置永安郡 日 雍州、〔八〕後周改日蘄州。 「蘄陽, 開皇初 梁改日蘄水。 那 廢。 有石鼓山。 後齊改曰齊昌,置齊昌郡。 開皇初置總管府,九年府廢。 **蘄水舊日蘄春,梁改名焉。** 開皇十八年改為蘄春。 統縣五,戶三萬四千六百九十。 有鼓吹山。 有 「「「「水」 開皇初郡廢。 黄梅舊日永興 有安山。 開皇初 浠水

廬江 郡梁置南豫州, 又改爲合州。 開皇初改爲廬州。 統縣七,戶四萬一千六百三十二。

改日新蔡,十八年改名焉。有黃梅山。

羅

田

梁置義州、

義城郡,開皇

初

並

廢。

開皇初 合肥 梁 那 日汝陰,置汝陰郡。 廢。 有 冶 甫山、上薄山、三公山、聖山、藍家山。 後齊 分置北陳郡。 開皇初郡廢、縣改名焉。 **赛安梁日蘄,開皇初改焉。** 廬江齊置廬江郡、梁置湘州, 有龜山、 紫微山、 亞父山、半 後齊州廢

志第二十六 地理下

八七六

陽山 自石山 四鼎山。 慎東魏置平梁郡,陳日梁郡,開皇初郡廢。 有浮閣山。霍山梁置霍州及岳安郡、岳安縣

後齊州廢。 開皇初郡廢,縣改名焉。 **渒水梁置北沛郡及新蔡縣。** 開皇初郡廢、又廢新蔡入焉。 有墜星山。 開化

梁置。有衡山、九公山、蹋鼓山、天山、多智山。

同安郡梁置豫州, 後改曰晉州,後齊改曰江州,陳又曰晉州, 開皇初日熙州。 統縣五,戶二萬一千七百六

十六

懷寧舊置晉熙郡,開皇初郡廢。 大業三年置同安郡。 宿松梁置高塘郡。 開皇初郡廢,改縣曰高塘,十八年又改

名焉。 有雷水。 太湖開皇初改爲晉熙,十八年復改名焉。 望江陳置大雷郡。開皇十一年改曰義鄉,

開皇初郡廢,十八年縣改名焉。

有浮度山。

十八年改

歷陽郡後齊立和州。統縣二,戶八千二百五十四。

名焉。

同安舊日樅陽,并置樅陽郡。

歷陽 舊置歷陽郡,開皇初郡廢。 大業初復置郡。 烏江 梁置江都郡,後齊改爲齊江郡,陳又改爲臨江郡, 周改爲

同江郡。開皇初郡廢。大業初置歷陽郡。〔五〕有六合山。

丹陽 郡 自東晉 已後置郡 日揚州。 平 陳, 韶並平蕩耕墾, 更於石頭城置蔣州。 統縣三,戶二萬四千一百二

十五元

江寧梁置丹陽郡及南丹陽郡,陳省南丹陽郡。 平陳,又廢丹陽郡,幷以秣陵、 建康、 同夏三縣入焉。 人業 初置丹

陽郡。 有蔣山。 當塗舊置淮南郡。 平陳、廢郡、弁襄垣、于湖、繁昌、[10]西鄉入焉。 有天門山、 楚山。 溧水舊日

溧陽。開皇九年廢丹陽郡入、二二十八年改焉。有赭山、廬山、楚山。

宣城郡舊置南豫州。 平陳,改爲宣州。統縣六,戶一萬九千九百七十九。

宣城舊日 · 宛陵,置宣城郡。平陳,郡廢,仍併懷安、寧國、當塗、浚遒四縣入焉。大業初置郡。有敬亭山。 涇平陳,省

城、定陵、故治、[二]南陵五縣入焉。秋浦舊曰石城。平陳廢,開皇十九年置,改名焉。 安吳、南陽二縣入焉。 有蓋山、陵陽山。 南陵梁置,併置南陵郡,陳置北江州。 平陳,州郡並廢,并所管石城、 永世平陳廢, 開皇十二 臨

年又置。 有靈光山。 級安舊日石封,平陳,改名焉。梁末立大梁郡,又改爲陳留。平陳,郡廢,省大德、故郡、安吉、

原鄉四縣入焉。

毗陵郡平陳,置常州。統縣四,戶一萬七千五百九十九。

晉陵舊置晉陵郡。 平陳,郡廢。 大業初置郡。 有横山。 江 陰梁置,及置江陰郡。平陳,廢郡及利城梁豐縣入

焉。 有毗陵山。 無錫有九龍山。義與舊日陽羨,置義興郡。平陳,郡廢,改縣名焉,又廢義鄉、 |國|山、 臨津三縣入

焉。〔一三〕有計山、洞庭山。

吳郡陳置吳州。 平陳,改曰蘇州,大業初復曰吳州。 統縣五,戶一萬八千三百七十七。

吳舊置吳郡。 **平陳,郡廢,大業初復置。** 有胥山、 ([18]横山、華山、黄山、姑蘇山、太湖。 昆山梁置。 平陳廢, 開皇

十八年復。 常熟舊日 南沙,梁置信義郡。 平陳廢,幷所領海陽、前京、信義、海虞、 興國 南沙入焉。 有虞山。 鳥

程舊置吳興郡。 平陳、郡 腰, 幷東遷縣入焉。 仁壽中置湖州,大業初州廢。 有雉山。 長城平陳廢,仁壽二年復。

志第二十六 地理下

有|||山。

會稽郡梁置東揚州。 陳初省,尋復。 平陳,改曰吳州,置總管府。 大業初府廢,置越州。 統縣四,戶二萬二百七

+ -:

會稽舊置會稽郡。 平陳、郡廢、及廢山陰、永興、上處、始寧四縣入,大業初置郡。有稷山、種山、〔一三〕會稽山。 句

章平陳,併餘姚、鄭、鄭三縣入。[18]有太白山、方山。 炎 有桐栢山。 諸暨有泄溪、大農湖

餘杭郡平陳,置杭州。仁壽中置總管府,大業初府廢。 統縣六,戶一萬五千三百八十。

錢」書 舊置錢唐郡。 平陳,廢郡,幷所領新城縣入。 大業三年置餘杭郡。有粟山、石甑山、 臨平湖。 富陽有石頭

山、鷄籠山。 餘杭有由拳山、金鵝山。 於屬有天目山、石鏡山。 有桐溪。 鹽官有蜀山。 武康平陳廢,仁壽二

年復。有封嵎山、青山、白鵠山。

新安郡平陳,置歙州。統縣三,戶六千一百六十四。

休寧舊日海寧,開皇十八年改名焉。大業初置郡。歙平陳廢,十一年復。 黟平陳廢,十一年復。

東陽郡平陳、置婺州。統縣四,戶一萬九千八百五

金華舊日長山、置金華郡。 平陳,郡廢,又廢建德、太末、 豐安三縣入,改爲吳寧縣。 十二年改曰東陽, 十八年改

名焉。 大業初置東陽郡。 有長山、龍山、樓山、丘山。 [1七]有赤松澗。 永康 烏傷有香山、歌山。 信安有江

山、悲思嶺。有定陽溪。

永嘉郡開皇九年置處州,十二年改日括州。 統縣四,戶一 萬五百四十二。

括倉平陳,置縣,大業初置永嘉郡。 有縉雲山、括倉山。 永嘉舊日永寧,置永嘉郡。平陳, **那廢,縣改名焉。** 有

芙蓉山。 松陽 臨海舊日章安,置臨海郡。平陳,郡廢,縣改名焉。 有赤山、天台山

建安郡陳置閩州,仍廢,後又置豐州。平陳,改曰泉州。 大業初改日閩州。 統縣四,戶一 萬二千四百二十。

園 舊日東侯官,置晉安郡。 平陳,郡廢,縣改曰原豐。 十二年改日閩, 大業初置建安郡。 有岱山、飛山。 建安 舊

皇十二年併蘭水、綏安二縣入焉。

置建安郡。

平陳廢。

南安舊日晉安,置南安郡。

平陳、郡廢、縣改名焉;又置莆田縣、尋廢入焉。

龍溪

梁置,開

遂安郡仁壽三年置睦州。統縣三,戶七千三百四十三。

Щ 舊置 新安郡。 平陳,廢爲新安縣。 大業初縣改名焉, 置遂安郡。 有仙壇山。 遂安平陳廢, 仁壽中復。 桐

廬平陳廢,仁壽中復。有白石山。

雉

都陽郡梁置吳州 陳廢。 平陳 一置饒州。 統縣三,戶一萬一百二。

鄱 陽 舊置 鄙 陽那。 平陳廢,又有陳銀城縣廢入焉。 大業初復置郡 餘干 弋陽 舊日萬陽, 開皇十二年改。

有弋水。

臨川郡平陳,置撫州。統縣四,戶一萬九百。

臨川舊置 臨)|| 郡 平陳,郡廢,大業三年復置郡。 有銅山、黄山。 有夢水。 南城有五章山。 崇仁梁置巴山郡,

志第二十六 地理下

八八〇

領大豐、 新安、巴山、新建、興平、豐城、西寧七縣。平陳、郡縣並廢、以置縣焉。 邵武開皇十二年置。

廬陵郡平陳,置吉州。統縣四,戶二萬三千七百一十四。

廬陵舊置廬陵郡。 平陳廢,大業初復置。泰和平陳置,日西昌。 十一年省東昌入,更名焉。 安復舊置安成郡。

平陳,那廢,縣改日安成。 十八年又日安復。有更生山、長嶺。 新淦有玉笥山

南康郡開皇九年置虔州。 統縣四,戶一萬一千一百六十八。

資舊日南康,置南康郡。 平陳, 郡廢。 大業初縣改名焉,尋置郡。有儲山。 有贛水。 虔化舊日寧都,開皇十八年

改名焉。 有石鼓山。 **等都舊廢,平陳置。** 有金鷄山、 君山。 南康舊日贛, 大業初改名焉。 有廩山、

輸山。

宜春郡平陳,置遠州。統縣三,戶一萬一百一十六。

宜春舊日宜陽。 開皇十一年廢吳平縣入,十八年改名焉。 大業初置郡。 有廬溪、渝水。 **萍鄉有宜春江。** 新喩

豫章郡平陳,置洪州總管府。 大業初府廢。統縣四,戶一萬二千二十一。

豫章舊置豫章郡。 平陳,郡廢。大業初復置郡。 豐城平陳廢。十二年置,曰廣豐。仁壽初改名焉。 建昌開皇

九年省幷、永修、豫章、新吳四縣入焉。[15]建城有然石。

南海郡舊置廣州,梁、陳並置都督府。平陳,置總管府。仁壽元年置番州,大業初府廢。統縣十五,戶三萬七千

四百八十二。

南海舊置南海郡。 廢湞陽縣入焉。 二九有玉山、銀山。 平陳,郡廢;又分置番禺縣,專廢入焉。 始與齊日正階,梁改名焉,又置安遠郡,置東衡州。 大業初置郡。 曲江舊置始興郡。 平 陳, 平陳廢,十六年又 改郡置大庾縣,又

於此置廣州總管。 開皇末移向南海,又十六年廢大庾入焉。 翁源梁置,陳又置淸遠郡。 平陳郡廢。 增城舊置 東

官郡,平陳廢。有羅浮山。寶安 樂昌梁置,日梁化,又分置平石縣。 開皇十二年省平石入,十八年改名焉。

會舊置綏建郡,又有樂昌郡。平陳,二郡並 廢。 大業初又併始昌縣入焉。 化蒙大業初廢威城縣入焉。清遠舊 四

置淸遠郡,又分置威正、廉平、恩洽、浮護等四縣。 平陳並廢,以置淸遠縣。 又齊置齊康郡,至是亦廢入焉。 含涯

梁置衡州、陽山郡。 平陳,州改曰洭州,廢郡。二十年州廢。有堯山。政賓舊置東官郡。 平陳, 郡廢。 懷集 新

會舊置新會郡。平陳,郡廢,又併盆允、永昌、新建、熙潭、化召、懷集六縣入,爲封州。 十一年改爲允州,後又改爲

岡州。 大業初州廢,并廢封樂縣入。有社山。 義寧開皇十年廢新夷、初賓二縣入;又有始康縣,廢入封平。 大業

初又廢封平入焉。 有茂山。

龍 川郡平陳,置循州總管府。大業初府廢。統縣五,戶六千四百二十。

歸善帶郡。有歸化山、懷安山。 河源開皇十一年省龍川縣入焉。又有新豐縣, 十八年改日休吉,大業初省入

焉。 有龍山、亢山。 有修江。 博羅 興寧 海豐有黑龍山。有張 海

義安郡梁置東揚州,後改日瀛州,〔三0〕及陳州廢。 海陽舊置義安郡。 平陳,郡廢。 大業初置郡。有鳳皇山。程鄉 平陳,置潮州。 統縣五,戶二千六十六。 潮陽 海寧有龍溪山。萬川舊日義招,〔三〕

志 第 ニ + 六 地 理 下

大業初改名焉

高涼郡梁置高州。 統縣九,戶九千九百一十七。

高 凉舊置高涼郡。 平陳廢,大業初復置。 連江梁置連江郡。 平陳, 郡廢。 梁又置梁封縣, 開皇十八年改爲義

封。梁又置南巴郡。 平陳,郡廢爲南巴縣。大業初二縣並廢入。電白 梁置電白郡。 平陳, 郡廢。 叉有 海昌 那

廢入焉。 杜原 舊日杜陵。 梁置杜陵郡,又有永寧、宋康 二那。 平陳, 並廢爲縣。 十八年改杜陵日杜原, 宋康 日義

康。 大業二年二縣並廢入杜原。 海安舊日齊安,置齊安郡。 平陳, 那廢。 開皇十八年改縣 名焉。 陽春梁置陽

春郡。

平陳、郡廢。

石龍舊置羅州、高興郡。

平陳,郡廢。

大業初州廢。吳川

信安郡平陳,置端州。 統縣七,戶一萬七千七百八十七。

要舊置高要郡。平陳、郡廢。 大業初置信安郡。 有定山。 端溪舊置晉康郡。 平陳,郡廢。 有端水。 樂城開

皇十二年廢文招、悅成二縣入。一年與、舊置宋隆郡,領初寧、建寧、熙穆、崇德、召興、崇化、 南安等縣。 平陳,郡廢,

幷所領縣入焉。 又梁置梁泰郡及縣。 平陳,郡廢,縣改日淸泰。 大業初廢入焉。 新興梁置新州、 新寧郡。 平順

郡廢。 大業初州廢, 又廢索盧縣入焉。 博林大業初廢撫納縣入。 銅陵有流南縣,開皇十八年改日南流。又有

西城縣,大業初廢入。

永熙郡梁置瀧州。統縣六,戶一萬四千三百一十九。

瀧 水舊置開陽縣、置開陽、平原、羅陽等郡。平陳,郡並廢,以名縣。 開皇十八年改平原日瀧水,羅陽縣爲正義。

大業初置永熙郡,開陽、正義俱廢入焉。懷德舊日梁德,置梁德郡。平陳,廢郡。 十八年改名懷德。 良德陳置

日務德,後改名焉。 安遂梁置建州、廣熙郡、尋廢。〔三三州大業初廢。 水業梁置永業郡、尋改爲縣,後省。 開皇

十六年又置。 永熙大業初併安南縣入。

蒼梧郡梁置成州,開皇初改爲封州。 統縣四、戶四千五百七十八。

封 JI 梁日梁信,置梁信郡。 平陳,郡廢。 十八年改爲封川。 大業初又廢封與縣入焉。 都城開皇十二年省威城、

晉化二縣入焉。 蒼梧舊置蒼梧郡。 平陳,郡廢。 封陽

始安郡梁置桂州。 平陳,置總管府。 大業元年府 酸。 統縣十五,戶五萬四千五百 一十七。

始安舊置始安、 梁化二郡。 平原, 郡並廢。 大業初 **廢興安縣入焉。** 平樂有目山。 荔浦 建陵 陽朔

象 初州廢,並廢 隋化 臨样、黄水二縣入焉。 義既舊日齊熙,置齊熙、黃水二郡及東寧州。 龍城梁置。 馬平開皇十二年置象州, 平陳、郡、 並廢。 大業初州廢。 十八年改州日融州,縣日 桂林 大業 義熙。 初併 四 大業 寧 縣

ス。 陽壽 有馬平、桂林、象、韶陽等四郡。 平陳,並廢。 又有淮陽縣 ,開皇十八年改 目 .陽寧。大業初省入焉。富川

舊置臨賀、樂梁 二郡。 平陳,並廢,置賀州。 大業初州廢,又置臨賀、绥越、蕩山 三縣入焉。 龍平 梁置靜州, 梁壽

静慰 置逍遙郡。 二郡。平陳,並廢,又置 平陳 ,那並 廢。 歸化縣。 又有猛陵 大業初州廢,又廢歸化、安樂、博勞三縣入焉。 開江二縣,大業初並廢入焉。 豪靜梁置開江、武城二郡,陳

永平 那平陳、置藤州。 統縣十一,戶三萬四千四十九。

志 第 = + 六 地 理 下

八八四

郡廢。 成 永 梁置, 平 開 皇 舊置 隋安 日遂成。 九 永平 年置。 開 皇十九 郡 開皇十 大賓 平陳, 年置。 開 郡 皇十五年置 年改名焉。 廢 普 寧 大業置郡。 舊 日陰石 有農山。 賀]]] 武林有鷲石山。 梁 開皇 置 寧人開皇十五年置, 陰石郡。 + 九 年置, 平 陳,那 隋建開皇十九年置。 又陳置 廢 建陵、 日安人。 改縣為 級越、 奉化。 十八年改名焉。 蒼梧、 開皇十 安基 永建 梁 九 置 年又改 等 建陵郡。 有壽 四 郡 原 名焉 Щ 平 平 陳, 陳 淳 戎

鬱林 郡 梁置定州 後改爲南定州。 平陳,改為尹州。 大業初改爲鬱州。 統縣十二,戶五萬九千二百。

並

廢

度 平 鬱 大業二年州廢。 陳, 年改爲嶺山。 林 安成梁置安成郡。 郡 舊置鬱 廢。 阿 林 林 那 樂山 大業初併 平陳 石南陳置 梁置樂陽郡 平陳、郡 那 武綠縣入。 廢。 石南郡。 大業初又置郡 廢。 平 有武緣山。 陳, 寧浦 平陳 改爲樂陽縣。 舊置寧浦 、又廢 宣化 武平、 桂 那、梁 舊置晉興郡。 平梁置桂平郡。 十八年改名焉。 龍山、 分立舊陽郡 懷澤、布山四縣入。 平 嶺山 陳,廢爲縣。 平陳、郡廢。 平陳 「梁置嶺· 那 廢,置簡州。 鬱平 開皇十 山郡。 大業初 八年改名焉 平 又廢皇化縣 領方梁置 陳、改爲嶺縣。 十八年改爲緣州 入。 領 方 馬 那 +

合浦 郡舊置越州。 大業初 改為蘇州,尋改為 合州。 統縣十十,戶二萬八千六百九十。

州合浦 合浦 定川 舊立定川郡。 舊置合浦郡。 立高州 ,尋又分立合州。 平陳, 平陳,郡廢。 那廢。 大同末,以合肥爲合州,此置南合州。 龍蘇 大業初置郡 舊置龍 蘇郡。平 南昌 陳, 北流 郡廢。 大業初廢陸川縣入。 大業初又併大廉縣入。 平陳,以此爲合州,置海康縣 封 山 海康梁大通 大業初廢廉昌 大業初州癈 中, 縣 割番 入。

又廢摸落、羅阿、雷川三縣入。 抱成舊日抱,幷置郡。 平陳, 郡廢。 十八年改曰抱成。 隋康舊日齊康, 置齊康

那。 平陳,郡廢,縣改名焉。。扇沙舊有椹縣,開皇十八年改爲椹川,大業初廢入。 鐵杷開皇十年置。

珠崖郡噪置崖州。統縣十,戶一萬九千五百。

義倫 帶那。 感恩 顏盧 毗善 昌化有藤山。吉安 延德 寧遠 澄邁 武德有扶山。

寧越郡梁置安州,開皇十八年改日欽州。統縣六,戶一萬二千六百七十。

浮山。有武郎江。內亭舊置宋廣郡。平陳,郡廢。十七年改日新化縣,十八年改名焉。 欽江舊置宋壽郡。平陳、郡廢。開皇十八年改曰欽江、大業初置寧越郡。安京舊置安京郡。平陳、郡廢。 南賓開皇十八年置。遵 有羅

化開皇二十年置。 海安梁置,日安平,置黄州及寧海郡。平陳,郡廢。十八年改州曰玉州。大業初州廢,其年又

省海平、玉山二縣入。

宋平舊置朱平郡。平陳,郡廢。 大業初置交趾郡。 龍編舊置交趾郡。 平陳, 郡廢。 朱戴舊置武平郡。 平陳,

郡廢。 隆平舊日武定,置武平郡。平陳,郡廢。 開皇十八年縣改名焉。 平道舊日國昌,開皇十二年改名焉。交

趾 嘉寧舊置興州、新昌郡。平陳、郡廢。 十八年改日峯州,大業初州廢。 新昌 安人舊曰臨西,開皇十八

年改名焉。

九眞郡梁置愛州。統縣七、戶一萬六千一百三十五。

志第二十六 地理下

八八六

九眞帶郡。 有陽山、堯山。 移風舊置九眞郡。 平陳,郡廢。 胥浦 隆安舊日高安,開皇十八年改名焉。 軍

安 安順舊日常樂,開皇十六年改名焉。 日南

日南郡梁置德州,開皇十八年改日驩州。統縣八,戶九千九百一十五。

九德帶郡。 咸驩 浦陽 越常 金寧梁置利州。開皇十八年改爲智州,大業初州廢。 交谷梁置明州,

大業初州廢。 安遠 光安舊日西安,開皇十八年改名焉。

比景郡大業元年平林邑,置舊州,尋改爲郡。統縣四,戶一千八百一十五。

比景 朱吾 壽冷 西捲

海陰郡大業元年平林邑,置農州,尋改爲郡。 統縣四,戶一千一百。

新容 眞龍 多農 安樂

林邑郡大業元年平林邑,置冲州,尋改爲郡。 統縣四,戶一千二百二十。

象浦 金山 交江 南極

得其 陽,人性並躁勁,風氣果決,包藏禍害,視死如歸,戰而貴詐,此則其舊風也。 俗信鬼神,好淫祀,父子或異居,此大抵然也。 、分野。 揚州於禹貢 江南之俗,火耕水耨,食魚與稻,以漁獵 、爲淮海之地。 在天官,自斗十二度至須女七度,爲星紀,於辰在丑, 江都、弋陽、淮南、鍾離、蕲春、 爲業,雖無蓄積之資,然 而 同安、廬江、歷 亦無饑餒。其 吳、 越

自平陳之後,

年不 京口 稼。 年之勤,子女盈室,猶見放逐,以避後人。俗少爭訟,而尙歌舞。一年蠶四五熟,勤於紡績 同。 月五 在, 實 則 其法以五月五日聚百種蟲,大者至蛇,小者至蝨,合置器中,令自相啖,餘一種存者留之,蛇 南康、宜春,其俗又頗同豫章,而廬陵人厖淳,率多壽考。然此數郡,往往畜蠱,而宜春偏甚。 亦有夜浣紗而旦成布者,俗呼爲鷄鳴布。 其俗頗變,尙淳質,好儉約,喪紀婚姻,率漸於禮。 風俗澄清,而道敎隆洽,亦其風氣所尙也。 日蛇 非 人物 一般他 東通吳、會,南接江、湖,西連都邑,亦一都會也。其人本並習戰,號爲天下精兵。俗以五 然數郡川澤沃行,有海陸之饒,珍異所聚,故商賈並湊。 也。自侯景亂後,蠱家多絕,旣無主人,故飛遊道路之中則殞焉。 衣冠之人,多有數婦,暴面市廛,競分錄以給其夫。及舉孝廉,更要富者,前妻雖有積 日爲鬭力之戲,各料强弱相敵,事類講武。 '蠱,蝨則曰蝨蠱,行以殺人。 因食入人腹內,食其五藏,死則其產移入蠱主之家,三 本盛,小人率多商販,君子資於官祿 人,則畜者自鍾其弊。累世子孫相傳不絕,亦有隨女子嫁焉。 新安、永嘉、建安、遂安、鄱陽、九江、臨川、廬陵、 豫章之俗,頗同吳中,其君子善居室,小人勤耕 ,市廛列肆,埓於二京,人雜 宣城、毗陵、吳郡、會稽、餘杭、東陽,其俗亦 其俗之敝者, 稍愈於古焉。 其人君子尙禮,庸庶敦厖,故 五. 干寶謂之爲鬼,其 方,故俗 丹陽舊京所 頗 相 類。

志第二十六 地理下

已南二十餘郡,大率土地下濕,皆多瘴厲,人尤夭折。

自續

南海、交趾,各一

都會也,並

皆然。 雲。有鼓者號爲「都老」,羣情推服。 崖處,盡力農事。 椎 所處近海,多犀象瑇瑁珠璣,奇異珍瑋,故商賈至者,多取富焉。 個人猶呼其所尊爲「倒老」也。言訛,故又稱「都老」云。 釵,執以叩鼓,竟乃留遺主人,名爲銅鼓釵。 結踑踞,乃其舊風。 並鑄銅爲大鼓,初成,懸於庭中,置酒以招同類。 刻木以爲符契,言誓則至死不改。 父子別業,父貧,乃有質身於子。 其個人則質直尙信,諸蠻則勇敢自立,皆重賄輕死,唯富 本之舊事,尉陀於漢,自稱「蠻夷大酋長、老夫臣」,故 俗好相殺,多搆讎怨,欲相攻則鳴此鼓,到者如 來者有豪富子女,則以金銀爲 其人性並輕悍,易興逆節, 爲雄。 諸僚 巢居 大

南郡舊置荆州。 大 農 初 廢。 統 縣 一 十 , 戶 五 萬 八 千 八 百 三 十 六 。 西魏以封梁爲蕃國,又置江陵總管府。 開皇初府廢。七年併梁,又置江陵總管,二十年改為荆州總管。

臺,尋廢入。 **漳川、安遠二郡,屬梁蕃。開皇七年改爲玉州,九年州郡並廢。梁又置安居縣,開皇十八年改曰昭丘,大業初改曰荆** 入,十八年改日長林。 九年置松州,又省歸化、受陵二縣入。十一年州廢,又省宜都縣入。有丹山、黄牛山。枝江 有淸溪山。 公安陳置荆州。開皇九年省孱陵、永安二縣入。有黃山。有靈溪水。安與舊置廣牧縣, 松滋江左舊置河東郡。平陳、郡廢。有涔水。長林舊日長寧縣。 當陽後周置平州,領 開皇十一年省長林縣

開皇十一年省安興縣入,仁壽初改日安興。 又有定襄縣, 大業初廢入。 紫陵西魏置華陵縣, 後周改名焉。 其城

南 面 ,梁置都州,又置雲澤縣。 大業初州縣俱廢入焉。 有硤石山。

夷 陵郡梁置宜州 ,西魏改曰拓州,後周改曰硖州。 統縣三,戶五千一百七十 龙

夷陵帶郡。有馬穴。 夷道舊置宜都郡,開皇七年廢。有女觀山。 遠安 舊日高安,置汶陽郡。 又周改縣日安遠。

開皇七年郡

竟陵 郡 舊置郢州。 統縣 八,戶五萬三千三百八十五

長壽後周置石城郡,開皇初郡廢,大業初置竟陵郡。 又梁置 北新州及梁寧等八郡,後周保定中,州及八郡總管廢

入焉。 有敖山。 藍水朱僑立馮翊 郡、蓮勺縣。 西魏改郡為漢東, 縣爲藍水。 又宋置高陸縣, 西魏改白激水。

皇初 那 廢, 大業初省激水入焉。 有唐水。 後周置, 及置激川 郡 又置 清縣,(三三) 西魏改 日激陂。 開 皇 初

廢,大業 初省激陂入焉。 漢東齊置,日 上蔡,及置齊興郡。 後周 郡 廢。 開皇十八年縣改名焉。 有東溫 Щ° 淸

梁置,日梁安, 又立崇義郡。 後周 廢郡。 後周又有遂安郡、開皇初廢、七 年改 名焉。 有淸騰山。 樂鄉 香置 瓦

寧郡

騰

開

郡

西魏 置 都州。 又梁置旌陽縣,後改名惠懷,西魏 又改日武 Щ 開皇七 年郡 廢,大業初州 廢,又廢 武山 入焉。 有 武 陵

|Щ 豐 鄕 西魏置,又置基州 及 章山 郡 。開皇七年郡廢,大業初州廢。 章山 西魏置,日 祿麻,及立上黃郡。 開皇七年

郡 腏 大業 初 縣 改 名焉

沔陽郡 後周置 復州 大業 初改 日沔州。 統縣五,戶四萬一千七百一十四。

志 第 + 六 地 Ħ 下

八九〇

沔陽 梁置沔陽、營陽 州 城 三郡。 西魏省州陵、惠懷二縣,置縣日建興。 後周置復州 ,後又省營陽、州城二 一郡入 建

興。 開 皇 初州 移郡 廢,仁壽三年復置州。 大業初改建興日 沔陽 ,州廢,復置沔陽 郡 焉。 監利 竟陵 | 舊日 霄城 置

竟陵郡。 後周 改縣 日 竟陵。 開皇初置復州、仁壽三年州復徙建興。 又有 京山縣,齊置 建安郡,西魏改日 光川 後周

郡廢。 大業初京山 縣又廢入焉。 飢山梁置梁安郡。 西魏 改日魏安郡, 置江州, 尋改郡 日 汶川。 後周 置 甑

建德二年州廢。 開皇初郡廢。 有陽臺山。 漢陽開皇十七 年置,日漢津,大業初改焉。

有

沌

水

Щ

沅陵郡 開皇九年置辰州。 統縣五,戶四千一百四十。

远 陵舊置沅陵郡。 平陳, 郡廢,大業初復。 大鄉梁置。 鹽泉梁置。 龍檦 梁置。 有武山。 辰溪 舊日辰陽。

平陳,改名;幷廢故夜郎郡,置靜人縣,喜廢。 又梁置南陽郡、建昌縣,陳廢縣。 開皇初廢郡,置壽州,十八年改爲

充州,大業初州廢。有郎溪。

武 陵郡梁置武州,後改日沅州。 平陳,爲與州。 統縣二,戶三千四百一十六。

武 陵舊置武陵郡。 平陳、郡廢、幷臨沅、沅南、漢壽三縣置武陵縣。 大業初復置武陵郡。 有望夷山、龍山。 龍陽

有白查湖。

清江 郡後周置亭州, 大業初改爲庸州。 統縣五,戶二千六百五十八。

鹽水後周 初置清江縣, 置縣, 十八年改江州爲津州, 幷置資田郡。 開皇初郡廢, 大業初廢州, 大業初置清江郡。 省淸江入焉。 清江後周置施州及清江郡。 巴 一山梁置宜都郡、 宜昌縣, 後周置江州。 開皇初郡廢, 五年 開皇

置清 江縣,大業初州廢。 有 陽瞿 水。 開夷 後周置、日島飛、開皇初改焉。 建始 後周 置業州及軍屯郡。 開皇初郡

廢,五年置縣,大業初州廢。

襄陽郡 江左 並 僑置雍州。 西魏 改曰襄州 ,置總管府。 大業初府廢。 統縣十一 ,戶九萬九千五百七 十七。

入,開 襄 陽 皇 帶 初 寒陽郡。 郡 廢焉。 開 穀城 皇 初郡 舊日 **麼,大業初復置。** [義城,置 一義城郡。 有鍾山、 後周 廢郡、開 幌山、鳳林山。 皇十八 安養 年改 縣 西魏置河 名焉。 又梁有筑陽 南郡、後周 廢樊城、 開 皇 初 廢。 Щ 都 又梁 縣

有 典國 義 城 那 並 西魏 雘 。 有穀 城 Щ 、闕林山 上洪 宋 僑立略陽 縣, 梁又立德廣郡。 西魏 改 縣 日 上洪。 |開

初郡 廢 又梁置 新野 郡 西 魏 改 日威寧,後周 廢。 有亞 Щ 率道 梁置。 漢 南朱月 |華山, 置 華山 那 西魏 改 縣

爲

皇

漢南 屬 宜 城郡。 後周 廢 武 建郡 及惠懷、 石梁、歸仁、鄢等 四 縣入,後省宜 城郡入武 泉。 又梁置秦南郡 後周 幷 武 泉

縣 俱 麼。 有石 梁山。 陰 城 79 魏 置 凯 城 郡 後周 麼。 又梁置 南陽郡 西 魏 改為 Щ 都 郡 後周 省。 義 清 梁 置 日 穰

縣 西 魏 改 爲 義 清 屬 歸 義 郡 後周 雘 郡 及 〉左安、 開 南 歸仁 \equiv 縣 入焉。 又有 武 泉郡 開 皇 初 廢。 有 柤 Щ 靈

Щ 有 檀溪 水 寒水。 南漳 四魏 併 新安、武昌 安武、 建平五 縣 置 に置う。 初 日 重陽, 又立 南 襄 陽 郡 後 周 置

沮州 尋 廢,復 改 重 陽 縣 日 思 安。 開 皇 初郡 廢 一十八 年 改 縣 日 南漳。 有荆 Щ 常平 西魏 置 一,日 義安, 置 長 湖郡 後

改 縣 日 常平。 開 皇 初 郡 廢。 又後魏 置 早停縣 大業 初 廢 都

春 陵 郡 後魏 置 南 荆 州 西 魏 改 日 昌 州 統 縣六, 戶四 萬二千 八百 四十

楽 陽 舊 日 廣昌 幷 置 廣 昌 那。 開 皇初郡廢, 仁壽元年縣改名焉。 大業初置春 躞 郡 叉西 魏 置 東荆 尋 有

志第二十六 地理下

霸 山 有 溲 水 春 陵 舊 置安昌 郡 開皇初 郡 廢。 又後魏置 豐良 縣, 大業 初 廢。 有石 鼓 Щ 有 四 望 水 清潭 有

大洪 Щ 有 清 水。 湖 陽 後魏置 西淮 安郡 及 南襄州 後郡 一般,州 改爲 南平州。 西魏 改曰 昇州 ,後又改日 湖 州。 三台

後周 改置 昇平 郡 開 皇 初 那 廢。 仁壽 初 改 日 昇州, 大業 初州 廢。 叉 後魏 置 順 陽郡 西西 魏 改 爲 柘 林 郡 後 周 省 郡

改 縣 日 柘林。 大業 初 縣 廢入 焉。 有蓼山。 上馬 後魏置 一,目 石馬 後 訛 爲上馬, 因 改 焉。 有 鍾 離 縣 置 洞州 洞 Л

郡 後周州廢 開皇 初郡 廢。 十八年改鍾離日 洞)1[縣, 大業 初廢入焉。 蔡陽 梁置 蔡陽郡, 後魏 置 南 雍州 西 魏

改日 蔡州,分置 南 陽 縣 ,後改日雙泉; 又置千金郡、 瀴源 縣。 開皇初郡 並 廢,大業初州廢, 雙泉 瀴源二 縣 並 雘 入

焉。有唐子山、大鼓山。有瀴水。

漢 東郡 西魏置幷州 ,後改日 隋州。統縣八, 戶四萬七千一 百九十三。

隋 舊置 隨那 西魏 又析置 派西郡及派西縣。 梁又置 曲陵郡。 開皇 初郡並廢。 大業初廢 滅西縣, 尋置漢東郡。 土

爲 山山 漳川 梁 日 縣 龍 巢 開 一置土州、 皇 初 那麼。 東西二永寧、眞陽三郡,及置石武縣。 十八年改左陽 爲眞陽,石武爲宜人。 後周 大業初又改眞陽 廢三 那 爲 齊郡, 爲土山 改龍巢日 ,州及宜人、 左陽 又有 |漳川 阜 並 陵縣 廢入焉。 改

唐城 後魏 日 濒西 置義陽 郡。西魏改獗西 爲下溠 叉 立肆州、葬 日 唐州 後周 省 均、款、損、歸 四州 入、改 日 唐 州。 叉

有 有 淸臺 東魏 Щ 南 豫 州 有 滅 至 水。 一是改爲 安貴 派川 梁置,日 郡,又置 定陽 淸 嘉 叉置 縣。 北郢州。 開 皇 初 那 西魏 並 廢。 改 定陽 十六年 日 [安貴, 改下差日 改 北野州 唐城 大業 為射州 初州 叉尋 及諸 廢 縣 爲 並 溳 廢入焉。 水郡

別置戟城郡 及戟城 縣。 後廢戟城郡、改戟城縣 日横山。 開皇初涓水郡 廢, 大業初又廢橫山縣 入焉。 順義梁置北

改安化 有漂水。 隨那。 日寧化。 西魏改爲南陽,析置淮南郡;以厲城、順義二縣立冀州,萃改爲順州;又置安化縣。 Ŀ 明 西魏置,日洛平縣,開皇十八年改名焉。 大業初州廢,改厲城爲順義,其舊順義及寧化,並廢入焉。有浮山。 有鸚鵡山。 光化舊日安化,西魏改爲新化, 平林梁置上明郡 開皇初郡並廢,十八年 後周又改焉 開 皇初廢。

安陸郡梁置南司州 尋罷。 西魏置安州總管府,開皇十四年府廢。 統縣八,戶六萬八千四十二。

置,日 改縣 安陸 又有平靖郡。 州、梁寧郡。 有角陵山、京山。 山郡,後周 日 應城,又置城陽郡。 舊置安陸郡。 京池。 州郡並廢。 西魏改州爲溫州、改縣爲角陵、又置盤陂縣。 西魏又置平靖縣。 後周置澴州、尋州郡並廢。 富水舊日南新市。 開皇初郡廢,大業初復置郡。 又有環岳郡、開皇初廢。有鳳皇岡。古陽梁置,日平陽,及立汝南郡。四魏改郡爲董城、〔三十〕 開皇初郡廢,大業初縣改名焉。 開皇初郡廢,大業初州廢,又省平靖縣入焉。 西魏改爲富水,又置富水郡。 大業初改縣日吉陽。 有舊永陽縣 有潼水、溫水。 開皇初郡廢,大業初州廢;改角陵曰京山,廢盤陂入焉。 ,西魏改曰吉陽,至是廢入。 又梁置義陽郡,西魏改爲南司州,萃廢。 開皇初郡廢。 雲夢西魏置。 有大龜山、安居 應山 梁置,日永陽,仍置 京山 孝昌西魏置岳州 Щ 舊日 新陽,梁置新 應陽 應州 西魏 及后

永安郡後齊置衡州,陳廢,後周又置,開皇五年改曰黃州。 統縣四,戶二萬八千三百九十八。

黄岡齊日南安,又置齊安郡。 開皇初郡廢,十八年改縣日黃岡。又後齊置巴州,陳廢。後周置,日弋州,統西陽、弋

陽、逸城三郡。 開皇初州郡並廢,大業初置永安郡。黃陂後齊置南司州。 後周改日黃州、置總管府、又有安昌郡

開皇初府廢。 又後齊置瀘州,陳廢之。 木崩梁日梁安、置梁安郡、又有永安、義陽二郡。 後齊置湘州,後改爲北江

第二十六 地理下

志

八九四

州 (三)開皇初別置 |廉城縣、〔元〕尋及州、二郡相次並廢。 十八年改縣日木蘭。 麻城 梁置信安,又有北西陽縣。

義陽郡齊置司州。 陳廢北西陽,置 |梁 日 定州。 北司州 後周改州日亭州,又有建寧、陰平、定城三郡。 ,後復日司州。 後魏改曰郢州, 後周改日申州, 開皇初州郡 大業二年爲義州。 並廢,十八年縣改名焉。 統 縣五 戶 有 ,四萬 陰山

五千九百三十。

義陽舊日平陽,置宋安郡。 開皇初郡廢,縣改名焉。 大業初置義陽郡。 有大龜山、 金山。 鍾山 舊日 酆 後齊改

日齊安,仍置郡。 開皇初郡廢、縣改曰鍾山。 有鍾山。 羅山 後齊置,日 高安。 開皇初廢, 十六年置, 日羅山。 禮

山舊日 東隨,開皇九年改焉。 有關官。 有禮山。 淮源後齊置,日慕化, 置淮安郡。 開皇初郡廢, 大業初縣改名

焉。有油水。

九江郡舊置江州。統縣二,戶七千六百一十七。

盆城舊日柴桑,置尋陽郡。 梁又立汝南縣。平陳,郡廢,又廢汝南、柴桑二縣,立於陽縣,十八年改日彭蠡。 大業

初置郡,縣改名焉。有巢湖、彭蠡湖。有廬山、望夫山。 彭澤梁置太原郡,領彭澤、晉陽、和城、天水。平陳, 那縣

並廢,置龍城縣。開皇十八年改名焉。有釣磯

江夏郡舊置郢州。 **| 梁分置北新州,尋又分北新立上、富、洄、泉、豪五州。 平陳,改置鄂州。** 統縣四,戶一萬三千

七百七十一。

江夏舊置江夏郡。 平陳,郡廢,大業初復置。有烽火山、塗水。 武昌舊置武昌郡。平陳,郡廢,又廢西陵、

縣入焉。 有樊山、白紵山。 永興陳日陽新。 平陳, 改日富川。 開皇十一年廢永興縣入,十八年改名焉。 有五龍

Щ 浦圻梁置上雋郡,又有沙陽縣,置沙州,州尋廢。 平陳,郡廢。 有石頭山、魚繖山 鮑山。

澧陽郡平陳,置松州,尋改爲澧州。 統縣六,戶八千九百六。

遭陽平陳,置縣,大業初置郡。 有藥山。 有油水。石門舊置天門郡。〔三〕〕平陳、郡廢。 孱陵舊日作唐、「三」置

南平郡。 平陳,郡廢,縣改名焉。 安鄉舊置義陽郡。 平陳,郡廢。有皇山。 崇義後周置衡州。 開皇中置縣,名焉。

十八年改州日崇州,大業初州廢。 有澧水。 慈利開皇中置,日零陵,十八年改名焉。 有始零山。

巴陵郡梁置巴州。 平陳,改日岳州,大業初改日羅州。 統縣五,戶六千九百三十四

巴陵舊置巴陵郡。

平陳,郡廢,大業初復置郡。

華容

舊日安南,梁置南安湘郡,尋廢。開皇十八年縣改名焉。 沅

江 梁置,日藥山,仍爲郡。 平陳、郡廢、縣改曰安樂、十八年改曰沅江。 湘陰梁置岳陽郡及羅州, 陳廢州。 平陳,

廢郡及湘陰入岳陽縣, 置玉州。 尋改岳陽爲湘陰, 廢玉山縣入焉。 十二年廢玉州。 羅開皇九年廢吳昌、 湘濱二

縣入。 有潤水、〔三〕泪水

長沙郡舊置湘州,平陳置潭州總管府,大業初府廢。 統縣四,戶一萬四千二百七十五。

長沙 舊 日臨湘、 ,置長沙郡。 平陳、郡 廢,縣改名焉。 有銅山、 錫山。 衡山舊置衡陽郡。 平陳,郡廢,併衡山 湘鄉、

湘西三縣入焉。 益陽平陳,併新康縣 入焉。 有浮梁山。 邵陽 舊置邵陵郡。 平陳,郡廢,併扶夷、都梁二縣入焉。

衡 山 郡平陳、置衡州。 統 縣四,戶五千六十八。

志 第 + 六 地 理 下

八九六

衡陽舊 改名焉。 置 有肥水 湘 東郡。 、酃水。 平|陳 湘潭 ,那廢 平陳,廢茶陵、 新城、 攸水、 陰山、 重安三縣入焉。 建寧四縣 入焉。 有衡山、武水、連水。 有武陽山。 有歷水。 沫陰 舊日沫陽。 新寧 有宜溪 平陳, 水

春江。〔三三〕

桂陽郡平陳、置郴州。統縣三、戶四千六百六十六。

郴 舊置柱陽郡。 平陳,郡廢, 大業初復置。 有萬歲 Щ 有溱水。 臨武 有華陰山。 盧陽 陳置盧陽郡。 平順, 郡

廢。有綠水。

零陵 和平陳初,置永州總管府,尋廢府。 統縣五,戶六千八百四十五

零 陵 舊 百 泉 陵、置 零陵郡。 平陳,郡 廢,又廢應陽、永昌、祁 陽 三縣入焉。 大業初復置郡。 湘源 平陳,廢 洮陽、 灌

陽、零陵 三縣置縣。 有黄華山。 有觀水、湘 水、洮水。 永 陽 舊日 營陽 梁置永陽 郡。 平陳 郡 廢, 併 營 浦 謝沐

縣入焉。 營道平陳,併冷道、 春 陵 縣 入。 有 九疑 通 營山。 馮 乘 有 馮 水。

熙平郡平陳,置連州。統縣九,戶一萬二百六十五

桂 陽 梁置 陽 山郡。 平陳 那 廢。 大業初置熙平郡。 有 貞女山、 方山。 有盧水、 洭水。 陽 山 有斟水。 連 Щ

梁置、 日 廣 德 |隋 改 日 廣澤、仁壽 元年改名焉。 有黃連山。 宣 樂 梁置, 日 梁樂 个,并置 梁 樂郡 平 陳 郡 廢 ~; + 八年 改

爲宣樂。 游安 熙平 舊置 齊樂郡,平陳 ,那廢。 武化 梁置。 桂嶺 舊日 興安,開皇十八 年改 名焉。 開 建 梁

置南靜郡,平陳,郡廢。

其所出,承盤瓠之後,故服章多以班布爲飾。其相呼以蠻,則爲深忌。自晉氏南遷之後,南 者,則與諸華不別。其僻處山谷者,則言語不通,嗜好居處全異,頗與巴、渝同俗。 畢,送至山中,以十三年爲限。先擇吉日,改入小棺,謂之拾骨。拾骨必須女壻,蠻重女壻, 頗息。 從講武所出,楚將伐吳,以爲敎戰,流遷不改,習以相傳。鈞初發動,皆有鼓節,羣譟歌謠, **昔屈原爲制九歌,蓋由此也。屈原以五月望日赴汨羅,土人追至洞庭不見,湖大船小,莫得** 竟陵、安陸,各置名州,爲藩鎭重寄,人物乃與諸郡不同。大抵荆州率敬鬼,尤重祠祀之事, 郡、襄陽,皆爲重鎭,四方湊會,故益多衣冠之緒,稍尙禮義經籍焉。 沅陵、清江、襄陽、春陵、漢東、安陸、永安、義陽、九江、江夏諸郡,多雜蠻左,其與夏人雜居 分野。 故以委之。拾骨者,除肉取骨,棄小取大。當葬之夕,女壻或三數十人,集會於宗長之宅, 振驚遠近,俗云以此厭勝,用致豐穰。其事亦傳于他郡。 馳,櫂歌亂響,喧振水陸,觀者如雲,諸郡率然,而南郡、襄陽尤甚。 二郡又有牽鈎之戲,云 濟者,乃歌曰:「何由得渡湖」」因爾鼓權爭歸,競會亭上,習以相傳,爲競渡之戲。 其迅楫齊 衍書:「荆及衡陽惟荆州。」上當天文,自張十七度至軫十一度,爲鶉首,於辰在巳,楚之 其死喪之紀,雖無被髮袒踊,亦知號叫哭泣。始死,卽出屍於中庭,不留室內。斂 其風 俗物產,頗同揚州。其人率多勁悍決烈,蓋亦天性然也。南郡、夷陵、竟陵、沔陽、 梁簡文之臨雍部,發教禁之,由是 九江襟帶所在,江夏、 諸蠻本

奏,歌吟叫呼,亦有章曲。 著芒心接籬,名曰茅綏。 陽、澧陽、衡山、熙平皆同焉。其喪葬之節,頗同於諸広云。 棺斂,送往山林,別爲廬舍,安置棺柩。亦有於村側瘞之,待二三十喪,總葬石窟。 歌,以箭扣弓為節。 祭哭也。其左人則又不同,無衰服,不復魄。始死,置屍館舍,隣里少年,各持弓箭,遶屍 無巾袴;其女子青布衫、班布裙,通無鞋屬。婚嫁用鐵鈷蟒爲聘財。」武陵、巴陵、零陵、桂 又雜有夷蜒,名曰莫徭,自云其先祖有功,常觅徭役,故以爲名。其男子但著白布褌衫,更 風俗。隱諱其事,謂之刺北斗。旣葬設祭,則親疎咸哭,哭畢,家人旣至,但歡飮而歸,無復 其歌詞說平生樂事,以至終卒,大抵亦猶今之挽歌。 各執竹竿,長一丈許,上三四尺許,猶帶枝葉。其行伍前却,皆有節 傳云盤瓠初死,置之於樹,乃以竹木刺而下之,故相承至今,以爲 歌數十闋,乃衣衾 長沙郡 而

校勘記

- 一〕 滕縣 原作「滕郡」,據元和志九改。
- 大業二年改爲 魯郡 元和志一〇:「大業二年改亮州爲魯州、三年罷魯州 爲魯郡。」
- 大業初 州 廢 廿二史考異:「按志云『州廢』,不云何時置州,蓋有脫文。 以王劭舍利威應記證

之,當置泰州於此。」

- [B] 舊置南青州 楊考:「『舊』下有脫文,當作『舊日東莞』。」
- abla五. 梁置涇 城東陽二郡 廿二史考異:「通鑑胡注引此云『梁置涇州、領涇城、東陽二郡』,當從之。」
- [大] 濠州 「濠」原作「豪」、據元和志九、寰宇記一二八改。
- -L 大蘇山 「大」原作「太」,據水經三二決水注、寰宇記一二七改。
- 雍州 「雍」原作「羅」、據通典一八一、寰宇記一二七、輿地廣記二一改。
- へ た し 大業初置歷陽郡 「歷陽」下已注「大業初復置郡」,此句當是衍文。
- [0] 繁昌 「繁」原作「樊」,據宋書州郡志一、南齊書州郡志上改。
- 廢丹陽郡入 年五月。 「江寧」下已注「廢丹陽郡」,此處當作「廢丹陽縣」。 丹陽縣見梁書敬帝紀太平元
- 故治 按寰宇記一〇五,南陵縣「自齊梁之代,爲梅根治,以烹銅鐵」。此處「故治」疑當作
- 臨津 「津」原作「澤」,據宋書州郡志一、南齊書州郡志上改。

「故冶」。

- 胥山 江 人立祠於江上,因名胥山。」水經四〇洲水注所記胥山大致 「胥」原作「首」。寰宇記九一:「胥山在吳縣西南四十里。 和同。 吳錄云,吳王殺子胥,投之於 今據改。
- 種山 種 」原作「重」。 寰宇記九六:「種山在山陰縣北三里餘。 吳越春秋云,大夫種所葬處。」

志

第二

+

六

校

勘

記

水經四○淅水注官本作「重山」,趙一淸校本改爲「種山」。 今據改。

鄮 原作「鄭」,據漢書地理志上、續漢書郡國志四 改。

出 龍山 樓山 丘山 龍山、丘山、續漢書郡國志四太末縣注作「龍丘山」,不是分爲二山。

省幷永修豫章新吳四縣入焉 楊考:「『幷』當是『艾』字之誤。 名勝記亦云, 艾縣隋省入建昌。

湞陽縣 「湞」原作「須」,據宋書州郡志一改。

瀛州 瀛」原作「嬴」,據寰宇記一五八改。

義招 原作「昭義」,據宋書州郡志一、南齊書州郡志上改。 寰宇記一 五八引南越志作「義昭」。

「尋廢」下疑脫「郡」字,因州至大業初始廢。

梁置建州廣熙郡尋廢

又置清縣 楊考:當是梁置。 志脫「梁」字,文遂不順。

柤山 「柤」原作「祖」,據寰宇記一四五改。

至 西魏併新安武昌武平安武建平五縣置 「武平」原作「平武」、「建平」原脫「平」字,據南齊書州

郡志 下補改。

西魏改曰昇州後叉改 日湖 州 廿二史考異:周書文帝紀,魏廢帝三年改南襄州爲湖州,

董城 爲昇州 「董」原作「重」,據梁書簡文帝紀、興地紀勝七七改。 ,明是二州,志混而一。」

爲 __°

三型 廉城縣 魏書地形志中,北江州治鹿城關。 楊考疑「廉城」是「鹿城」之誤。

天門郡 「天」原作「石」、據宋書州郡志三、水經三七豐水注改。

作唐 「唐」原作「塘」,據宋書州郡志三改。

潤水 「潤」原作「渭」、據水經三八湘水注改。

春江、 「春」原作「春」,據水經三八湘水注改。

洭水 「洭」原作「淮」、據水經三九洭水注改。

